



O 1357

ARTIS MAGNÆ
ARTILLERIÆ
PARS PRIMÆ.

Studio & operâ
CASIMIRI SIEMIENOWICZ
Equitis Lithuani,

Olim Artilleria Regni Poloniae Proprefecti.

THE OVALS ITA

THE OVALS ITA

THE OVALS ITA

THE OVALS ITA

THE OVALS ITA



Engraving by Symonowicz in aent. et delineaui.

Apud IOANNEM IANSSONIVM. A. MDCL.

In Nova Amsterdam.

SERENISSIMO ET POTENTISSIMO
P R I N C I P I
D O M I N O : D O M I N O
LEOPOLDO
GUILHELMO
ARCHIDUCI AUSTRIÆ
DUCI BURGUNDIÆ. &c.
EPISCOPO ARGENTINENSI.
PASSAVIENSI, OLMUSENSI.
S. Mariæ TEUTONICORUM
MAGNO MAGISTRO. &c.
REGIS CATHOLICI
IN BELGIO ET BURGUNDIA
V I C A R I O.

SUMMORUM IN ORBE IMPERATORUM
MAGNÆ PROSAPIÆ:
MAIORUM SUORUM ET SUIS PRÆCLARE GESTIS
INTER EUROPÆ PRINCIPES
E M I N E N T I:
HERCULI MARTIQUE GERMANO:
INTER ARMORUM STREPITUS, ET MACHINARUM
BELLICARVM FVLGINEOS MVGITVS
IMPERTERRITO

H E R O I:
ARTIUM BONARUM MÆCENATI:
FORTI, PIO, FELICI, CLEMENTI, VICTORI,
T R I U M P H A T O R I.

Præmisso omnium prosperitatum, quas hu-
mana conditio vel optare, vel capere potest, voto,

^{H A N C}
ARTIS MAGNÆ
ARTILLERIÆ
PARTEM
MAGNI PRINCIPIS OCULIS
NON INDIGNUM OPUS

*Submisè dicat & offert : utque Sua Celsitudo eo vultu, quo omnes honestos conatus excipere solet,
hunc quoque laborem intueri, ac ut sub tanti Nominis clypeo malevolorum tela eo fa-
cilis depellat spernatque, se in tutelam suam recipere dignetur,*

Humillimè orat

AUGUSTISSIMO PRINCIPI

Devotissimus.

CASIMIRUS SIEMIENOWICZ

Eques Lithuanus

olim

Artilleriæ Regni Polon: Przefectus

LECTORI



N tibi amice lector *Artem*, quam nec veteres Romani olim gentium domini, scientiâ rei bellica, ac inventis & usu armorum militarium toto orbe celeberrimi: nec Graci omni nobilissimarum artium genere clarissimi, ac inter ceteras coetaneas gentes ob id facile Principes, scire unquam. Superiora non repeto: aurea videlicet illa tempora, non armorum duntaxat & militia, sed neque malitia gnara, de quibus sic cecinit poëta:

Nondum præcipites cingebant oppida fossæ,
Non tuba directi, non æris cornua flexi,
Non galeæ, non ensis erat, sine militis usu
Mollia securæ peragebant ocia gentes.

Deterior hanc quæsecuta fuit atas, crescente in dies avaritiâ, & ambitione, atque malitiâ cum probitate & innoxia decertante simplicitate, militia subnata est. Hac non bellum peperit bellum, horrendam quasi, totique humano generi infestam belluam. Hinc ad arma proclamatum. Sed simplicissima primum hac talia fuere: illa videlicet non quæ ars aut ingenium, sed quæ natura ipsa vel ad suimetipsum defensionem; vel alterius suaserat offensionem. Itaque morsu, pugnâ, calcibus, atque corporum luctatione belli initia orsi sunt. Illicò tamen calore artus occupante, Mars effervescens ad efficaciora fundendisque hostibus aptiora capienda arma, instigavit bellatores. Vidisses eâ tempestate, hos summo nisu evellentes radicitus arbores; illos frondes grandiores frangentes, sparisque & fustibus paratis, in hostem ruentes; quosdam minores flexibilioresque ramusculos in arcum lentatos, & extremis per transversum phylrâ revinctis, atque cestros, & acutiores atque directas virgulas adaptatas, sine ullo artificio emittentes, atque incertò destinantes: quosdam lapides manu in propinquiorem; non nullos in remotiorem cingulis insertos, projectientes. Hinc arcuum, sagittarum, fundarumque manavit origo. Quos mortis vulnorumque invaserat formido, corticibus ex arboribus morsu aut anguibus detractis, caput atque pectora velantes. Hinc galeæ, atque thoraces prodire. Sed quemadmodum omnis malitia ingeniosa est; sic & militia inventa ex perduto malorum genio crevere in dies, in commune omnium malum: Nam paucis post interjectis annorum intervallis in visceribus terra arma quasita; ferri vena detecta; fabrilis ars instituta; officina armorum parata; cusi gladii; hasta cuspidibus, sagittæ spiculis armata; clava, flagella præferata; lorica, cassides, umbones, & universa his similis armorum supellex, fabricata. Inde illi qui talia commentii sunt, usumque sapiusculè tractando didicere, cæteris rudioribus formidabiliores fuere. Sed timidos docuit natura munimentis & arcibus ad arcendam fortiorum incursionem atque insultum sese præmunire. Hinc prima Architecturæ Militaris rudimenta. Verumtamen ne sic quidem illi miseri fuere tuti intra murorum vallorumque septa delitescentes: namque furibundi, quos & belli rabies & amor incitabat habendi, nil nisi violentiam meditantes, facile ad tales quoque latebras perfringendas demolendasque arma & machinas invenerunt. Cucurrere illicò ad nemora, & prostratis ingentissimis arboribus, exterminatoria fecere machinamenta, quæ validi, & plures numero juvenes manibus lacertisque sustinentes, reciprocatone ictuum morantia perfringere claustra conabantur. Talibus à similitudine, arietis nomen inditum. Non nulli qui ingenio valebant, scansoria parabant instrumenta; alii alia quibus eminus laderent hostes, & ingentia librarent pondera, & jacula. Tum primum vidit orbis scalas, sambucas, ballistas, catapultas, scorpiones, cetera quis enumeret? Reperti sunt etiam quidam, qui ignes atque ignita tela ita ut rudis illa & indocta præceperat atas, præparata, in hostem destinarant: & talia tum faces malleoli, aut phalarica, aut aliter appellata: fueruntque ista quasi præludia quadam nostræ Pyrotechniæ. Sed ut eò unde digressi sumus revertamur, si nomina eorum qui primi talium machinamentorum armorumque artificialium extitere inventores, perscrutari voluerimus, ludemus profectò operam: namque nil certi ea de re ex veterum monumentis eruere poterimus; sed neque ista hujus loci sunt.

AD LECTOREM.

Obiter tamen atque generaliter quadam de iis dicere poterimus. Itaque Eusebio, & qui hunc secutus est, Iusto Lipsio videtur, ut sacra, imperia, artes omnes; sic & hac talia ex oriente in reliquum orbem profluxisse, Moyssemque multorum armorum architectum fuisse, ut id ex Ezechiele, aliisque Scriptura Sacra locis luculenter patet. Sunt nihilominus tamen plurimi, qui Romanis atque Gracis ista attribuant. Verumtamen haud certò constat quam gens prior inventis fuerit, an Romani hauserint à Gracis, an à semet ipsis habuerint. Athenao quidem videtur Romanos didicisse à Gracis; sed & Romanos à semet ipsis habuisse, non vulgaria evincunt documenta. Fusius hac de re dicemus alio loco. Communem porro prophana historiarum scriptorum sequendo sententiam, Romanos pariter ac Gracos inventis olim militaribus in tantum valuisse asserere licet, ut nil amplius à posteritate adinveniendum addendumque fore, firmissimè crediderint: unde & ab Aristotele sui temporis machina & arma, exquisitissima perfectissimaque dicuntur. Servavit nihilominus tamen incomprehensibilis illa natura, omniumque scientiarum & mirabilium inventionum fons & origo, horrendum ac terribile Artis nostræ, quam hoc opere ad tractandum nobis proposuimus inventum, in ultimos usque senescentis, & jam planè decrepiti mundi dies, reconditum. Huius causam ne quaesieris: namque etiam nunc plurima latent, quæ postea invenientur, invenientur ut rursus pereant, tradanturque in oblivionem. Et Arati oraculum est:

———— Πάντα γὰρ ἔπο
 Ἐκ Διὸς ἄνθρωποι γινώσκουσιν ἀλλ' ἐπὶ πολλὰ
 κέκρυπται τῶν αἰεὶ θέλη, καὶ ἰσχυρὰ δώσει Ζεὺς.

———— Omnia nondum
 Ex Jove scire datum est homini: sed multa supersunt,
 Atque occulta latent; quæ cum volet, ipse docebit
 Jupiter.

Habet porro postrema hac atas (ut sacris commonemur literis) quo se ceteris quæ præcessere, jure merito nobiliorem, excellentioremque depradicit, immò dominam jactet. Ferrea fuisse primùm dum Romani, Gracorum, totiusque penè orbis ruinis, ad summum imperium suum perduxerant culmen, viribusque pollerent; nunc jam verè ignea sunt sæcula. Perdomuerat viceratque quidem ferreum molliora cetera, à suis dicta metallis tempora; sed & ipsummet non domitum victumque modò, immò in favillam ac penè nihilum, ab igneo redactum est. Roma quondam caput orbis, ac ferro nobilis, tot aureas, quas ferro detraxerat gentium capitibus coronas, suamque ornaverat, an oneraverat potius, ignea tandem detulit genti: & vix spirans, è propriis ruinis, ac cinere, miserum attollens caput, Teutonicum veneratur martem. Omnis ejus decor, & imperii majestas, plurimis primùm imminuta rapinis, & sædis obscurata incendiis, tandem ad hos qui igneis, immò divinis, quia è calo depromptis, armis valere, concessere. Vt itaque de imperio, sic & de armis, quorum olim barbari sensere vires, triumphavit Germana virtus. Hic porro mirabilis rerum humanarum notanda vicissitudo, atque inconstantia. Tam terribiles, tamque vehementes veterum machina, in quibus excolendis, atque ad summam perducendis perfectionem, per tot sæcula, præcipua defudarunt ingenia, ad conspectum unius Bombardæ evanuerunt. Inventorem ejus nunc sileo: hominem tamen Germanum, professione vel Monachum, vel Chymicum philosophum eum fuisse, etiam vulgo notum; quantumvis adhuc id indecisum apud sapientes maneat. Sed quisquis ille fuerit, ab industria & ingenio laudandus est: novum enim, nec antehac auditum, visumque, & maximè anceps humanis rebus, inventum, primus in orbe publicavit: quem illicò tam ingenti horrore perculit, ut passim ab omnibus de viribus humanis conclamaretur, illudque revocaretur Archidami Agesilai filii dictum, dum Catapultam è Sicilia allatam primo conspexisset: Ἀπὸ λωλὲν ἀνδρὸς ἀρετῆ: periit viri Virtus. Nec sanè immeritò pavor ille mentes omnium eà tempestate occuparât. Quid enim queso aut terribilius, aut violentius unquam ingenium humanum in suam perniciem comminisci poterat? Crederet alter non mortali id operâ præstitum fuisse; sed plurima Martem, plurima Palladem, quadam Bellonam, Mercurium, Vulcanum, ceterosque deos, deasque, in fabricam tam horrenda

AD LECTOREM.

horrenda atque ingeniosa contulisse machina. Non muri, non claustra ulla, non ferro munita acies, tam vehementes ejus valent perferre ictus; sed quassata dissiliunt, sternunturque. Fragore velaquat, vel superat tonitrua; impetu haud fulmini cedit. Palam nunc est non naturâ tantum, sed & arte, non in cælo sed in terra tonitrua & fulmina cieri. Si flammam & atrum fumum; fatoremque intolerabilem consideres, talibus tartara imitatur. Perdidisset olim nullus dubito, Iupiter imperium, & collapsis Olympi manibus cecidisset, si Gigantes talibus instructi armis, contra eum belligerassent.

Quicquid igitur seu boni, seu mali ex invento Gigantis nostri in genus humanum redundavit, Ars nostra, quam nunc ARTILLERIAM appellare solemus, inde suam repetens originem, comprehendit. Ex minimis quidem illa (ut omnibus artibus commune est) orta principis; (ut aliquando fasè docebitur) sed stupendis progressa mediis, & ad summum denique evecta tulmen, ARS quoque MAGNA vocari meruit. Et re vera, si illa qua nunc ejus beneficio in orbe aguntur, rectè perpendas, talia reperies, quæ nil nisi magnam tibi pariant admirationem. Fingamus nobis tot Martes Herculesque, qui olim ad sui temporis arma intrepidi consistere; si nuncstrarum machinarum fulmineum exaudirent fragorem, viderentque effectum, annon subito stupor quidam timori permixtus, invaderet eorum animos; mentemque opprimeret pavor? Induant licet ferror thoraces, aut illos veterum impenetrabiles omni telorum genere loricas; sine denique toti ferrei, non illi tela qua ars nostra parare docet, perferent ulla senus; sed exanimis procumbent illic. De munitissimis nil dico urbibus: sint licet ahanei aut adamantini muri, docebit ars nostra modum hos quoque perfringendi, comminuendique. Armato portas ferreis, crassis ut tibi videbitur, laminis, cardinibus, ferraculis, claustris, pessulis, repagulis: adde crates, & firmissimas catenas; rampimus hac omnia, atque dissilire facimus, nictu oculi: Cervos, ericios, obices, palos, pontesque pensiles, frangimus: Moles terreas ingentissimas; immo montes ipsos in orbe altissimos funditus evertimus: Domorum parietes, & universam mollis ac venusta Architectura fabricam, demolimur, dissipamusque: Incendiis vastamus urbes: Ignem sub aquis & in aquis excitamus inextinguibiles: Classes marinas disjicimus, quassamusque, ac in profundo submergimus: tot hominum millia unico momento morte opprimimus: Pontum & flumina, terram & aëra, flammis & igne replemus: fulguramus denique, tomamus, totum permiscemus orbem. Hac verò talia; immo plura etiam, artis nostra freti regulis, patramus. Annon igitur jure merito MAGNAM illam dixeris; etiam mirabilem & humanum excedentium capium rerum effectricem, ac magistram?

Hac sola etiam plurimum liberalium disciplinarum, artiumque mechanicarum compendium quasi quoddam, & concursus in unum est. Reperiet hic Arithmeticus, quod suis notis ad calculum reducat: Geometra quod dimetiatur, suis mensuris: Naturalis philosophus subtiles naturalium rerum quaestiones, in quibus se exerceat: Mechanicus quod ponderet, sublevet, comprimat, trahatque suis machinis: Chymicus quod suo igne solvat, atque coquilet: Architectus Civilis suam eurythmiam, atq; symmetriam in proportionibus, subtilibusque dimensionibus, variarum fabricarum, plurimorumque hujus artis operum: Militaris verò universam planè artem munitariam: Tacticus optè locandarum in praeliis campestribus inter militares ordinatas acies, machinarum bellicarum rationem: Pneumaticus, atque Hydraulicus, tuborum fistularumque quibus vel spiritus, vel aqua exprimuntur ducunturque, admirandas subtilitates; immo vix absque piaculo hac utraque scientia ab arte nostra excludi potest: Piscatores & Optici inquisitum sunt hic cum suis artibus. Præterea Historicos atque Poetas, & alios, quorum singuli plurimum hujus arte jure quasi merito debent, aut vicissim ex illa bonumant. Cum parvo alteri ex dictis artibus sigillatim sumpta talia exercere licet, qualia hanc nostra? sed licet plures oriam in unum componas, si nostra desit, laboris tui & impensarum poenitebit, si ad similia artis nostræ opera patranda te composueris. Quantum ad opificia artesque illiberales: concurrunt hic Plasta, Sculptores, Fusores, Lapidæ, Tornianes, Fabri tignarii, Arcarii, Claustrarii, Ferrarii, Poliones, Bractearii, Epipiarii, Carpentarii, Framifices, Restiarii, Victores, & sat alii, qui omnes ad præscriptam hujus solertiissima Magistra suam præstant operam:

omnes

AD LECTOREM.

omnes verò uno ore proclamant magnam esse artem, cui tot alia artes famulantur. Sed jam ordinem statumque militarem videamus: annon summus illic huic arti habetur homo? Ita omnino: nam ejus Praefectus, Magnus dicitur Magister, peculiari post Ducem exercitus, Magistrumque equitum dignitate. Ejus locum tenentes, caterique officarii, vario ordine ac officio, in quo etiam aliqui Nobilitatis titulo insignes; proprium ararium; distincta castra; quibus etiam primus & optimus nunc eligitur locus: apud Romanos quoque olim, cum umbra duntaxat quadam artis hujus esset, ad dextram Pratoris, & quam proximè, etiam supra legatos, in Quaestorio vasis omnibus bellicis, machinisque ex quibus ars nostra sua duxit initia, podium assignabatur. Si praeogativas & immunitates varias personarum, quae huc spectant, & in hac arte faciunt professionem, requiris, ante omnes alias, quotquot militiam sequuntur, maximis certè eas gaudere reperies. Neque id immerito sanè: ut enim alias majoris praecminentiae, & dignitatis, missas faciam, super quibus persapè totius exercitus versatur incolumitas, & tot emolumenta in universitatem redundant; unicus vulgaris tormentorum librator, quem & pyxidarium alii dicunt, centum gregariis antestat militibus; immò longè eosdem superat; si modo nomini res ipsa conveniat. Sed & ii suas pronuncient sententias, quos militaris docuit praxis, machinas nostrates bellicas, totque innumera quae ars nostra docet, cor esse totius militiae: & illi qui haec talia tractant, annon principalia sunt totius corporis belli membra? quibus ob imperitiam, aut aliquem defectum languentibus, totum quoque corpus languescere necesse est.

Artis nomen, ut olim sic & nunc varium est, etymon quoque incertum. Antiquitus quidem à primis suis inventoribus Ars Bombardaria dicta, à terribili scilicet tormentorum bombo, vel sonitu, & ardore: unde & ii qui huic arti operam dabant, Bombardarii vocabantur, quae vox etiam in hanc usque diem apud Italos mansit, Bombardieri enim illis dicuntur tales. Aut si ex eorundem idiomate deductionem hujus nominis inquirere placet, à vehementi percussione, & insictu machinarum, dictam reperiemus; cum iis dicatur bombardare una città, quod nobis oppugnare tormentis, & quaterere civitatē.

Pyrotechnia quoque vocabulum non in congruè omnino illi inditum, ex Græco πυρ ignis, & τεχνη ars, quasi ignea ars, quae ignes artificiosos, aut tot miracula, quae etiam dolos quosdam, seu technas dicere possis, parare docet: atque πυρ τεχνης & τεχνικὸς artificiosum & ingeniosum significat, unde & πυροτεχνικὴ & igneum ingeniarium, seu ignium ingeniosum artificem denotat. Hanc appellationem retinemus nos in opere nostro, illamque tam arti, quam & ejus cultoribus, tribuimus sapiusculè.

Sed & Pyrobolia nomen indidere eidem nonnulli, cuius etiam etymon ex Græcis literis petendum, nempe ab ignitis telis; vel quod ignem, & igne jaculandi rationem proponat; βολὴ enim Græcis jaculum seu telum significat, & βάλλω, idem quod jacio, vel jaculor nobis est.

Ballistica etiam, & Aconismologia quodammodo dici posset, etiam à jaculis & jaculandi ratione nomen derivando; sed haec voces non tam toti arti quam parti ejus duntaxat, nempe illi quae circa jacula ridè libranda versatur, propriè competant.

Artilleria, porro nomen quo nunc haec ars insignitur, & quo nil notius atque celebrius est, unde suum deducat etymologiam, nil certi apud criticos. Ab Italis tamen haec vox venisse videtur: Artigliaria enim illis ut ars ipsa sic & tormentum quoddam bellicum majus, dicitur. Hoc verò nomen derivatur ab illorum vocabulis artigli, quod unguis significat, vel artiglio, quod Latinis articulus est. Ab avibus enim rapacibus (ut sunt Gryphaeae, falcones, accipitres, sacri, & id genus aliae) propter illarum ungues aduncos, atque articulos, quibus eas ad quarendum sibi vitulum sagax natura donavit, & celerem volatum, corporis levitatem, alarumque perenne remigium, quibus ceteras aves superant, suntque in infeste, nominabant olim, etiam nunc tormenta bellica, non Italis duntaxat, sed & aliis, idque ob similitudinem motus per aëra, & impetus globorum tormentariorum, & tormentis explosorum. Sed de nomine quod arti inditum, ejusque derivatione non nimis solliciti sumus, ut ut illam vocaveris, Magnam certè esse artem, & nullis antiquam abundè satis laudum encomiis adornatam iri, certo scito. Hujus nos igitur dignitate promoti, atque dulcedine affecti, quod videlicet praefer summas animi oblecta-

tiones

AD LECTOREM.

riones quibus illi operam dantes perfundi solent, id etiam observaverimus quod sola in
 statu militari earum sit virium, & tanta apud omnes existimationis, ut suos cultores ad
 maximos persapè ducat honoris gradus: & vidisse nobis aliquando licuit, non eos dunta-
 xat qui eam apprimè callerent, sed etiam qui falsâ opinione de sua peritia vulgum demen-
 taverant, ut qua dicerent, quia loqui didicerant, omninò illis crederetur, præcipua affecu-
 tos fuisse munia & officia bellioa. At teneris itaque annis omnibus aliis postpositis exerci-
 tiis statum politicum concernentibus; in quo & majorum benè placita, & conditionis statuf-
 que nostri ratio nos versari volebat, militiae primùm sacris nos initiavimus: tum post-
 modum omnibus viribus huic arti perdiscenda incubuimus: cujus tanto desiderio teneba-
 mur, ut nullis unquam sumptibus, (quantumvis id cum maximo facultatum nostrarum
 dispendio fieret,) parceremus, si quid sese ejusmodi obtulisset, quod vel nostram fugeret
 notitiam, vel nondum ad praxim reduxissemus. Sed cum & ex amicorum consilio, & ex
 nobismetipsis didicissemus, quàm curta nobis foret supellex, nec quòd unquam præfixam
 tangere metam ad quam collineabamus, possemus, si hanc artem vulgari modo disceremus;
 sed plurima etiam alia requiri ad perfectam, omnibusque numeris absolutam, hujus artis
 notitiam acquirendam. Quapropter complures didicimus artes tam liberales quàm mecha-
 nicas quæ Artem Magnam vel juvant, vel ornant. In liberalibus numeramus Arithme-
 ticam, Geometriam cum suis partibus, Mechanicam vel Staticam, Hydraulicam, Pneumati-
 cam, Architecturam Civilem; & Militarem seu Fortificatoriam, Graphicen, Opticam, Ta-
 cticam: Philosophia etiam naturalis atq; Chymica aliquâ nobis comparavimus notitiam.
 Hisce adjunximus nobiliora quadâ opificia, ut Plasticem, Sculpturam, Toreuticem, artemq;
 Fusoriam. Talibus igitur, si non in toto, neque enim id possibile ingenio humano; cum unica
 scientia vel opificium quoddam, totum hominem requirat, & vix ad unum aliquid ritè
 perdiscendum hominis vita sufficiat: quid de pluribus dicendum? saltem in majori parte
 & ut ars nostra requirit, præmuniti atque succincti armis, professionem in illa fecimus
 perque plures famosissimas obsidiones Belgicas, praxim militarem exercendo, & huc spe-
 ctantia munia atque officia Artillerica obeundo, plurima connotavimus, quadam ipsimet
 adinvenimus, quadam ab aliis didicimus. Hac tibi omnia studiose lector candidè hoc opu-
 sculo palam facere induximus in animum. Ut autem hac talia lucem aspicerent, plurima eæ-
 que validissima fuerant rationes, quibus summoperè movebamur. Inter has porrò non po-
 stremo loco hac quoque ponenda, quod omnibus (quotquot ad manus nostras pervenere)
 lectis auctoribus cum vetustioribus, tum recentioribus, qui aliquid in Pyrotechnia conscri-
 pserunt, nullam certam, justamq; methodum, & sufficientem, aptamq; dignitati tantæ artis
 dispositionem, descriptionemq; animadvertimus. Sed ut plurimum absque ullis regulis, ex
 veritatibus Mathematicis, aut Philosophia naturalis petitis, & praxi comprobatis, & per-
 peram ac confuse, aut saltem simpliciter, & juxta indocti vulgi caprū, observationes quas-
 dam conscribere hucusque omnibus mos erat. Unde etiam in levipendium quoddam tam
 nobilis scientia apud quosdam venerat: nam rudes artium omnium liberalium ut plurimū
 reperias nunc nostros Pyrotechnicos, (dummodo hoc nomine eos appellare sit æquum) qui iis
 contenti quæ manibus perficere norant, altiora atque reconditiora scrutari nec volunt nec
 possunt: artemque hanc jam planè inter sordida opificia reponunt. Ab hac igitur summa in-
 juria artem omnium aliarum liberalium facile principem, ut vindicaremus: atq; toti mun-
 do ejus excellentiam dignitatemq; monstraremus: nec non etiam ut iis qui huic adstipulan-
 tur sententia, quod ars hac solâ praxi manuali constet, nec artis possit comprehendi regulis,
 quales disciplina quæpiam sibi vendicat, innotesceret, quantum inter idiotam, doctumque
 intersit Pyrotechnicum, opus hoc Artilleria nostra publica utilitati d catum, conscribere
 nobis visum est. Aliud item est, quod me ad idem præstandum impulit, movitque, ut vide-
 licet patria, popularibusque meis gratificarer; qui tanto desiderio expetunt semper hujus
 artis scientiam, & præ aliis militaribus summo dignantur honore: sed libris ex quibus eam
 discere possent, vel maxime destituantur, & si quos habent in patrium idioma translatos
 (Latinos enim vix unum duosve qui nobis aliisque gentibus communes sunt, habemus)
 mancos admodum nec universam pertractantes scientiam. Tertia denique nec parvū
 momenti fuit causa qua nobis ansam dedit, ut & conscriberemus ista, & in lucem pu-
 blicam

AD LECTOREM.

blicam emitteremus: singularis nempe clementia, & regalis benignitas, expressumque mandatum Serenissimi Augustissimique Principis MAGNI VLADISLAI QUARTI Poloniarum & Suecia regis Potentissimi, nuper, nunquam reparabili, non patria mea duntaxat, sed & totius Christianitatis damno, immaturâ, ab immaturâ morte nobis è vivis erepti! Namque post multorum annorum peregrinationem, quam inter exteras nationes peragebamus, ubi in patriam ex præscripto sua Majestatis rediissemus, novis nos illic ornavit honoribus, & liberali ac munificâ suâ manu, indigentiam nostram sublevavit. Horis itaque subcisivis, illa quæ plurium annorum spatio annotaveramus, in ordinem digessimus. Et fortuito casu innotuere hac Illustrissimo Principi Georgio Ossolinio, supremo Regni Cancellario: atque hic ut omnium disciplinarum, tum præcipue militaris cultor eximius, nobisque semper ob hoc unicum studium propensissimus, & Mæcenas benevolentissimus, retulit illic sua Majestati, laboremque nostrum in conscribendis hujus artis regulis, fecit palam. Quod etiam non ingratum Majestati sue fuerat: jamque expectationi sue aliqua ex parte nos satisfecisse existimans, Regali suâ clementiâ & liberalitate ad efficienda ea quæ proposueramus, animavit nos: & paternam planè dando, benedictionem, ut in Belgium profisceremur mandavit. Jam igitur habes studiose lector Artis nostra & primam originem, & etymon, & rationes nostras quibus inducti sumus ad hæc conscribenda, sufficienter à nobis explicata: dispositionem porro quam in hoc toto opere retinebimus, accipe. Partiemur universum Artilleria nostra tractatum, in partes duas. PRIMA est hæc quam vides, in quinque libros divisa: Quorum PRIMUS est de Regulâ calibræ, vulgari Pyrotechnico instrumentis; ejus structura artificiosa, & usu. Item de Metallorum variorumque mineralium in pondere & magnitudine ad se mutua proportionem, atque transmutationem unius metallici corporis in aliud, dato vel pondere vel magnitudine utriusque, tam facti, quàm conficiendi. Tertio de ponderum per universum ferè orbem rationibus, eorum nominibus, & coæquationibus unius cum alio, seu reductionibus omnium ad aliquod certum pondus. Quarto de machinis instrumentisque ponderatoriis. Quinto de mensuris tam liquidorum quàm aridorum, ad pondera reductis. Sexto denique de mensuris intervallorum.

Liber SECUNDUS tractat de Materiis & Materialibus, quorum in Artilleria usus est; nempe quomodo illa præparanda sint, ut commodè operibus nostris deinceps adhiberi possint. Adduntur etiam quedam de reconditoriis pulveris pyrii, & quid in eodem absque ulla corruptione asseruando observari debeat: nec non etiam de instrumentis ad mensurandas materias Pyrotechnicas, easdemque terendas, cribrandas, molasque.

TERTIUS liber Rochetarum construendarum explicat rationes: ubi etiam & omnia instrumenta ad id necessaria parari doceantur: atque præterea compositionum præparandarum ad Rochetas operandas, proponitur vera methodus. Rochetas porro quadruplices ponimus: Scandentes cum perticis, scandentes absque perticis, aquaticas, atque super funibus currentes.

QUARTO libro Globos omnes tam recreativos quàm serios bellicos comprehendimus. Ex recreativorum numero sunt aërei, saltantes, & aquatici. Apponuntur hæc stellula, scintilla, lucentes, atque odoriferi globuli. Serii innumeri planè: sed hæc præcipui tantum: ut Granata tam manuales, quàm ex mortariis tormentisque ejici solita, in quibus & cæcæ quasdam numeramus. Item globi Incendiarii seu igniti variarum specierum, Lignei granatis manualibus onusti, Pluviam spargentes igneam, Multiplices lignei aut ferrei, Lucentes, Fumosi, Fetidi, Venenati, Clandestini, Capita mortua, Famuli, Manipuli, Grandines Pyrotechnica, Catenati varii, denique ictus tam ferrei quàm pyrracci omnis generis.

QUINTUS denique liber vendicat sibi Machinas, & Moles varias Pyrotechnicas, Massas, Missilia, & Arma tam recreativa quàm seria. Inter recreativa operast hæc connumeramus: Clypeos, Scuta, Acinaces, Semispathas, Gladios, Perticas, Rotas aquaticas & terrestres tam horizontales quàm perpendiculares, Baculos, Clavas, Calices, Tubos omnis generis. Item varias ingentes Machinas recreativas, ut Palatia, Arcus triumphales, Castella, Pyramides, Obeliscos, Columnas, statuas hominum & bestiarum

AD LECTOREM.

rum omnis generis, Fontes, & alia complura. De istis verò pulchras, nec antea visas Regulas dedimus quomodo nimirum tam in Thematismo, quàm Oeconomia decor, venustas, & pulcher ordo: nec non omnis securitas in ducendis ignibus, componendis, ligandis, emittendis, disponendisque ut par est, observari debeant: & hac omnia bellis historiis, antiquitatibusq; illustrata. Militaria verò sunt Olla, Phiala, Laguna, Vrna, Corona & Serta, Circuli seu Sphæra, Cylindri, Sacci, Cupa seu dolia, Sagitta, Hastæ, & Tubi. Sed hoc id loci observandum, quod nos omnia militaria opera nostratia cum antiquorum operibus componamus, atque libremus: & adductis auctorum testimoniis, in quo nostra superantur ab antiquis, & viceversa: aut quid etiam nunc summo cum belli commodo ex antiquorum operibus adhiberi possit, luculenter explicamus, multisque tam novis quàm veteribus comprobamus historiis & exemplis ita, ut quasi antiquam in nova, & novam in antiqua Artem hanc proponamus. Præcipua tamen nobis cura est Artis nostra, cujus umbra duntaxat à veteribus visa olim fuerit.

PARS ALTERA istius operis, quæ jam parata & subsequetur, septem libris constabit: quorum PRIMUS erit de Tormentis: inter quæ primo loco brevissimâ methodo describemus veterum omnis generis tormenta, ut Arietes, Ballistas, Catapultas, Scorpiones, & id genus alia: eorundem originem, inventores, usum, & vires ex auctorum testimoniis explicabimus, atq; figuris elucidabimus. Tum deinceps historiam nostrorum modernorum tormentorum bellicorum pertexemus: quomodo videlicet inventa sint; à quo, & quando; à quibus primum usurpata; & quomodo per tot sæcula ad hæc atque nostra tempora magis magisque exulta sint; nec non qualibus olim & nunc singula appellantur nominibus apud varias gentes. Item sufficienter exponemus, eorundem tam veterum quàm modernorum proportionem in longitudine, (quæ de re etiam novas conscripsimus regulas) crassitie, orificiorum globorumve magnitudine, & pondere: omniumque partium & ornamentorum symmetriam decoremque edocebimus. Plurima hic erunt de Metallis, eorumque natura & alligationibus, seu mixturis unius cum alio, ut tormenta bellica & pulchra & firma fundantur. Eodem etiam spectabunt plurima observationes in iisdem fundendis, formis præparandis, acceleratione liquefactionis, siue faciliori fusione vel fluxibilitate paranda eorundem. Nec scortea aut lignea inde excludemus tormenta: & si quando aliquid superior ætas in eorundem variis formis lussit, illic dabitur nobis dicendi locus. Tum postea ubi ad usum tormentorum ventum fuerit, proponentur plurima de modo probandi jam conflata tormenta, cognoscendique utrum certam justamque pulveris mensuram perferre valeant; idque tam ex crassitie quàm probitate metalli, atque ordinata elaboratione. Postea de investigatione pluribus modis ponderis tormentorum, absque machinis ponderatoris; ut ex hoc sciatur tam pretium ipsorum tormentorum, quàm numerus equorum, boum, vel hominum ad devehendum quò lubuerit requisitus. Item de directione tormentorum juxta regulas artis, de causis vitiosa jaculationis; de oneratione tormentorum, pulverisque quantitate ad singula, juxta tormenti longitudinem, crassitiem, atque globi pondus; de instrumentis artificiosis ad elevationem directionemque tormentorum spectantibus; de certis regulis secundum quas elevantur deprimunturque tormenta ad certum cum horizonte & perpendiculari angulum: datis distantis, vel vice versa, data tormenti elevatione quâ arte notum fieri possit ad quam distantiam globus tormentarius sit perventurus, nisi medium aut objectum aliquod motum impediat. Hic plurima etiam apponentur naturales quæstiones circa tormentorum exonerationem; & in numerâ alia quæ suis capitibus explicabuntur.

Liber SECUNDUS ejusdem partis Mortariorum bellicorum è quibus Granata & omnis generis Pyrotechnici globi ejici solent, rationes edocebit. Quomodo videlicet inventæ & nam etiam apud veteres machina quæpiam illis effectus ratione similis fuerit. Tum subjiciemus eorundem varias formas, (inter quas nova & ante hæc non visa monstrabitur ratio conficiendi mortarii multiplicis) ornamenta, & partium omnium decoras proportionēs. Item monstrabimus usum, & quomodo tractanda dirigendaque sint: quo etiam spectabunt regula, ex quibus tabula jactuum condenda sunt, ad elevationes mortariorum tormentorumque pertinentes. Item quomodo Granata aliique globi Pyrote-

AD LECTOREM.

chnici ad certam datam distantiam, dato etiam tempore ita ejici debeant, ut optatum afferant fructum iis à quibus destinantur. Subjungentur etiam quadam de investigando artificialiter pondere mortariorum. Denique tractabitur de variis mortariis ex aliis præter metalla materiis conslandis. Ibidem quoque proponentur non nulla de Mortariis, Tormentis, Sclopetisque Pneumaticis.

LIBER TERTIUS ejusdem partis, complectetur doctrinam Petardarum: quomodo, cur, & ubi primum inventa: quibus formis gaudeant: & quæ ex illis ad stupendos effectus præstandos aptiores. Longitudo, Latitudo, crassities, orificii magnitudo, pondus, quale singulis Petardis assignandū ad singula objecta demolienda. Qualis forma Petardis tribuenda ad eadem objecta perforanda, effringenda, tollenda, protrudenda, diffindenda, dissipandaque. Quæ materia petardarum. Ponderis earundem artificiosa investigatio quibus regulis absolvi debeat. Quibus materiis & quomodo oneranda Petarda. Quales asserculi, & quomodo ferro muniendi, atque Petardis alligandi. Quales tubi, & quibus replendi materiis, ut suo tempore in materiam intrò conclusam deferant ignem. Quid observandum circa foramina Petardarum accensoria, & quæ ex illis meliora. Qualis Petardaria suppellex, ad ritè onerandum applicandumque variis objectis: & plurimæ observationes circa applicationes Petardarum. Qualis Petardarius esse debeat, & quid præcipuè ejus muneris sit. Quales & quot amanuenses. Quid ante applicationem Petarda ad locum quempiam, quem hoc modo captum volumus, considerandum. Quid in ipso puncto applicationis: ac denique post felicem vel infustum Petarda effectum, faciendum. Quale tempus ad talia Stratagemata: & quis locus optimus. Hac verò omnia plurimis historiis exemplisque confirmantur.

QUARTUM Librum ejusdem partis conscripsimus de Lectis seu feretris omnis generis tormentorum tam terrestrium quàm navalium, atque mortariorum; ad omnia videlicet illa fulcienda, reponenda, commodèque tractanda. Id est de lectorum formis, proportionibus tam in longitudine quàm latitudine, atque crassitie. Item de rotis, axibus, modiolis, apsis, radiis, atque ferrea armatura eorundem: singulorumque nominibus variis linguis. Accedent hic multa de cochlearibus ad oneranda tormenta, ceterisque instrumentis eodem spectantibus: ut sunt Pistilla, instrumenta Purgatoria, cunei, vectes, sacci, vasa pulverea, & alia id genus. Hic quoque locus dabitur variis Machinis ad elevanda, sustinenda, trahenda, movenda, & de loco in locum transferenda omnis generis pondera Artillerica; idque exiguis viribus & impensis. Eò porro referentur rationes Trochlearum, Cochlearum, Sucularum, Ergatatarum, Tollenonum, Pancratii, Vitis perpetua, de quibus omnibus Mechanice pertractat.

QUINTO ejusdem partis libro assignabimus structuram, modumque ducendorum Cuniculorum subterraneorum, atque Tribunalium, seu collium tormentariorum. De utrisque porro plurimæ observationes exponentur, singula suis capitibus comprehensa. Item elucidabitur ratio quæ tormenta bellica, ceteraque Artillerica machina ac impedimenta, officiales, artifices, nec non ministri varii, & amanuenses ritè & ad amissim in castris disponi & locari debeant. Quid in electione loci pro castris Artilleria considerandum: & quomodo illa munienda ut ab incursum hostili, ignis & incendii periculo, clandestinis dolis latronum, proditorum, transfugarum, insidiatorumque, vel invasionibus jumentorum secuta & immunia sint. Denique modus collocandorum tormentorum in arcibus & castellis, navibus, atque campestribus praliis, & qualia tormenta illis vel maxime congruant.

SEXTUS Liber ejusdem partis pertractabit de Armamentariis, in quibus machine bellica asservari solent; quo videlicet loco, & modo illa construenda sint: qui illis ordo Architectonicus aptè conveniat, ex quo omnes eorum Symmetria atque ornamenta desumi debent. Item qualis ordo in asservandis iisdem machinis observandus: Et quæ preparatoria ad bellum ibidem inveniri debent, ut necessitatis tempore eò recursus fiat. Eodem quoque illo libro contineri volumus nomina omnium officialium, ministrorum, artificum, aliorumque quibus Artilleria opus habet: & quid singulorum incumbat muneri. Nec non etiam ibidem describentur variae Personarum Artillericarum immunitates

tates

AD LECTOREM.

sates & prerogativa, atque regule ad quarum observationem adstringebantur olim & nunc etiam alibi, omnes qui sua nomina dant Artilleria.

SEPTIMUS denique ejusdem partis posterioris & ultimus liber. Instrumento Catholico Pyrotechnico dicatur à nobis. Hoc porro novum nostrum inventum est, quo universalis nostra comprehenditur scientia, & unum hoc plurimis aliis præstat instrumentis, vicesque omnium gerit. Siquidem ejus auxilio & tormentorum orificia, & globos calibramus; pondera tormentorum investigamus; omnium metallorum mutuas ad invicem rationes, pondera, & mensuras tam liquidorum, quam aridorum, atque intervallo- rum reperimus. Item tormenta & mortaria dirigimus, elevamus, vel deprimimus; tor- mentorum vires in globis projiciendis in triplici directione, horizontali videlicet, com- muni, & summa elevationis, expressas ad oculum habemus. Lectorum longitudines, la- titudines, atque crassities, nec non & rotarum altitudines; axium atque modulorum pro- portiones ibidem connotatas conspiciamus. Præterea distantias locorum, altitudines, pro- funditatesque objectorum mensuramus. Figuras planas vel ex charta in campum, vel ex campa in chartam transferimus. Denique plurima Geometrica & quadam Astronomica & Geographica resolvimus problemata. Sed hæc omnia suis locis fient palam, & verbis no- stris fidem facient. Nunc autem priusquam ad tractandam priorem Artilleria nostra partem descendamus, præoccupandus est lector in quibusdam: Maxime verò precanda nobis venia ut si alicubi lapsi fuerimus, candidè id nobis donec, excusetque, illius non im- memor: nullum sine venia placuit ingenium. Equum tamen fuerit ut quicumque hæc nostra legerit, non verba sed rem perscrutatus perpendat: nec judicium ferat priusquam ea qua à nobis proponantur, proprio ut dicitur Marte experiatur, tum veritatem compe- riens nostris fortasse studiis æquior erit. Nihilominus tamen sicubi quod volumus non fe- cimus, in humana natura imperfectionem illud referre debet quisque candidus: nobis siqui- dem in Magnis voluisse sat est. Magnis dico: namque opus hoc & materiam tractat ma- gnâ, artis nempe Magna & admiranda regulas magnas, quia militares; hæc verò disci- plina quantum alias omnes superet, non est quem lateat. Magni & ex hoc sunt isti nostri conatus, quod eam involvant materiam qua plurimarum scientiarum, opificiorumque ex- poscit notitiam, in quibus singulis, singulos duntaxat, paucissimos in pluribus excellere par est. Rursus si novitatem rei perpendas Magna & difficilia imus pertractatum. Novum id quod proponimus omnino est, quia à nemine ante nos hoc ordine, hæc methodo, & his re- gulis explicatum: nec ullum unquam qui in hac materia aliquando publica utilitati ali- quid consecravisset, eò respexisset, nec ad eam metam collineasse scimus, ad quam nos propitio numine collineantes, non procul ab eadem forsitan aberravimus. Non diffitemur plurima hic reperiri qua ab aliis adinventæ sunt: non enim tam iniquus atque impudens sum, ut aliorum laboribus tanquam meis frui velim, hisque meam laudem vindicare. Non ita tamen ex aliorum inventis qui ante nos in hac arte fuerunt, opus hoc nostrum consarci- navimus, ut plurima nostra non accesserint, quemadmodum periclitantibus notum id fiet. Caterum si altiora repetamus, reperimus nil dictum esse quod non dictum sit prius. Illud tamen maxime verum, quod ceteri omnes ætate superiores nobis, Pyrotechnici, so- lum vestigia presserint in hac semita. Quid nos præ illis præstiterimus, æquus arbiter vide- rit: quid alius præter nos, sequens judicabit ætas. Non enim nescimus (ut cum Lipsio loqua- mur) ubi semel opus ceptum est, & velut fragmina aut scæpes amotæ, concursus fieri, & postremos quosque priorum etiam laudem in se derivare.

Cum porro non nesciamus quam illi iniquis consors ac convitiis sint obnoxii, qui pri- ma sua scripta tanquam primum sortum in lucem sunt edituri: nos verò etiam prius quam ad hæc conscribenda descenderemus, singulari Dei providentiâ, ad meliorem forsitan re- rum nostrarum statum, tantum amicorum numerosa semper stipabamur ceterâ. Sed ni- hilominus memores illius semper fuimus, quod non virtus sine adversario crescat, sitque ille miser qui absque adversario transegit vitam. Itaque ut semper, sic & nunc potissimum, spernimus tales penitus: quos si unquam pertinuisse, jam dudum male perissemus: immò magni eos facimus, quia ab iis magni sumus: misere perit cui illi bene volunt; sola namque miseria caret invidia: & vir probus invidiam semper sperare debet: hæc enim

ejus

AD LECTOREM.

ejus perpetuus comes est, & tanquam umbra eum insequitur, quâcumque pedem contulerit. Satiùs igitur invidiam multorum perpeti, quàm misericordiam implorare.

Praefagit etiam animus noster emulos quosdam: nec non etiam sciolos illos ac delicatulos, qui omnia verba ad exquisitissimam revocant mensuram, Latini sermonis elegantiam in hisce nostris desideraturos: dictiones quasdam novatas, carbone nigro (ut est in proverbio) notaturos. At illi discant non quamlibet rem verbis solum cothurno, sed & socco (ut cum Horatio loquamur), aptis, exprimendam: porro verba ut rerum claves sunt, perinde rebus inservire, non è contra. Sciendum etiam non ideo nos hac scripsisse, ut eloquentiam aliquis inde perdiceret. Ea res nostra quas tractamus, ex earum sunt genere, qua doceri contenta, exornari elegantiore stylo non sustinent. Peregrinas vel barbaras subinde inserimus quidem voces, sed id eò factum quod Latina non suppetere, quibus omnia exprimeremus, qua volumus: neque mihi viro militari verborum cura in animo fuit: si hæc milites legerint, rem discere avebunt, non verba; parca enim loqui, præstare multa, militi proprium est: reconditoris porro disciplina homines ignoscenti nostris conatibus, & si quæpiam invenerint, que ipsorum non responderint palato, corrigent humaniter, limabuntque, & ad secundam præparabunt editionem, qua unica errorum, quos vel imbecillitate nostrâ, vel typo committimus, restat medela. Denique norint hoc rigidi isti Aristarchi, nimisque sibi suffeni, unum tantum natum Ciceronem aurea eloquentia, qua elegantia & proprietatis fons est, scaturigine abundantem, qui ut ab aliis admiratur, ita eum nemo imitatur feliciter.

Ultimum est mi Lector in quo tuam postulamus humanitatem, ut errores quosdam, qui præter omnem spem & expectationem nostram, ac in nostra absentia, operarum incitiâ, in hoc opus irrepsérunt, illudque deturparunt quadamtenus, calamo corrigas, priusquam te ad legendum accingas: posset enim aliquid ejusmodi occurrere, quod minus fructuosam redderet lectionem. Quemadmodum pag. 57 in numero millenario qui particulas aquales in quas pes Rhinlandicus dispescitur, ad faciliorem comparationem in magnitudine cum aliarum provinciarum, civitatumque pedibus, ultima dextima ciphra omissa est: & eadem pagina, reg. 38, pro $\frac{1}{25}$, $\frac{2}{25}$ reperies. Talium igitur majoris momenti sphalmatum, complura dum hac relegeremus, collegimus, & ad calcem operis rejecimus. Quædam etiam calamo, & literis typographicis correximus: cætera tuo relinquentes candori, atque judicio. Vale & nobis, nostrisque fave conatibus. Dabam Amsterodami, Kalend. Febr. Anno reparata salutis, supramillesimum, sexcentesimo quinquagesimo.

Noverit Bibliopegus figuras ad calcem his literis notatas, hoc ordine inferendas.

A	pag. 9.	F	pag. 109.	L	pag. 149.	Q	pag. 241.
B	17.	G	113.	M	169.	RS	259.
C	33.	H	117.	N	173.	TV	265.
D	81.	I	123.	O	221.	W	269.
E	95.	K	137.	P	237.	X	273.

Vegetius lib. 3. cap. 18.

Omnes artes, omniaque opera quotidiano usui, & jugæ exercitacioni proficiunt. Quid si in parvis verum est, quando magis decet in maximis custodiri? Qui autem debuit artem bellicam rebus omnibus esse potiorem, per quam libertas retinetur, & dignitas propagatur, provincia conservantur, & imperium? Hanc quondam reliquit doctrinam omnibus Lacedæmoniis, & post coluere Romani. Hanc solam hodieque Barbari putant esse servandam: cætera aut in hac arte consistere, aut per hanc assequi se posse confidunt. Hæc dimittenda est necessaria, per quam vitam retineant, & victoriam consequantur.

Lipſius in præfat. ad lib. de Milit. Rom.

Quid enim majus Militia? qua sola orbem temperat, nec Regna solum dat aut adimit, sed ipsam vitam. Nulla respublica, aut status sine ea floruit, nulla perennavit: & ut quæque melioribus legibus aut moribus suis, ita hanc habuit meliorem.

ARTIS MAGNÆ ARTILLERIAE

PARS PRIMA

LIBER I.

DE REGVLÆ CALIBRÆ.

Rimum ac Principale Pyrotechnicorum instrumentum, quod nos REGVLAM CALIBRÆ usitato omnibus Hispanicis, Gallicis, Italicisq; Pyrotechnicis vocabulo, appellamus, Germanis *Mas-stab* vel *Visier-stab*, Belgis verò *Tal-stock* dicitur. Latino verò idiomate *Virgam* seu *Regulam Sphærometricam* non incongruè vocabimus; nihil enim aliud id loci per illa superius allata vocabula intelligi volumus, quam Regulam quandam Prisma Parallelepipedum alterâ parte longius, aut Pyramidem quadrangularem solidam truncatam referentem, ex metallo quopiam non facile flexibili, aut ligno duriori constructam; in cuius una superficie plana (ut communiter fieri solet) descripta est linea recta, in partes inæquales secundum rationem Stereometricam seu Cubicam secta, ex aminandis globorum ferreorum per diametros eorundem ponderibus accommodata: ideoque ab unius libræ (immò unius lotonis) globi diametro in infinitum, aut potius quantum longitudo lineæ ferre potest, aliorum globorum ejusdem metalli diametros habet annotatas. In altera ac tertia item ejusdem Regulæ superficie, simili quoque ratione sunt descriptæ lineæ in diametros globorum Plumbeorum & Lapideorum, varii ponderis idque serie ac ordine naturali se subsequentes dissectæ, explorandis (ex his etiam metallis confectorum globorum) ponderibus dicatæ. Quarta & ultima denique ejusdem Regulæ superficies, monstrat mensuram pedis unius Rhenani aut Romani potius, ut multi volunt, in uncias seu digitos majores duodecim divisi; hac autem mensurâ cum omnia Pyrotechnica corpora, tum etiam planas superficies & lineas dimetiri licebit. Sed jam res ipsa postulat, ut descripto REGVLÆ CALIBRÆ instrumento, varios ejusdem conficiendi modos, tum & usum in Artilleria præcipuum ostendamus; idque sequenti ordine ac methodo.

CAPVT I.

De Modo Arithmetico conficiendi Regulam Calibræ.



Utiplēx ac varia lineæ Cubicæ seu Stereometricæ (unde etiam nostra Regula Calibræ suam traxit originem, & nomen à calibrandis seu mensurandis tormentorum bellicorum globis & orificiis fortita est) conficiendæ, seu juxta rationem Cubicam propositæ alicujus lineæ in partes proportionales secandæ, via ac modus apud omnes ferè Arithmeticos & Geometriæ, tam Theoricæ quam Practicæ cultores, plurimosque Mechanicos passim reperitur; huic verò operi sola tantum duplicandi, triplicandi, ac quousque placuerit augendi, primi cubi requiritur notitia: hæc autem cum nullâ aliâ methodo exactius certiusque haberi possit, quàm si adhibito calculo Arithmetico propositum opus peragatur, ideo Arithmeticum modum, utpote cæteris excellentiorem nobilioremque, primo loco ponere visum est. Hunc quidem manuarii artifices cæterique Mechanici ob molestam Cubicæ Radicis extractionem subterfugere didicerunt, ac tantum ab aliis Arithmetices peritis calculatas tabulas in opus deducentes, illarum adminiculo lineas quaslibet propositas in proportionalitate Stereometrica dividunt; sed cum perfecto Artifici plurimum intersit hujus quoque methodi non esse expertem, Regulas aliquot brevissimè conscriptas extrahendæ Radicis Cubicæ, & conficiendarum Tabularum Stereometricarum modum, hic subjungemus; quibus postea habitis nullo planè negotio Regulam Nostram construere poterimus.

Extrahendæ Radicis Cubicæ brevissima Methodus sequentibus
Regulis comprehensa.

Numerus Cubicus apud Arithmeticos dicitur ille, qui fit ex ductu numeri alicujus in se ipsum, deinde ex ejusdem numeri ductu in productum. ut si 10. ducantur in se, hoc est in 10. fiunt 100: quæ iterum multiplicata per 10. producant 1000. Hic igitur numerus dicitur Cubus, 10 verò ejus Radix Cubica. Hisce præcognitis Radicem Cubicam ex quolibet numero oblato facile erues, si sequentia observaveris præcepta.

1. Habenda est præ manibus Tabella novem primorum Cuborum, eorundemque Radicum: hæc autem fit ex multiplicatione Cubica primorum simplicium numerorum ab unitate usque ad numerum novenarium continuatorum: ut sequitur.

Radices	Cubi
1	1
2	8
3	27
4	64
5	125
6	216
7	343
8	512
9	729

2. Numerus datus distinguatur ante operationem punctis, à dextra finistram versus, ita ut sub prima dextima figura ponatur primum punctum, secundum sub quarta lævam versus, tertium sub septima, quartum sub decima versus eandem finistram, ac ita deinceps, quoad numerorum figuræ suffecerint, notentur puncta duabus figuris semper intermissis, ut hic apparet. 3 4 2 5 8 6 3 0 9 2 1.

3. Ex tabella superiori cape Radicem numeri à primo puncto ad finistram intercepti sive is unâ figurâ constet, sive duabus sive tribus, hoc est quære numerum hunc in tabella Cubica superius exposita, quod si non reperiatur, sume proximè minorem, ejusque Radicem cubicam colloca extra lunulam. Ut in nostro exemplo, quære radicem numeri 34 qui cum in tabella Cuborum exactè non inveniatur, accipe proximè minorem nempe 27. ejusque Radicem 3. annota hoc modo: 3 4 2 5 8 6 3 0 9 2 1 (3.

4. Radicis hujus Cubum subtrahe ex numero sub dicto primo puncto intercepto, nempe 27 à 34. Residuumque 7. supra scribe, eo plane modo ut in vulgari subtractione fieri solet.

$$\begin{array}{r} 7 \\ 34258630921(3 \\ \underline{27} \end{array}$$

5. Tripla Radicem modo inventam, & triplum hoc subjice figuræ proximè antecedenti figuram puncto notatam, si autem plures fuerint figuræ hujus tripli, collocentur ex ordine lævam versus.

6. Para divisorem hoc modo; duc quotientem in triplum, productum nota uno loco deinceps remotius lævam versus quam triplum incæperis & loco inferiori, ut sint jam duo numeri distincti, quorum unus Triplum, alter Divisor à nobis jam vocabitur: per hunc divisorem si numerum supra scriptum divides, habebis secundam figuram Radicis in quotiente.

7. Totum id quod in quotiente fuit duc in Triplum, productum iterum in figuram quotientis per divisionem modo inventam, huic producto adde Cubum ejusdem numeri, eo tamen ordine ut ultima istius Cubi figura dextram versus non subjiciatur immediatè loco inferiori figuræ ultimæ superioris producti, sed ad intervallum unius figuræ dextram versus rejiciatur.

8. Numerorum omnium hoc ordine dispositorum, aggregatum subduc ex numeris superioribus, (si id fieri poterit) & residuum (si quod fuerit) supra scribe: Sin minus, minuendus erit quotiens eò usque quoad aggregatum dicto modo inventum subduci possit à superiore, manente semper eodem divisore & triplo. Ut in superiore exemplo: tripla radicem 3. fiunt 9. quæ scribe sub 5. duc deinde 3. in 9. proveniunt 27. quæ colloca inferius quam Trimplum, ac unâ deinceps figurâ versus lævam nempe sub 72. Divide jam 72 per 27. habebis quotientem 2 priori 3 adjungendum, ut fiat totus quotiens 32. hunc duc in triplum. 9 fit productum 228. hoc rursus multiplica per numerum modo inventum 2. habebis productum secundum 576. Huic denique adde Cubum numeri modo inventi 2. nempe 8, fiet aggregatum ex numeris eo ordine dispositis ut hic apparet 5768. quod ex superiori numero 7258 subductum relinquit pro residuo 1490.

I	
7490	
54288630921(32	
8	Triplum
27	Divisor
52	Radix tota
288	Productum
2	Numerus modo inventus
876	Productum secundum
8	Cubus
8768	Aggregatum

Hæc igitur est summa totius operationis; Si tamen plures adhuc numerorum figure supersint, ex quibus Radix Cubica extrahi debeat, operatio illa ne puncto quidem differt à jam dicto canone: id est triplatur quotiens totus, Triplum ducitur in Radicem immediatè inventam, Producto additur Cubus modo inventæ Radicis. Aggregatum denique subducitur à numero superiori, residuumque (si quod fuerit) annotatur superius. Ut in nostro exemplo; quia plures restant numerorum figure ex quibus Radix Cubica extrahenda est: ideo institutâ ulteriori operatione juxta regulas à nobis superius traditas, habebis Radicem Cubicam totam, numeri superioris 34258630921(3247. Manente residuo 25480628.

Si post peractam operationem examen institui debeat, tum tota Radix inventa cubetur, Cubo deinde adjiciatur numerus ex operatione residuus; hoc si aggregatum respondeat numero ex quo Radix extracta est, nullus error in operatione commissus est, sin minus, interandus labor, & Radix alia querenda, errorque corrigendus est.

Si post extractionem aliquid supersit, quod sæpissimè fieri consuevit, numerus propositus erit irrationalis seu surdus, hoc est carebit verâ Radice Cubicâ: itaque ad inveniendam Radicem verè proximam apponantur residuo extractionis aliquot Cyphrarum ternarii, & juxta methodum jam traditam continuetur operatio, radicique inventæ tanquam numeratori, unitas cum totidem Cyphris subscribatur, quot cyphrarum ternarii numero proposito ex quo facta est extractio appositi fuerint.

Quoniam verò sæpe numero contingit, ut ex numero aliquo dato extrahenda sit Radix Cubica qui eam exactè non habet, in eo casu ne frustra tempus insumatur, apponere Regulas aliquot visum est; quarum auxilio nullo negotio ejus modi numeri qui Radicem Cubicam veram exactè non habet, notitiam habebis.

1. Cujus numeri ultimæ figuræ cyphræ sunt, & quarum multitudinem numerus ternarius non exactè metitur, numerus ille non est exactè Cubicus. Ut numeri: 3420. 62800. 4530000. non sunt Cubici.

2. Cujus numeri ultima figura est 2. aut 6. & penultima alia quam numeri imparis, numerus ille non est exactè Cubicus. Ut numeri: 3422. 62846. non sunt Cubici.

3. Cujus numeri ultima figura est vel 4. vel 8. penultima vero alia quam cyphra, vel numeri paris: numerus ille non est exactè Cubicus. Ut numeri 456174. 110038. non sunt Cubici.

4. Cujus numeri proba per 9. alia est quam cyphra, numerus ille non est exactè Cubicus: Itaque numerus 12000. non erit Cubus, cum reje-

ctis

ctis 9, remanent. 3.

Hæc ita breviter de extrahenda Radice Cubica, & notitiâ numerorum Cubicorum dixisse sufficiat: jam vero in sequentibus usus præmissorum melius patebit.

Construenda est tabella Radicum Cubicarum ab unitate in infinitum ascendenti. Assumendus igitur primum est numerus aliquis pro libitu radicis instar, qui in se Cubicè ductus producat numerum Cubicum primum, illius verò Radix Cubica seu numerus quem pro Radice assumpsisti, erit primo loco in tabella ponendus. Ut e. g. si numerus 100. sumatur pro Radice, ducaturque in se Cubicè, exurgunt 1 0 0 0 0 0 0. Primus Cubus, illius vero Radix Cubica est 100. adeoque primo loco in tabella ponenda pro prima Radice. Si jam Radicem Cubi duplicati exoptas, Cubum primum duplica, & exurgunt 2 0 0 0 0 0 0. hujus numeri Radicem Cubicam quære, erit inventa circiter 1 2 5. in tabellam transferenda pro Radice secunda. Si triplicati Cubi, quadruplicati, ac sic in infinitum aucti Radices habere vis, Cubum Primum triplica, quadruplica, ac in infinitum multiplica & auge, & ex numeris illis erue Radices Cubicas, ac ordine in tabella colloca numerosque serie naturali ab unitate in infinitum ascendentes adscribe. Hac eadem arte tabellam inferius positam confecimus, cujus ope si jam *Regulam Calibræ* construere vis, necesse est inprimis ut unius libræ globi ex illo metallo confecti, ad quod calibrandum *Regulam Calibræ* construere placeat, diametrum habeas. Vt si e. g. velis parare *Regulam Calibræ* ad calibrandos globos ferreos, diametrum unius libræ globi ferrei ex globo ferreo desumptam (id autem quomodo fiat inferius docebo) divide in tot particulas æquales, quot in tabella Cuborum Radix prima habet unitates: ut hic in tabella nostra Radix prima 100. constat unitatibus, divide igitur diametrum illam unius libræ ferrei globi, quam præ manibus habes in particulas æquales 100. idque auxilio parallelogrammi sub N° 1. delineati, tum ex hac scala circino vulgari desumptas particulas eo ordine, quo in tabella Cuborum numeri dispositi sunt, transfer diametros globorum in *Regulam Calibræ*; ut si pro diametro 1. ∞ globi ferrei, assumantur 100. particule ex superiori scala, pro diametro globi 2. ∞ . ponendæ sunt 1 2 5. id est, ad primam diametrum addendæ sunt particule. 25. Pro diametro globi 3. ∞ sumendæ sunt particule 1 4 4. seu primæ diametro addendæ sunt 44. particule; quæ simul junctæ constituent diametrum globi ferrei 3. ∞ : similique modo facillimè aliorum globorum diametros in *Regulam Calibræ* transferes. Hæc autem crescentia diametrorum, & super illis descriptarum circumferentiarum secundum rationem solidorum auctarum, egregiè in figura sub N° 2. apparet: in qua circumferentia prima, est circumferentia globi, cujus diameter est radix prima, soliditas vero Cubus primus est. Secunda circumferentia est circumferentia globi, cujus diameter est radix secunda, soliditas verò est cubus duplicatus seu duplus primi. Idem de reliquis in eadem figura circumferentiis circulorum, earum diametris, soliditatibusque sentiendum.

Quod de globis ferreis modo dictum, idem de plumbeis lapideisque, tum & ex aliis metallis confectis intelligi debet ad quos calibrandos *Regula Calibræ* facillè conficietur juxta superius præmissa.

Figuram hujus *Regulæ* ac in ea globorum ferreorum in una superficie, in altera vero globorum plumbeorum diametros descriptas, sub N° 3. ob oculos ponimus.

Tabella Radicum Cubicarum, ordine ab unitate se subsequen-
tium, posito Cubo primo partium
1000000.

Or. Cu.	Rad.	Or. Cu.	Rad.	Or. Cu.	Rad.	Or. Cu.	Rad.
1	100	26	296	51	371	76	424
2	125	27	300	52	373	77	425
3	144	28	304	53	376	78	427
4	159	29	307	54	378	79	429
5	171	30	311	55	380	80	431
6	182	31	314	56	382	81	433
7	191	32	317	57	385	82	434
8	200	33	321	58	387	83	436
9	208	34	324	59	389	84	438
10	215	35	327	60	391	85	440
11	222	36	330	61	394	86	441
12	229	37	333	62	396	87	443
13	235	38	336	63	398	88	445
14	241	39	339	64	400	89	446
15	247	40	342	65	402	90	448
16	252	41	345	66	404	91	450
17	257	42	348	67	406	92	451
18	262	43	350	68	408	93	453
19	267	44	353	69	410	94	455
20	271	45	356	70	412	95	456
21	276	46	358	71	414	96	458
22	280	47	361	72	416	97	459
23	284	48	363	73	418	98	461
24	288	49	366	74	420	99	463
25	292	50	368	75	422	100	464

CAPVT II.

De Modo Geometrico conficiendi Regulam Calibræ.

Habeatur ante omnia latus primi Cubi, seu diameter globi 1. \mathfrak{c} , ex illo metallo facti, ad quod calibrandum hanc Regulam construere cupis: sit autem, exempli gratia, in Figura sub N^o 4. linea A B. Diameter globi ferrei 1. \mathfrak{c} . Inventurus ergo latus Cubi duplicati, seu diameter globi 2. \mathfrak{c} pendentem, lineam A B. duplica, seu bis pone: ea autem sit hic A D. Tum inter lineam A B simplicem, & A D duplicatam, quære duas medias proportionales, eritque earum, una minor media proportionalis inventa nempe D E, latus Cubi duplicati, seu diameter globi ferrei 2. \mathfrak{c} . Sic in sequentium aliorum globorum querendis diametris procedendum: ut quantum nempe primus globus augendus, tantum ejus diameter augeatur, duæque mediæ proportionales, inter ista querantur.

Hanc autem duarum mediarum proportionalium, inter alias duas propositas, inventionem, in hunc usque diem qui verè ac Geometricè præstiterit neminem esse, ajunt Geometriæ periti; plurimi licet ad nauseam usque in hoc opere desudaverint, sed irritò conantur: Res sanè inventu difficil-

ficillima, videtur: cum nulla detur ratio (dico verè Geometrica) vulgari Circino & Regulà ut in planis augendis fieri solet, Cubum duplicandi, triplicandi, ac infinitè augendi: quod absque accurata & vera inventione duarum mediarum proportionalium nequaquam fieri potest. Nobilissimum id utilissimumque in rebus mechanicis Problema, plurimi tum Veteres, tum Recentiores Geometræ, tanquam planum & lineare (cum non desint, qui illud solidorum Problematis annumerent) per lineas tum mixtas quasdam ingeniosas, tum per simplices ortum in plano habentes, ut sunt rectæ & circulares, conati sunt resolvere & demonstrare. E quorum numero Nicomedes per lineam Conchilem, Diocles Cissoideam seu Hederaceam, Menechmus per sectiones conicas, alii per Parabolam. Erathostenes verò, Sporus, & Plato per rectas & circulares lineas. Tum & Pappus, Hero, Apollonius Pergæus, Philo Bisantius, Orontius, Villalpandus, Clavius, & plurimi alii, variis modis id præstare nisi sunt. Quid autem hoc in passu effecerint? de tantis viris, tantumque de Republica Mathematica meritis, iudicium ferre, & opera illorum curiosiori expendere trutinâ, non meum est. Decantatissimum tamen id est, apud plurimos in Geometricis probè versatos, non dari ullum modum per plana, exacte cubi multiplicandi; quod etiam eosmetipsos qui in hoc opere tantoperè laborarunt, agnovisse animadverto. Nequaquam tamen hæc illorum inventa & studiosi conatus, rejiciendi, ac pro falsis habendi sunt: immo utamur illis quoad meliora perfectioraque felicior ætas nobis suggerat. Ex his unicum modum, qui cæteris quodammodo præstantior, & magis Geometricus esse videtur, augendi Cubum, seu inveniendi duas medias proportionales in continua serie, interduas alias datas, Hic appono; quem etiam ad res Pyrotechnicas ritè tractandas, fat esse existimo. Inter duas rectas superius nominatas, nempe AB & AD sint duæ mediæ proportionales in continua serie inveniendæ: Ponantur primum inter se ad angulos rectos, & construatur super illis parallelogrammum $ABCD$. producatursque in infinitum AB & AD . Tum ductis diagonalibus BD , & AC . in interfectione H . ponatur. Deinde applicetur puncto C . regula; lineam AB & AD productas, ita secans in punctis E . & F . ut HF & HE . æquales sint. Hoc peracto, erunt DE . & BF . duæ mediæ continuè proportionales, inter datas AB & AD : erunt enim, ut CD . hoc est AB . ad DE , ita BC . hoc est AD . ad BF .

Alios modos lubens prætermitto: quorum plurimi, tum apud superius citatos auctores tum & apud Marium Böttinum in *Ærario Philosophiæ Mathematicæ*, Bononiæ nuper in lucem edito, videri possunt: Vbi etiam ille omnimodè monstrare conatur, tam veteres Geometras, quam modernos quosdam, quorum nomina recenset, veram, genuinam, & omnibus, numeris absolutam, inveniendi duas medias proportionales inter alias duas, datas, methodum reperisse, & Geometricè demonstrasse: adeo, ut nihil amplius hoc in passu à quopiam desiderari possit. Sed & verba illius hac de re audire lubeat; sic enim in Scholio 7. Prop. 15, lib. 6. habet: *Itaque quod olim in Apiar. 3. prob. 1. ad Nicomedis conchiden, quasi dubii, ac trepidi pronuntiavimus, Hic disertè profiteamur, ut Geometricæ Philosophiæ partem potiore de solidis verè esse solidam ostendamus affirmamusque; duas medias proportionales jam pridem Geometricè, ac demonstrativè inventas. Nam ut reliquorum Antiquorum inventa omittam, & saltem unum indicem, cujus, & apud nos vestigia sunt, duæ mediæ inventæ per modum Nicomedis ope lineæ conchilis, habent eam certitudinem Geometricam, quâ nulla major desiderari potest in ullius problematis Geometrica demonstratione &c.* Et paulo inferius: *Quas ob res, nulla superest dubitandi ratio* de

de Geometrica jam pridem inventione duarum mediarum proportionalium, ac de veritate ac certitudine omnium problematum Stereometricorum prodeuntium à duarum proportionalium Geometricè demonstrata inventione. Plura videantur loco citato.

Addo. Regulam Calibræ construendi modum & usum, veteres etiam habuisse, constat ex Epistola Eratosthenis ad Regem Ptolomæum, quam eodem loco supra citato adducit Böttinus: Sic enim ibi. *Sed nos excogitavimus per organa facilem inventionem, quâ non tantum duas medias proportionales duabus datis, sed quotquot propositum fuerit ut inveniamus, & eo invento poterimus demum ad cubum reducere propositum solidum lineis æquè distantibus contentum, aut etiam ex una aliam figuram formare, quæ aut æqualis, aut major sit servatâ similitudine. Quoniam nulli dubium est, quin hujusmodi instrumento duplicari possint aræ, ædificiaque, & ad cubum referri liquidorum & siccorum mensuræ, ut modiorum, & similium, quarum mensurarum lateribus vasorum capacitas dignoscitur, & ut summatim dicam, quæstionis hujus cognitio utilis est volentibus duplicare, aut majora reddere organa è quibus tela, saxa, aut ferreæ pilæ mittuntur. Nam necesse est omnia in latum, & in longum crescere proportionem quadam, sive foramina sint, sive nervi, & immissa alia, aut quicquid opus fuerit, si totum proportionem augeri cupimus; quod fieri non potest sine medii inventione.*

CAPVT III.

De Modo Mechanico conficiendi Regulam Calibræ.

Ex tam numeroso hoc ævo nostro Pyrotechnicorum grege, ne unum quidem (ausim dicere) reperias, qui non practicus, multorum experts, & in arte sua versatissimus, (quam non domi pacis tempore, per oci-um, inter optatas corporis animique delicias; sed in campo, per summa vitæ discrimina, & sanguineum planè sudorem, didicerit) non tam esse, quam videri & ab aliis haberi velit: Immo, multos nosse mihi licuit, qui, non se simplices & vulgares, sed Campestris Pyrotechnicos (vulgo *Feld-Fewerwercker*) vocari dignarentur. Hinc, theoriæ, & divinæ Mathe- seos rudimentis, totaliter abrenunciantes, summum dedecus esse arbitran- tur, si quispiam Pyrotechnicè deditus, ad comprobandas stabiliendasque ar- tis regulas, Archimedeas vel Euclideas, aliorumvè præstantissimorum Geo- metrarum, theoremata, & demonstrationes in medium proferat: Hinc illa nova, & multis retrò seculis incognita scientia, Pseudomechanica nata est: cujus præcipuum, ac generale illud axioma: Perturbatè, confusè, & nihil ad rem omnia agere: Fetus autem tantæ matris dulcissimus est: Quotidi- ani, & inextricabiles (tam in construendis bellicis Machinis; iisdemque ritè tractandis; quam & in ignibus artificialibus, feriis, & ludicris præparandis) errores, cum summo Princeipum damno, & tam ipsorum artificum, quàm spectatorum vitæ periculo juncti. At quam miseri sint, verè Matheseos illi- usque elementorum ignari, i Paulum Guldenum Centrobaricorum lib. 4. cap. 5. in Problemate Arithmetico verba facientem, audire lubeat: Sic enim ille: *Ne ergo Philomathematici nostri indigni hoc nomine redderentur, sed ex ignora- tionis pelago emergerent, atque ad studium nobilissimarum istarum scientiarum ac- cenderentur, nos Mathematicam tanquam Reginam potentissimam cum numeroso sibi subditarum scientiarum famulatu initio lectionum nostrarum productam con- spe-*

speximus; sed & illarum ordinem, subdivisiones, definitiones, cum suis differentiis ac distinctionibus fuscè ac luculenter aliquot prælectionibus explicata accepimus: quas etiam, ne memoria exciderent jucundo quodam ordine in parva charta coarctatas; non solum spectandas hodie sed & in posterum summo desiderio amplectendas vobis proposuimus. Ut verò hunc ipsum ordinem opere teneremus, quem calamo depinximus, sermoneque explanatum, illustratumque audivimus, structuram ab ipsis fundamentis ordiri æquum fuit, ab Arithmetica videlicet; Euclideaque Geometria, quibus destituti nullam unquam, etiamsi per Nestoreos viveremus ac studeremus annos veram ac solidam scientiam acquireremus. Hinc enim tenebræ illæ plusquam Chimereæ, hinc errorum labyrinthus, & immensum ignorantiae chaos; hinc illud portentum infame, ut quod sciunt se tamen scire nesciant, & quod nesciunt se scire putent. Hinc tot Mechanici Mathematici, Agrimensores inepti, doliorum vinariorum ex haustores potius quam dimensores, hinc tot exhausti mercatores, infelices belli Duces, Pseudo-Architecti & artifices, qui ingentes moles attrahere aquas in altum educere, novas machinas struere, promittunt potius, quam perficiunt. Hinc tot sine ingenio Ingeniarii, motus perpetui indagatores frustranei, in fortunati circuli quadratores, paralogismorumque omnium Architecti. Hinc denique homo ille qui capit ædificare & consummare non potuit. At hæc non eâ mente hic dicta velim, ut practicæ militari (quam ipsemet unicè semper colui, & condignâ prosequerbar veneratione) aliquid derogari cupiam: hoc tantum maximè doleo, quod nobilissimam Pyrotechniæ Artem non ita pridem à propriis suis cultoribus (practicis hic sinè praxi suppono) defædatam, & omni prorsus honore pristino quem à primis suis inventoribus habuit, spoliatam esse videam; immò etiam tanquam spuriam & degenerem à matre propria Mathesi violenter avulsam, ad opificia mechanica & illiberales artes relegatam. Optarim sanè, ut illâ novâ scientiâ Mechanicâ exclusâ; non prius ad praxim manualementem exercendam ducerentur tyrones, quam Elementis Arithmeticis & Geometricis optimè præmuniti fuerint. Inde firmissimè crediderim, futurum fore, ut & Magnæ Arti suus honor injuriosè ablati, postliminio restitueretur, & tot ridiculæ (dicam ne potius periculosæ & sumptuosæ?) à cultoribus illius adinventæ, & fabricatæ moles non amplius surgerent; sed maturis ejus fructibus gauderemus.

Sed jam propositi memores nos esse oportet: Itaque Mechanicòs modos construendæ Regulæ calibræ, hoc capite proponere tenemur: sciendum verò imprimis est, omnia hæc inventa facilia esse, at si quispiam experimentum facere velit, utrùm examen proportionum Geometricarum tanquam lydium lapidem perferre valeant, nec ne? plurimis scaterere erroribus, & planè juxta regulas artis indemonstrabilia esse inveniet. Quædam tamen ex illis vera sunt, sed nondum Geometricè demonstrata: alia omnino falsa vel saltè dubia, quæ tamen admittere & tolerare cogimur, quia videntur quodammodo satisfacere sensui. Hæc ego eùm minimè semper laudaverim, eam vel maximè ob causam, quòd vel nullis, vel non benè firmis Geometricarum veritatum insistat fundamentis: ars autè hæc cùm semper in puncto consistat, à quo sive ad levam sive ad dextram abieris, antrorsum, retrorsumve, sive in omnem circuitum pedem contuleris, sæpe tamen à vero te defecisse invenies. Ac propterea, nemini author esse velim ut hæc illorum inventa imitetur. Ne tamen & hic modus quem tamtooperè Manuarii artifices extollunt, sciendi cupidum lectorem lateat, duo exempla, quæ cæteris magis veritatem, & Geometricam proportionem præ se ferre videntur, hic subjungo.

Exemplum Primum.

Ductâ in infinitum perpendiculari C K. ex puncto C. versûs K. in B. ponatur C B. diameter 1. ∞ . globi. Tum ex Centro A. semidiametro A C. vel A B describatur peripheria circuli B D C E. Diameter B C, secetur in 3. partes æquales C I, I H. H B. ; quæcunque ponatur in peripheria circuli ex B in F. & ex F. in E. ab una diametri parte : ab altera verò, ex eodem puncto B, in G. & ex G, in D. Jam ductis ex C, per D. & E. puncta, rectis C L. & C M in infinitum, erit paratum schema : in quo hoc sequenti modo augebitur primus Cubus, seu prima globi 1. ∞ . diameter. Diametro C B. ex C. describatur circuli arcus 1. 1. & sumptâ distantia punctorum 1. 1. ex eodem puncto C. describatur alter circuli arcus 2. 2. : erit jam intervallum punctorum 2. 2. in omnibus tribus lineis notatorum, latus Cubi duplicati, seu diameter globi 2. ∞ . Item sumatur transversa distantia punctorum 2. & 1. & hoc radio ex C. describatur circuli arcus 3. 3. : erit distantia punctorum C. 3. in omnibus tribus lineis, diameter globi 3. ∞ . Similiter sumatur distantia punctorum 2. 2. in lineis C M. & C L. & ex C. describatur circuli arcus. 4. 4. : erit intervallum punctorum C. 4. in omnibus tribus lineis diameter globi. 4. ∞ . Hoc jam ipso modo in aliis quoque acquirendis globorum diametris procedendum : jungendus nempe semper est numerus impar inferior, cum numero pari superiore, & alternis vicibus superior impar, cum numero pari inferiore ; idque per lineas transversas : æquales autem numeri, per subtensas arcuum circulorum in schemate parallelas : ut id in figura N°. 5. luculenter apparet : in qua hanc progressionem auctoris diametrorum globorum, usque ad numerum 20. produximus : sed cum ista facilia per se sint, & circino omnia dimetiri possint, supervacaneum est ea de re plura verba facere.

Exemplum Secundum.

Diameter 1. ∞ . globi dividatur in 4. partes æquales ; ac ; addatur primæ diametro, habebitur diameter globi 2. ∞ . Hæc rursus modo inventa diameter dividatur in 7. æquales partes ; & ; addatur diametro 2. ∞ . proveniet diameter globi 3. ∞ . Sic etiam in acquirendis aliorum globorum diametris, numerus proximè præcedens, qui diametros dividit, numero ternario semper augeatur : id autem continuari poterit, quousque libuerit : nos verò brevitate ergò, hanc progressionem ad numerum denarium duntaxat produximus : In reliquis usq; ad numerum centenarium, per numeros decimales ascendendo, eosque quadrifariam partiendo, operati sumus ; ut id tabella hîc apposita clarè satis monstrat. Sed & in intermediis, idem processus, qui fuit in novem primis numeris simplicibus : Nec non & centenarii si simili ratione partiantur, producent alios Centenarios eâdem proportionem auctos, ut decimales, & unitatum numeri, suos produxerunt.

Dia-

<i>Diametri Globorum.</i>	<i>Divisa in partes.</i>	<i>Partes Diametr. addita.</i>	<i>Faciunt Diametros lib.</i>
1	4	4	2
2	7	7	3
3	10	10	4
4	13	13	5
5	16	16	6
6	19	19	7
7	22	22	8
8	25	25	9
9	28	28	10
10	4	4	20
20	4	4	30
30	4	4	40
40	4	4	50
50	4	4	60
60	4	4	70
70	4	4	80
80	4	4	90
90	4	4	100
100	4	4	200

Hæc duo præmissa exempla, quæ (quod suis careant demonstrationibus; & minus artificiosa sint) Mechanica appellavimus, Geometrica etiam quodammodo dici possent, ad similitudinem Geometricorum problematum; quæ sunt per instrumenta; hæc non sunt purè Geometrica, possunt tamèn aliquo modo dici Mathematica saltèm illa quæ utuntur solâ regulâ & circino. Hæc enim duo instrumenta fundantur immediate in postulatis, hoc est in linea recta & circulari. Eodèm possunt reduci etiam illa instrumenta quæ sunt per Regulam & Circinum; reliqua verò referuntur ad Mechanicam.

A P P E N D I X

De Modo quodam facillimo construendi Regulam Calibræ.

QUamvis illi duo supra positi modi (tertio mechanico non annumerato) primam ac fundamentalem Nostræ Regulæ originem ab Arithmetice & Geometricis veritatibus petitam, clarè satis monstrantes, minimè ad eandem construendam difficiles sint: attamèn, quia non parum tædii ac molestiæ in extrahendis Radicibus Cubicis, & inveniendis duabus mediis analogis præferant: Faciliorem non invenias modum; quàm si circino proportionali affabrè constructo mediante, efficiendam rem aggrediaris: Nam cum in hoc instrumento linea stereometrica seu Cubica proportionaliter in latera Cuborum seu potiùs Sphærarum diametros secta sit, & à primo Arithmetico modo, ejusque tabella genus deducat: ideò diameter

meter 1. ∞ globi, ex quocunque tandem metallo facti, vulgari circino sumpta, statuatur in eadem linea Cubica transverse ab 1. ad 1: & sic immoto manente instrumento, aliz subseqentes globorum diametri, excipiantur transverse, ac in Regulam Calibræ transferantur: Sic unicâ instrumenti aperturâ, totam Regulam non difficulter constructam habebis (vide Fig. N°. 6.) Sin autem tibi Circinus Proportionalis ad manum non sit, schemate sub N°. 7. illius loco uti poteris: hoc autem paratur sequenti viâ.

Ducatur Linea A B in infinitum: in qua à puncto A, versus B, ponantur ex superiori tabella Capitis primi, Radicum Cubicarum, scalâ quâcunque ad libitum sumptâ, latera cuborum, ab unitate, quousque tandem libuerit. Sumatur deinde 1. ∞ globi Diameter, illius metalli, ex quo aliorum globorum diametros habere vis, ac uno circini crure in puncto 1. firmato, describatur altero circuli arcus, & tangens ejus A C. ex A, in infinitum producat. Erunt jam ergo intervalla, inter puncta lineæ A B, & tangentem comprehensa diametri globorum, in infinitum, juxtâ progressionem numerorum ordine naturali se subsequantium, ascendentes, & pondus priori antecedenti semper majus: nempe 1. ∞ auctum, denotantes.

CAPVT IV.

De modo inveniendarum, transferendarumque in Regulam
Calibræ, diametrorum globorum: quorum pondus integram libram non exæquat: datâ
diametro globi. 1. ∞ .

Cùm 1. ∞ globi diameter, in nostro superius allato exemplo, 100. constet particulis: ideò numerus hic, ducatur in se cubice, ut primus cubus habeatur, erit autem 1000000. Hunc divide per 32, (tot enim lotones unam libram constituunt) quotientem habebis 31250: Ex hoc extracta Radix Cubica, erit 31. Tot ergo particule, ex superiori sub N°. 1. scala circino desumptæ, ac in Regula Calibræ ab A, in B. positæ, constituent diametrum globi pondo unius lotonis. Ad inveniendas sequentium globorum, plures lotones pendentium diametros, 31. modò inventi numeri cubus, 29791. duplicetur, tripliceturque, ac sic consequenter multiplicetur, usque quò ad numerum 31. perveniatur, & ex illis numeris sic multiplicatis extrahantur Radices Cubicæ; eo planè modo, ut superius in investigandis aliquot libras pendentium globorum diametris factitarum est. Hac eâdem arte confectam, inferius reperies tabellam: ex qua ope superioris parallelogrammi, lotonum diametros in Regulam Calibræ transferes. Sin autem, aliquotæ etiam partis unius lotonis, diametrum habere velis, nempe $\frac{1}{2}$ vel $\frac{1}{4}$ vel $\frac{1}{8}$ etiam $\frac{1}{16}$: tùm Cubum numeri 31. scilicet, 29791. partire per 2. 4. 8. 16. & ex quotientibus, extrahe Radices Cubicas, habebisque diametros globorum partium aliquotarum unius lotonis; quòd & in hac tabella positum vides.

Or:

Or.Cub.	Radices.
$\frac{1}{16}$	12
$\frac{1}{8}$	15
$\frac{1}{4}$	19
$\frac{1}{2}$	24
1	31
2	39
3	44
4	49
5	53
6	56
7	59
8	61
10	66
12	70
16	78
18	81
20	84
24	89
30	96

Aliter.

Sumatur diameter globi 2. \mathfrak{L} . & quadrifariam fecerur, eritq; $\frac{1}{4}$ diameter globi 1. lotonem pendentis: Rursus sumatur diameter globi 4. \mathfrak{L} . ac simili quoque modo, in 4. \mathfrak{L} quales partes dispescatur, dabitque $\frac{1}{4}$ diameterum globi. 2. lotonum. Sic & ulterius progrediendum: sumantur nempe semper diametri duabus libris priore antecedente majores, ac in 4. \mathfrak{L} quales partes dividantur: $\frac{1}{4}$ enim dabit semper, diametrum globi, plus uno lotone in ponderè aucti: id autem continuetur, donec ad 64. \mathfrak{L} perveniatur: hujus enim globi. diametri $\frac{1}{4}$, dat diametrum globi 1. \mathfrak{L} .

Sin autem per Circinum proportionalem idem efficere velis, circino vulgari sumptam 1. \mathfrak{L} diametrum statue in linea Cubica transverse inter 32. & 32, ac immoto manente instrumento, excerpe distantias transversas inter 1. & 1. inter 2. & 2. inter 3. & 3. usque ad 31. & 31. & habebis diametros globorum omnium lotonum, in globo 1. \mathfrak{L} . contentorum. Sed & schema superiori capite descriptum, Circini proportionalis defectum supplere poterit, dummodò prius scalà qualicunq; mediante in basi schematis ab A versus B. 32. Stereometrica intervalla punctis & numeris notentur, & operatio ulterior instituatur eo planè modo, ut ibidem dictum est.

CAPVT V.

De modo inveniendi 1. \mathfrak{L} . globi diametrum, ex diametro globi plures libras pendente.

ARITHMETICE.

Hic modus Arithmeticus, non absimilis est in omni sua operatione, illi superiori capite descripto: nisi, quòd diameter globi oblari, in particulas aliquot, scilicet 100. 200. 300. etiam 10. 20. 30. &c. plures pau-

paucioresve, æquales numero, vel inæquales (quò tamen plures, eò certi-
or operatio) dividi possit; nec illæ 100. particulæ, in quas diametrum globi
1. æ. partiti sumus, hîc loci præsupponantur: id autem ex sequentibus ma-
nifestum fiet. Offeratur e. gr. globus ferreus, vel etiam cujuslibet alterius
metalli, cujuscunque ponderis, & magnitudinis, scire autem velis, quanta
sit diameter 1. æ. globi, ex eodem metallo, ex quo est idem ipse globus, quem
præ manibus habes, confecti: sitque in figura sub N°. 8. globi ferrei ABCD.
diameter AC: (quam inter duos gnomones, super plano aliquo erectos, vel
circino incurvata crura habente, aut alio quopiam modo, venari poteris)
hanc divide in partes aliquot æquales: sint autem in nostro exemplo tales
particulæ 100. in quas diameter globi divisa est: hujus cubum, divide per
numerus ponderis globi: hîc autem loci sit ille globus pondo 24. æ: ex
quotiente extracta Radix Cubica, dabit numerum particularum, i. æ. globi
diametrum constituentium; ut id in sequenti operatione videre est.

$\begin{array}{r} \text{Cubus } 1000000 \\ \text{Divisor } 24 \end{array}$	$\begin{array}{r} 41666 \text{ Quotiens} \end{array}$	$\begin{array}{r} 2 \\ 243 \text{ } 2 \\ 41666 \text{ } (34 \text{ Rar. } 34 \\ 9 \\ 306 \\ 4 \\ 1224 \\ 64 \\ 12304 \end{array}$
--	---	---

Nota. Si ex eadem diametro propositi globi, scire velis diametrum glo-
bi 2. æ. tum, Cubus ille particularum diametri, per $\frac{1}{8}$ ponderis globi dividen-
dus est. Si 3. æ. tum, per $\frac{1}{27}$. Si 4. æ. denique: tum, per $\frac{1}{64}$. ponderis ejusdem tui
globi, divide cubum numeri particularum, in quas diametrum ejus secasti:
& ex quotientibus, erue Radices Cubicas; habebis quæsitum,

G E O M E T R I C E.

Ducatur recta A B. in infinitum, & ex puncto A, erigatur perpendicularis
AC: in qua diameter globi propositi, ex A. ponatur in D: ejusdem quoque
globi pondus jam cognitum habeatur: Quodsi, duarum, trium, quatuorve,
&c. (sed tamen octo libras non superaverit) librarum fuerit ille globus, tum
diameter ejus bifariam secetur; ac una ex illis superior, in 100. alias parti-
culas subdividatur. Sin autem 8 libras superaverit globi pondus; usque ad
27. æ. diameter illa dividatur in 3 partes, autem suprema rursus ut prius in
100. æquales particulas dispescatur. Sin autem 27 æ. prætergressum fuerit
globi pondus tum in 4. Si 64, tum in 5. Si 125. tum in 6. Si 216. tum in
7. Et sic consequenter: quoties globi pondus, numerum aliquem cubicum
superaverit, tum diameter illius, in tot partes dividatur, quot sequentis
Cubi numerus, ille qui ordines cuborum docet, constiterit unitatibus; una
tamen ex illis pars suprema, semper in 100. alias particulas subdividenda. Du-
catur postea ex puncto I, quod unam partem infimam diametri, ex eadem
tota refecit, recta FG. basi parallela: videatur quoque in tabella Cubica cap.
1. hujus posita, Cubus numero ponderi globi, e regione respondens, quo in-
vento, sumatur circino ejusdem globi diameter. Cum autem clarum sit,
quam-

quamlibet partem, in quas tota diameter secta est 100. particulis talibus, quales & illa suprema habet, constare: (nam sunt sibi æquales) ideo ab A versus C. ascendendo, numerentur tot particule, quot in tabella inter numeros Cubicarum Radicum, numerus ille, ponderi tui globi respondens, habet unitates: & firmato uno circini crure in puncto numeri inventi, altero describe circuli arcum interfecantem basim schematis. Ex puncto intersectionis ad punctum numeri inventi, duc rectam: quæ producta, necessario quoque lineam F G. basi parallelam interfecabit: Jam vero intervallum punctorum utriusque intersectionis nempe baseos, & alterius rectæ eidem parallelæ, circino desumptum, satisfaciet quæsito.

In schemate sub N^o. 9. sit diameter A D globi 10. cum vero pondus globi 8. superet, ideo diameter illius in 3. partes secta est: ut sunt, AF. FK. KD: Suprema verò KD. in 100 alias particulas est divisa. Ex puncto F. quod; supremam diametri abscindit ducta est FG, parallela basi AB. Ponderi globi 10. in tabella stereometrica respondet numerus 215. Jamque AF. & FK. singulas, 100 particulis constare supponendo, ab A. versus C. numeratis 215 particulis, invenietur punctum L: ex quo intervallo diametri propositi globi, descriptus circuli arcus secabit basim AB, in puncto H, & ex H, in L. recta producta secabit quoque & lineam FG. in puncto I. jamque intervallum punctorum H & I est diameter 1. globi ferrei; quæ quærebatur.

Nota. Si numerus ponderis globi dati, exactè cubicus fuerit, tùm, illius globi diameter in tot partes primarias & principales secetur, quot numerus ordinis Cuborum, Cubo illi respondens, habuerit unitates: Una autem ex illis hoc modo sectæ diametri pars, est diameter globi 1. Sed hæc cum facillima sint, ulteriori non opus habent elucidatione.

Per Circinum Proportionalem, promptissimè idem absolvi poterit: Si nempe diameter globi, statuatur inter puncta numerorum lineæ Stereometricæ, pondus dati globi indicantium, ac postea excipiat intervalum inter 1. & 1. in eadem linea; habebitur diameter Globi 1. Sed & schemate cap. 3. hujus descripto, hoc in passu uti poteris, si usum ejus benè didiceris.

CAPVT VI.

De Modo inveniendæ soliditatis cujuslibet globi, in pollicibus cubicis, aut alia quapiam famosa mensura.

Insistentes demonstrationibus Christophori Clavii, quam lib. 5. fol. 263. Geom. Practicæ, de Cubo & Sphæra habet, non difficulter huic proposito satisfaciemus.

Fiat nempe, ut 21. ad 11. ita Cubus diametri propositi globi, ad ejusdem soliditatem: Sitque ex.g. diameter globi 6 digitorum pedis Rhenani: cubus Numeri 6. est 216. Jam si ponatur in Regula Proportionum, ut 21. ad 11. ita 216. ad soliditatem: Operatione peractâ, habebitur numerus 113: tot nempe digitis cubicis constat soliditas globi dati.

Nota. Si ex numero illo soliditatis globi, Radicem Cubicam extraxeris, habebis latus cubi, globo proposito, & pondere, & soliditate equalis.

Item. Si ex data soliditate corporis alicujus, diametrum globi, soliditate & pondere illi corpori æqualis habere vis, tùm, inverso ordine fiat, ut nempe

11, ad

11, ad 21. ita data soliditas ad cubum diametri: cuius Radix Cubica, diameter globi est. Ut in superiori exemplo, est data soliditas 113 digitorum cubicorum: iam verò si in Regula Proportionum ponatur, ut 11 ad 21. ita 113, ad aliud: peractâ operatione, provenient 215. Hujus autem numeri radix cubica 5.5 circiter, est diameter globi, æqualis pondere, soliditati datæ.

Item. Ex data soliditate in digitis cubicis globi alicujus, pondus illius absque Regula Calibræ, aliisque ponderatoriis machinis & instrumentis innotescet hoc modo: sciendum primùm est (quod neminem Pyrotechnicorum latere existimo) globum, cuius diameter est quatuor pollicum, seu unciarum pedis Rhenani esse pondo 8. ℔. ferri: Hoc igitur supposito, si sit proposita soliditas alicujus globi, fiat per Regulam Proportionum: ut Cubus numeri 4. digitorum ad pondus 8. ℔. ita Cubus alterius numeri, similis mensuræ, ad suum pondus: id autem in calculo subjuncto, superioris exempli, apparet.

Cub. nom. 4.	℔ ferri.	Soliditas globi	
64	- 8	- 216	##
		8	1728 (27 ℔ Ferri.
		1722	###
			6

CAPVT VII.

De modo, quo diameter incognitæ magnitudinis globi, in certa aliqua data mensura, ex diametro 1^o globi, ex eodem metallo facti, in numeris invenienda sit.


Solutio hujus quæsitæ pendet ex regulis capitæ hujus primi: quas etiam in sequenti exemplo, huc quoque revocabimus. Proponatur exempli gratia, quot unciarum pedis Rhenani, sit diameter globi ferrei pondo 1000 ℔. Id ut non difficulter scias, duc Cubum diametri 1. ℔. ferrei globi, in numerum ponderis globi, cuius diameter quæritur, postea ex producto erue Radicem cubicam; & satisfacies proposito. Ut diameter 1. ℔ globi ferrei, est 2. unciarum pedis Rhenani, cuius numeri cubus, est 8: ductis 8 in 1000, dati globi pondus, dabitur productum 8000, hujus numeri Radix Cubica 20. est diameter globi 1000. ℔ ferri pendentis, 20 unciarum pedis Rhenani; quod quærebatur.

CAPVT VIII.

De instituendo Regulæ Calibræ examine, ejusque præcipuo in re Pyrotechnica usu.

Per sæpe contingere solet ut instrumentis ab artificibus manuariis constructis, nimium fiduciæ tribuamus, ac postea, non benè examinatis utamur: unde quanti errores in operationibus suboriantur, quotidiana docet experientia: Operæ igitur pretium erit, hanc nostram *Regulam Calibræ* accuratori subjecisse trutinæ, licet eam vel ipsemet propriis manibus confecerimus, vel ab artifice elaboratam comparaverimus: fiet autem id in hunc modum. Sumatur circino vulgari diameter 1 ℔, ac toties, quoties

Digitized by Google



quoties fieri poterit, secundum longitudinem *Regulæ*, & super punctis in ea annotatis replicetur: Monstrabit enim prima illa diameter omnia puncta quæ à numeris Cubicis denominantur: Prima nempe denominatur ab 1. primo videlicet Cubo: Secunda ab 8, qui est secundus Cubus: Tertia à 27, Cubo tertio: Quarta à 64: Quinta à 125. & sic de reliquis. Eodem modo longitudo diametri 2. ∞ replicata, ostendet numerum 8. bis sumptum, scilicet 16: ter replicata, dat numerum 27. bis sumptum, id est 54. Et sic de reliquis diametris, & replicatis, & ordine naturali per cubos multiplicatis: Id autem ex tabella hîc apposita, manifestum fiet: in qua numeri sub A. positi, sunt primitivi, ex quorum replicatione nascuntur illi, qui sub B. notantur. Sic ex prima diametro, ducunt ortum numeri, 8. 27. 64. 125. &c. & omnes alii, qui sunt in illo ordine transverso. Ex secunda diametro semel replicata, oritur numerus 16, bis replicata, habetur 54, & sic de cæteris. In hunc igitur modum examinatam Regulam Calibræ, usibus tuis securè adhibere poteris: Hi autem cum in arte Pyrotechnica varii sint, ut in sequentibus patebit, præcipuus tamen est, in calibrandis Machinarum bellicarum (quales sunt, Tormenta, Mortaria, & Perardæ) globis & orificiis. Ut e. g. proponatur tormentum aliquod, cujus orificium sit in schemate sub N° 8. A B CD: hujus circumferentiæ orificii diameter, sit AB, quæ circino sumpta transferatur in *Regulam Calibræ* (resecto tamen prius globi vacuo, de quo alibi) monstrabit unum circini crus, numerum aliquem in eadem Regula notatum, pondus globi illius, cujus hæc diameter est, indicantem. Ut in hoc schemate, Diameter BE. (non annumeratâ illi particulâ AE, quæ est globi vacuum) posita in Regula Calibræ ferreis globis calibrandis accommodata, monstrat numerum 2, estque diameter globi 2. ∞ . Ex inde jam facillè colliges, tormentum propositum ejicere globum ferreum 2. ∞ . Sin autem, eandem diametrum in altera quoque Regulæ superficie, in qua diametri globorum plumbeorum sunt impressæ, posueris, reperiens numerum aliquem, qui significet pondus ejusdem globi, si plumbeus esset.

Observa. Si diameter alicujus globi, in *Regulam Calibræ* translata, non coincidat exactè alicui numero, qui libram integram denotat, sed spatium aliquod inter illius diametri oblâtæ punctum, & superioris sequentis numeri punctum aliud in *Regula* notatum, superfit, sciendum, aliquot adhuc lotones præter libras integras, pendere globum propositum: quot autem numero sint illi, facillè in hunc modum explorari poteris. Abscindat e. g. circinus in *Regula Calibræ*, libram unam, & insuper adhuc, inter punctum 1. & punctum tuæ diametri, sit aliquod spatium versùs punctum 2. Tum super scala aliqua experire, quot partibus constet tua diameter; similiter quoque diameter, 1. ∞ . quot ejusmodi contineat intervalla. Sit hîc loci diameter 1. ∞ . 106. particularum, diameter verò proposita, sit similium particularum 108. Jam manifestum est, pondus globi illius, cujus est diameter, superare pondus 1. ∞ , eâ proportionem quâ cubus numeri 108. superat cubum numeri 100, ac proinde, præter unam libram, pendere adhuc lotones aliquot globum propositum: quorum numerus ut innotescat, sic per Regulam Proportionum ratiocinandum. Si 1000000, qui est cubus ex 100. conflatus, dat lotones 32. quot dabit lotones cubus ex numero 108, qui est 1259712? Peractâ operatione solito more, provenient 40. circiter; nempe tot lotonum pondo globus ille est; ac proinde, superat globum 1. ∞ . 8 lotonibus.

C

AB

A	B	B	B	B	B	B	B	B	B
1	8	27	64	125	216	343	512	729	1000
2	16	54	128	250	432	686	1024	1458	2000
3	24	81	192	375	648	1029	1536	2187	
4	32	108	256	500	864	1372	2048		
5	40	135	320	625	1080	1515			
6	48	162	384	750	1296				
7	56	189	448	875					
8	64	216	512						
9	72	243							
10	80								

CAPVT IX.

De mutua Metallorum, & Mineralium inter se ratione, seu quomodo ex pondere, vel magnitudine unius metallici corporis, alterius pondus, vel magnitudo invenienda sit. Nec non de annotandis in *Regula Calibræ*, ex variis metallis & mineralibus factorum globorum, diametris.

Cùm in Arte Pyrotechnica, non ex ferro solo, sed etiam ex aliis metallis; plumbo nempe, lapide, & his similibus, factorum globorum, sit usus: tùm etiam, varia ex variis metallis & mineralibus fabricata reperiantur corpora: frequenter autem, vel necessitatis, vel honestæ curiositatis gratiâ, ex dato alicujus corporis, aut pondere, aut magnitudine, alterius corporis, ex alio metallo conflati, vel ratione magnitudinis, sed diversi ponderis, vel ratione ponderis, sed diversæ magnitudinis, dato corpori similis, notitiam habere volumus: Ideò minimè nos errasse immò plurimum Arti Pyrotechnicæ omnibusque illius philomatis, commodi al-
laturus existimabimus, si omnium metallorum & mineralium, certas ad invicem habitudines, ex probatissimis auctoribus desumptas; quasdam etiam propriis observationibus annotatas, hoc Capite ob oculos posuerimus: Monitum tamen benevolum lectorem volumus, ut cùm apud alios auctores paulò diversas hæc mutuas metallorum proportionales invenerit, nobis æqui bonique consulat quòd recentioribus insistamus experimentis. Nec tamen ideò aliorum authoritati quicquam derogari volumus: cùm neminem latere arbitremur (ut & Mathias Berneggerus in notationibus ad Tractatum Galilei de Galilæis ait) *quanta sit metallorum purorum (pura autem vocantur metalla, quibus nulla alterius metalli, admixta vel alligata est particula) non ad se mutuò tantum, sed & in suo cujusque genere, aliqua ponderis discrepantia; sic, ut Aurum Auro, Plumbum Plumbo, gravius, leviusve deprehendatur, ut ut in magnitudine convenient.* Quin & metallum cūsum, fuso metallo præponderat, cū illius partes cudendo longè magis, quàm fundendo coarctentur, & solidius coëant. Ergò frustra hic *exigui quæstiveris.* Lapidum verò diversitas longè quàm metallorum est major. Sunt enim bibuli quidam, quos arenarios vocant: sunt alii solidiores, & hi ipsi inter se soliditate discrepantes. Porro varietas pon-
de-

derandi, quæ sæpius in quibusdam gravibus contingit, similis est varietati Astronomicarum observationum quæ semper ferè quibusdam minutis, sive primis, sive secundis differunt. Quomodo autem ista experimenta, in inquirendis gravitatum inter hoc vel illud metallum differentis, à viris peritis instituantur, cum non sit inutile scivisse, & ut summa difficultas certi alicujus inveniendi examinis melius innotescat, ea de re verba Marini Mersenni insignis hoc ævo nostro Mathematici, huc transtuli: Sic enim ille in libro de Hydraulicis prop. 47.

Imprimis igitur liquores phialis exploravi, quæ tantò meliores, quantò collum angustius habuerint; cui collo lineola, vel filum accommodandum, ut singuli liquores ad eandem lineam ascendentes, lagenam ex æquò impleant. Non commemoro qualibet vice lagenam penitus exsiccamdam, ne præcedentis liquoris guttula lateribus interioribus vel etiam exterioribus phialæ adhærens, exactam gravitatis cognitionem interturbet. Taceo etiam quæ aliàs de bilancibus & stateris dicta sunt, deque ponderum divisionibus, in quibus maxima diligentia requiritur.

Verum hic modus non est commodus ad corpora dura expendenda, qualia sunt metalla, nisi prius funderentur, ut revera fundi curavi; sed præterquam quòd omnia metalla non æqualiter typum seu formam implent, ut prop. 8. lib. 4. de Campanis coroll. 3. monebam, & quædam fiant in unis quàm in aliis majora spacia interiora solo aëre plena; quædam difficillimè fundantur, uti cuprum, seu purum æs; non possunt fundi lapides, ligna, &c. ea propter metalla ejusdem magnitudinis ex aurificum chalybeis instrumentis in filum ducta, bilancibus exploravi; ut loco citato librorum harmonicorum videre est, quæ cum mihi ne dum satisfaciunt, tum quia initio fili ducti, quàm in ejusdem fili medio, & fine (licet nullis sensibus id pateat) foramen latius evadit, & minus uni quàm alteri metallo resistit, tum quòd omnia metalla duci nequeunt in filum, quemadmodum neque lapides; neque liquores &c. aliud addendum.

Tertium igitur modum ex torno repetendum arbitratus, quo mihi corpora omnia formarentur in globos æquales, vel ex fabro lignario, qui parallelepipeda, vel cubos efficeret, quoad fieri poterat, æquales, illum rejeci cum inæqualitatem balances ostenderint; sed neque lapides, metalla, vina, liquores &c. tornari, vel runcinâ levigari possunt: quapropter nullus alius mihi superesse visus est modus, quàm exactis bilancibus omnia corpora in aëre, vel in aqua, vel in utrisque examinarentur. In aëre quidem omnes liquores quos lagena, quæ collo fuerit angustissimo, includas, & cum aqua conferas: in aqua verò reliqua corpora dura, quæ, prout liquores, exactè ponderari possent in aëre, si vel essent magnitudine æqualia, vel magnitudinis illorum discrimen agnosceretur: sed cum diversis figuris ut plurimum irregularibus afficiantur, nil commodius aut exactius quàm ut in aqua expendantur, & ex ratione aqueæ molis illis æqualis, ad gravitatem illorum, concludatur quantò sit unum altero gravius: quod si semel in tabulam referatur, nullus deinceps labor in iis impendendus.

Idem, eadem de re inferius in corollario ejusdem prop. Memini Dounotium Geometram metalla omnia fuisse solitum ad heminam Parisiensem reducere; & ubi supposuisset, aquam heminâ contentam unius esse libræ: metalla sequentia, ejusdem molis ita se habere, ut ferrum sit lib. 8. æs 9. argentum 10. Plumbum 11. & aurum 19, sphaeram verò plumbeam, cujus axis, seu diameter, pollicis cum besse, sive octo lineis, in pretio habuisse, quòd esset pondo unius libræ: sed cum heminam fufis metallis implendam sibi proposuisset ad aliorum justa pondera definienda, illum ab instituto revocavi, quòd expertus essem typos, & vasa minus à quibusdam metallis, ab aliis verò magis impleri, & in his quàm in illis plura vacuola, seu plures, ut fusores loquuntur, ventos repiri.

Aliquo igitur ex illis superius à Merfенno enumeratis, artificio, accuratè quęstas mutuas metallorum proportiones, & à Petito inventas, ac in tabellam relatas, ibidem Merfennus adducit, afferendo metalla mole æqualia frequentem inter se rationem observare. Nos autem huic tabellæ, Sulphuris & Ligni, ad reliqua metalla proportionem apposuimus: ut sequitur.

Aurum	100
Mercurius	71 $\frac{1}{2}$
Plumbum	60 $\frac{1}{2}$
Argentum	51 $\frac{1}{2}$
Æs, seu Cujure	47 $\frac{1}{2}$
Æs, Airain, calaminæ mixtum;	45
Ferrum	42
Stannum commune	39
Stannum purum	38 $\frac{1}{2}$
Magnes	26
Marmor	21
Lapis	14
Cristallus	12 $\frac{1}{2}$
Sulphur	12
Aqua	5 $\frac{1}{2}$
Vinum	5 $\frac{1}{2}$
Cera	5
Oleum	4 $\frac{1}{2}$
Lignum tilię.	3

Ufus tabellæ hujus præcipuus hic erit, ut corporis alicujus ex propositis, gravitate vel magnitudine cognitâ, alterius quoque corporis gravitas, vel magnitudo, & ambarum gravitatum & magnitudinum ratio innotescat. Ut, si scire velis quæ sit ratio gravitatis inter ferrum, & plumbum, hoc est quantò sit plumbum gravius ferro ejusdem molis, id ex superiori tabella faciliè notum fiet: erit nempe ut 60 $\frac{1}{2}$ ad 42. ita gravitas plumbi ad ferri gravitatem, ejusdem magnitudinis utroque corpore assumpto.

Hisce præcognitis egregium quoddam ac summè in re Pyrotechnica necessarium problema, resolvere poterimus. Nam si proponatur ferreum tormentum quod sit pondo 2000. \mathfrak{ss} ferri, postuletur autem, quot libræ æris ad aliud ejusdem magnitudinis, ejusdemque in omnibus partibus & ornamentis, proportionis, & formæ, conficiendum tormentum, requirantur. Id ut tibi notum fiat, pone ex tabella superiori numeros in Regula Proportionum hoc ordine. Vt 42. numerus ponderis ferri, ad 45. numerum ponderis æris calaminę mixti, ita 3000 \mathfrak{ss} , numerus ponderis ferri propositi tormenti, ad pondus, quod quęritur. Peractâ operatione, habebitur pondus æris calaminę mixti, quod ad simile tormentum fabricandum necesse habetur; nempe 2142 \mathfrak{ss} . 27 lotones circiter.

Magnitudine autem alicujus corporis in partibus æqualibus cognitâ, faciliè quoque alterius corporis magnitudo, iisdem partibus mensurata, proposito corpori pondere æqualis, & formâ similis, licet mole inæqualis, manifesta fiet, si ordo rationum invertatur. Sit e. g. cognita magnitudo ferrei globi 1. \mathfrak{ss} , cujus diametrum superius 100. particulis æqualibus constare diximus, quæratur autem quanta sit diameter globi plumbei; ferreo proposito æquipondii. Tum ex superiori tabella ratio magnitudinum inæquali pon-

pondere utriusque corporis patebit: erit nempè ut 60; ad 42, ita magnitudo globi ferrei ad magnitudinem globi plumbei ejusdem ponderis.

Ut autem æqualium particularum numerus habeatur quibus diametri utriusque globi constare debent, aliam quoque tabellam inferius ponere visum est: hanc autem calculati sumus ope superioris tabellæ cap: 1. hujus positz, Radicum Cubicarum, & suppositis ratione ponderis, metallorum mutuis ad se proportionibus, in superiori tabella annotatis; id autem sequenti methodo. Radicem centesimi cubi ex tabella Stereometrica desumptam 464. multiplicavimus semper per 100. productum 46400. divisimus semper, per radices singulis numeris, ponderum metallicorum respectu auri competentes. Vt, inventuri numerum particularum, diametrum globi plumbei constituentium, productum illud 46400, divisimus per radicem cubi 60; quæ est circiter 392: quotus 118, est diameter globi plumbei auro æquiponderantis. Hac igitur arte tabella, inferius posita confecta est: Ex qua si diametrum globi plumbei 1. scire velis, jamque magnitudo globi ferrei plumbeo æquipondii in particulis æqualibus tibi nota sit, (quam hic loci, ut & supra 100. particularum æqualium esse, supponimus) tum numeros metallorum proportionales, sic in Regula Proportionum dispone. Ut nempè numerus proportionalis ferri, qui est in tabella 133. ad numerum proportionalem plumbi 118, ex eadem tabella, ita 100. æquales particule quibus diameter 1. ferrei globi constat, ad particulas diametri globi plumbei ferreo æquiponderantis; quæ quæritur. Calculo finito, habebitur diameter globi plumbei $88\frac{2}{3}$ talium particularum, qualium diameter globi ferrei est 100. Sic in aliis quoque ex aliis metallis confectorum globorum, ferreo respectu ponderis æqualium, inveniendis diametris, procedendum. Nec non, si & ex alio quopiam metallo facti globi, diametri magnitudo nota sit, non difficulter in cognitionem magnitudinis diametri, globi alterius, ex diverso metallo constructi, dato æqui pondii deveniemus, si numeros metallicarum proportionum ex eadem tabella desumptos, in Regula Proportionum ritè disposuerimus, & operationem more solito peregerimus. Inventas autem hæc diametros, facile quoque in *Regula Calibræ* annotabimus, juxta præmissa. Sed neque globorum tantum diametri, immò omnium quoque aliorum corporum, tam regularium quam irregularium, ex omnibus metallis quæ in nostra tabella reperiuntur, confectorum, homologa latera, inquiri possunt: & corporis unius, ad aliud, mutua magnitudinis, ratio, (supposito utriusque æquali pondere) facile, ope superioris tabellæ innotescet, Ut e. g. si offeratur cubus ligneus 10. pendens, postuleturque ut alium construamus cubum cupreum, dato æqui ponderantem. Hoc ut perficiatur, secetur primum unum cubi lignei latus, in partes aliquot æquales: (quò autem plures, eò certior & exactior operatio futura) sint autem hic loci 60. particulæ, in quas illud cubi dati latus sectum est. Sumantur deinde numeri proportionales ex tabella, ac in Regula Proportionum hoc sequenti ordine disponantur. Ut 309. numerus proportionalis ligni, ad 121, numerum proportionalem cupri, ita 60, numerus particularum lateris cubi lignei ad numerum particularum, quibus latus cubi cuprei construendi constare debet. Ex operatione proveniet numerus $24\frac{16}{15}$. Tot nempè particulas tales, qualium cubi lignei latus est 60, continere debet latus cubi cuprei, qui sit æqualis pondere, cubo ligneo proposito.

Quod cum uno latere cubi, tanquam corporis regularis factum est, id, cum singulis irregularium corporum homologis lateribus faciendum: Quæ etiam arte, ex omnium Pyrotechnicorum corporum (quæ ut plurimum

sunt irregularia; Ut Tormenta, Mortaria, Petardę, & alia multa) modellis, (quę proplasmata vocant) ligneis, aut cereis, vel plumbeis, vel etiam ex aliis quibuscumque metallis & mineralibus paratis, magnitudines æquiponderantium corporum, ex aliis diversis metallis, ex ære nempe vel metallo mixto & alligato, aut etiam ferro, fabricandorum, facillimè reperientur. Auctio autem corporis alicujus, in quacunq; tandem ratione videbitur, (servatâ tamen, ejusdem formę, quę modelli, aut ex alio metallo inventi corporis, erat, proportionem) juxta superius præmissa, & adminiculo tabellę Radicum Cubicarum cap. 1. hujus, exhibitę, absolvenda. Eadem de re videre poteris problema 25. in Tractatu Galilæi de Proportionum instrumento : ubi ille, idem per suę inventionis instrumentum, invenire docet.

Nota. Fecimus hîc mentionem metalli mixti & alligati, cujus quidem ponderis, in æquali ad alia metalla magnitudine, rationem, in superiori tabella non dedimus : difficilè enim est, certi aliquid hac de re statuere, cum metalla ad tormenta bellica construenda, variè ab artificibus alligentur; de quo alio loco dicemus. Experti tamen sumus, pondus metalli eâ proportionem mixti, ut centenas cupri libras, viginti librę æris calaminę mixti (vulgò *Aurichacum*, Germanis *Messing*, Polonis verò, *Mosiadz* dicitur) & decem librę stanni intrent; (quę etiam alligatio satis firma censetur, & nunc maximè apud plerasque gentes in usu est) proximè accedere ad pondus æris calaminę mixti, si illa corpora ex utroque metallo facta, æqualis fuerint molis; quod in iis quę sequuntur teneri, & observari poterit.

Diametri globorum æqui ponderantium, in particulis
æqualibus.

Aurum	100
Mercurius	111
Plumbum	118
Argentum	122
Æs, seu Cuprum	128
Æs Calaminę mixtum	130
Ferrum	133
Stannum commune	136
Stannum purum	137
Magnēs	156
Marmor	168
Lapis	192
Cristallum	201
Sulphur	202
Aqua	266
Vinum	267
Cera	271
Oleum	276
Lignum tilię	309

A P P E N D I X.

Utrumque illud in superius allatis exemplis quęsitum : tam nempe invenienti globorum diametros, ex diametro cognita alicujus globi, quàm laterum homologorum corporis unius, tam regularis quàm irregularis, ex cognitis

gnitis lateribus alterius propositi corporis, (cum utrumque corpus æquiponderans præsupponitur) alio quoque modo facillimè resolui poterit; idq; sequenti. Ex scala qualicunque excerpe circino vulgari intervalla punctorum proportionalium, omnium metallorum, juxtà numeros tabellæ superioris, & in lineam A B. in schemate sub N^o 10. positam, transfer; ponendo ex A. versùs B. punctisq; impressis ubi intervalla desinunt, singulis etiam nomina, vel characteres, quibus metalla signari solent, adscribe: habebis paratum instrumentum: cujus usum ex unico exemplo, superiori simili addisces. Datum sit latus cubi, argentei, quærat autem latus cubi cristallini argenteo æqui ponderantis. Sume circino rectam D E. in eodem schemate; quæ est latus cubi argentei, ac uno circini crure firmato in puncto quod vocabulo *argentum*, signatum est, altero describe circuli arcum; ad quem ex A, duc tangentem A C in infinitum. Sume postea intervallum inter punctum, cui hoc vocabulum *cristallum* adscriptum est, & tangentem A C: habebisq; latus cubi cristallini, argenteo dato æquiponderantis. Simili quoque modo, alia intervalla inter lineam A B & tangentem A C. comprehensa, erunt latera cuborum, ex aliis metallis conficiendorum, cubo argenteo proposito pondere æqualium.

CAPVT X.

De Ponderibus, eorumque differentiis, & coæquationibus.

Pondera, quibus omnis generis gravia corpora Bilancibus vel Stateræ imposita expendere solemus, veterum à nostris modernis, & re, & nomine diversa erant; sed & inter se etiam infinitum illa variabant, tam nationum respectu, quàm rerum ponderandarum; quod etiam & apud nos, nunc fieri videmus. Alia enim sunt pondera quibus Hispani, alia quibus Galli, Itali, Germani, Poloni, Angli, & reliquæ in orbe gentes utuntur; quæ etiam propriis juxtà patrium idioma, appellant nominibus. Item alia sunt pondera, quibus aurum, argentum, uniones, coralla, & alias merces pretiosas expendimus. Alia quibus ferrum, cuprum, aurichalcum plumbum, stannum, sulphur, alumen, ceram, sebum, linum, canabim, lanam, coria, fila ferrea & cuprea, carnes salitas & recentes, butyrum, caseos, & multa his similia ponderamus. Alia denique quorum apud medicos, myropolas, & chirurgos in præparandis & justo pondere intra humana corpora transmittendis medicamentis, usus est. De his igitur omnibus, hoc capite quædam dicenda nobis proposuimus: primum autem vetera, postea tandem nostratia moderna enumerabimus, coequabimus, & usum coequationis in re Pyrotechnica monstrabimus.

Quantum ergo jam ad veterum pondera, illorumque inter se differentias. Omnium auctorum tam Latinorum, quàm Græcorum scripta, abunde satis de illis loquuntur: nos verò paucula saltem hic loci ex illis libabimus, & decerpemus. Imprimis autem pondera omnia bifariam partiebantur veteres, in magna scilicet, & parua. Ex magnis erat --

Talentum. quod, apud Hebræos erat pondus non signatum pendens 3000 *Siclos* ut ex cap: 38. Exodi constat, ubi fit mentio summæ 100 talentorum & 1775 siclorum quæprovenit, postquam 603550 hominum unus quisq; dimidium *siclum* persoluisse. Continebat autem *Talentum Hebræicum* minas Hebræicas

cas 100 Atticas 120: seu uncias 1500: seu drachmas 12000: seu libras duodecim unciales 125. Expendebatur *Talentum* aurum, argentum, & æs. Villalpandus tomo 3. ubi etiā refutat aliter sentientes. Sed de pondere *ficli* summa est inter auctores controversia. Marinus Mersennus in libro de mensuris, ponderibus, & nummis, ait se expertum esse *ficlum argenteum* (cui æqualis ponderis, licet inæqualis pretii fuisse vult & aureum) pendere grana 268, & ex hoc statuit *Talentum Hebræorum* constans 3000 *ficlis*, fuisse 87. sedecim-uncialium, unciarum 3, drachmarum 6, & 2. denariorum, seu granorum 804000. Est igitur Villalpandi *Talentum*, Mersenni calculo majus 6. sedecim-uncialibus, 8 unciis, 2. drachmis, & 2. denariis. Sunt qui existiment, apud Hebræos duplicem fuisse *ficlum*, communem nempe *prophanum di-drachmū*, & *Sanctuarii tetra-drachmum*, duplum scilicet *communis ficli*: verū legatur Villalpandus, qui contendit adversus Grepsum unicum fuisse *ficlum*, *stateri Atheniensi* æqualem, non autem duos, puta, *communem* seu *prophanum*, & *sacrum*. Quarta pars *ficli*, hoc est drachma, Lucæ 15. 8. commemoratur, Romano denario æqualis; de quo Math. 18. 22. Ut pars dimidia, Math. 17. 27. *Siclus* constabat 20 *obolis*, Hæbræis *Gerah*, Chaldeis verò *Maha* dictis, *Obolus* autem juxta communem Rabinorum sententiā, erat pondo granorum hordei 16: quæ cum juxta observationes, æquantur granis unciæ, (de quibus inferius dicemus) erit ex hoc unus *ficlus*, seu 20 *oboli*, 320. granorum. 3000 verò *ficlorum* erunt pondo 60000 granorum, seu librarum sedecim-uncialium 104, unciarum 2, drachmarum 5, denarii 1. Sed de hisce in pondere *ficli Hebræici* differentiis, legatur Mersenni liber de mensuris, ponderibus, & nummis, tum & alii auctores, quos ille ibidem citat.

Romanorum *Talentum* triplex fuisse constat ex auctoribus. *Minimum* 33 Romanarum. *Medium* juxta Vitruvii lib. x. cap: ultimum, 120: ubi ille Helepolim ita munitam ciliciis & coriis crudis esse vult, ut posset pati plagam lapidis ballistâ immissi pondo 360. ea autem sunt tria *Talenta*, quorum singula pendunt 120. *Maximum* reperio apud Suidam & Hesychium 125. quod æquipollet *Talento Hebræorum*.

Græcorum *Talentum*, seu Atticum, constabat 6000 drachmis, seu minis Atticis 60, ex Festo Suidas: adeoque erat subduplum Hebræici juxta Villalpandum; & Romani juxta Suidam & Hesychium: id est 62; Romanarum. Pretium *Talenti Attici* in re nummaria erat 600. aureorum coronatorum. Unde memorabilis illa liberalitas Alexandri Magni in viros doctos, cum præceptorum suo Aristoteli in præmium laboris ut animalium naturas describeret, dederit octingenta talenta, hoc est ut quidam volunt coronatorum aureorum millia quadringenta octoginta. Xenocrati verò philosopho per legatos miserit quinquaginta talenta, aureorum videlicet millia triginta. Erant quoque & alia Talentorum genera, ut.

Thrasium *Talentum* 120. Ægyptiacum 80. Alexandrinum subduplum Attici, seu 31: unciarum 3. Syrium 1500 drachmarum, seu 15. unciarum 7, drachmarum 4. Ægyneum 10. drachmarum.

Inter Minora veterum pondera erat apud Hebræos -

M I N A. seu *Manegh*, quæ constabat 30. *ficlis*, seu *drachmis* 120.

Græcorum *Mina*, seu *Mna μνα*, duplex fuit. Una minor, continens *drachmas*. 75. Altera verò major nova Solonis, *drachmis* 100. constans. *Drachma* dividebatur in *obolos* 6: *Obolus* in *semiobolos* 2: *Semiobolus* in *Chalcos* 3: *Chalcus* in *Lepta*. 5. Apud Medicos verò & chirurgos eadem *Mina* dividebatur in *Uncias*

cias 16: *Uncia* in *drachmas* 8: *Drachma* in *scrupula* 3: *Scrupulus* in *Obolos* 2: *Obolus* in *Semiobolos* 2: *Semiobolus* in *siliquam* 1 $\frac{1}{2}$: *Siliqua* in *grana* seu *momenta* 4.

Alexandrina Mina fuit 20. *Unciarum*. Denique *Prolemaica mina* constabat. 8. *Unciis*.

LIBRA. quæ *Pondo* & *As*, sive *Assis* Romanis dicta. Hoc pondus inter majora minimum inter minora maximum erat. Continebat *uncias* 12: fuitque *Libra Romana* minù *Atticâ* minor 4 *drachmis*. Partes *Libræ* erant. *Uncia*, per se. *Sextans*, duæ *uncie*. *Quadrans*, tres. *Triens*, quatuor. *Quincunx*, quinque. *Semis*, sex. (quæ etiam *Selibra* dicebatur) *Septunx*, septem. *Bes*, octo. *Dodrans*, novem. *Dextans* decem. *Deunx*, undecim. Rursus *Libra* in alia minora pondera subdividebatur. Ut *semiuncias*, 24. *Duellas*, 36. *Sicilicos* 48. *Sextulas* 72. *Denarios* 48. *Victoriatos* 168. *Scriptula* 288.

Erat præterea *Libra* apud Romanos, mensuræ genus, constans ex 12. partibus equalibus, quas similiter *uncias* vocabant. Hanc autem mensuram ad differentiam ponderis, *Libram mensuralem* vocabant, vel *Libram mensuram*. Alteram autem, quâ res appendebantur, hoc est pondus ipsum *Libram ponderalem*, & *Libram pondo*; quam superius jam descripsimus. Erat autem *Libra mensuralis* teste Galeno lib. 1. de compositione medicamentorum, mensura cornea, quâ oleum admetiebantur Romani, intersecta lineis quibusdam, dividens ipsam in 13. partes: ex quibus $\frac{11}{13}$, hoc est interstitium inter duas lineas, *uncia* vocabatur. Porro quantum differat *Libra mensuralis* in pondere à *Libra ponderali*, docet Galenus ejusdem operis lib. 6. ostendens 1. *Libram mensuralem* equalem esse 10. *unciis ponderalibus*, hoc est 2. *unciis* esse minorem *Librâ ponderali*.

Absolutis veterum ponderibus, ad nostratiam quoque quibus nunc utimur accedendum est. In his etiam tam majoribus quàm minoribus differentia summa est. Cum verò omnibus propria Latina non suppetant nomina, aliarum nationum vocabulis, prout quælibet juxta patrium idioma illa vocat, & ut apud mercatores nunc in usu sunt, hic quoque loci ordine enumerabimus, & describemus, idque quàm brevissime fieri poterit.

DOLIUM. Pondus Polonis usitatum, (vulgò *beczka*) constat 50 *Lapidibus* seu 1600. \mathfrak{z} . *Lapides* verò pono hic *Varsavienses*, quorum singuli sunt 32. \mathfrak{z} .

MIGLIER. Pondus Venetum, continet 40. *Myriades*, (vulgò *Miri*) quorum singuli sunt 25. \mathfrak{z} . estque adeo pondus hoc 1000. \mathfrak{z} . duodecim-uncialium.

BAECAR. Pondus in Regno Calicut. quod Olisiponæ facit 5. magnos *quintales*: estque adeo \mathfrak{z} 640.

CALLA. Pondus Alexandrinum continet \mathfrak{z} 960.

CARCO. vel **CARICO.** & **CARGO.** ac **CHARGE.** est Italæ, Hispaniæ, Gallis, & Portugallis usitatum pondus, quo equi, asini, & muli onerari solent: continet verò in Hispania 3. *quintales*, qui faciunt 360. \mathfrak{z} & etiam 432. \mathfrak{z} . Venetiis & Antverpiæ est 400. \mathfrak{z} . Lioni & alibi in Gallia est. 270 vel etiam 300. \mathfrak{z} . Huic ponderi respondet *schiffsfunde* Germanorum, quod est pondus vel onus nauticum, ut inferius dicitur.

BIRKOWIEC. Pondus usitarum Moscovitis & Russiæ albæ incolis. Constat 10 aliis minoribus ponderibus (vulgò *Pud*) quorum singuli sunt 36. \mathfrak{z} . estque adeo hoc pondus 360 \mathfrak{z} .

D

SCIBA

SCIBA. Pondus Ægyptiacum, Constat 320 ℥.

RIVOLA & ROMOLA. Pondus Damascenum. Constat 225. ℥.

STAR. Pondus Venetum. Constat 360. etiam 220. 180. 130. immò etiam 110. ℥: idq; respectu diversarum mercium; quas enumerare hujus loci non est.

WAGE. Pondus Belgicum. Antverpiæ est 165. ℥. Brugis in Flandria 30 *Lapidum* seu 180. ℥. Ibidem est etiam & 20. *Lapidum* seu 120. ℥: hoc autem pondere, ponderantur casei & butyrum.

QUINTAL. vel QUINTALO & QUINTALIS. Pondus Hispanicum & Portugallicum. Estque Legioni 100. ℥. Sevilix *major Quintalis* est 144 ℥. constatque 4. *Robis*: *Roba* verò. 36. ℥. *minor* verò est ℥. 112. constat etiam *Robis* 4. *Roba* verò 28. ℥. duntaxat. Est ibidem etiam & alius *Quintalis* constans 120 ℥ vel 4 *Robis*, quarum singule sunt 30. ℥. In Portugallia est *Quintalis* 128. ℥. Constat 4. *Robis*, quarum singule sunt 32. ℥. estque *major*: *minor* verò, est 112. ℥. constans etiam 4. *Robis*, pro singulis numeratis 28 ℥. Ibid. *Quintalis* ceræ continet 1; *Quintalem* qui est 112 ℥. facitque ℥. 168. In Regno Fessæ est *Quintalis* 66, ℥. Antverpiensium. In Marocco & Guinea, est *Quintalis* 128. ℥.

CENTNER. & CANTAR. CENTENARIUM PONDUS. dictum est antiquitus à centum libris. Unde apud Nonium: *Quid sit? ballistas jactas centenarias*; quòd nempè lapides 100. ℥ pondo jacerent. Nunc infinitè variat. In Gallia Lutetia Parisiorum dividitur in 4. *Quatrons* quorum singuli sunt 25. ℥. Lioni, Tholossæ, Avignioni, Montipessulano, est 112. ℥. In Hispania constat 4. *Robis*, *Roba* verò 30 ℥. estque adeò ℥. 120. & Quintali æqualis. In Apulia, Calabria, & Candia; etiam Constantinopoli, Alexandria, Aleppi, & in Cypro atque Rhodo, est 100. *Rotulorum*. In Sicilia 61 *Rotuli* constantes singuli 30 unciis faciunt *Centenarium*. Damasci constat *Centenarius* 5. *Zurlis* vel *lapidibus*, quorum unus est 20. *Rotulorum*. In Barbaria continet 5 *Robas*, *Roba* verò 20. *Rotulos*. Orani *Centenarius* est. 4. *Robarum*. In Anglia est 112. ℥. Norimbergæ & in præcipuis quibusdam superioris Germaniæ civitatibus est 100. 120. etiam 132. ℥. In Silesia Vratisslaviæ constat 5. *Lapidibus*, quorum singuli faciunt 24. ℥. estque adeo 120. ℥. Hamburgi & Dantisci est item 120. ℥. Regimonti 128 ℥. Lubecæ & Stetini in Pomerania 121 ℥. Cracoviæ in Polonia est 135. ℥. Varsaviæ constat 5. *Lapidibus*, quorum singuli (ut supra dictum) sunt 32. ℥. estque adeo 160. ℥. idq; juxta constitutionem Regni in An. 1565. Leopoli in Russia est 5. *Lapidum* quorum singuli sunt 30 ℥.

ROBA. Hispanorum & Italicorum pondus. Constat 36. 32. 30. & 28. ℥. ut supra toties dictum.

LAPIS. vulgò STEIN. Germanis, Belgis, omnibusque Germanici Oceani & Maris Balthici accolis: etiam Polonis Lithuanisque usitatissimum pondus. Sed & in Italia habetur in usu: estque Romæ, Florentiæ, Bononiæ, itē Hamburgi, Lubecæ & Stetini 10. ℥. ubi etiam est & alter duplus prioris nempè 20. ℥. Vratisslaviæ in Silesia constat 24 ℥. Cracoviæ 27. ℥. Varsaviæ & Lublini 32 ℥. idque juxta constitutionem *Sigismundi Augusti* in an. 1565. Leopoli 30 ℥ Dantisci duplex est. Unus *major* 24. ℥.

34. ℥. cuius usus est in ponderanda cera & lino. Alter verò *minor* 24. ℥. qui adhibetur ad aromata expendenda. Regio monti duplex *Major* 40, *Minor* 25 ℥, & Elbingæ, Vilnæ in Lithuania Rigæ atque Revaliæ in Livonia 40 ℥. Toruniæ 24 ℥.

NAGEL. Est pondus Anglicum quo lana ponderatur, est quæ Brugis in Flandria 6. ℥. Item 45 *Nagel.* faciunt unum pondus *Wage* dictum, 2 *Wage* faciunt 1. *Saccum*, 3. *Sacci*, faciunt unum *Seltier* vel *Serpelier*. In Anglia verò *Nagel* est 7. ℥. 3. *Centenarii*, cum 3, faciunt *Saccum* lanæ qui constat 52. *Nagels*. *Todi* etiam est pondus Anglicum, quod constat 4. *Nagels*.

ROTULUS. & SCUTARI. Pondus Italicum & Orientale. In Arabia Syria. Item Græcia Rhodo Cypro. dividitur in 12. *Uncias*, vel *Sacros* aut *Sachosi*, in 24 *Sexarios* seu *siclos*, in 48 *denarios*: quorum 7. faciunt unciam, in 96 *Darchinos*, quæ sunt *Drachmæ*, in 288 *scrupula*, in 576. *Orlosfat* vel *obolos*, in 864 *Danig*, in 1728 *Kiratz*, qui sunt *iceratii* vel *siliquæ*. id 6912. *Kestuff*. quæ sunt grana. *Rotulus* Venetiis est, teste Nicolao Tartagliâ questione 12. ℥ 2. 33 *Unciarum* cum 3, faciuntque 3 *Rotuli*, *Uncias* 100. In Sicilia *Rotulus* est 30. *Unciarum*. *Alcairi* constat 6. ℥. *Aleppi* 60 *Unciis*. *Uncia* verò constat 8 *Metallicis* vel *Metecallis* (ita enim Turcæ appellant drachmas) facitque *Rotulus* 480 *Metallicos*, quorum singuli faciunt 1; *Peso*: 10. verò *Pesa* constituunt 1. *Ongam* vel *Ongiam*. Rursus 50 *Metallici* faciunt *Marcam Turcicam*. Nostram verò, tales 42 constituunt.

MINA MANEG & MNA. In Ægypto est 16. *Unciarum*. In Syria & Judæa 18 *Unciarum*. Alibi etiam reperitur vetus Græcorum *Mina* in usu; nempe 100. *drachmarum*.

LIBRA. Germanis *Pfundr.* Belgis *Pond.* Polonis *Funt.* Pondus omnibus Europæis notissimum, adeoque ubivis locorum usitatissimum est. Cum autem diversimodè subdividatur, vel pluribus in hoc vel alio loco partibus constet & in pondere summopere variet, pretium operæ erit, fusius de illâ, id loci dixisse, & inæquales ejus subdivisiones in variis Europæ provinciis, civitatibusque annotasse. Sequemur autem hoc in passu Marinum Mersennum in observationibus accuratissimum; ex cujus libro de mensuris, Ponderibus & nummis, quæ sequuntur excerptimus. Incipit verò ille à *libra Gallica*, cum qua aliarum provinciarum pondera confert & coæquat. Dividit autem primò, *Libram* Gallicam in 16. *Uncias*: *Unciam* in 8 *Drachmas*: *Drachmam* in 3. *Scrupulos*, seu *Denarios*. Ita, ut tota *Libra* constet 384 *Scrupulis*. *Scrupulum* autem dividit in 24 *Grana*, atque ex hac divisione constabit *Uncia* 576. *Granis*. Tota verò *Libra* 9 2 16. *Granis*. *Granum* autem, quamvis parvum admodum sit *Libræ* particula, ait ille, tamen morem esse in Gallia apud Auri examinatores ut in 3 12. particulas subdividant. Expertum se quoque fatetur, 37 *Grani*, 40 ad minimum arenæ granis æquiponderare. Sequetur autem ex hoc unum *arenæ granum* esse pondo 37 *grani unciæ*.

Hac autem divisione *Libræ* Gallicæ institutâ docet modum, quo Monetarii grana quantum fieri potest exacta fabricare debeant, ut nimirum: *postquam in sedecim partes æquales libram dividerint, iterum quamlibet partem decimam sextam seu unciam in 22. partes, seu denarios subdividant, rursusque quemlibet denarium in 24. particulas æquales, quæ grana futura sint: quod fieri potest laminâ æneâ, vel argenteâ tenuissimâ, & satis longâ, quæ possit in 24. quadratas laminulas dividi; sed laminæ tenuitas ubique æqualis esse debet: quod alii malunt in filo*

ferreo, vel æneo perficere, utpote magis æquali, quanquam si rursus summam æqualitatem requiris, frustra labores; pars enim fili quæ prius per foramen transfiliit, ejus magnitudinem tantisper auxit, adeo ut sequens crassius, atque adeo ponderosius evadat: quam inæqualitatem bilancibus exploratam, etiamsi limâ vel particulæ detractiōe corrigas, næ tu Geometricam æqualitatem consequeris, vel casu illatæ conscius esse poteris.

Gallicæ libræ subjungit idem *Libram Romanam*: quæ ut antea, nunc quoque eandem divisionem retinet. Secatur nempe in *Uncias* 12: *Uncia* in 8 *Drachmas*, seu 24 *Denarios*, vel 612 *Grana*. Differentia autem inter Gallicam & Romanam libram ratione ponderis, ejusdem proprio experimento patet: Dicit enim unciam Romanam 40 granis Gallicis à Gallica deficere, & drachmam Romanam esse 67. granorum Gallicorum, quam drachma Gallica 5. granis superat. Libram vero Romanam æqualem esse Gallicis. 11. unciis, uni drachmæ, & uni denario. Hæc verò si ad grana reducas, æquabitur *Libra Romana*, Gallicis granis 6432. eritque *proportio Gallicæ Libræ ad Romanam*, quæ est numeri. 9216. ad numerum 6432.

Tertio loco ponit *Libram Anglicam* quæ est in usu apud Aurifices, vocaturque *de Trois*. Hanc illi dividunt in *Uncias* 12: quarum una superat unciam Gallicam, granis Gallicis 10. Erit igitur *Gallicæ Libræ ad hanc proportio*, quæ est numeri 9216. ad numerum 7032. Est & alia quoque apud Mercatores Anglicos in usu *libra*, quam illi in 16. *Uncias* dividunt, dicta *de Haure*. *Uncia* verò libræ istius 40 granis Gallicis, à Gallica superatur. Est igitur *par uncie Romanæ*: & libra hæc Gallicis unciis 14. drachmis 7. & granis 18. respondet. Ac proinde, est *proportio Gallicæ libræ ad hanc Anglicam de Haure*, quæ numeri 9216. ad numerum 8586. Cùm autem uncia prioris libræ *de Trois* Gallicam granis 10. superans, constet granis 480. clarum est *Anglica grana Gallicis esse leviora*, utpote sesquiquinta. Et cùm utramque unciam ejusdem ponderis grana constituent apud eos, *libra de Haure* 16 unciis constans, æquabitur libræ *de Trois* 14; unciis.

Quantum ad Pondera Batava seu Holländica, Expertum se ait, *dimidiam unciam Batavam semiunciam Gallicam, dimidio grano esse graviores*. Constat ergo *libra Hollandica sedecim-uncialis* granis Gallicis 9232: eritque *proportio Gallicæ libræ ad Hollandicam*, quæ est numeri 9216. ad numerum 9232. Dividitur autem *uncia Batavorum* in 20 *Anglicos*: *Anglicus* in 32 *grana*: constatque uncia Hollandica granis Hollandicis 640: & sequetur ex hoc, *grana Hollandica, Gallicis granis esse leviora*, nempe hæc illis $\frac{1}{16}$ proximè præponderare.

Hispanicam libram, non se esse expertum ait: ex aliorum tamen relationibus se accepisse, 15 unciis, & 24 granis Gallicis illam respondere. Hæc si se ita habeant, erit *Gallicæ libræ proportio ad Hispanicam*, quæ est numeri 9216 ad numerum 8664. Nos autem ex Villalpando habemus esse in Hispania libram triplicem in usu: Unam *maximam*, nempe 32. unciarum, *mediam* 16. *minimam* verò, quam *Argentariam* vocant, 8 unciarum.

Aliarum Provinciarum & Civitatum, librarum subdivisiones, quas vel ex propriis experimentis habemus, vel ab aliis accepimus hîc subjungimus.

In Polonia *Libra Regia* constat 32 *lotonibus*, idque juxta constitutionem Regni, An. 1568. *Lot* ibidem continet 1; *Sicilicum* vulgò *Skoyciec*: itaq; tota libra constat 48 *Sicilicis*. *Dantiscana* libra dividitur in 32 *lotones*: *Lot* in 4. *quartas*; quas & *quintlein* dicunt: *Quarta* in 4. *sesterios*, seu *nummos penderales*.

Yes. Est ergo libra Dantiscana 512 nummorum. Cum verò 32 tales nummos uncia libræ capiat, 4 nummi constituent unam drachmam, & unus nummus erit pondo 18 granorum. Libra verò tota habebit 9216 grana, qui numerus est par numero granorum Gallicæ libræ, quam superius ex Mersennio descripsimus: Quomodo autem pondus grani libræ Dantiscanæ habeat se ad pondus Gallici grani, ex inferius dicendis innotescet. Petrus Krugerus celeberrimus Dantiscanæ civitatis Mathematicus in libello suo Arithmetico, idiomate Germanico edito, dicit se expertum esse, selibram Cracoviensem (Polonis *Grzywna*. Germanis *Marck* dicitur) pendere 16 lotones, & 12 nummos Dantiscanos; id est selibram Dantiscanam 16. lotonibus constanter, à Cracoviensi selibra superari 12. nummis Dantiscanis. Ex hoc igitur libra Dantiscana habet se ad libram Cracoviensem ut 9216. ad 9648. Cum autem aurifabrorum, & vulgi in Polonia opinio sit, selibram Cracoviensem debere respondere ponderi 7 nummorum Imperialium argenteorum, (vulgò *Daleri* vel *Dalli* Imperii vocantur) & idem Petrus Krugerus expertum se dicat ibidem, 7. Daleros Hollandicos esse pondo 16 lotonum & 12. vel 13 nummorum Dantiscanorum; alios autem, 7. Saxonicos novos Daleros, pondo 17. lotonum, & 1. vel 2. nummorum Dantiscanorum reperisse. Igitur juxta priorem observationem, 7. Daleri proximè æquabuntur, ponderi selibræ Cracoviensis: Quod cum aurifabrorum & vulgi opinioni, nec non superioribus observationibus Crugerianis in expendendo pondere selibræ Cracoviensis & Dantiscanæ adhibitis respondeat, hinc loci retinebimus; ne forsitan diversæ observationes, aliquam pariant confusionem.

Cum verò Mersennus in libro de mensuris ponderibus & nummis, statuatur Dallum Imperii & alterum Burgundicum seu Flandricum (quem Galli *pàragon* dicunt) toti Belgio notissimum, pondo 22 denariorum, seu 528 granorum Gallicorum. Ex hoc æquabitur libra Cracoviensis 14 ejusmodi Daleros continens granis Gallicis 7392. Dantiscana vero 7061; iisdem granis. Varlaviensis libra meo proprio experimēto deficit à libra Dantiscana 1 uncia: estque adeo granorum Dantiscanorum 8640: & erit hujus proportio ad Cracoviensem quæ 8640 ad 9648. minor nempe est libræ Cracoviensi 1008 granis, quæ faciunt unciam 1. drachmas 5. denarios 2. grana 21. Gallicis vero granis constat 6619. Regiomontana est ad Dantiscanam, ut 8121. ad 9216: cum expertus fuerit idem Petrus Krugerus 1608. Regiomontanas, æquari in pondere 1418. Dantiscanis. Vilwensis libra 29 cum 1/2 lotonibus Dantiscanis æquipollet: estque adeo granorum Dantiscanorum 8378 1/2. Norimbergensis libra est 11511 granorum Dantiscanorum: unde superat Dantiscanam granis Dantiscanis 2295. seu 7. lotonibus, 3 drachmis, 2 denariis, 5. granis. Coloniensem libram constituunt 39 lotones cum 3. nummis, seu 11286 grana Dantiscana. Patet igitur Dantiscanam superari ab hac suis granis 2070; seu lotonibus 7. denariis 2. granis 6. Selibræ Colonienfis pondus, juxta statuta Imperialia æquari debet ponderi 8 Dallorum Imperialium; quod & Crugerus se expertum ait. Ergo libra integra erit pondo 16 Dallorum, & habebit proportionem ad Cracoviensem ut 8 ad 7. major nempe est; id est 2 uncias libræ Cracoviensi. Narrat præterea idem Crugerus, se deprehendisse Selibram Hollandicam vulgò (*Troygevicht* & *Troysche Marck* Germanis) esse pondo 20 lothonum, & 10 nummorum Dantiscanorum, seu 5940 granorum. Integra igitur libra Batavica æquabitur granis Dantiscanis 11880. Quapropter superat libra Batava Dantiscanam 2664 granis, seu lotonibus 2 Dantiscanis, cum 1. drachma. Cracoviensem vero granis Dantiscanis

canis 2232 seu lotonibus 7. drachmis 3. Jam ex dictis patet, unciam istius libræ Hollandicæ de Troy quæ dividitur in 20 Anglicos seu grana (vulgò *Aſen*) 640, constare granis Dantiscanis 742. $\frac{1}{2}$. & grana *Dantiſcana Hollandicis esse leviora*. Eadem uncia Hollandica juxta Willebrordum Snellium in *Eratosthene* Batavo lib. 2. cap. 5. est pondo 4 nummorum aureorum vulgò *Rosennobel*. cujus rei cum Crugerus experimentum fecisset, reperit 4. ejusmodi nummos pendere 2 lotones, & 9 nummos cum $\frac{1}{2}$ Dantiscanos, seu grana 742 $\frac{1}{2}$. Hanc unciam idem Snellius ibidem vult esse æqualem veteri Romanorum unciæ. Porro si voluerimus hanc Libram Batavam conferre cum Libra Gallica, reperiemus constare granis Gallicis 9104 proximè. Unde palam est superiores Merſenni observationes in coequatione libræ Batavicæ cum istis non convenire, cum inter 9232, qui numerus denotat grana Gallica in libra Hollandica contenta, juxta Merſennum, & inter 9104. superiorem numerum juxta Crugeri observationes, est differentia 128 granorum. Id est 8. granis Gallicis majorem statuit unciam Batavam Merſennus, quàm antea Crugerus observaverit. Elbingensis libra *Dantiſcanæ per omnia æqualis*. Sed jam aliarum quoque Provinciarum & Civitatum, librarum subdivisiones videamus. Romæ itaq; Florentiæ, & Bonoviæ, est quædam in usu libra constans 30 unciis, quâ expèditur cæra & lana. Mediolani, Paviæ, & Cremonæ, est libra 28 unciarum, quâ ponderantur carnes. Venetiis dividitur libra in 12 uncias, 72 Sextulas, 1720 siliquas, 6912 grana. Viennæ Austriæ libra dividitur in 32 lotones, 128. quintas, 512 denarios, 12800 grana. Antverpiæ dividitur libra in 16 uncias. Brugis in Flandria constat libra 14 unciis. Ibidem est quoque & altera 16 unciarum: 100. verò libræ sedecim-unciales faciunt libras 108 quatuordecim-unciales: Dividitur illis uncia: in 2. lotones: Lot in 4. sisania: sisanium in 2 drachmas vel quintas. In Regno Fessæ est libra 18 unciis constans

Denique Libra Medicinalis quæ verus Romanorum est, dividitur in 12 uncias, 24 semiuncias, 48 sicilicos, 96 drachmas, 288 scrupula, 576 obolos, 1728 siliquas, 5760 grana. Characteres autem quibus medici, myropolæ, & chirurgi, libram & libræ partes signare solent, sunt isti: Libra \mathfrak{L} . Uncia una \mathfrak{zj} , Unciæ duæ \mathfrak{zij} : & sic alterius progreſſi licebit usque ad libram semis; cujus signum, \mathfrak{ss} : Drachma una \mathfrak{zj} : Drachmæ duæ \mathfrak{zij} . usque ad octo: Scrupulus \mathfrak{s} : granum \mathfrak{g} . His autem characteribus, nos quoque insequentibus sæpius utemur.

Vascula autem libram pendentia sunt 9. Primum cum reliquis quæ continet, pendit libram, seu uncias 16; solum uncias 8. Secundum cum reliquis quæ includit, selibram, seu uncias 8; solum uncias 4. Tertium cum reliquis, 4 uncias; solum uncias 2. Quartum cum reliquis, uncias 2; solum unciam 1. Quintum cum reliquis, unciam 1; solum 4. drachmas. Sextum cum reliquis, semunciam, seu 4 drachmas; solum drachmas 2. Septimum cum reliquis 2. drachmas; solum drachmam 1. Octavum cum reliquis, drachmam 1; solum scrupulum 1 $\frac{1}{2}$. Nonum denique, scrupulum 1 $\frac{1}{2}$, seu grana 36.

Adverte. Dictum est in præmissis; siclum Hebraicum juxta observationes Merſenni fuisse pondo 268 granorum Gallicorum: cum autem idem Merſennus in prop. 9. lib. de mensuris, ponderibus & nummis, videatur velle, Dallum Imperialem duobus siclis proximè respondere debere, & cum duo sicli faciant 53 6 grana Gallica. Quapropter si 28 sicli, vel illis æquales pondere 14 Dalli Imperiales, singuli nempè pondo 53 6 granorum Gallicorum

rum præsupponantur, fumanturque pro pondere librę Cracoviensis, erit illa granorum Gallicorum 7504. libra quoque Batava, (cujus jam ad libram Cracoviensem in pondere habitudinem rationemque superius exposuimus) erit granorum Gallicorum 9240: qui numerus cum proximè accedat ad Mersenni observationes in cœquatione librę hujus cum Gallica, ideo etiam proportionem hanc retinendam esse existimaverim: videor namque mihi videre. Mersennum justò minus Dallo Imperiali pondus assignasse, quodq; magis Patagoni Flandrico (qui & puritate argenti, & valore vel pretio, sed & pōdere etiam à Dallo Imperiali aliquantò differt & minor est.) convenit, quam Dallo Imperiali: quod peritorū, & in re nummaria versatorum subsit arbitrio.

MARCA MONETARIA. Hoc pondus dicitur aliis *Marcha* & *libra nummularia* & *nummaria*, estque in usu apud cutores monetę, & auri argenti-que examinatores in officinis argentariis. In Polonia Cracoviensis constat 8. *Unciis* vel 16. *Lotonibus*, quę æquantur 16 lotonibus Dantiscanis. 7. nummis & 1. Dantiscana constat etiam 16 *lotonibus*. vel 256 *nummis*, vel 1024. *quartis*. Proportio hujus ad selibram superiorem Dantiscanam, est ea, quę numeri 4054. ad numerum 4608. superatur nēpè hæcab illa, 554. granis, quę faciunt lotonē 1. nummos 14. grana 14. Eadem Marca Dantiscana cum argento expendendo adhibetur, secatur in 24. *Sicilicos*. vulgò *Schorgezicht*: quorum unus rursus in 4 *quartas* dispescitur: Illa autē quā aurum, uniones, & lapides pretiosi ponderantur constat 24. *ceratiis*, quorum singuli constant 12 *granis*, vel 4 *quartis*. Marca Elbingensis æqualis est Dantiscanę. Antverpiensis constat 8. *unciis*, vel 160. *Anglicis*, vel 5120. granis. Ibidem Anglicus secatur in 6. *ceratia*: constituunt igitur 960 *ceratia* Marcam Antverpiensem. Tales marcę 200, equipollent 105. libris communibus Antverpiensibus. Hollandica Marca constat 8 *unciis*: *uncia* 24 *nummis*: *nummus* 24 *granis*. Romana Marca dividitur in 8 *uncias*: *uncia* in 8. *drachmas*: *drachma* in 3. *scrupulos*: *scrupulus* in 2 *obolos*: *obolus* in 3. *siliquas*: *siliqua* in 4. *grana*. Gallica marca juxta Mersennum constat 8 *unciis*, minores autem ejus subdivisiones, superius jam enumeravimus. Veneta marca dividitur in 8 *uncias*, 32 *quartas*, 1152 *caratos*, vel *ceratia* & *ceratios*, vel *siliquas*, 4608 *grana*. Florentina *libra monetaria* dispescitur in 24 *semuncias* vel *lotones*, 288. *nummos*, 6912 *grana*. Genuensis *marca aurea* subdividitur in 8 *uncias*, 192 *nummos* 4608 *grana*. Ibidem *libra argentea* partitur in 12 *uncias* 288 *nummos*, 6912. *grana*. Neapolitana *libra monetaria* capit 12 *uncias*, vel 96 *octavas*. In Portugallia marca monetaria constat 8. *unciis*, vel 64 *octavis*, vel 288 *granis*. In Misnia & Saxonia marca habet. 8 *uncias*, vel 192 *nummos*, vel 4608 *grana*. Norimbergensis denique marca constat 16 *lotonibus*, vel 64 *quartis*, vel 256 *primis* vel *nummulis*, vel 1024 *decimis sextis*.

Hęc de ponderum veterum & nostratium tam majorum quàm minorum rationibus dicta sufficiant. Qui plura scire volet, adeat libellum Belgicę Amsterodami Anno 1647. editum subpresso auctoris nomine, qui intitulatur *Tresoor van de Gevichten, maten, van Koorn ende Landen*. &c. ex quo etiam nos quædam hausimus. Inæqualitatem verò ponderum per totum planè orbem, ad pondera Romana reducentes, & cum illis cœquantēs, calculati sumus tabellam quandam, circulatorum peripheriis inclusam: ejus usum ex sequenti exemplo addisces. Datum sit tormentum aliquod, in Italia confectum, quod ejiciat globum ferreum 60. ℔. Romanarum, scire autem velis quot

quot libras Amsterodamenses pendat idem ille globus. Id, nullo planè negotio notum tibi fiet; ut sequitur. Fiat nempe, ut 100 Romanæ libræ ad 76. libras Amsterodamenses ex tabella, ita 60 tē. Romanæ quas globus tormentarius pendit, ad aliud. Peractâ operatione provenient 45. tē. 9. uncia, estque pondus globi illius quæsitum. In aliis his similibus, non dissimilis processus & ratio.

Addo quædam corollarii loco, ex observationibus Marini Merfenni libi de mensuris, ponderibus & nummis prop. 3. ut varii ponderum defectus & differentia, quas sæpeprehendimus, non nos tantoperè moveant, nec sollicitos in animis pariant scrupulos, sed ut ad omnium humanarum rerum & actionum summam imperfectionem, referamus illa, quibus pro modulo virium nostrarum succurrere & mederi non possumus. *Cum autem in illius diverſitatis rationem penitus inquirerem, quæ non poterat in bilances, aut in varias aëris dispositiones vel in eorum qui bilances sustinent, vel erigunt, halitum rejici quibus æquilibrium turbari posset, agnovi varietatem ex ipsis ponderum modulis archetypas, quibus reliqua pondera solent examinari, quæque servantur in Curia monetarum, oriri: quandoquidem tres moduli, quorum maximus est 64. medius 32. & minimus 16. marciorum, seu librarum 32. 16. & 8. non ita sibi perfectè respondent, quin differant quibusdam granis, adeo ut uncia unius, non sit alterius uncia. Sed ne custodum, vel eorum qui pondera constituunt negligentiam temerè arguas, dico vix, ac ne vix quidem fieri posse ut ea pondera quovis modo constituta, etiamsi forent adamantina, modulum illum accuratum, quem ab initio habuere, perpetuò conseruent.*

Sint enim, verbi gratiâ, duæ libræ æneæ quales esse solent sibi, quantum induſtriâ fieri potest hominum, æquales, hæc æqualitas diu, vel semper servari nequit, cum enim sæpenumero ad eas provocetur ut aliæ libræ usuales explorentur, quolibet tactu deteritur aliquid, & quò una movebitur sæpius, eò levior evadet, unde contigit egregio Libripendenti Semilardo, ut spatio duorum annorum suum marcum, seu libræ semissem 3. granis imminutum repererit; cui propterea spatio 200. annorum 300. grana, & tandem 432. annorum spatio uncia integra, seu grana 576. deterentur.

Dices verò duas illas libras monetales archetypas in quibusvis controversiis hac de re motis simul esse tangendas, ut tantundem una, quantum alia minuatur, sed præterquàm vix fieri potest ut semper æquali motu & contactu terantur & agitentur, ut illis qualibet vice partes æquales deterantur, quis certò nosse possit quantum primo tactu, quantum anno, vel sæculo detritum illis fuerit? Concludamus igitur nil adeo hac in parte constans, quemadmodum nec in aliis pluribus requirendum, nobisq; sputemus abundè satisfactum, cum duæ libræ uno vel altero grano solum inter se discrepabunt, & nulla plebi, rei publicæ hinc inferetur injuria: quid enim ævæ geometricum nobis in rebus humanis, & in mechanicis ignotum, & impossibile requiramus.

CAPVT XI.

De Instrumentis Ponderatoriis.

Pondera omnis generis duplici Machinâ experiri solemus, *Bilanciibus* nempe & *Statera* vulgo *Romanâ* dictâ. Utriusque originem seu generis, vires, construendi modum & figuras hîc loci breviter monstrabimus.

De




Fig. 11.




Fig. 12.




Fig. 13.




Fig. 14.






Fig. 15.



Scala Pedum Sexaginta

De Bilancibus.

Generalia illa duo Mechanices ἀξιώματα originem ac genesim Bilancibus & Stateræ tribuunt: æqualia nempe pondera ab æqualibus distantiiis æquiponderare. Æqualia verò ab inæqualibus distantiiis non æquiponderare, sed inclinare ad gravitatem quæ à majori distantia tendet. Et aliud. Inæqualia gravia ab æqualibus distantiiis non æquiponderare. Inæqualia verò gravia ab inæqualibus distantiiis æquiponderare, cum à distantiiis reciproce proportionalibus suspensa fuerint. Horum demonstrationes apud Guidonem Ubaldum, Galileum Galilæi, Simonem Stevinum, Ioannem Buteonem, Guevaram, aliosque mechanicos videre quilibet poterit. Nos, licet id jam ab aliis factitatum esse sciamus, cum tamen & nostro aliquid relictum sit ingenio, ut vel juvare jam dicta, vel diffuse ab aliis tradita & demonstrata, compendiosè saltem abbreviata, philomatis ob oculos ponere liceat: unico tantum proposito schematè instituto nostro satis facere conabimur.

Ponamus jam igitur ex. gr. rectam AB. in Fig. Num. 11. esse jugum libræ seu bilancium, hypomochlion seu fulcrum aut sustentaculum G. cum vero A & B. æqualiter à G. distent, pondera illis appensa E & F. si fuerint æqualia, æquiponderabunt. Cum enim ex suppositionibus generalibus manifestum sit duo corpora æquiponderantia, & æqualiter à fulcro suo diffita, punctum æquilibrii in medio conjunctionis communis, & remotionis æqualis habere: corpora verò E & F cum supponantur esse æquipondia, & recta A B. pondera jungens ita secta sit, ut A G. & B G. æquales sint, & puncta A & B. æqualiter à suo fulcro G. sint remota, sequetur necessario utriusque corporis æquilibrii punctum esse in G: Hoc autem nullatenus punctum æquilibrii esset, si unum corpus, alteri præponderaret: id autem fieret, si vel distantie inæquales, datis ponderibus æqualibus, vel pondera essent inæqualia, distantiiis æqualibus datis. Cum autem neutrum horum id loci appareat, vel supponatur, igitur nulla ratio in contrarium afferri poterit cur pondera E & F. æqualia, & ab æqualibus distantiiis suspensa in hanc vel illam partem propendere debeant. Monitus tamen sis, quod ponderum distantie à suo fulcro, dimetiendæ sint per lineas perpendiculares, è centris gravitatum suspenforum corporum versùs centrum universi descendentes. Nam si corpus E. suspendatur ex puncto K, recta vero G-K. sit æqualis rectæ A G. vel G B. Altera vero directionis K I. per quam corpus E. tendit versùs centrum commune omnium gravium, secet rectam A B. in puncto I: fiet ex hoc, ut cum G I. non sit æqualis A G, vel G B. nec corpus quoque E. amplius corpori F. ex B. suspensò æquiponderet. Nam licet juxta superiora, corpora sint pondere æqualia, cum tamen ab inæqualibus distantiiis nempe I G. & G B. suspensa esse concipiantur, non æquiponderabunt. His ita præmissis quæ naturam & originem Libræ spectare videbantur, jam superest ut ejusdem figuram, & aliquot summopere necessarias in eadem fabricanda, vel, si jam fabricata fuerit, exploranda, observationes breviter tradamus.

Figura N° 12. Monstrat jugum libræ quomodo nempe à fabris ferrariis construi debeat: In hac recta A B. est totius machine fundamentalis: quam per medium secat ad angulos rectos, recta C D, in E: huic duæ aliæ sunt parallele & æqualiter ab E. remotæ, nempe G F. & H I: pari ratione bisectæ ab eadem C D. in K. & L: ex L. describitur radio L M. ad libitum sumpto circuli peripheria M N O P: radius hic secatur quadrifariam in i. o. R. & ex hoc distantie parallelarum G F. & H I. ab A B. innotescunt; sunt enim: diametri

E

M.W.

M. W. $\frac{1}{2}$ verò semidiametri L. M. Ex puncto K centro librę describitur circuli peripheria radio K. a; vel E K: hanc autem ambit quadratum b. c. d. e. in quo clavum, seu axim super quem tota voluitur machina, superiori parte teretem, inferiori autem oblongum, & acie terminatum, formare solent artifices: semidiameter verò hujus axis minor aliquantulum esse debet semidiametro circuli quadrato inscripti. Axis hic inditur anse, (cujus forma in schemate N^o 13 sublit: B.) quæ brachiis duobus ab utraque jugi parte, axim apprehendit, totiusque machinæ, & ponderum, cum contrapondiis molem sustinet Brachia A E. & E B. ab E. longitudinis initium sumunt, & diametris M W. vel P N. ex E versùs A. & B. sexies vel octies, vel pluries etiam (nam quò longiora fuerint brachia, eò perfectior libra censenda est) mensuratis, terminari solent. Venter jugi formatur in hunc modum: Ex L. radio L D. vel L C. (qui est ex $\frac{1}{2}$ semidiametri L M.) describitur circuli peripheria, secaturque in partes sex æquales, in punctis C, S. h. D. g. V. Per puncta g. & V. similiter & h. S. ducuntur rectę g T, & h Q. donec occurrat recta T Q. parallelè rectę A B. per C. ducta. Jam si ex T. & Q. describantur circuli quadrantes V f. & Z S. formabitur superna jugi pars. Rursus ex P. & N. ponantur æquales P V. vel N S. in X. & Y: tum si ex I & H ad Y. & X. ducantur rectę. Y I. & H X. determinabitur utriusque brachii crassities. Item ex punctis. X. D. & D. Y. intervallo X D. vel Y D. fiant triangula æquilatera X D k. & D Y i. Tandem ex k. & i. descriptis arcubus X D. & D Y. formabitur inferna portio ventris. *Lingula, spartam, vel trutinam* C M, alterutrius brachii longitudini respondeat. Capita brachiorum A & B. efformantur, ex A & B descriptis circulorū peripheriis, radio $\frac{1}{2}$ diametri M O. Axiculi capitibus brachiorum inherentes, quibus lances appendi solent, eandem habent formam, quam axis centro machinæ infixus, contrariè tamen dispositi; partes enim illorum oblongæ & acutæ, rectam A B, inferiores verò teretes rectam I H. quàm proximè tangunt. Crassities illorum determinatur, efformatis quadratis sub A. & B. inter rectas A B, & H I: his autem per diagonales divisus, dantur centra: ex quibus si circuli describantur, determinabuntur axiculi; qui ad formam superioris axis, reducendi sunt.

Lances, quibus pondera, & contrapondia imponuntur, æquipondia funto: Longitudines autem funium, vel catenarum (nam si magna aliqua ad magna expendenda pondera fabricatur libra, hisce opus est.) quibus utraq; lanx religatur, & de axibus pender, longitudinem totius *scapi* seu *jugi* librę si haberint, perfectiorem, exactioremque libram facient. Et hæc de structura scapi librę dicta sufficiant: Observationes jam verò aliquot ex auctoribus desumptas hinc annotabimus, juxta quas de perfectione aut imperfectione bilancium judicium ferre licebit.

Observatio I.

Librę majores minoribus exactiores sunt, quia brachia librę majoris, majorem circumculum describunt, cum eorum extremitates magis à sparto, seu trutina, hoc est centro, distent: hinc fit ut velocius moveantur, quia minus à centro, ad motum sibi non naturalem, id est, circularem retrahuntur, & à motu recto sibi naturali minus impediuntur, per quem descenderent, nisi à centro retraherentur, & in gyrum reflecterentur. Itaque quò semidiametri vel radii extremitas magis à centro, vel sparto recedit, eò liberior fit, minusque cogitur; quò circumferentiæ sunt majores, eo magis vergunt ad rectam lineam: vide igitur (mi T H E O T I M E) num circumferentia infinita cum linea recta infinita, & contra coincidat. Quòd autem lances plurimorum artificum, quamvis majores minus exactæ sint quàm minores Gemmariorum,

ram, vel Aurificum, id oritur ex eo quod libræ sint rudes, & materiæ pertinaciæ obnoxiores; hæc verò exquisitus elaboratæ. Hinc constat rationem mobilitatum esse ut diametrorum; & circulos eadem vi motos hanc analogiam servare, ut quæ est ratio motus in majore circulo secundum naturam, ad suum motum præter naturam, eadem sit motus in minore circulo secundum naturam ad suum motum præter naturam. Denique ab eodem pondere extremum librilis eo celerius ferri, quo plus ab agina distiterit.

Observatio II.

Quamvis libræ ponderibus vacuæ æquibrent, non ideo tamen omni fraude carent: si enim spartum non sit in medio, & lanx radii brevioris facta fuerit ex ligno nodoso, vel radici vicino, vel ei plumbum infusum fuerit; adhuc lances æquibres erunt; sit enim brevior radius in 10. partes divisus, longior in 15. hujus lanx ponderet 10. illius verò lanx 15. certè ob permutatam proportionem libra suspensa in sparto æquilibrabit: nec ab æquilibrio discedet, si lanci brevioris radii sacoma unciarum 6. & alteri lanci sacoma se habens ad 6. uncias, ut 10, ad 15. Propterea quæst: 1. lib: Mechàn. purpurarios reprehendit Aristoteles. cum enim ut 10 ad 15, ita 4 ad 6, pro 4 uncis purpuræ. 6 unciarum pretium sumet, sed fraudem deteges, si alternatim sacoma modò huic, modò illi lanci apposeris.

Observatio. III.

Non sufficit alterutrius brachii longitudinem, majori vel minori pondere compensare, quamvis illud in diversa pendulorum vel etiam lancium magnitudine liceat, satius est tamen ne quidem in istis ullam magnitudinis per pondus compensationem admittere, non quò partes omnes geminæ inter se magis æquales fuerint, eò aptiores erunt bilances in observationibus. Quod si non nunquam ad aliud cogat necessitas, omnia diligentissimè perspicienda sunt, ne compensatio tantisper fallat.

Observatio IV.

Debet planum cui lances incumbunt esse ad amussim seu libellam horizontale; si enim planum in quo quiescit lanx una, sit humilior plano cui altera incumbit, bilances ab horizonte in aërem sublatae, licet antea super eodem horizonte æquibres apparuissent, non facient æquilibrium, sed lanx quæ humiliori plano incumbere descendet, altera verò quæ superiorem antea situm habuit, elevabitur. Sed neque statim expectes æquilibrium, cum super eodem horizonte tantisper bilances repositæ fuerint; longo siquidem tempore durat impressio præcedens, quæ bilanci prius inferius locatæ, motum deorsum urgentem communicat; quiescant igitur bilances, donec æquilibrium denuò experiaris.

De Statera vulgo Romana dicta.

Quamvis ad cognitionem virium & naturæ hujus machinæ sufficerent illa satis quæ superius de Bilancibus dicta sunt, nihilominus tamen, cum figura istius multum ab illa superiori Bilancium discrepet, ideo ad amovendam præcavendamque confusionem aliquam, quæ forsitan ex diversis amborum machinarum figuris alicui suboriri possit, quædam ad meliorem præ-

fentis machinæ cognitionem, hîc loci dicenda sunt. Repetatur verò jam superius schema sub N° 11. in quo recta AGC. innuit *Vestim* seu *Stateræ jugum*, cujus brachiū longius est G C. brevius verò A G. *Hypomochlion* G. Brachii A G. ad brachium G C. sit hîc ea proportio quæ 1. ad. 10. Dico jam quòd pondus in A suspensum si fuerit 10 æ, pondus vero in C. 1, æ, hæc duo pondera facient æquilibrium : nam cum juxtà generale posterius *Mechanices* axioma à nobis superius adductum, *inæqualia pondera æquiponderant, si ab inæqualibus distantis reciprocè proportionalibus suspensa fuerint* ; brachium verò A G. cum sit brachii G C. subdecuplum, ideo erit ratione reciproca, ut A G. ad G C. ita pondus H. ad pondus E : nempe ut brachium A G. unius duntaxat partis, ad brachium G C. partium similium & æqualium decem, ita pondus H. æ 1. ad pondus E. æ. 10. Pondera igitur H, & E. licet sint inæqualia, cum tamen ex distantis inæqualibus & reciprocè proportionalibus suspensa sint, necessario æquiponderabunt ; id est jugum *stateræ* parallelismum cum horizonte efficiet, nec sursum deorsumve nutabit. Hujus rei causam alii exinde proficisci existimant, quòd pondus H. subdecuplum ob distantiam ab hypomochlio seu centro *stateræ* G. decuplo majorem motum postulet, & decuplo velocius conetur juxta C D. arcum, decuplo majorem arcu A E, quem solum percurreret pondus E. si pondus H. caderet. Namque (ut alibi dictum) quò puncta à centro remotiora sunt, eò majores circulos, & quò viciniore, eò minores in dicta proportionem describunt : adeo, ut si pondus à centro libræ 10. pedibus distet, decuplo majorem circulum describat, decuploque moveatur celerius, quàm aliud pondus à centro libræ uno tantum pede remotum ; ideoque major celeritas ponderis gravitatem compensat.

Sed de proprietatibus *stateræ* dicta sufficiant, jam figuram illius sub N° 13. positam videamus : In hac consideranda primo recta ABC. quæ fundamentalis totius machinæ est, intervallum punctorum A, & B, est *brachium minus*, aliud vero intervallum punctorum B, & C, *brachium majus* : proportio minoris ad majus infinita sumi potest, idque ob rationes superius allatas, hîc verò loci est subquintupla, id est ut 1 ad 5. *Venter stateræ* efformabitur in hunc modum. Intervallum A B, dividatur in partes 5. æquales : ex B. centro *stateræ* erigatur perpendicularis B D. super rectam A C : in hac ex B. versus D ponantur ; intervalli A B : eadem perpendicularis B D, continuetur deorsum usque in E, ad longitudinem ; ejusdem intervalli A B, ita ut tota D E. æquetur intervallo A B : ex E, super E D. agantur binæ perpendiculares dextrorsum sinistrorsumque ; in G. & F. æquales ; intervalli ejusdem, formanturque duo quadrata E F H Q. & E G I Q. : ex G. & F radio G E. & F E. describantur arcus circuli quadrantum H E. & E I, & hoc modo formabitur inferna ventri *stateræ* pars, superna verò ut sequitur. Ex D. super E D erigantur rursus binæ perpendiculares D M. & D N. æquales ; intervalli A B : eadem prolongentur in L. & K. longitudine ; minus ; ejusdem intervalli : Deinde ex L. & K. tanquam circulorum centris, radiis K M. & K N. arcus P N. & M O. describantur, & formabitur superna quoque pars ventri *stateræ* : *Caput* vero ejus hanc quam in schemate formam habet facile nanciscetur, si in circulo S V T X Z. cujus diameter per centrum *stateræ* R. transiens est ; intervalli A B, fiant excavationes seu rotundationes S Z. S V. V T. Taa. *Axes* R & Y habent altitudinem ; ejusdem intervalli : horum oblongæ & acutæ partes ita disponuntur, ut rectam A C. quam proximè radant, Crassities longioris brachii determinabitur demissis ex C in ff. ; ejusdem intervalli toties jam repetiti, & ex ff. & C. ductis rectis ff. I. & C P : denique ducta per medium recta 5. dd. Brachium hoc in orthographia habebit romboidalem figuram

ram. Ultimo D. cc. *Lingula, spartum, axis* aut *trutina*, (his enim nominibus appellant laminulam quæ jugo statere ad rectos angulos insistit) æqualis sumatur triplicatæ A B. Triplicia ornamenta brachiis statere & lingule apposita, ad placitum artificum formari possunt: reliqua verò ex figuris scenographice delineatis sub literis A. B. & C. facile percipientur. Jam verò nihil superest aliud, nisi ut longioris brachii subdividendi rationem ostendamus: hæc autem per æqualia intervalla fieri solet ad minima quæque pondera quæ lanci imponuntur expendenda. In nostro exemplo diximus brachii minoris A B, esse rationem ad brachium majus, B C, ut 1. ad 5. Brachii igitur B C. singula intervalla signis & numeris convenientibus notentur; numeratio autem intervallorum à centro statere B. sumenda, & versùs C. continuanda est. Hæc rursus intervalla etiam in minores particulas aliquot, ut cuilibet videbitur, subdividi possunt, ad minima quæque pondera ex ploranda. *Appendiculum* seu *contrapondium*, vel *cursor*, *facoma*, & *antifacoma* nonnullis, 1. 10. 100. plurium pauciorumve librarum sumi potest. Ratio autem ponderandi ex dictis clara satis est, nec aliud quicquam observari debet, nisi ponderum lanci impositorum, aut quovis alio modo ex axi brevioris brachii nempè ex R, pendentium, cum contrapondio super longiore brachio locato, & distantiarum à centro statere reciproca ratio. Sed cum de statera Ioannes Buteo fusissime dixerit, nos aliquot duntaxat observationibus ad meliorem ejusdem naturæ cognitionem appositis, finem huic capiti faciemus.

Observatio I.

Distantiæ in Statera longitudine sumendæ sunt ab illo puncto, à quo statera liberè dependet, & circa quod liberè voluitur, & à punctis à quibus pondus & antifacoma seu contrapondium liberè pendet, quæ respondeant punctis gravitatum appensorum corporum.

Observatio II.

Si statera pro veste sumatur, trutina erit fulcimentum seu hypomochlion, pondus levandum, merx lanci imposita, potentia verò antifacoma seu appendiculum vel cursor, ita, ut quò productior fuerit pars vestis, hoc est scapi, ab hypomochlio ad potentiam, tantò facilius potentia moveat.

Observatio III.

Parari potest Statera quæ stabile appendiculum mobile autem fulcimentum habeat: quod cum erit in centro gravitatis, Statera stabit, & ita divisa erit, ut fiat brachiorum & ponderum eadem ratio ordine permutato.

Observatio IV.

Duarum gravitatum situ æquilibrium ponderosior illam rationem habet ad levio-rem, quam longior radius ad brevior. Vbi adverte æquilibratam efficere, ut graviora pondera levioribus æquiponderare videantur; quod specie tantum ob situm videlicet, & non propriè verum est: aliud igitur est æquipondium, aliud æquibre. Hinc fit ut si pondus duplo levius duplo magis à centro libræ dislet, quàm pondus duplo gravius, vel pondus milles levius, milles dislet amplius quàm pondus milles gravius, isorropa futura sint.

CAPVT XII.

De Mensuris tam liquidorum quàm aridorum veteribus & nostratibus, ad pondera reductis.

Omnium ponderum per orbem universum accurata quantum fieri poterat conquisitio, quam cap: hujus 10. dedimus, præbuit nobis ansam ut liquidorum quoque & aridorum mensuras tam antiquas quàm modernas, ad pondera quibus nunc omnis generis gravia expendimus, & quæ eodem illo capite enumeravimus & descripsimus reductas, hoc capite subjungeremus; existimantes, notitiam horum etiam aliquam, non inutilem fore tam nostro Pyrotechnico, quàm & aliis Mechanicarum scientiarum cultoribus: sed & ratio ipsa ordoque rerum postulat, ut mensuræificentur ponderibus, cum promiscuè & communiter utamur his atque illis: priusquam verò propositum nostrum aggrediamur, hæc quæ sequuntur observari volumus.

P R I M O. Tam liquida quàm arida in infinitum respectu ponderis variare, idque non in diversis tantum illorum generibus, sed in uno eodemque summam esse differentiam: adeo ut non tantum aqua à vino, oleo, lacte, cervisia, hydromeli, vino cremato, cæterisque plurimis liquoribus, in pondere discrepet; quamvis omnes illi liquores unam eandemque mensuram impleant: sed inter aquam & aquam; vinum & vinum; nec non reliqua omnia liquida, maxima ponderum inæqualitas deprehenditur. Item, triticum tritico præponderat; siligo siligini; avena avenæ; hordeum hordeo; reliqua reliquis: ut taceam unius generis aridum, cum alio diversi generis, in pondere minime convenire, tametsi utrumque æquali mensurâ admetiatur. Eam igitur ob rem idem id loci observari velim, quod & superius de metallorum & mineralium, mutua ponderum ratione dixi: Proportio verò quam unum liquidum vel aridum, ad aliud diversi generis in pondere obtinet, cum specialis nequam exactè observari possit, ideo generales quasdam observationes & experimenta tantum hîc appono: ac primò quidem:

Aquam oceani gravioresse omni aquâ dulci: inter dulces verò; aquam imbrium levissimam. Rursus inter aquam fluvialem, salientem, puteanam, stagnantem, pluviam, niveam, glaciale: tum inter easdem calidas & frigiditas, maximam ponderum esse differentiam.

Sic etiam, aliud est pondus aquæ uno tempore, aliud alio: nec non aliud est pondus aquæ circa fontem, aut ad eum locum ex quo hauritur, aliud in distantia aliqua loci ab eodem: aut si notaveris pondus aquæ ante congelationem, & post, varium reperies; glaciem enim cum videas supra aquam natere, scies eam aquâ levioresse.

Lubens prætereo variorum colorum, saporum, odorumque aquas. Item, glutinosas, bituminosas, aluminosas, sulphureas, salvas, inebriantes, & delirare facientes. Non commemoro hîc fontes plurimos pingues & oleosos: è quorum numero describit unum Plinius lib. 31. cap. 2. juxta Solos Ciliæ urbem: & alterum huic similem Theophrastus ait esse in Æthiopia: nec non Solinus cap. 43 vera aut fabulosa (ut sæpe solet) narrat de eodem: denique qualem Philander in notis ad Cap. Vitruvii 3. lib. 8. refert esse in Bavaria Degersee. Hoc tantum notatu dignum, quod apud Cassiodorum Variarum lib. 3. in epistola Theodorici primi Ostrogothorum Regis ad Apronianum Comitem lego: nempe *aquas quæ ad Orientem Austrumque prorumpunt*

punt dulces & perspicuas esse, & pro sua levitate saluberrimas inveniri. In Septentrionem verò atque Occidentem quæcunque manant, probari quidem nimis frigidas, sed crassitudine suæ gravitatis incommodas. Tradit quoque Solinus simile aliquid de Himero flumine: nempè quod cælestibus plagis mutetur, sitque amarus dum in Aquilonem fluit, dulcis verò ubi ad Meridiem flectitur. Nec dubito, quin mutato sapore aquæ, pondus quoque ejus immutetur: oleosorum verò fontium aquas ceteris esse leviores. Sed de fontibus & aquis videantur multa apud Aristotelem, Senecam, Plinium, Catonem, Varronem de re rustica, Averroem, Palladium, Columellam, Vitruvium, Frontinum, Bocatium, nec non & alios: hæc verò eam ob causam tantum hîc loci memoravimus ut differentiam ponderum aquæ infinitam esse monstraremus.

Vina omnis generis aquâ leviora sunt, sed species illorum variæ, variè etiam ponderant: adeo, ut vinum Falernum, Creticum, Hispanense, Italicum, Gallicum, Hungaricum, Turcicum, Valachicum, & alia, nequaquam unius ponderis sint: Sed & Creticum Cretico; Falernum Falerno; alia aliis graviora vel leviora reperiantur: idque diversis etiam temporibus deprehenditur; cum vinum hornum, vino bimo, & recens, verusto præponderet.

Olea, aquâ & vino leviora sunt; cum illis supernatent: at & hæc inter se summè discrepant in pondere: cum oleum olivæ, amigdalorum, nucum, lini, canabis, rapæ, & quotquot prelis ac torcularibus variisque mechanicis machinis ad id idoneis exprimuntur, omnibus oleis chymicis organis extractis, & magis artificialibus graviora sint.

Denique omnes aquæ destillatæ, & spiritus seu phlegmata, eadem methodo quâ & olea præparata, oleis quibuscunque leviora sunt; verumtamen hæc quoque non unius sed diversi sunt ponderis. Taceo hic cæteros liquores, quorum pondus ab experimentis innotescet, & cum aliorum liquorum ponderibus conferetur: quod aliis faciendum relinquimus, cum nobis ad magis necessaria, & utilia properantibus, tantum non suppetat temporis.

Aridorum grana (ut & superius dictum) tum inter se dum ejusdem generis & speciei fuerint, tum in diversis, summè etiam in pondere variant: adeo, ut difficile sit certi aliquid de mutua ponderis illorum ratione statuere. Adde tamen quod experimentis assequi licuit. Triticum gravius esse siligine; siliginem hordeo; hordeum avenâ: grana tamen in his sunt inæqualia & magnitudine, & pondere ut ut sint ejusdem generis & speciei. Hujus autem rei variæ causæ assignari possunt: Inter quas, ager pinguis & fertilis non ultimo loco habendus; feliciori enim in hoc propter ejus sufficientem humiditatem prosperitate luxuriant segetes, quàm in alio sabuloso, sitibundo, macilento, effæto, minusque fertili.

Regionum quoque climata & diversi in orbe locorum situs, varii ponderis & magnitudinis cerealium fructuum non postrema causa sunt, juxta illud Maronis Georg: lib: 1:

*Hic segetes, illic veniunt felicius uvæ:
Arbori fetus alibi, atque injussa virescunt
Gramina.*

Nec id vanum, cum à peritis mercatoribus habeamus, modium Amsterodamensem tritico ex Polonia cæterisque circumjacentibus provinciis advecto repletum, esse pondo 150. cum Gallici tritici mensura æqualis, sit 180: Sardici verò 220: Sicilici 224: Boeotici 230: Africi denique 236. Eadem de re facienti verba Vitruvio lib. 8. cap. 3. aures præbere lubeat: *Quod si terra generibus humorum non esset dissimilis, & disparata, non tantum in Syria & Arabia*

Arabia in arundinibus & juncis, herbisque omnibus essent odores, neque arbores thuriferæ, neque piperis darent baccas, nec myrræ glebulas, nec Cyrenis in ferulis laser nasceretur: sed in omnibus terræ regionibus & locis, eodem genere omnia procrearentur. Has autem varietates regionibus & locis, inclinatio mundi, & folis impetus, propius ac longius cursum faciendo tales efficit terræ humores, quæ qualitates non solum in his rebus, sed etiam in pecoribus & armentis discernuntur. Hæc non ita dissimiliter efficerentur, nisi proprietates singularum terrarum in regionibus ad solis potestatem temperarentur.

Tempus item anni in hoc vel alio loco varium, varias quoque granorum formas caufatur & pondera: ætas namque pluvia & nubila, dat grana macilenta, parva, & levia; cum ob defectum necessarij caloris segetes maturescere nequeant.

Sativum quoque tempus non absque peculiari quodam mysterio ab agricolis observari solet: norunt enim illi, quæ femina crescente lunâ, quæ decrescente, quæ dum eadem nova & obscura, vel cum jam alieno clara lumine orbe pleno refulserit, terræ mandanda sint. Nec non quid aliorum cælestium luminarium varii situs, ortus, occasusve, & plurima hisce similia, omnibus granorum generibus dum seminantur profint vel officiant, apprimè callent: Quod & idem ille poëta citato loco monet:

*Ante tibi Aoæ Atlantides abscondantur
Gnosique ardentis decedat stella coronæ,
Debita quàm sulcis committas semina, quàmque
Invitæ properes anni spem credere terræ.
Multi ante occasum Majæ cæpere: sed illos
Expectata seges vanis delusit aristis.*

Ex his itaque omnibus, diversa ponderum in granis segetum habetur ratio: Sunt quoque & alia plurima, ex quibus summa difficultas mutæ in pondere habitudinis unius grani ad aliud, tum in uno eodemque genere & specie, tum & in diversis inveniendæ videri potest, sed illa volens præmitto. Unicum tantum eadem de re Mersenni testimonium ex præfatione in librum de mensuris, ponderibus, & nummis, hic appono: *Cum omnia grana vel semina quæ reperiri solent in atrijs venalibus Lutetiæ, ad stateram expendissem, vixque granum ullum inter ejusdem speciei grana grano alteri exactè respondisset, in incertis ludere nolui. Idem in libro eodem prop: 8. Ad tertiæ propositionis calcem seminum seu granorum si non cujuslibet herbæ, vel plantæ, multarum saltem lector expectare poterat, si quid certi potuissem ex illorum seminum cum nostris granis uncialibus collatione statuere, sed cum vix duo, licet ejusdem speciei, mihi visa sint æquiponderare, & fortè ejusdem non sint hæc ac in Italia, vel in alio solo ponderis, laboris improbitatem cum ejus in utilitate non putavi conjungendam. Nam si nihil explorati debeas à frumenti & hordei granis expectare, quorum plurima grana sunt uncialibus granis leviora, alia æqualia, quædam graviora, quid à reliquis granis, vel seminibus, quidve à reliquis naturalibus corporibus speres? Quibus adde granum frumenti, quod hodie fuerit æquale grano unciali, fortè crassius ob adventitium humorem, vel levius ob majorem siccitatem, aut particulas in vaporem abeuntes futurum: quod & de cæteris granis dicendum.*

SECUNDO. Liquidorum mensuras ad pondera nostratia reducentes, in sequentibus libram mensuralem præsupponimus constare unciiis 10. libræ Romanæ ponderalis, vel esse illam ad hanc ut 10 ad 12. cum libra Romana ponderalis (ut jam supra Cap: 10. dictum) constet unciiis 12. uncia verò granis Romanis 6 12. & integra libra granis ejusdem ponderis 7344. Hanc autem

autem libram, ad aliam quę 16 unciis constat revocando, (qualis est apud Pyrotechnicos modernos pluribus in locis, aliosque mechanicos nunc in usu) volumus unciam hujus seu $\frac{1}{16}$, constare gr. 576: sed grana hæc, Romanis minimè æquiponderabunt, cum Romana nostris leviora sint, adeo ut 612 gr. Romanę uncia, æquivalent uncia nostrę 536 granis duntaxat: & libra nostra sedecim-uncialis constans granis propriis 9216, superet Romanam granis 2784. Constat igitur Romana libra ponderalis, granis nostratibus 6432: Quod & superius jam in cōequatione librę Romanę cum Gallica ex Merfennio dictum est: Romana verò grana moderna, antiquis æqualia (quamvis id incertū sit) præsupponimus, & unciam librę nostrę æqualem Gallicę superius descriptę statuimus; quoniam grana illius, cum granis hordei selectis (quę etiam unciam nostram Pyrotechnicam componunt, juxta per antiquum Romanorum, Græcorum, Hebræorumque morem & exemplar) proximè in pondere conveniant.

TERTIO. Quando in descriptione mensurarum liquidorum, vel aridorum, easdem mensuras, vel propriis ejus loci cujus mensurę fuerint, vel alterius alicujus notę in Europa civitatis, tot ac tot libris, vel unciis constare dicemus, illę librę vel uncia ad nostras libras sedecim-unciales, & ipsasmet uncias, vel alterius alicujus loci, facillè revocari poterunt, juxta illam generalem tabellam peripheriis circulorum comprehensam, cujus usum jam superius descripsimus, vel juxta illas mutuas ponderum rationes, quas cap. hujus 10 sufficienter satis exposuimus.

Mensurę liquidorum & aridorum Veterum Romanorum.

DOLIUM, capiebat 1; *Culeum*, id est libras Mensurales Romanas 2400: Ponderales 2000: Nostrates verò 1395 ss , unc. 13, dr. 2, den. 2.

CULEUS, continebat liquoris 20 *Amphoras*, id est lib. Mensurales 1600 juxta Fannium & Columellam: Ponderales Romanas 1333 ss , unc. 4: Nostrates verò 930 ss , unc. 1, drach. 7, gr. 8.

MEDIMNUS, erat aridorum mensura continens *Modios* 6, seu *Amphoras* 2, id est lib. Mensurales 160: Ponderales Romanas 133 ss , unc. 4: Nostrates denique 93 ss , dr. 7, gr. 8. Complectebatur tritici libras Romanas 144. Erat quoque juxta Columellam & alia aridorum mensura capiens 10 Modios, unde & DECIMODIUM dicta.

Item & tertia major adhuc superioribus duabus aridorum mensura habebatur in usu, quam TRIMEDIMNUM vocabant Romani, quod 3 *Medimnos* caperet, seu *Modios* 18, seu *Amphoras* 6, seu ss Mensurales Romanas 480: Ponderales 400: Nostrates denique 279 ss , unc. 2, dr. 5, den. 1.

HYDRIA, continebat *Amphoram* 1; teste Villalpando in *Genesim*, id est ss Mensurales 120: Ponderales 100: Nostrates verò 69 ss , unc. 12, drach. 5, den. 1.

CADUS, *par Hydrię* teste Fannio, eratque propriè aridorum mensura complectens tritici ss 108.

AMPHORA, & QUADRANTAL, juxta Catonem, Fannium, Columellam, Volusium Metianum & alios, capiebat *Urnas* 2, seu ss Mensurales 80: Ponderales 66. unc: 8: Nostrates verò 46. ss . 6. unc: 3. dr. 1. den. 16. gr. Hac eadem mensurā, arida etiam admetiebantur Romani; capiebatque tritici ss 72. Mersennus reducens hanc mensuram ad pondus librarum Parisiensem, ait 72 ss Romanas æquari lib: Parisiensibus 50. & 4. unc: tot
F nempè

nempe libris & unciiis frumenti vult repleri *Quadrantalem Romanum*. Hoc quidem verum esset, si illæ 72. ℥ Romanæ, ponderales fuissent, at cum apud auctores præsupponantur semper libræ mensurales, quæ 10. duntaxat unciiis libræ ponderalis constabant: (ut toties dictum) quodque etiam nunc pluribus in locis observari animadverto, 72 ℥ Mensurales, facientes 60 ℥. Ponderales Romanas; facient Parisienses (quibus etiam nos in hoc opere utimur) 41 ℥, 14 unc: quod diligenter observandum est in his quæ sequuntur. Nisi forsan (quod non me usquam legisse memini) ad liquida tantum dimetienda & ponderanda duplicem adhibuerint libram Romani veteres, ad arida verò simplicem; id est ponderalem. Huic quoque mensuræ erat æquale vas pedis cubici Romani aquâ repletum, cum caperet aquæ ℥ 80 mensurales. Dioscorides tamen 52 ℥ duntaxat aquæ, (cui æqualis etiam ponderis & acetum statuit) Amphoram capacem fuisse vult; vini autem 80 ℥. Galenus verò id oleo tribuit, quod Dioscorides aquæ & aceto: cum Amphoram Italicam, id est Romanam, capacem esse Olei 72, Vini 80, Mellis 108 ℥ contendat. Merfennus à propriis experimentis pedem Romanum cubicum, (qualis Villalpandi congialis est) ait esse ℥ Parisiensium 74; alii aliam illi capacitatem assignant.

Idem quoque ex observationibus Petri Gassendi, Amphoram Romanam statuit aquæ capacem 55 ℥, & 14 unciarum Parisiensium, cum congius, qui est; Amphoræ apud eum capiat aquæ ℥ 7. minus; unciz: quæ observatio innuit illas 80 ℥ Romanas, quæ antiquitus replebant Amphoram Romanam, fuisse ponderales. Sed hanc difficultatem investigandæ veritatis, illis quibus plus vacat, resolvendam concedimus; nos autem reliquas mensuras ordine ut cæpimus prosequemur.

URNA, Catone teste, erat liquidorum mensura, capax Amphoræ; sed & aridis etiam mensurandis adhibebatur, continebatque juxta Villalpandum Modium 1, seu congios 4, seu ℥ 40. Mensurales: Ponderales verò ℥. 33, unc: 4: & Nostrates ℥ 23, unc: 3, dr. 1, den: 2, gr. 8.

MINA, Urnæ æqualis.

MODIUS, Fannii auctoritate, erat propriè aridorum mensura, & Medimni, Amphoræ vero; replebatur tritici ℥ 24 Romanis: Liquidorum autem (ex quibus vinum vel aquam subintelligi debere existimaverim, cum hi duo liquores juxta recentiorum observationes quàm proximè in pondere conveniant: omnibus verò liquoribus mensurandis unam eandemque mensuram, quam libram mensuralem vocabant, ut jam dictum, constaret adhibuisse Romanos) capiebat ℥ 26, unc: 8 Mensurales: Ponderales 22 ℥, un: 2, drach. 5, den: 1, gr: 1: Nostrates verò ℥. 15, unc. 7, dr: 3, den: 2, gr. 13, 1/2.

CONGIUS, & Amphoræ: continens *Sextarios* 6, seu ℥ Mensurales 10: Ponderales Romanas 8 ℥, unc. 4: Nostrates autem 5 ℥, 12 unc: 6 dr: 1 den: gr. 8.

SEXTARIUS, continebat *Heminas* duas, id est libram 1. Mensuralem & bessem, seu uncias 20: Ponderalem ℥. 1, unc: 4, dr. 5, den: 1: Nostrates unc: 15, dr. 3, den. 2, gr. 5-1/2. Erat quoque & alter sextarius apud Romanos quem *castrensem* vocabant, duplus communis.

HEMINA, quæ & COTYLA, constabat *Quartariis* 2. seu unciiis 10. Mensuralibus: Ponderalibus Romanis unciiis 8, dr. 2, den: 2, gr: 1: Nostratibus unciiis 7, dr: 5, den. 2, gr 14. 1/2.

QUARTARIUS, faciebat *Acetabula* 2, seu uncias Mensurales 5: Ponderales Romanas uncias 4, dr: 1, den: 1, gr: 1: Nostrates uncias 3, drach. 6, den: 2, gr. 19. 1/2.

ACE-

ACETABULUM, complectebatur *sesquicyathum*, seu uncias Mensurales 2, drach: 4. Ponderales Romanas unc: 2, den. 2, gr. $\frac{1}{2}$ circiter. Nostratem unc: 1, dr: 7, den. 1, gr. $9\frac{1}{2}$.

CYATHUS, dabat *cochlearia* 4: id est unciam 1. Mensuralem, drach: 5, den: 1. Ponderalem unc: 1, drach. 3, gr. $8\frac{1}{2}$. Nostratem verò unc: 1, dr. 2, gr. $23\frac{1}{2}$.

COCHLEAR: Cyathi, æquabat drachmas 3. Mensurales, & den: 1. Ponderales dr: 2, den. 2, gr. $8\frac{1}{2}$. Nostrates denique drach 2, den: 1, gr: 17, $\frac{1}{2}$.

Mensuræ liquidorum & aridorum Veterum Græcorum.

METRETA ATTICA, capiebat 3 Urnas Romanas, adeoque par *Hydriæ*, vel *Cado Romano*.

ATRABA, constabat 3 *modiis Romanis* cum $\frac{1}{2}$, juxta Catonem & Columellam.

METRETA LACONICA, erat paulo minor quam Amphora Romana.

AMPHORA ATTICA, par *Metretæ*, ut vult Fannius & Villalpandus.

AMPHOREAS, *Metretæ semis*, teste Agricola & Villalpando.

CHUS & *Choa*, æqualis Congio Romano.

COTYLE, quæ & TRIBLIUM, æqualis Hemina Romanorum.

OXÛBAPHUM, mensura æqualis Romanorum Acetabulo.

MYSTRUM Magnum, Cotyles $\frac{1}{16}$.

MYSTRUM Parvum, Cotyles $\frac{1}{32}$.

CHEME, æqualis Cochleari Romano.

Adverte. Istæ omnes mensuræ cum promiscuè olim tam liquidis quam aridis metiendis inservirent, facile ad libras tam mensurales quam ponderales veteres & nostrates revocari poterunt juxta præmissa.

Mensuræ liquidorum & aridorum Veterum Hebræorum.

CORUS & Chomer, mensura tam liquidorum quam aridorum, constabat 2. *Lethec*, eratque æqualis $\frac{1}{2}$ *Culei Romani*, vel 45 *Modiis*: ad libras non revoco cum id facile quilibet præstare possit, juxta illa quæ jam præmissimus. Cori mentio fit apud Ezechielem. Item 3. Reg. 5. 11. & 2. Paral. 27. 5. & Lucæ 16. 7: id verò pondus ajunt fuisse onus cameli.

LETHEC, $\frac{1}{2}$ Cori, capiebat 5. *Bathos*, seu *Ephas*, seu Urnas Romanas 15, seu Modios 22, $\frac{1}{2}$.

BATHUS, seu *Epha*, & *Ephi*, $\frac{1}{2}$ *Lethec*, constabat 3 *Satis*, vel 10. *Gomer*, & erat æqualis mensura *Hydriæ* vel *Cado Romano*, & *Metretæ Atticæ*.

Mentio Bathi fit apud Josephum de bello Judaico, & Villalpandum.

SATUM vel *SEAH*, $\frac{1}{2}$ Bathi, capiebat 2. *Hinas*, æquabaturque *sesquimodio Romano*, vel *sextariis* 24, juxta Villalpandum ex D. Hieronymo. Alcazar verò, æqualem hanc mensuram modio fuisse vult: at existimaverim non Romano, sed Attico, cum hic fuerit illius sesquialter. Sati fit mentio Genes. 18. 6. & Math: 5. 15.

HINA, $\frac{1}{2}$ Sati, continebat 3 *Cabos*, æquabaturque 12 *Sextariis*, vel 2. *Congiis Romanis*. Hina memoratur Exodi 29. 40. & apud Ezech: 4. 11.

GOMOR, $\frac{1}{16}$ Bathi, æquabatur 7 $\frac{1}{2}$ *Sextariis Romanis*. Habetur ejus mentio Exodi 16. 37.

CABUS, $\frac{1}{2}$ Hine, capiebat 4 *Logos*, eratque æqualis 4. *sextariis Romanis*.

De hoc videndus locus 4 Reg : 6.25.

LOGUS, $\frac{1}{2}$ Cabi, continebat 6 ovorum testas : \S uno Sextario Romano æquipollebat. Huic æqualis fuisse dicitur Thebanorum mensura, quam Epiphanius vocat *Aporrhyma*,

OVI. TESTA, $\frac{1}{2}$ Logi, & $\frac{1}{32}$ Ephī, existimatur fuisse pondo unc: 2, drach: 6, & 1 den:

Hæc ita breviter de mensuris tam liquidorum quàm aridorum, quibus veteres usi sunt. Jam quoque nostras modernas videamus. Sed moneo me non omnium civitatum cujuslibet in orbe provinciæ aut regni adducturum mensuras; cùm id vix possibile sit, sed famosiores tantùm & magis usitatas in præcipuis atque primariis civitatibus: & illas propriis ut nunc indigetantur nominibus, hîc quoque appellabo, & ad pondera reducam.

Hispanorum liquidorum mensuræ.

BOTA, constat 30 Robis: Roba verò 30 \mathfrak{B} . Repletur Bota 160 stopis Antverpiensibus: Roba autem 5 stopis & $\frac{1}{2}$. Stopus Antverpiensis (ut semel dicam) est \mathfrak{B} 6. Est igitur Bota pondo \mathfrak{B} Antverpiensium 960.

PIPA, constat 30 Robis, quarum singulæ sunt pondo 28 \mathfrak{B} .

ROBA, facit 8 Sommer.

SOMMER, constat 4 Quartilibus, quorum singuli sunt $\frac{1}{2}$ Stopi Antverpiensis, adeoque pondo 1 \mathfrak{B} .

Est etiam in Hispania Pipa diversæ à priori capacitatis quâ olivum metiri solent, constat enim 40 Robis, sed Robæ diversæ capacitatis & ponderis sunt, ut supra diximus.

Eorundem aridorum mensuræ.

CAHI, constat 12 Hennegis vel Annegris.

HENNEGA, constat 12 Almudis.

ALMUDA, est pondo \mathfrak{B} Amsterodamensium 7, unc: 9, angl. 14, gr: 24 circiter: estque Almuda $\frac{1}{32}$ Amsterodamensis Achanes (vulgo Last) filiginis; cùm hæc (ut infra dicemus) sit pondo \mathfrak{B} 4200.

CAVECO, $\frac{1}{12}$ Amsterodamensis achanes, adeoque \mathfrak{B} Amsterodamensium 262 $\frac{1}{2}$.

Portugallorum liquidorum mensuræ.

ALMUDA, constat 12 Cavadu.

CAVADA, constat 4 Quartis.

QUARTA, æquatur Hispanico Quartili, adeoque est 1 \mathfrak{B} : Integra verò Almuda est lib. Antverpiensium 48.

ALQUIER, vel Cantar, est $\frac{1}{2}$ Almudæ, & constat 6 Cavadis, quæ faciunt 4 Stopos Antverpienses: & est pondo \mathfrak{B} 24: Hac verò mensurâ Olivum mensurare solent.

QUARTILE, capit Cantaros 13 $\frac{1}{2}$.

STAR, est mensura liquidorum usitata in Algarbia, pondo \mathfrak{B} 59, unc: 10, angl. 15, gr. 26 incirca.

Eorundem aridorum mensuræ.

MOI, constat 15 Fangis:

FANGA, 4 Alquieris.

ALQUIER, 2 Meis.

MEIO, 2 Quartis.

225, Alquieri æquant Amsterodamensem Achanem, adeoque Alquier est pondo

pondo æ 18, unc. 10, angl. 13, gr. 10.

Gallorum liquidorum mensuræ.

MUID, vel *Quartal*, seu *Cadus* Parisiensis, constat 2 *Filetis* vel *Bariquis*.

FILET, vel *Bariqu* continet 18 *Sextiers*.

SEXTIER, continet 4 *Pots*, vel *Quartas*.

POT, seu *Quarta*, capit 2 *Pintas*.

PINTA, capit 2 *Chopins*, seu *Heminas*.

CHOPIN, constat 2 *Semisextariis*.

SEMISEXTARIUS, habet 2 *Possiones*.

Ex dictis, *Cadus* Parisiensis capit *Pintas* 288, idque juxta codicem Ludovici 13, titulo 10. At juxta codicem Henrici, capere deberet *Pintas* 300: Sed hic æquabitur illi superiori si 12 *pintas* subtrahas quæ fæcibus vini tribuuntur; ideoque non annumerantur reliquis. Pondus quoque Cadi ex hoc facile notum fiet: cum enim *Pinta* juxta *Mersenni* observationes sit pondo æ 2, *Cadus* quoque erit, constans 288 *pintis*, æ 576. At si fæces etiam annumeres puro vino, erit æ 600; pondus tamen vasis hîc minimè annumerandum est. Cadi formam & mensuram hunc in modum describit *Mersennus* prop. 4, lib. de mensuris, ponderibus, & nummis: *Hujus autem figura Cylindrica, vel potius cylindri duplicis utrinque truncati, æqualibus basibus, unde Cadus in medio latior, & crassior: cujus altitudo, seu longitudo interior duorum pedum & 10 digitorum; Latitudo media pedum 2 & 1, latitudo verò circa fundum duorum pedum.*

Cadus Parisiensis repletur 78 *Stopis* Antverpiensibus, vel etiam 77, id est 312 *pintis*, vel 308: estque pondo æ Antverpiensium 468, vel 462: cum *Stop* (ut supra dictum) sit pondo æ 6: *Pinta* verò ejus $\frac{1}{2}$ est $\frac{1}{2}$ æ : Ex hoc verò proportio libræ Parisiensis, ad Antverpiensem nota est.

Est etiam in Gallia liquidorum mensura *Pipa* dicta: hæc capit 2 *Cados* Parisienses, estque adeo pondo æ 1200.

Eorundem aridorum mensuræ.

MUID, seu *Modius Major*, capit 2 *Dolia*, vel 12 *Sextarios*, vulgo *Sextiers*.

DOLIUM, $\frac{1}{2}$ Muid: capit 6 *Sextiers*.

SEXTIER, $\frac{1}{12}$ Muid, & $\frac{1}{2}$ *Dolii*, dividitur in 2 *Minas*.

MINA, in 2 *Minota*.

MINOTUM, continet 2 *minores Modios* vulgo *Boisseau*.

BOISSEAU, juxta observationes *Mersenni*, continet tritici æ 16, cum absq; succussione vel percussione, ad cumulum impletur; cumulus verò eodem teste facit æ 31, restant ergo pro modio rasili æ 12 $\frac{1}{2}$. Cum autem *Modius* major contineat 96 hosce minores modios, erit triticum implens *Modium* illum majorem pondo æ 1536.

Expertum se idem dicit, in uncia libræ contineri 860 grana tritici, ut absq; electione occurrunt, igitur libra 13760, modiusque cumularus (non rasilis ut *Typographum* errasse existimo) 220160 grana complectentur; rasilis verò modius 172000 grana duntaxat.

Modius minor juxta codicem Ludovici l. 22, tit. 10, complecti debet frumenti æ 18, unc. 6, & 8 scrupulos. Ibidem quoque *Modius major* statuitur 2640 æ .

Rotomagi vulgo Roüan est mensura aridorum vocitata POINSON, quæ capit 13 *Modios* minores, vulgo *Boisseau*. Item in Britannia est in usu metiendis aridis mensura CHARGE dicta, continens 4 *Boisseau*: 10 vero *Charge* faciunt unam *Pipam*: quæ est lib. Amsterodamensium 600; cum 7 *Pipæ*, vel 70 *Charge* sequentur Amsterodamensi *Last* siliginis.

Italorum liquidorum mensuræ.

BRENTA, seu *Amphora*, mensura liquidorum Romana, constat 96 *Bocalib*: dividitur etiam in 13 & 1 Robas vel lapides, pro singulis numeratis 10 æ ; librę vero sunt 30. unciarum. Brenta repletur 42 Stopis Antverpiensibus, estque adeo pondo æ 252.

BOCCALE, constat 2. *Sextariis* vulgo *Mezzoboccale*,

BARILE, seu *Cadus*, mensura liquidorum Tuscanæ, constat 20 lagenis, Italici *fiasco* dictis. Repletur Barile 18 Stopis Antverpiensibus, estque adeo pondo æ 108 Antverpiensium; *fiasco* vero æ . 5, unc: 6, drach: 3, circiter. Tria Barila faciunt unum-

STAAR, quę mensura capax est 54. Stoporum Antverpiensium, & est pondo æ . 324.

MOSTACHIO vel *Mostacio*, est vas Candicum, capiens 3; stopos Antverpienses, & est pondo æ 22 1/2.

BOTTEL, ibidem *Vas* seu *Dolium* est, constans 34, 35, etiam 38, *Mostacis*.

BOTTA, Venetiis capit 38. *Mostacios*; qui etiam *Zechi* & *Cantari* dicuntur. 76 Mostaci faciunt Brentam, seu Amphoram.

BIGONCIO seu *Congius*, ibidem est mensura constans 4 *Quartis*: Quartam verò implent 18 Stopi Antverpienses, estque adeo pondo æ 108, & æquatur Barili Romano. *Bigoncio* verò capit 72 Stopos Antverpienses, & est pondo æ 432.

SECCHIO, *Hydria* Latinis, capit 15 1/2 Stopos Antverpienses. Est autem hæc mensura terrestris & civica; cum illa prior aquatica & navalis sit.

Ibidem mensuratur olivum **AMPHORA**: quę capit 4. *Bigoncio* seu *congiis*; *Bigoncio* verò 4. *quartas*. Hęc eadem constat 2 *Bottis*: Botra verò 38 *Mostacis*.

MIGLIARO, usitata in Italia olivi mensura, estque Venetiis 1210 æ . Veronę 1738 æ : facitque 8 *Brentas*, 11. *Bassas*; Brenta autem componitur ex 16 *Bassis*. Patavii 1185 æ , quę æquantur 1100 æ , Antverpiensibus. Vincentiæ, ut Venetiis. Tarvisii 1117 æ .

Sunt adhuc præter jam enumeratas liquidorum mensuras, & alię: ut **MASTELLO**, **CARA**, **CONSI**: quę 10 faciunt 1. *Caram* Tarvisianam.

Item **SALM**: quę mensura in Apulia & Calabria facit 10. *Star*, quilibet verò *Star*, 32 *Pignatelli*, seu *ollulas*: æquaturque *Salm* Gallico *Bariqu*, seu *Filet* vel *semiquartali*, estque ex hoc capax stoporum Antverpiensium 39: & pondo æ 234.

Eorundem aridorum mensuræ.

QUADRANTALE, capit 3 *Modios* Romanos; Modius 8 *Heminas*; *Hemina* 2 *Sextarios*. Est verò Quadrantale 52. æ . 8 unc: Amsterodamensium, cum 80. Quadrantales faciant unam Achanem filiginis Amsterodamensem.

STAR. Mensura navalis Veneta, est pondo æ Amsterodamensium 131 & 1/2. seu unc: 4; cum 32 *Star* faciant unam Achanem filiginis Amsterodamensem: 24 verò *Star* hordei idem præstant.

Item

Item. Amsterodamensis Achane æquatur 80 Star Mantuanis, 34 Modinensibus, 96 Pataviensibus, 112 Florentinis, 102 Vincentinis, 32 Zarenibus, 48 Ravennensibus, 29 Tarvisianis.

MOSA, vel Modius, Mensura item Veneta, quarum 7; faciunt Amsterodamensem Achanem. Alibi dividitur modius in 14 *Pesas*, quarum singulæ constant 10 ss ; libræ verò 30 unciiis. Alibi item in 4 *Degalatros*; vel 16 *Sextarios* dispefcitur.

CORBA, Latinis *Corbis* vel *Cophinus*, mensura aridorum Bononienfis; æquaturque Star Veneto; cum 32 Corbæ faciant Amsterodamensem Achanem.

MEDIMNUS, Mensura aridorum Siciliensis, continet 6 *Modios*; Modius verò 16 *Sextarios*: & est Medimnus pondo ss 110, Unc: 8, dr: 3, circiter Amsterodamensium: 38 Medimni faciunt Amsterodamensem Achanem.

Idem Medimnus dividitur in Cypro in 2 *Cypros*, vel 4 *semicypros*: 40 Medimni æquant Amsterodamensem Achanem.

Ibidem Modius dividitur in 16 *Gabenos*, vel *Sextarios*: 2 modii faciunt 1. *Ponticum*.

MINA, vel MINALI, Mensura aridorum Genuensis & Veronensis: tales 23; æquant Amsterodamensem Achanem: sed Veronenses 75.

SOMA, Mensura aridorum Brixienfis: tales 16 replebunt Amsterodamensem Achanem.

SALM, Mensura aridorum Siciliensis, constat 16 *Tumanis*: estque major vel minor: 8 majores, vel 10 minores, constituunt Amsterodamensem Achanem.

CARA, in Apulia æquatur Venetiano Star; duplex autem in usu est. Illa quâ filigo mensuratur, constat 36 *Tumanis*: Illa verò quâ hordeum, capit 48 *Tumanos*, illis superioribus æquales: estq; ideo Cara pondo ss Amsterodamensium 131; 32 Caræ filiginis, & 24 hordei, constituunt Amsterodamensem Achanem.

Germanorum liquidorum mensuræ

RUHTE, capit 2; *Fuder*.

FUDER, Latinis *Vehes*, constat 6 *Amphoris*, vulgo *Ohma* & *Ame*; idque in sequentibus superioris Germaniæ civitatibus. Colonia Agrippinæ, Wormatiæ, Vlmæ, Francofurti ad Moenum, Oppenheimi, Herbipoli, Moguntia, Wirtembergæ. Alibi autem capit 10 Ohmas, ut Heidelbergæ & Spiræ. Viennæ verò, & in tota Austria 16 Ohmæ, vel Amphoræ, faciunt Culeum.

Item Falkenheimi, & Durchemi, atque Augusta Vindelicorum, 8; Ie, id est Ohmæ, componunt Culeum.

OHM, vel AME, Latinis *Amphora*, constat 20 *Quartis*, vel 80 *Mensuris* vulgo *Massen*; vel 2 Urnis vulgo *Eymer*; idque Colonia Agrippinæ, Wormatiæ, Lipsiæ, Francofurti ad Moenum, Vlmæ, Oppenheimi, Moguntia, Norimbergæ, Herbipoli, & Viennæ Austriæ. Heidelbergæ

gæ verò & Spiræ dividitur Ohma in 12 *Quartas*, & quarta in 4 *Mensuras*, vel *Cantharos* vulgo *Kan*. Item Falckenhemi & Durchemi partiuntur Ohmam in 15 *Quartas*, quarum singulæ constant 4 *Mensuris*. Rursus Wirtembergæ capit Ohma 16 *Inne*; ex his verò una 10 *Mensuras*. Nec non Augustæ Vindelicorum 2 *Modli*, vel 12 *Besontz* constituunt Ohmam. Denique in quibusdam locis repletur Ohma 60, 64, vel 72 *Cantharis*.

EYMER, Latinis *Urna*, Norimbergæ, Herbipoli, atque in tota Franconia dividitur in 64 *Mensuras*. Viennæ Austriæ capit 32 *Octavas*, vel 128 *Seiltzen*. Sabonæ, vulgo Brixem 144 *Mensuræ* faciunt Urnam : 8 verò *Mensuræ*, constituunt 1 *Parcede*.

Rursus Vrna in tota Misnia, & planè per totam superiorem Germaniam est 36 ℥ : sed Lipsiæ 40 ℥ ; & dividitur in 3 *Stubechen*. Hæc item mensura fecatur in 4 *Cantharos*, vulgo *ein Kann* vel *Maß* : & quilibet Cantharus complectitur 2 *Nassell*, vel *Sextarios*, vel *Quartas*. Nec non Sextarius componitur ex duabus *Heminis* vulgo *Halbkarter*. Hemina denique complectitur duas parvas mensuras, *Octavas*, vel *Masslein* dictas.

MAAS, vulgo *Kann*, Latinis *Cantharus* vel *Congius*, in omnibus fermè superioris Germaniæ Civitatibus est unius ejusdemque capacitatis ; subdivisiones verò ejus minores jam recensuimus. Quantum ad pondus istarum *Mensurarum*, sic accipe. Passim id usurpatur in Germania, ut aliæ sint libræ *Mensurales*, aliæ *Ponderales* ; quod & superius monuimus : Lipsiæ enim 32 unc. *mensurales* faciunt 26 *ponderales* : & alibi in Misnia, 24 unc. *mensurales*, constituunt 20 unc. *ponderales* : id est, sunt *mensurales* ad *ponderales*, ut 12, ad 10, vel 6, ad 5 ; juxta perantiquum Romanorum morem. Hoc itaque posito, erit Ohma Wormatiensis, Francofortana, Vlmensis, Oppenheimensis, Coloniensis, Wirtembergensis, Moguntina, Heidelbergensis, Spirensis, Argentoratensis, Falckenheimensis, & Durchemiensis constantes 80 *Congiiis*, æquales Antverpiensi Amæ, quæ constat 50 *Stopis*, & est pondo ℥ 300 ; cum *Stopus* Antverpiensis (ut infra dicetur) sit pondo ℥ 6. Et ex hoc Cantharus Germaniæ est pondo ℥ Antverpiensium 3, unc. 12. Item, *Eymer* seu *Urna*, & *Fuder* vel *Vehes*, nec non *Ruhle*, aliæque minores *mensuræ*, quas jam superius enumeravimus, non difficulter ex hoc ad pondera revocabuntur, cum jam pondus Canthari, vel potius liquoris in illo contenti habetur.

Rursus, 128 *Canthari* Norimbergenses, Herbipolitani, Franconici, Viennenses, Augustani, sunt 300 ℥ Antverpiensium : singuli verò sigillatim sumpti, æquant pondus 2 ℥, unc. 5 & 1/2 Antverpiensium.

Lubecensia dolia cervisiaria, æquantur Amæ Antverpiensi, cum repleantur 50 *Stopis* Antverpiensibus.

Eorundem Aridorum mensuræ.

LAST, Latinis ex Græco *Achane*, Pondus & onus vel mensura Nautica. Constat Hamburgi 3 *Wissel*, quorum singuli continent 30 *Modios*, vulgo *Scheffel* : *Modius* autem est pondo 50 ℥ Amsterodamensium, & 9 unc. angl. 12, gran. 22 circiter ; ac propterea *Achane* constans 3 *Wissel*, seu 90 *modiis*, est pondo ℥ 4554, unc. 3, angl. 1, gr. 28.

Item

Item, æquatur *Wispel* 6 Amis Antverpiensibus: & 83 modii *Hamburgen-*ses æquant *Amsterodamensem Achanem*. *Rostochii* & *Lubecæ*, 96 Modii faciunt *Achanem* propriam: & 83 iidem *Amsterodamensi* æquantur. *Stetini* in *Pomerania*, 72 Modii componunt *Achanem* propriam: sed *Amsterodamensem*; illius efficiunt: *Stralsundanæ* verò; idem præstant; quam 32 *Dolia* vel 6 Modii constituunt.

SCHIFFPFUNDT, Pondus, vel onus, & mensura Nautica, usitatissima omnibus Germanici Oceani & Maris Balthici accolis. Est pars aliquota *Achanes*, & respondet proxime Romanorum *Medimno*, seu *Modio* majori, vel potius *Trimedimno* à nobis superius jam descripto; & *Hispanorum*, *Gallorum*, *Italorumque Cargo, Cârco, Charge, & Caricò* æquatur. Hac eadem mensurâ non grana tantum omnis generis mensurari solent, immò etiam variæ merces & pondera expenduntur. Constat autem *Hamburgi* aliis minoribus ponderibus *Lispfundt* dictis 20; seu est pondo 300 *Lubecæ*, & *Hafniæ* in *Dania*, atque *Stokholmia* in *Suecia*, etiam 20 *Lispfundt* constituunt *Schiffpfundt*; qui etiam est pondo 320. Aliarum civitatum hujus mensuræ capacitas & pondus suis locis reservatur.

LISPFUNDT, est Portio aliquota superioris ponderis *Schiffpfundt*, *Modium* navalem dicere possis: estque *Hamburgi* 15. 1/2, *Lubecæ* 16 *Marcorum*, *Stralsundæ* 16. 1/2.

MALTER, & *Molder*, respondet quodammodo capacitate & pondere superius descriptio *Schiffpfundt*: estque quasi *Medimnus* terrestris quarundam superioris Germaniæ civitatum. In *Misnia* enim complectitur 16. *Modios*, quorum singuli sunt pondo 20 1/2: & propterea est mensura hæc pondo 320. *Viennæ*, & per totam *Austriam*, componitur eadem mensura ex 32, modiiis, vulgo *Achtel*, vel 64 semimodiiis *Halb achtel* vel *Spimen* dictis: cum autem *modius* ille sit pondo 1/2 *Amsterodamensium* 21 & 14 unc: *Malter* est 700: 6 verò tales mensuræ æquant *Amsterodamensem Achanem*: *Coloniæ* verò *Agrippinæ* idem efficiunt 18 *Medimni*: quorum singuli sunt pondo 1/2. 233, unc. 5, Angl. 6, gr. 21 1/2.

Belgarum liquidorum mensuræ.

ROEDE. Est *Pertica* mensuralis & respondet Romano *Semi-culeo*. *Dordraci* constat 10 *Amis*.

AME, constat 10. *Schrewe*: quæ mensura *Amphoram* Romanam refert.

SCHREWE, implent 10 *Stoppi*: & hæc mensura non inconvenienter Romanorum *Urna* dici potest.

STOOP, quasi *Congius* Romanus antiquus, capit 2 *Kan* vel *Por*: quæ & *Mengel* alibi vocantur.

KANN, POT, & MENGEL, *Sextario* Romanorum similis; capitque 2. *Pintas*.

PINTA, Latine *Hemina* dici potest, cum sit *Sextarii* semissis;

Rurfus, **AMÆ** 10. *Dordracenses* faciunt 14. 1/2. *Antverpianas*; pro singulis numeratis 50 *Stopis*. (ut supra jam dictum) Cum verò *Stopus* *Antverpiensis* sit pondo 1/2 6. erit *Roede Dordracensis* pondo 1/2 4400, *Ama* verò *Dordracensis* 440 1/2, *Schrewe* 44. 1/2. *Stopp* 1/2 4, unc. 6, angl. 8. *Kann*. 1/2 2, unc. 3, angl. 4. *Pinta* denique 1/2 1, unc. 1, angl. 12. *Antverpiensium*.

G

Item,

Item, eadem RODEE secatur in 2. *Dolia*: quorum singula sunt 500. Stoporum Dordracensium, vel librarum 2200: quibus si apposueris 50. ℥ pro pondere ipsius Vasis, erit Dolium Vino repletum pondo ℥ 2250: duo verò dolia facient 4500 ℥. Ea propter igitur est id in usu, ut cum navis oneratur, fumantur 2, ejusmodi dolia pro una Achane tritici.

Item, 14 *Ama* Amsterodamenses equantur 10 Amis Dordracensibus: sed Ama Amsterodamensis dividitur in 64 Stopos: estque propterea Ama Amsterodamensis ℥. Antverpiensium 314, unc. 4, angl: 5, gran: 22 circiter. Stopus autem ℥. 4, unc 14, angl: 11, & gr: 10 circiter. In Frisia Ama capit 40 *Kann* vel 160 *Mengel*. Mechliniæ in Brabantia 80 *Mengel*: adeoque Mengel Mechlinensis duplus est Frisici: & quod est Mechliniæ Pinta id in Frisia Mengel: sed tam Mechlinensis Ama quàm Frisica etiam Lovaniensis Bruxellensis, Sylvaducensis & Bredana, æquales sunt Antverpiensi pondere & capacitate: Lovaniensis verò Mengel æquatur Cantharo Germaniæ. Lovaniensis & Bruxellensis Ama dividitur in 48. Stopos: Sylvaducensis in 50: Lugduno-Batava, Delphensis, Verensis, Flissingensis, & Middelburgensis in Zelandia, Gandavenfis, & Brugenfis in Flandria, atque Leodiensis, secantur in 60 Stopos. Item, 50 Stopis Antverpiensibus, æquantur 54, Hagenses, & Ruremondani, 72 Zircceenses, 26 Neoportani & Ostendani. Amæ tam Brugenfes, quàm Middelburgenses, Verenses & Flissingenses, 14. ℥, æquantur 16 Amis Dordracensibus. Est præterea in usu ad liquores dimetiendos Brugis *Roede*, quæ continet duo *Vasa*; horum autem quodlibet 22 *Sextarios*, vulgo *Sessiers* & rursus unus ex his capit 16 Stopos.

Dolia omnia *cervifiaria*, per totam Brabantiam capiunt 54 Stopos Antverpienses. In Flandria replentur 60, & etiam 64 Stopis Flandricis. Hollandica æquantur Brabanticis: Amsterodamensia tamen requirunt 56 ℥ Stopos Antverpienses. Hæc rursus ad pondera non revoco, cum ex pondere Stopi Antverpiensis, facile id notum fiat.

Eorundem aridorum mensuræ.

L A S T, Lat: *Achane*, componitur Amsterodami cum triticum mensuratur ex 16 Medimnis Navalibus, vulgo *Schippont*; pro singulis numeratis 300 ℥: estque propterea 4800 ℥. Cum autem filigini dimetiendæ adhibetur eadem mensura, tum 14 *Schippont* eam constituent, quorum singuli, æquabuntur pondere & capacitate prioribus: adeoque erit Achane filiginis pondo ℥ Amsterodamensium 4200. Ibidem quoque numerantur pro una achane 27. Medimni vel modii majores, vulgo *Mudden*: horum autem quilibet constat 4 minoribus modiis seu *Quartariis*, vulgo *Schepelen*: capit igitur achane 108 hosce minores modios. Item numerantur etiam pro una achane 29 *Sacci*, capientes singuli 3 *Oslavas* seu *Achtelingen*. Nec non 24 orcæ vel cadi falsamentarii: vel etiam 20 ℥ dolia angusta, vel farinaria: aut 15 ℥ crassiora constituunt achanem filiginis. Rursus 18 dolia cervifiaria, vel *Ama* Antverpienses idem præstant. Hæc autem faciunt 3 Vasa vinaria: sed numerantur 2 Vasa, pro una achane filiginis: quia talia 2 Vasa sunt pondo ℥ 4200 circiter: cum enim Quartale seu Quadrantal aut Cadus Vini, sit pondo ℥ 500, facient 2 Vasa, seu 8 quartales 4000 ℥: Tria verò ejusmodi vasa, seu 12 quartales filigine repleti, dabunt 4200 ℥: (ipsis vasis ponderi huic non anno-

annumeratis) singuli enim capiunt filiginis ss 350 circiter. Sed hîc observandum est, non omne triticum, ut & alia grana, ejusdem esse ponderis, ut & supra dictum : deprehensum enim est, Achanem tritici Amsterodamensem esse aliquando ss 4800 ; aliquando verò 4200 duntaxat. Item Achane filiginis est aliquando pondo ss 4200, & etiam 4000 ss : Hordeum verò 3400 ss . Avena rursus multo illis granis levior est, ac propterea in quibusdam locis, mensura quâ avena mensuratur major esse solet illâ mensurâ quæ filigini metiendæ adhibetur. Cùm ex observationibus Mersenni libra Parisiensis capiat grana tritici 13760 : hæc autem cùm ab Amsterodamensi deficiat 16 granis, igitur habebit Amsterodamensis libra 13776 grana tritici: Achane verò cùm sit pondo 4800 ss , constabit iisdem granis 66124800. Embdæ 15½ : Dolia seu Modii majores, constantes singuli 4 minoribus modiis, illis *Werpen* dictis, faciunt achanem; sed 55 *Werpen*, æquant Amsterodamensem achanem. Antverpiæ componitur achane ex 32 *Quartis*; quarta ex 4 Modiolis vulgo *Muekens* : & 38 quartæ æquant Amsterodamensem achanem. Rotterodami 3 *Octavæ* faciunt 1 *Saccum*; & 28 sacci unam achanem propriam; sed Amsterodamensem 87 octavæ efficiunt.

M U D D E, Modius major, præter illa loca quæ jam superius enumeravimus, Lovanii dividitur in 8 minores modios, qui *Halster* dicuntur : tales autem modii 13, implent Amsterodamensem achanem. Bruxellis tales modii 10½; Trajecti ad Mosam 7; Sylvæ ducis 12½ idem præstant. Gandavi partitur modius in 6. *Saccos*; saccus in 2 *Halsters*, Halster in 2 *quartas*; quarta in 2 *Muekens* : ejusmodi autem 4 modii cum 7. *Halsters*, Amsterodamensem efficiunt. Brugis idem modius *Hoet* dicitur : qui secatur in 4 *minores Modios*; Modius minor in 4 *Quartas*; quarta in 2 *Spintas* : tales mensuræ 17½ numerantur pro una achane propria; sed pro Amsterodamensi 17½. Yperis 12 *Rasiren* constituunt modium, Rasir quilibet constat 4 doliis : & 25 rasiri faciunt illic achanem : 75 verò iidem, unam dant majorem mensuram dictam *Ikinck*; quasi triplam achanem. Rursus 24 rasiri pro Amsterodamensi numerantur achane. In quibusdam minus nobilibus Flandriæ locis Rasir (quem modium minorem dicere possis) dispescitur in 4 *Awots*; Awotus in 4 *Pintas* : Pinta verò est 8 ss . Leovardiæ in Frisia modius habet 2 *Lopen*, seu minores modios : horum autem 36½ ab Amsterodamensi achane non differunt quicquam. Middelburgi in Zelandia modium majorem, qui illis etiam *Hoet* dicitur implent 16 *Sacci*; quasi minores modii : quorum 41½ requiruntur ut propriam constituent achanem; sed Amsterodamensi 40 satis sunt. Dordraci modius major etiam *Hoet* dictus, constat 8 doliis : & 3. *Hoet* (qui sunt quasi medimni vel *Schif-fundt* navales) Amsterodamensem achanem non superant.

Polonorum liquidorum mensuræ.

B E C Z K A, Lat : Dolium, juxta constitutionem Regni in Anno 1565, statuitur 72 congiorum, seu cantharorum, qui Polonis *Garniec* dicuntur. At juxta constitutionem Anni 1598, est 62 congiorum duntaxat.

Vasa Dantiscana, seu dolia cervisiaria, constant 180 *Stofis* Dantiscanis. Expertum verò est, hosce 180 Stofos, Antverpiæ esse duntaxat 81 Stopos Antverpienses : atque adeo dolium esse pondo ss Antverpiensium 486 : & 1

Stofus Dantiscanus est pondo æ 2, unc 11, angl. 4 Antverpiensium, ejusque semissis, quæ Halbe dicitur est 1 æ , unc: 5, angl: 12. Ex dictis facile colligere licet Stofum Dantiscanum, Poto, seu semissi Stopi Antverpiensis, esse minorem 4 unciis, & 16 angl: Antverpiensibus. Habeo præterea ex meis propriis observationibus, congium Polonum esse capacem liquoris duorum circiter Stofozum Dantiscanorum. Dolium igitur Polonum constans 62 congiis, superatur à Dantiscano 26 Stofis Dantiscanis, seu congiis 28 propriis minus est Dolio Dantiscano. Inde jam manifestè patet, congium Polonum cum sit pondo 5 æ , unc: 6, & 8 angl: Antverpiensium, quàm proximè æquari veteri congio Romano, quem jam superius descripsimus: & firmiter crediderim, primos Poloni congii inventores voluisse ut æqualis Romano esset capacitatis: sed cum omnia in rebus humanis, temporum iniquitate labantur in deterius, & momentaneis planè obnoxia sint mutationibus, non mirum est, hunc quoque esse aliquantò immutatum imminutumque unciarum aliquot capacitatem. Porro cum Dolium Polonum constans 62 congiis, sit pondo æ 334, unc: 12, angl: 16 Antverpiensium, æquabitur proximè: Dolii veteris Romani, vel 7 Amphoris. Semicongi Poloni, qui *Pulgarca* dicitur, ejusque semissis, cui *Kwarta garcowa* nomen est, ex præmissis non ignorabitur pondus.

Ohma Dantiscana, continet vini 110 *Stofos* Dantiscanos, vel 20 *quartas*: idq; fœcibus etiam vino puro annumeratis: sed absque his 104 $\frac{1}{2}$ *Stofi*, vel 19 quartæ, eandem replent.

W I A D R O, est mensura capiens 20 congios.

Eorundem aridorum mensuræ.

L A S Z T, Lat: Achane. (ut superius dictum est) Habetur in Polonia, Lithuania, Prussia, Livonia, cæterisque adjacentibus provinciis, maximo in usu mensura hæc: estque promiscuè tam navalis & aquatica, quàm etiam terrestris, quâ non tantum grana segetum, verum etiam aliæ merces aridæ & liquidæ, vel mensurantur, vel certus numerus ponderum sub illius nomine comprehensus intelligitur. Ut achane lini vel canabis, Dantisci est pondus 60 lapidum, vel 2040 æ Dantiscanarum. Item achane lupuli constat 12 *Schiffpfundt*, vel medimnis navalibus, id est æ 3830 Dantiscanis. Rursus achane farinæ, mellis, mulsi, cervisæ, cineris, picis liquidæ, vel concretæ, comprehendit 12 Dolia: salis autem 18. Quantum ad segetum grana attinet. Constat achane ubique passim in Polonia 60 modiis minoribus, qui *Korzec* vocantur idiomate patrio; sed hi sunt variæ capacitatis & ponderis. Dantisci constat achane filiginis 15 medimnis navalibus, vel *Schiffpfundt*: horum autem singuli capiunt 4 minores modios illis *Scheffel* dictos: quorum unusquisque rursus comprehendit 16 modiolos, qui *Matzen* indigetantur. Ibidem achane tritici constat 16 Medimnis navalibus: sed id respectu ponderis tritici (cum filigine ponderosius triticum sit) intelligendum est; 60 enim hoc, ut & illud, constat modiis. Observatum verò est achanem filiginis Dantiscanam esse pondo æ Amsterodamensium 4245; cum Dantiscanarum sit 5100. (*Schiffpfund* enim Dantiscanus est pondo æ Dantiscanarum, 340: constatque 10 lapidibus, quorum singuli sunt 34 æ . Alter vero ibidem minor, constans 20 *Lispfund*, quorum singuli pendunt 16 æ Dantiscanas, aliis mercibus ponderandis adhibetur) Item achane tritici Dantiscana est pondo æ 5440. Igitur ex dictis pondus filiginis in modio Dantiscano contentæ non ignorabitur: cum enim sit $\frac{1}{2}$ achanes, erit æ 85; triticum verò pendet æ 90, unc: 10, quart: 5, num: pond: 1 $\frac{1}{2}$.
Regio-

Regiomontana & Elbingensis achane, est pondo æ 6400: & constat 16 *Schiffpfundt*, quorum unusquisque est 400 æ , seu 20 *Lispfundt*. Ejusmodi achanes 6, faciunt Amsterodamenses 7. Rigenſes, Revalienſes, & Narvenſes 12 *Schiffpfundt*: pro singulis numeratis 10 lapidibus, vel 400 æ , componunt achanem pondo æ . propriarum 4800; sed Amsterodamensium 4000 duntaxat.

KŁODA, & Maca. Hoc aridorum mensuræ genus usurparur in Minori Polonia, & Russia Rubra, quæ est circa Leopolim, Præmissiam Iarossianam, & usque ad montes Carpatios extenditur. Constat 4 *modiis* vel *quartis*; vel 8 *semimodiis*, vulgo *Pulmiarek*; vel 16 Decimis-sextis, quæ *macka* dicuntur; vel 32 trigessimis-secundis *pulmacek* vocitatis: Hæc verò, est capax Leopoli 4 congiorum Polonorum: & integra Maca habet 128 congios. Ex dictis manifestum est, hujus mensuræ, æquari Urnæ Romanorum veteri: ipsam verò 32 Urnas complecti, seu esse Romanarum 1280 æ . Maca Iarossaviensis 160, Præmissiensis autem 130 congios capiunt.

CWERTNIA. Mensura hæc *Bimedimius* dici potest, constatque Cracoviæ 2 *Medimnis*. Poſnaniæ capit 42 congios. Calissia habet 56 congios: hujus, quæ *Wiertel Kaliski* dicitur, est 14 congiorum,

KORZEC, Lat: *Medimnus*, vel *Modius major*. Cracoviensis est 16 congiorum, & ex hoc æquatur veteri Medimno Romano, seu 2 Amphoris, cum sit pondo æ Romanum 160, Hujus, æquatur Urnæ veteri Romanæ, vel Sato Hebræorum. Lublinensis capit 28 congios, estque propè par Decimodius Veteri Romano. Sendomiriensis atque Varſaviensis constât 24 congiis: Igitur eorum semissis 12 congios continens, æquatur Amphoræ Atticæ juxta Fannium, nec non Hydriæ Romanæ juxta Villalpandum, atque Metretæ ejusdem: verò accedit capacitate ad Amphoreum Græcorum: & paulo minor est Modio Romano

BECZKA, Lat: Dolium. Mensuræ hujus ad arida dimittenda usus est in Lithuania, atque Russia alba: capit autem granorum (cum in mensurando infusa grana premuntur manibus, & Vas sæpenuméro violenter succutitur, & ad cumulum impletur: quod illic moris est) propè duos cados falsamentarios, & est pondo æ nostratium circiter 350. Hæc autem mensura Vilnensis est; cum Smolenscensis illius sit sesquialtera, adeoque æ 525.

Sunt præter jam enumeratas granorum cæterorumque aridorum mensuras, in Polonia, Lithuania, & Russia, aliæ majores & minores mensuræ plurimæ: ut *Mirka*, *Szanek*, *Osmaczka*: illas volens prætermitto, cum minus notæ, nobilesque sint, & ne lectori illorum descriptio fastidium pariat. Illud addo quod etiam superius monui, pondus mensurarum varium fore juxta varia granorum pondera.

Anglorum liquidorum mensuræ.

GALLON, constat 2 *Bottle*.

BOTTLE, 2 *Quartis*

QUART, 2 *Pintis*.

PINTA, est pondo 1 æ de *Troy*. Est igitur *Gallon* 8 æ Anglicarum de *Troy*: quæ autem libræ istius sit ad omnes alias, quas jam enumeravimus, proportio in pondere, superius dictum.

Item 8 Gallones faciunt 1 *FIRKIN*. æ 64

16 Gallones faciunt 1 *KILDERK*. æ 128

G 3

18; Gal-

18	Gallones faciunt	1	RUMLET	£	148.
32	Gallones faciunt	1	BARREL	£	256.
64	Gallones faciunt	1	HOGSHEADS	£	512.
84	Gallones faciunt	1	TERTIAN	£	672.
126	Gallones faciunt	1	PIPE	£	1008.
252	Gallones faciunt	1	TUNNE	£	2016.

Istæ mensuræ adhibentur mensurando vino, & cervisiæ Anglicæ fortiori Ale dictæ, sequentes verò communi cervisiæ metiendæ inserviunt: minores tamen mensuræ à Pinta initio sumpto, ad Gallonem usque, utrobique sunt & ponderis & capacitatis equalis.

8	Gallones faciunt	1	FIRKIN	£	72.
18	Gallones faciunt	1	KILDERK	£	144.
36	Gallones faciunt	1	BARREL	£	288.

Gallon cervisiæ, in Flandria facit 2 Stopos, Amsterodami verò & Antverpiæ Stopiam. 1, & $\frac{1}{2}$.

Eorundem aridorum mensuræ.

WEY, constat 6 Quartis.

QUARTER, 8 Buschels.

BUSCHEL, 4 Pecks.

PECK, 2 Gallonib.

GALLON, ut & supra dictum est pondo 8 £. Igitur Wey est pondo £ 3072.

Item, numerantur 4 Buschel pro uno HALSTER: atque 20 $\frac{1}{2}$ Halster constitutum unam Achanem

In Cornuvalia 20 Quarter faciunt 1. SCOR.

In Yrlandia atque Scotia, Buschel continet 18 Gallones.

Orientalium quarundam nationum liquidorum mensuræ.

MATALI, vel Matari, Tuneti constat 36 Rotulis: est vas capax Stoporum Antverpiensium 5, adeoque pondo £ 30 Antverpiensium: 10 Matali constituunt Amam Antverpiensem. Tripolitani & totius Barbariæ Matali, constantes singuli, 42 Rotulis, æquantur 7 Amis Antverpiensibus & $\frac{1}{2}$: capiunt igitur singuli liquoris £. 40 Antverpienses.

ALMA, Mensura Constantinopolitana, capit liquoris Stopum Antverpiensem 1 & $\frac{1}{2}$: & est liquor ille pondo £ 10 Antverpiensium.

DORACH, vel Dorag, est mensura liquidorum Arabica: Romanorum Amphoram referens: dividitur in 8 Johein.

IOHEIN in 6 Kist, vel Ascat, id est Congios Romanos.

KIST, vel Ascat in 2 Corbin, quasi Heminas Romanas.

CORBIN, in 2 Keliath vel Quartarios Romanos.

KELIATH, in 2 Caffuk vel Arfive, sive Acetabula Romana.

CAFFUK, vel Arfive, in 2 Cuatum, id est Cyathos.

CUATUM in 4 Salgerin; quæ sunt cochlearia Romana.

Johein, idem est apud Arabas, quod apud Romanos erat Congius (ut dictum) & apud Græcos Hina: capit 1 & $\frac{1}{2}$ Stopum Antverpiensem. Dorach verò 12 Stopos.

Co-

ARTABA, etiam Ægyptiaca mensura, 18 Stopis Antverpiensibus æquipollet.

COLLATUM, ibidem est vas capax liquoris 6 Stoporum Antverpiensium
SABITHA, est mensura Ægyptiaca, quam 5 Stopi Antverpienses implent.

DADIX, continet liquoris 4 Stopos Antverpienses.

COPHINUS, capit 3 Stopos Antverpienses.

CHOENIX, ibidem quoque æquatur Stopo Antverpiensi.

MARES, & Pontes, repletur Semi-stopos Antverpiensi.

Eorundem aridorum mensuræ.

METRETA, vetus Græcorum mensura, quæ etiam nunc in usu est, continet 12 Choas: 45 Metretæ constituunt illorum Achanem; sed Amsterodamensis 50 tales requirit.

ARTABA, seu *Atraba*, in Persia dividitur in 25 *Capitha*, vel *Heminas*, vel *Hinas* 50. 45 Artabæ faciunt Amsterodamensem Achanem. In Ægypto dividitur Atraba in 5. *Aporrhymas*, vel 40 *Chænicas*, vel 480 *Inia*, id est sextarios: 45 Atrabæ Ægyptiacæ æquant Amsterodamensem achanem.

TOPIN, ibidem complectitur 10 Chænicas.

EPHIN, ibidem quoque, continet 8 Sextarios, vel *Inia*.

CASFICI, constat in Barbaria 20 *Guibis*: 7 *Casici* æquant Amsterodamensem achanem.

DORAG, in Arabia cum ad arida mensuranda adhibetur easdem subdivisionis retinet, quas ad liquida jam enumeravimus: 80 verò Dorag respondent Achani Amsterodamensi.

Et hæc sunt quæ de mensuris liquidorum & aridorum dicenda proposueramus, si lectori non satisfacimus, veniam petimus, nec enim pro labore nostro, qualiscunque ille est, pœnam aliquam meremur, cum pro posse nostro, & eâ quâ par erat diligentia omnia peregerimus non alio respectu nisi Pyrotechnicum nostrum aliosque mechanicos, juvandi studio in his, quæ jugi meditatione & praxi assiduâ construere & perficere conantur.

CAPUT XIII.

De mensuris intervallorum.

Cum in sequentibus, persèpe variarum mensurarum futura sit mentio, quibus tam longitudes linearum, quàm & omnis generis superficies, tum & varia etiam Pyrotechnica corpora metiri solemus. Igitur summopere necessarium, maximèque commodum illarum habuisse notitiam; habebitur autem ex his, quæ hoc capite proponuntur à nobis: ordiemur verò ab enumeratione minimarum quæ modò haberi possunt mensurarum, idq; ordine ac methodo Geometris usitatâ, & propriis ut olim & nunc appellantur nominibus, hîc quoque loci illas vocabimus. Primum itaque.

DIGITUS, Germanis *ein Finger*, Hebræis *esbath*, Polonis *palec* dictus, constat 4 granis hordei in latum dispositis & sese tangentibus. Subdividunt quidam hordei granum in 5 grana papaveris, granum verò papaveris, omnium minimam statuunt mensuram. At Mersennus expertum se ait papaveris rubra grana minora esse albis, cum dicat, *Sinapis grana* duo se tangentia exquare

æquare lineam unciæ pedis Gallici, papaveris alba grana tria id præstare, at rubra quatuor esse necessaria. Immo narrat idem diametrum seminis herbæ Scolopendrii vel Aspleni, ad diametrum grani *sinapis*, esse ut 1 ad 5. Erit igitur *granum Scolopendrii* minimum omnium granorum & seminum, cum diameter illius in diametro grani papaveris rubri 2½ contineatur. De granis arenæ minutissimis, qualia sunt stapulensia, refert idem, quod 12 illa grana in rectum disposita, & sese tangentia æquantur uni lineæ unciæ pedis Gallici. Quapropter arenæ minutissimum granum, minima omnium mensura esto.

UNCIA, POLLEX, DIGITUS MAIOR, Germanis *Zol & Daum*, constat 4 granis hordei, & in partes 12, quæ lineæ dicuntur dispescitur.

PALMUS MINOR, Græcis *Doron*, Germanis *ein zwere Handt*, Polonis *Dlon*, constat 4 digitis.

ORTHODORON, manus longitudo, constat 11 digitis.

PALMUS MAIOR, vel *Spithama*, Græcis *Lichas*, Hebræis *Tophac*, Germanis *eine Spann*, Polonis *Piadz* dicitur, constat tribus palmis minoribus seu 12 digitis, vel 9 unciis: *quam mensuram* (ut Mersennus ait) *sumimus in expensa manu ab extremo pollice, ad extremum minimi digiti, quando major esse nequit intercapedo inter duas istas pollicis & minimi digiti summities.*

PES, Germanis *ein Fuß & Schuch* (quod mechanicorum vocabulum est) Polonis *Stopa*, constat 4 palmis, seu 16 digitis, vel 12 unciis. De pedis subdivisione Philander commentator Vitruvii sic habet in annotationibus ad cap. Vitruv. 3. l. 3: *Sciendum itaque pedem principio in palmos quatuor, id est digitos 16, divisum fuisse (quod fatentur præter Vitruvium, Columella, Frontinus, Isidorus & alii) Quæ ratio, quum paulo difficilior aut minus expedita videretur, qui secuti sunt, pedem pro asse habentes, eum quemadmodum & omne aliud integrum (quod assem nominaverunt) in duodecim æquas partes divisere. Unam portionem unciam dixerunt, Duas sextantem, Tres quadrantem, Quatuor trientem, Quinque quincuncem, Sex semissem, Septem septuncem, Octo bessem, Novem dodrantem, Decem dextantem, Undecim deuncem, Duodecim assem sive pedem. Eas uncias nostri cum viderent pollicibus quadrare, non amplius uncias, sed pollices nominarunt. Et certè si componas, tres pollices quatuor digitos efficient. (Hic non ago de observatione illa, qua apud Frontinum lib: de aquæduclibus, digitus alius vocatur rotundus, alius quadratus, & rotundus tribus undecimis suis, quadrato minor traditur, quadratus autem tribus quartisdecimis suis rotundo major) Hactenus ille de subdivisionibus Romani pedis. Notandum verò est pedes ubique gentium esse variæ longitudinis: alibi etiam duplices habentur, quemadmodum Swenterus narrat Norimbergæ esse duos pedes diversæ & inæqualis longitudinis in usu: cum Pes Civicus vulgo *Stadtschuch* constet 12 unciis seu pollicibus, Mechanicus verò vulgo *Werckschuch* 11 duntaxat contineat uncias illis prioribus æquales: quæ tamen longitudo 11 unciarum subdividitur in 12 partes æquales, quas etiam ad similitudinem illarum unciarum quibus pes civicus constat, uncias vocant. Hanc pedum inæqualitatem, cum plurimum in operibus confusionis ac inexpeditæ difficultatis parere persæpè animadvertissem, cogitabam, præcipuarum per orbem universum provinciarum & urbium pedes, ad unum quempiam magis notum revocare, & omnes coæquare differentias; quod etiam in ponderibus & liquidorum aridorumque mensuris præstitimus jam. At cum Mathias Dogen in sua Architectura militari nuper edita hanc nobis palmam præripuerit, itaque ut apud eum reperio istas pedum coequationes, & ad unum*

unum Rhenanum reductiones, hic loci in usum nostri Pyrotechnici, aliorumque Mechanicorum, appono.

Qualium pes Leidenfis, vulgo Rhin- landicus di- ctus, est par- tium 100 sa- lium est.	<i>Amsterodamenfis</i>	968	<i>Geodeticus pro curia positus</i>
	<i>Antverpianus</i>	909	
	<i>Alexandrinus</i>	1200	
	<i>Antiochenus</i>	1360	
	<i>Argentinenfis</i>	891	
	<i>Babylonicus</i>	1172	
	<i>Bavarus</i>	924	
	<i>Bremenfis</i>	934	
	<i>Briellanus</i>	1060	
	<i>Dordracenfis</i>	1050	
	<i>Goesanus</i>	954	
	<i>Græcus antiquus</i>	1042	
	<i>Hafnienfis</i>	934	
	<i>Londinenfis</i>	968	<i>Hic per totam Angliam usurpatur.</i>
	<i>Lovanienfis</i>	909	
	<i>Mechlinenfis</i>	890	
	<i>Middelburgenfis</i>	960	
	<i>Norimbergenfis</i>	974	
	<i>Parisienfis</i>	1055	<i>Regius dictus.</i>
	<i>Romanus antiquus</i>	1000	
	<i>Samius</i>	1200	
	<i>Toletanus</i>	867	
	<i>Venetus</i>	1120	<i>ex Bonajuto Lorino.</i>
	<i>Ziriccenfis</i>	988	

Addo. Observavi pedem Romanum antiquum (cujus semissis mensuram apud Philandrum Vitruvii commentatorem lib: 3. cap: 3. reperio, & quem ille dicit petium esse ex antiquo marmore quod est in hortis Angeli Colotii Romæ, qui etiam convenit cum eo qui est sculptus in marmoreo epitaphio T. Statilii Vol. Apri. mensuris ædificiorum, quod opera Iacobi Meleghini summi Pontificis Architecti ex Janiculo non ita pridem refossus, in Vaticanum hortum translatus est) esse ad Rhenanum ut 975 ad 1000.

Item, Mersennus ponit ad marginem lib: primi de mensuris &c. duplicem semi-pedis Romani antiqui mensuram. Unam dicit esse transumptam ex parietibus Capitolinis, & asservari in bibliotheca Parisiensi. Hæc ut (expertus sum) duplicata deficit ab illa pedis Romani mensura, quam Philander ponit, à pede verò Rhenavo, seu, estque adeo Pes hic ad Rhenanum ut 950, ad 1000. Sed id etiam animadverti, pedem hunc *Capitolinum* ne puncto quidem à pede nostro *Polono*, (cujus exactissimam mensuram penes me habeo) differre; hujus autem etiam in Lithuania usus est. Altera ibidem ponitur à Mersenno, mensura semi-pedis Romani, quam Villalpandum desumpsisse ait ex congio Farnesiano. Hanc duplicatam, superat mensura pedis Romani quam Philander adducit, estque proportio hujus ad Rhenanum quæ numeri 969 ad 1000. Ait quoque ibidem Mersennus pedem Gallicum Regium (cujus etiam semissis mensuram ponit,) majorem esse Rhinlandico 6 lineis seu pollice dimidio. Sed cum mensuram hanc duplicatam pedi Rhenano applicuissem, inveni pedem Gallicum, majorem esse pede Rhenano. Est igitur juxta observationes meas ratio Gallici pedis ad Rhenanum

nanum, quæ 1050 ad 1000. Sed de pede sufficiant dicta, jam alias quoque majores mensuras videamus.

PALMI-PES, Græcis *Pentadon* & *Pigon*. Est mensura constans 20 digitis, id est pede & palmo: sumiturque à summo cubito, ad extremitatem complicatorum in pugnum digitorum.

CUBITUS, & *Ulna*, Hebræis *Ammah*, Germanis *ein Elen* & *Elebogen*, Polonis *Lokiec*, constat 24 digitis, vel 6 palmis, vel sesquipede, vel 18 unciis. Sumitur ejus mensura à summo cubito ad extremitatem medii digiti. In Persia & Ægypto Cubitus Geometricus constat nostris 6 Cubitis. Anglis cubitus *Yard* dicitur, ubi 3 pedes, & 9 uncia faciunt ulnam.

Ulnarum quoque ut & pedum cum maxima ubique locorum differentia sit, ac summa inæqualitas, illarum etiam coæquationem, & ad pedem Rhenanum reductionem, ex eodem opere Mathiæ Dogen petitam hîc subpono.

Qualis Pes Rhinlandi- cus est par- tium 1000, salium Vl- na est.	<i>Amsterodamensis</i>	2196
	<i>Antverpiana</i>	2210
	<i>Dantiscana</i>	1842
	<i>Erfordiensis</i>	1326
	<i>Florentina.</i>	1846
	<i>Francofortana ad Mœnum</i>	1760
	<i>Hamburgensis</i>	1842
	<i>Leidensis</i>	2187
	<i>Lubecensis</i>	1842
	<i>Londinensis</i>	2904
	<i>Magdeburgensis</i>	2105
	<i>Norimbengensis</i>	2105
	<i>Oudewaterana</i>	2190
	<i>Revaliensis</i>	1768
	<i>Rigensis.</i>	1768
	<i>Toletana</i>	2600
	<i>Vlissipponensis Vatra</i>	2662

Addo ex Merfенno, Ulnam Parisiensem constare pedibus Gallicis 3. dig: 7½. Erit igitur hæc ad Pedem Rhinlandicum juxta nostras observationes ut 3820½ ad 1000. At juxta Dogenum, ut 3808 ad 1000 circiter. In Polonia Ulna constat 2 pedibus: & hæc est juxta nostras observationes ad pedem Rhenanum ut 1900 ad 1000.

Præterea ait Merfennus, Brachium Florentie, seu ulnam vel cubitum, esse ad pedem Gallicum ut 43 ad 24. Et cubitum Hebræum juxta pedem Capitolinum statuit pedis 1, dig: 4. & 3, lin.

GRADUS, *Gressus*, & *Passus* simplex, Germanis *ein einfacher Schritt*, Belgis *een Stap*, vel *trede*, Polonis *Krok*, constat 2½ pedibus.

PASSUS, Germanis *ein doppelter schrit* constat 5 pedibus.

ORGYA, Germanis *ein Kloster*, Belgis *eene Vademe*, Polonis *Sazen*, continet 6 pedes: hanc mensuram Julianus Ascalonita Architectus vocat Ulnam.

CALAMUS, & *Arundo*, Hebræis *Kenech*, constat 6 cubitis: Hanc mensuram Merfennus constare ait (juxta rationem pedis Capitolini ad Gallicum, quæ apud illum est ut 130 ad 144, vel ut 65 ad 72, proximè) 8 pedibus & sesquidigito.

PERTICA, **VIRGA**, **DECEMPEDA**, Germanis *Meß-ruhte*, vel *Stange*,

ge, Belgis *eene Roede*, Polonis *Prent*, apud Romanos antiquitus constabat 10 pedibus, unde & Decempedæ nomen, & Geometræ Decempedatores Ciceroni dicuntur. Nunc infinitum variat in longitudine. Ut in Belgio Pertica Rhinlandica continet 12 pedes Rhinlandicos: sed isti 12 pedes facilioris calculi ergo, ut fractiones evitentur, à Geometris in 10 partes secantur, quarum singulæ etiam pedes nuncupantur: & rursus in 10 uncias unaquæque pars dividitur. In Polonia & Prussia constat Pertica 15 pedibus seu 7 $\frac{1}{2}$ cubitis, vocaturque mensura Culmenfis, vulgo *Prent* vel *mia-ra Chelmienska*. In Territorio Norimbergenfi est 16 pedum. In Marchionatu Brandeburgenfi 12 pedes habet. In Gallia juxta Mersennum 22 pedes constituunt Perticam. In Territorio Gandavenfi 14 pedes in pertica numerantur; sed alibi in Flandria 20 pedum est: pedes verò ibidem diversæ quantitatis & longitudinis sunt; quidam enim 10, alii vero 11 unciis constant. In Anglia 16 $\frac{1}{2}$. In Yrlandia 18 pedes perticam faciunt.

FUNIS, CHORDA, CATENA, Germanis *ein schnur* & *Kette*, Romani *Arvipendium* dixere: Polonis *sznur* & *Wenzyfko*, apud quos etiam constat 10 Perticis. Apud Agrimensores variæ longitudinis est.

STADIUM, & *Aulus*, Germanis *ein Roß-lauff*, Polonis *Staja*, constat 125 passibus seu 625 pedibus: apud Græcos erat 100 passuum: eratque mensura hæc cursus hominis,

DIAULUS, duplum stadii erat, id est continebat passus 250

HIPPICON, continebat 4 stadia, seu passus 500: eratque cursus equi.

DOLICOS, constabat 12 Stadiis.

SIGNES, & *Schœnum*, in Ægypto continebat 60 stadia, etiam 40 & 20.

MILLIARE. Vox satis omnibus Europæis nota: à mille passibus quibus Romanum milliare constat, hæc mensura nomen sortita est: sed longitudo miliarium ubique summè variat. Collegimus igitur hîc, (ad meliorem unius loci miliaris, cum alterius milliari, comparisonem instituendam, & ut differentiæ mensurarum quibus locorum intervalla metiri solent. Geographi, appareant melius) plurimarum per orbem nationum itinerum dimensiones: (quæ quasi miliaria sunt) reducentes, omnes ad pedes Rhénanos; (quos hîc loci æquales concedimus Romanis veteribus; idque juxta Dogeni observationes ut id sequens tabella monstrat.

Millaria,	Pedes.	
<i>Ægyptiacum</i>	25000	<i>Schoennm</i> dicitur.
<i>Anglicum</i>	5454	
<i>Burgundicum</i>	18000	
<i>Flandricum</i>	20000	
<i>Galicum</i>	15750	<i>Lieu</i> dicitur.
<i>Germanicum</i>	20000	<i>Parvum.</i>
	22500	<i>Mediocre.</i>
	25000	<i>Maximum.</i>
<i>Hollandicum</i>	24000	
<i>Helveticum</i>	26666	
<i>Hispanicum</i>	21270	<i>Legus</i> dicitur.
<i>Hirarium iter</i>	15000	
<i>Italicum</i>	5000	
	H 2	

Li.

<i>Lithuanicum</i>	28500	<i>Mila</i> dicitur.
<i>Moschoviticum</i>	3750	<i>Warsa</i> dicitur.
<i>Polonicum</i>	19850	<i>Mila</i> dicitur.
<i>Perficum</i>	18750	<i>Parasanga</i> dicitur.
<i>Scoticum</i>	6000	
<i>Sueticum</i>	30000	

Hæc de mensuris intervallorum dicta funto. Reliquas quibus agrimensores in planis agrorum superficiebus dimetiendis & jugerationibus, juxta diversorum locorum consuetudines utuntur, lubens prætereo, cum sint extra nostrum propositum. Unicum addo: *Jugerum Polonum*, vulgo *Lan role*, (quod Germanis *morgen* & *jauchart*, Gallis *arpent*, Belgis verò *een bunderlands* dicitur,) in latitudine habere funem unum, seu Perticas quindecim-pedales decem, id est pedes 150. Longitudinem verò illius ad latitudinem esse triplam, nempe 3 funium, vel 30 perticarum, adeoque pedum 450. Pedes verò quadratos continere 67500. Ex his constat *Jugerum Polonum* majus esse Romano antiquo, cum Romanum habens in longitudine 120, in latitudine verò 240 pedes (quod planum, etiam Actus quadratus duplicatus vocabatur) continebat duntaxat 2880 pedes quadratos: Pedes verò Romani (ut supra ostendimus) æquantur nostris Polonis.

Item, 30 Jugera quadrata in Lithuania & Masovia conficere unum *Mansum seu modum agri*, vulgo *Włoka*, quæ Germanis *Hube* vel *Hufe* dicitur. Est autem ejusmodi agri latitudo 4500 pedum seu 30 jugerum, vel 300 partiarum nostratum: longitudo verò 1 jugeri, seu 30 partiarum, vel 450 pedum. Quadrata autem istius agri area constat pedibus quadratis 2025000.

Item, in Masovia dividitur latitudo jugeri in 2 *liras*, quas *zagon* dicunt: estque adeo una ex his lata pedes 75. Plura de his à Finitoribus & Geometris petenda.

Mensuram veram & exactam pedis Rhenani aliorumque cum hoc coquatorum, invenies in Universali nostro Pyrotechnico instrumento, cujus figuram & usum, in parte secunda Artilleriæ nostræ proponimus. Nunc autem huic libro colophone imposito ad ipsam Pyrotechnicam praxim, quam sequentibus libris pertractabimus, accedimus.

Finis Libri primi.

AR.

ARTIS MAGNÆ ARTILLERIÆ PARTIS PRIMÆ

LIBER II.

De Materiis & Materialibus in Pyro- technia usurpari solitis,

CAPVT I.

De origine Salisnitri ejusque naturæ & operationibus:



Otitiam Salisnitri multis ab hinc annorum chiliadibus viros eruditos & naturalis Philosophiæ peritos habuisse, Sacræ in primis testantur literę : ut lib. 5. Moïsis cap. 29 videre est. Ex prophanis verò auctoribus plurimi illius mentionem faciunt : è quorum numero, multa de hoc Plinius lib. 3 i. cap. 7, & 10. Vitruvius lib. 7. cap. 11. Aristoteles & Seneca. Dioscorides quoque lib. 5. cap. 122. nec non Philostratus in vita Apollonii Tyanæi : & plurimi alii quos enumerare longum, & in re adeo clara multorum testimoniis propositum meum fulcire velle, supervacaneum minimèque necessarium est. At non desunt quidam ex recentioribus, qui Salemnitri hunc quo nos Pyrotechnici ad construendos ignes artificiales utimur, ab illo veteri nitro plurimum & formâ & virtute differre existiment, adeoque novum, nec ita pridem ab bellicorum tormentorum usum, inventum esse velint. Pro sic autem sentientibus, hæc quodammodo militat ratio : quòd scilicet constet ex auctoribus veteres unum tantum Nitri genus agnovisse ; mineralis nempe vel fossitii, aut sua sponte nullo humano adhibito artificio nascentis : cujus quatuor fuisse species : Armeniacum, Africanum, (unde & Afronitrum : quod Avicenna Arabico vocabulo Baurach vocat) Romanum, & Ægyptiacum : quod à Nitria Ægypti regione in qua copiosissimè proveniebat, nomen quoque obtinuit Nitri. Narrat præterea Serapion mineras Nitri fuisse similes mineris salis communis, in quibus aquæ currentes congelarentur condensarenturque instar petræ vulgaris ; & ex hoc Salpetrosum vel Salpetrę. Addit etiam Nitrum variorum fuisse colorum : album scilicet, rubrum, rufum, sublividum, & aliorum plurium. Nec non diversæ unum ab altero formę : unum quippe erat spongiarum modò fistulosum foraminosumvè, aliud verò densius solidiusque, & speculari persimile lapidi pellucidum, & in tenues fissile bractęas ; ac maximè frangibile : ex quibus unum altero fortius, & in operationibus validius erat. Hæc de minerali Nitro ex auctorum testimoniis habemus : ubi quidem nulla Nitri artificialis seu factitii quo nos nunc utimur & vulgo Salpetræ, vel Salmnitri, & Halinitrum dicimus, mentio fit. Cùm autem vetus illud Nitrum, vel jam interierit penitus,) quod tamen Scaliger Exoter. Exercit. contra Cardan. de Subtil. lib. 15. exercit. 104. 15. falsum esse, & in Asia passim venale & Ægypto : nec non ex relationibus Ioannis Pardi in Etrurię agro ad oppidum, cui

Collis nomen est sub prætura vallis Elſæ foſſile eſſe dicat) vel ad nos non perveniat difficile eſt judicium ea de re ferre, & collatis in unum utriuſque viribus & effectu, unum ab altero diſcernere, vetuſque aut novum hoc noſtrum Nitrum ſtatueret. Doctiſſimus tamen Scaliger citato loco, Nitrum vel illud vetus, vel ſi quod nunc eſt, à Salepetræ non parum diſferre contendit; idque partium tenuitate: verba ejus cum ad rem noſtram plurimum valeant, huc transferre placuit: *Nam quemadmodum ſal aliud foſſile, aliud ex aqua maris, aliud è fontibus, aliud è cineribus, item vitrum aliud è lapide, aliud è ſilice: ita Nitro potuit à natura comparari. Itaque etiam è ſpecubus reſudat apud Plinium. Vulgare quod è terra exudans in ſalis modum concreſcit à Sole. Tantùm verò abeſt, ut Salpetræ ſit ſal foſſile, ut & à ſale & à Nitro diſſet partium tenuitate. Tam enim ſal, quàm Nitrum ita uritur: ut cineris quippiam relinquatur. Salpetræ univerſum abſumitur ab igni. Quare ſal foſſile terreſtre magis par eſt, quàm Nitrariorum Nitrum: Nitrum hoc, quàm illud quod ſtillat in ſpecubus. Quasi ſlos quidam ſit illud ſpecuarius. An verò contra: hoc illo terreſtrius, quia minus aëreum? An illud hoc magis, quia plus diſcoquitur in Nitrariis, quàm in ſpecubus? Exuſtis tenuioribus partibus à ſole in Nitrariis, in ſpecubus non item. An ſpecuarius craſſus quia minus excoctum? ſicut acerbi fruſtus terreſtiores, quàm maturi, qui ſolem ebiberint. Sal autem foſſile ſale marino craſſius tum propter coctionem, tum propter materiam. Huic enim aquæ, illi terræ plus. Utrumque autem ipſo Salepetræ minus tenue. Sudor enim eſt à Nitri quibuſdam principiis ſecundum aliquam proportionem: ſed adeo tenuis, totus ut ſpuma ſit, totuſque abeat in ignem. Ac quemadmodum Camphora præſtantior, quæ rupto exit cortice, quàm quæ eximitur ex arboris vena: ita Nitrum, quod erumpit in Nitrarias, commendabilius eſt: quod in Strias exudat ſpecuum rimas occupans, tenuius, ſi partes ſpectes: ſi ſolis opus deſideras minus coctum. Quod hæret rupibus, in quibus inſolatur, ac propterea Salpetræ dicitur, analogiam habet atque affinitatis naturam cum ipſo Nitro, ſed aëreum magis eſt: atque ad Aphronitri veterum ſpeciem potius vergens. Etenim ſublucis purpuræ quali ſplendor quidam in Salpetræ cirris ſæpenumero eſt à nobis obſervatus. Jam ex hac clariſſimi viri ſubtiliſſima acutiſſimaque ratiocinatione luculenter patet, id eſſe inter nitrum & ſalepetræ diſcrimis, quod inter minerale aliquod perfectum; minusque perfectum; politum & rude; aëreum & terreſtre; denique quod inter ſpiritum & corpus. Species igitur nobiliſſima quædam Nitri, Salpetræ eſt. Iſtum veteribus fuiſſe notum teſtimonium Plinii, ut alios miſſos faciam, evincit: aperte enim Salem hunc qui in cavernis ſua ſponte in rupium ſuperficies erumpebat, florem & ſpumam Nitri, ſalemque petroſum vel petræ nominat. Hujus nunc in quibuſdam locis perexigua, alibi etiam nulla copia. Ex ſuperficiebus muro- rum humiditati expoſitorum & veterum, maximè verò in cellis vinariis aliſque conclavibus ſubterraneis fornicum concamerationibus tectis, albiſcantis pruinæ, a ut candidiſſimæ farine, vel nivei ſacchari inſtar, ſalis hujus non planè ſpernendæ virtutis, & ipſimet ſæpè deaſimus aliquantum, & alios idem facientes obſervavimus. Hic ſi methodo artis noſtræ elaboretur, in criſtallinas congelabitur cirras: adeoque veterem quem Plinius & quem paulo ſuperius Scaliger deſcripſit, formâ referet. At cum hujus non tanta detur quantitas, ut modernorum ubique gentium graſſantium bellorum poſtulat uſus & neceſſitas: habemus nos alium, cujus rudem primùm crudamque maſſam è terra artificialiter erutam juxta Pyrotechniæ regulas multoties repurgatam, deſecatam, elotam, clarificatamque ad eum omnimodæ perfectionis perducimus gradum, ut & formâ, & virtutis officio, minimè Pliniano Scaligeranoque cedat Salpetræ. Quamobrem ſi illa quæ ſentio libere*

berè fari liceat, non amplius dubius animi & assensus hæsitaverim, sed apertè pronunciaverim, Scaligerum non alium Salempetræ congelatum, densatumque in petræ formam intellexisse, nisi hunc cujus nos præparationem, artificiosam augmentationem seu generationem, usumque novimus: & sequentibus libri hujus capitibus aliquot, eadem sufficienter trademus. Id autem minimè obstat, quod noster non naturaliter & propriâ sponte, qualis Plinii est, in rupium superficies erumpens specuumque rimas occupans condenseretur instrias, & sic lapidescat. Cùm enim ars in omnibus imitetur naturam, illius beneficio ea præstare possumus, quæ sequuntur operationibus naturæ, immò eandem superent: plurima namque videmus præstantissimorum artificum opera, quæ improbus effecit præstititque labor, naturæ verò id minimè liceat. Concludendum igitur Salem nostrum Pyrotechnicum, cujus virtuti nihil jam hac tempestate obstaculo est, sed omnia pervia patentiaque, aut veteri Salipetræ similem, aut cùm illo unum eundemque esse. Nitrum autem vetus, cùm fossile fuerit, aut etiam nunc est, terram nostram, aut materiam salnitrosam proximè referre existimaverim: & si nostræ subjiciatur operæ ausim affirmare, futurum fore, ut nativum Salempetræ imitetur: immò si hic ipse identidem clarificetur, tantò præstantior puriorque evasurus sit; quod & in Sacchato saleque communi fieri animadvertimus. Quod autem existiment nonnulli hunc salem nostrum Pyrotechnicum esse recenter adinventum, id maxime falsum esse, præter jam dicta; vel hoc unicum argumento est, quod Historici fide digni inventorem Pyrii pulveris, vel summis laudum deprecident encomiis, vel tot convitiis exæcationumque nominibus proscindant, non quod Salisnitri novam aliquam invenerit speciem ad perniciem extirpationemque humani generis; sed quod novum, nec dum antehac usitatum pulveris nitrati, ex certis nitri, (jam tunc optimè noti) sulphuris, carbonumque portionibus mixti, commentus fuerit compositionem: machinamque bellicam ignivomam; quam Bombardam appellaverat, confecerit: artemque similium parandarum docuerit alios. Hoc tamen facile concesserim, immò manibus pedibusque in hanc iverim sententiam, quòd ante Pulveris nostri Pyrotechnici inventum, vel perexiguus vel certè nullus in ignibus artificialibus præparandis, Salisnitri fuerit usus: successu id temporis, & ut dies subsequens præcedentis magister est: cùm tantam in Pulvere Pyrio; cujus Salnitri anima est, non absque summo stupore & horrore quodam spectaretur vis: & quod totus abiret resolvereturque in ignem: illiusque esset dulcissima esca; variis quoque ignium artificialium inventis adhiberi cœpit; quod etiam in hunc usque diem fieri videmus. Nec repugnat sententiæ nostræ quod Nicetas Choniates, atque Ioannes Zonaras de Igne Græco: cujus inventionem ante Constantini Pogonati Græcorum Imperatoris tempora fuisse narrant: Alii autem id ad Marcum Grachum sed nescio quâ fide referunt: & ejusdem compositiones duas quas nos alio loco dabimus ex Arabicis libris exscripras Scaliger quoque exercit. 133. lib: 15. adversus Cardan: recenser: in quibus inter alias combustibiles facileq; ignem arripientes, & arreptum pertinaciter usque ad omnimodam sui consumptionem retinentes materias, non postremum, immò in maxima ad reliquas proportionem Salempetræ, oleumque Nitri, obtinere locum video. De hoc sic sentiendum esse existimaverim. Quod illud Salispetræ ad reliquas materias additamentum, vel planè novitium sit, vel cùm tanti nominis auctorum fidem in dubium vocare piaculum habeatur, id saltem eo in passu tenendum est, quod inventio hæc paucis admodum eo tempore nota fuerit, atque pro maximo habita secreto: ideoque

quæ in hoc miracula quædam (ut Scaliger ait) canit ille Semimaurus. Illud etiam non inficias eo, veteres latere non potuisse Salemnitri combustibilem esse: per antiqua enim hæc (quæ & recens est) de Salenitri opinio, quod licet visui appareat candidus frigidusq; tactui, in se tamen contineat spiritum rubicundissimum, calidissimum, & maximè inflamabilem. Et si cætera desint testimonia, palam de sale combustibili Sacri loquuntur codices, loco jam superius à nobis citato. At maximè miror veteres Romanos, (Græcos enim atque Carthaginenses illorum æmulos hîc non commemoro) quod cùm omnium sui temporis, rei militaris fuissent peritissimi, totque clarissimas urbes aut contra oppugnantes hostes fortiter defendissent, aut per semetipsos obsessas, vario ignium artificialium genere incendissent, incensasque demum cepissent expugnassentque: cùmque ad hosce ignes oleum incendiarium, quod & Naphtæ dicitur, sulphur, bitumen, picem, resinam, thus sive mannam thuris, piceæ tẽdæ ramenta, stuppam, & si quod tale genus adhibuissent: nihilo secius tamen Salemnitri; cujus unius tanta vis atque potentia, ut illis omnibus materiis non dicam æquari virtute, immò longè easdem superare valeat, vel sprevisse penitus, ceterisque postpositum non miscuisse, vel virtutis ejus, Magistros ignium artificialium (quod hæsitanter dixerim, cùm ut Lipsius ait, *pauca nunc habeamus inuenta ab ævo illo meliore & sapientiore*) ignorantes fuisse, ideoque ad ignea opera non usurpasse, vel quod magis credibile, licet adhibuissent, id in vulgus non sparsisse, sed tanquam summum Artis Pyrotechnicę celsasse arcanum: immò in contrarium jurasse sciscitantibus. Ac propterea cùm non nisi illis qui artificiales ignes præparabant id notum fuisset, nec Livius, nec Cæsar, nec Tacitus, nec Salustius, nec Polybius, nec Vegetius, nec cæteri multi, quicquam de hoc attigerunt, cùm inter præclara Romanorum gesta, Machinas, arma, ignesq; artificiales eorum describerent. Ne jotta quidem unum in illorum commentariis de Salemnitri, Nitro, aut Salepetrę quod Romanorum ignibus artificialibus inserviverint, reperiet quisquam. Medicamentorum variorum compositionibus ut Romanos ita & Græcos, atque Arabes, & Ægyptios Nitrum adhibuisse, constat ex Galeni, Hippocratis, Theophrasti, Avicennę, Averrois aliorumque scriptis. Tenuissimæ quoq; Nili arenæ, quæ plurimo abundabant Nitro ad de albanda corpora Patrobio Neronis liberto advehebantur ex Ægypto. Et huic simile aliquid apud Ovidium de medicamine faciei:

Nec cerussa tibi nec Nitri spuma rubentis

Desit, & Illirica quæ venit iris humo

Et inferius paulo apud eundem:

Thus ubi miscueris radenti tubera nitro

Ponderibus justis fac sic utrumque trahent

Ægyptii nitro suo raphanos aspergebant, non aliter ac nos sale. Macedones quoque aliquid de Nitro Calastręo; cujus non exigua & optimi copia fodiebatur in Clytis Macedonia, ad farinam addebant, cùm eam subigerent ad formandos panes. Sed jam forsitan per illa quę superius attulimus, omnem posthac de Salemnitri contrariam nostrę amovebimus opinionem, facileque aliter sentientes huic subscribent veritati, quod Salem nostrum Pyrotechnicum veteribus fuisse notum, & veteris Nitri speciem quandam, dum rudis atque impolitus est: politum verò clarificatumque Salipetrę & specie & virtute, aut similem, aut omnino æqualem statuamus. His autem præmissis ad artificialem Salis nostri præparationem accedimus. Sed non injucundum, scituque non inutile id, quod corollarii loco huic capiti apponimus: rationem nempe cur Salpetrę in igne crepitet: idque ex sententia Scaligeri

COR-

contra Cardanum l. 15. exercitat : 24. ut sequitur : *Dii benè faciant salipetræ. Qui tamen si ignem concipit, tamen eximit nos ex tuis igneis difficultatibus. Ais, Salpetræ esse terreum, ac propterea in igne strepere. Non est ea causa. Nam si propter terram strepit, terra magis strepet. At non strepit. An est raritas ? quam ἡ ἀραιότης & σμυφότης dicit Aristoteles. Non est. Non enim fungus crepitat. An raritate juncta partium duritia ? Non enim pumex crepitat. Cum his igitur aliquid oportet esse, quod pro causa cognoscatur. Divinus præceptor in undecima sectione quæstionum, Sal dicit in igne crepitare, quia humoris in se plurimum continet : qui ab igni attenuatus, spirituosam induit naturam. Sic enim interpretor πνευματώτα Sal tamen aërem potius, quàm aquam continere, aut saltem plus aëris intelligas : qui ignescat. Quamobrem ex minori quantitate major factus iisdem augustiis capi non potest : atque iccirco parietes rumpit illico. Quibus momentis aër eliditur, ex illarum resiliitione displosus. Id quod & in castaneis & in lauri frondibus, atque etiam Juniperinis evenit : (puto baccis) in quibus flatus multus, aquæ minimum. Pumex autem non diffilit : quia totus intus pervius est : neque aër illi captivus cohibetur : sed idem, qui circumstat foris, intus comseat.*

CAPVT II.

De modo præparandi Salemnitri ex terra Salnitrosâ,

Terra & materia Salnitrosâ plerumque reperitur in maxima copia in locis obscuris, umbrosis, & cavernosis, ad quæ tam radiis solaribus, quàm pluvie, & omni dulci aquæ aditus præclusus est. Tum etiam in equilibus, & aliis claustris non subdialibus sed tectis, ubi omnis generis pecora : ut sunt boves, capræ, fues, oves, & his similia alia locari & concludi : nec non ubi homines ipsi urinam reddere solent. Tum denique in illis locis, in quibus post campestria commissa prælia, plurima cæsum militum corpora in foveas coniecta, & super illis immensæ terreæ moles superestructæ sunt : ex his, post multa annorum intervalla, plurimum materiæ salnitrosæ erui vidimus in Valachia, atque Podoliæ desertis inter Bohum & Borysthenem : de quorum summa antea cum Tartaris Crimensibus & Perecopensibus, nunc verò dum hæc scribo, cum rebellibus Kozacis, vel utrisque, infelici Marte certant Poloni. At faveant superi cæptis Inviçtissimi Principis IOANNIS CASIMIRI Poloniarum & Sueciæ Regis, ut si æternâ sic ordinante providentiâ prima Imperii suscipiens gubernacula, à clementia atque benignitate : quæ Monarchas longè magis decent & ornant, quàm severa in hos quibus dominantur animadversio, illa ordini nequiverit, ultrici victriciq; simul gladio, miserrimæ quondam nec aliud quicquam nisi servire doctæ : nihilominus tamen sylvestris in morem Onagri pluries contra lenissimos etiam imperantium stimulos calcitrantis plebeculæ : nunc autem non libertatem duntaxat : cujus dulcedinem præ fœda barbarie non capit, immò dominium in alios quoddam somniantis, elatas supra humanum captum, & blandientis fortunæ illecebris dementatas infascinataque cervicibus : cùm tandem salutaris severitas vicerit inanem spem clementiæ, perfidiæ & rebellionis, totque patratorum scelerum (quæ referre etiam animus horret) pœnas luere faciat : Et immanibus horridisque mactatorum cadaveribus multâ superinjectâ humo, (ut sub immenso pondere Gigantum modo : quos ob simile crimen fulminè ictos à Jove, montibusque obructos fabulata est antiquitas, gemant, feramque gerant pœnitentiam) novas erigat veteribusq; plurimas annumeret moles. Habebit sera posteritas, ex quo & immortalem

talem Tanti Regis canat gloriam, dum hæc victoriæ justæque ultionis trophæa, nobiliora longè magis quàm olim stultæ otiosæque ostentationis ergo extructæ Memphiticæ fuère Pyramides, mirabitur: & ex resolutis in putredinem cadaveribus salnitrosam colliget materiam, pulveresque nostros fulmineos præparabit. Quorum fumum aut odorem potius, inquietæ gentis improba proles si quando fatales renovaverit turbas, (culicum, cimicum, fornicarumque modo, quas ex combustorum sui generis corpusculis procreato fumo, aut abigi, aut ne molestiam ullam homini inferre audeant prohiberi, rerum naturalium periti ajunt) ferre non valens, aut quieta in obsequio superioritatis à Deo ordinatæ manebit, aut unà cum his, quorum in patriæ perniciem utetur operâ, in longinquas abigetur terras; nec post hac de reditu amplius cogitabit. Nostra hæc vota sunt, ex sincera in patriam fide profecta: quæ implebit summus ille bellorum arbiter, si ea ad gloriam nominis sui referre animadverterit. Sed ut eo unde digressi sumus revertamur. Jam experimenta terræ salnitrosæ videamus.

Triplicem terræ salnitrosæ apud Salnitrios probandæ modum reperio.

Primus est. Ponatur ejus terræ quam salenitri imprægnatam esse speramus pauxillum in lingua: quam si mordacius arrosierit, signum habebitur non vanas fore impensas & operam in ea elaboranda: sin minùs, ut inutilis rejicienda.

Secundus hic. Fac ligneo aut ferreo acuto palo in terram pacto foramen: in quod candefactum immittito ferrum, & subito undiquaque occluso foramine illud refrigescere illic finito: extrahito postea: ac si citrei & ad albedinem aliquantulum vergentis coloris in ferro frigefacto signa inveneris de valore & bonitate terræ non dubites.

Tertius denique. Inspergito paululum terræ candentibus prunis: tum si strepitum aliquem edere, & lucidas in altum surgere favillas observaveris, non dissimili modo multo salenitri terram ejusmodi abundare judicabis.

Jam verò postquam bonam & ad Salemnitri excoquendum idoneam terram inveneris, & aliquo ex supra positis experimento valorem ejus comprobaveris, magnam illius copiam effodi, & in unum locum comportari facito: habeatur quoque bona quantitas cineris usti ex robore, fraxino, ulmo, acere vel aliis fortibus & duris lignis. Hujus cineris sumantur partes duæ, & Calcis vivæ tres, ac unà benè misceantur; serveturque materia hæc adsequentem usum. Habeatur postea vas ligneum quod amplum satis habeat orificium, & plurium aquæ urnarum capax sit. In medio fundi illius terebretur foramen unius vel duorum digitorum in diametro: & tenuioribus sarmentorum virgulis confertè contextæque dispositis cooperiatur: totus autem fundus, foramine quoque non excluso, stramine consternatur. Sic præparatum vas collocetur eo modo, ut & aliud minus recipiens liquorem ex superiore vase effluentem, illi subponi queat. In vas hoc modo dispositum imponatur terræ salnitrosæ paululum exsiccatæ ea quantitas ut super fundum vasis ad altitudinem unius palmi emineat. Huic verò, mixturæ illius ex cinere & calce viva ad altitudinem duorum vel trium digitorum: postea iterum terræ salnitrosæ, & cineris ad easdem altitudines ut prius idque tamdiu alternatis vicibus, terra cineri, & cinis terræ superimponantur, donec vas repletum sit; relicto tamen ab orificio fundum versus inani spatio ad altitudinem unius palmi. Infundatur postea recentis & dulcis aquæ tantum quantum sat esse videbitur, utque duos tresve digitos terræ superextet. Hæc ubi bene fracuerit, per reclusum inferum foramen guttatim in recipientem aquam destillare finito, habebisque salnitrosam lixivium: cujus si par-

si parva videbitur copia infusio iteranda erit, ut semel adhuc, terram permeando & percolando, tanto plus substantiæ salnitrosæ aqua recipiat, & secum foras educat.

Hoc peracto, lixivium ex recipiente effundatur in magnum aliquod Caldarium, & igne lento prius, fortiori deinde decoquatur ad consumptionem unius tertiæ. Affundatur iterum ejusdem lixivii ea quantitas, ut caldarium repleat, & simili modo ut prius decoquatur: id autem eo usque iteretur quoad lixivium suffecerit. Inter decoquendum verò spuma fervendo ejecta, & omnes immundæ fœces lixivio innatantes, cochleari ferreo vel cupreo foraminoso collectæ afferentur. Tandem excoctum & optimè despumatum lixivium & ab igne remotum, effundatur in vas aliquod ligneum, & obturato benè orificio expectetur donec frigescat & clarescat; eo modo ut omnis terrena salsugo in fundo subsidat: quâ postea ibidem relictâ, ipsam solummodo aquam puram, lentè effundito in caldarium ut antea fecisti, & subposito fortiori igne decoque ad consumptionem medietatis, vel quoad usque spissior densiorve evadat: & impositum marmor vel ferrum guttatim delapsa congelescat. Denique subtracto igne paululum refrigescat: ac tum effundatur in ligneos canales vel vasa alveata oblonga, lata magis quàm profunda. Non tamen plus hujus aquæ sit in uno vase, quàm ut spatium unus palmi in altitudine occupet. Deinde Vasa lineis vel laneis pannis crassioribus contexta in frigido loco ponantur: tum post duos trespè dies, reperietur Salnitri congelatus in strias pellucidas, & cristallo vel glaciei transparenti simillimas lateribus vasorum adhærentes, vel pendulas ex bacillis decorticatis, in vase ante infusam aquam prius variè dispositis. Sal hic quàm diligentissimè colligatur: aqua verò quæ remanserit recoquatur ut prius; fœces tamen & omnes immundities fundis vasorum adhærentes ut inutiles ejiciantur.

Ne inter decoquendum aqua ex caldario bulliendo effluat, habeatur lixivium ex tribus quartis cineris superius dicti & unâ quarta parte calcis vivæ constans: in quo dissolvantur prætareæ 4 ℥. Aluminis Rochæ ad singulas 100 ℥ lixivii sumptæ. Hujus aliquantum sumatur, ac bullienti aquæ per intervalla paululum superinfundatur: fiet ex hoc, ut & aqua foras erumpere gestiens, fandum versùs reprimatur, & communis sal terrenus ibidem subsidat.

Terra quæ post destillatum lixivium in vase remanserit, ponatur in loco aliquo cooperto, ab omni calore solis, & aquis pluvialibus immuni & præcustodito; nihilominus tamen frequenti vel hominum, vel jumentorum deambulationi dicato: distendaturque super plano terræ ad altitudinem unius pedis. Habeatur postea magna quantum fieri potest copia fimi, vel stercore omnis generis pecorum tam majorum, quàm minorum, & terræ superinjiciatur ad altitudinem unius, duorum, trium, quatuorve pedum. Sumantur quoque omnes despumatæ fœces inter decoquendum collectæ, & omnis aqua, quæ post aliquotam Salisnitri decoctionem remansit (rejectâ tamen terrestri materiâ & sale communi) & fimo superinspergantur. Sæpius quoque, immò quolibet die multa urina humana collecta infundatur: quod faciendo, post decursum duorum annorum, habebis terram plurimo Salisnitri imprægnatam ut antea, immò copiosiore abundantem: quem juxta methodum superius traditam facile colligere poteris.

CAPVT III.

De Salenitri clarificando.

Cùm in arte Pyrotechnica primum ac præcipuum pulvis Tormentarius sibi vendicet locum : immò vis omnis , & horrendi Machinarum bellicarum effectus , non aliò quam huc referantur. Omnis autem pulveris tormentarii vigor & virtus, in Salenitri benè præparato , & ab omni extranea materia purgato consistit. Non satis igitur est ex materia salnitrosa salem ejusmodi extraxisse : sed necessarium quoque bis aut ter , (immò pluries adhuc, si tantò majorem pulveris effectum habere volumus) purgasse & clarificasse. Id autem fiet duplici modo.

Primus est hic. Sumatur salisnitri tantum quantum videbitur , & in caldarium imponatur : superinfundatur postea aquæ dulcis ea quantitas , ut salemnitri dissolvere queat : affundantur quoque aliquot cyathi lixivii superius descripti ex cinere, calce viva , & aluminæ Rochæ præparati. Tum subposito igne excoquatur ad liquefactionem salisnitri, & ad spumofam bullitionem. Sit jam ad manum vas aliquod ligneum amplum satis : quod sic disponendum erit , ut aliud quoque fundo ejus subponi possit ; qui perforatus sit in medio. Imponatur deinde fabulonis loti & benè purgati tantum , ut ad altitudinem unius palmi super fundum vasis emineat. Hic regatur telo lineo : & aqua continens salem nitri liquefactum, ex caldario effundatur in vas. Tum lente destillando in recipientem , & fabulonem telo lineo rectum penetrando, omnes noxias fæces & salem terrestrem super eisdem relinquet. Ex recipiente rursus in caldarium effusa igne ut prius percoquatur , tantum quantum ad congelationem suffecerit. Denique effundatur in vasa lignea oblonga , & ut superiori Capite dictum , ibidem frigescat , postque duos tresve dies Salnitri multo priore purior extrahatur ; aqua verò quæ remanserit iterum percoquatur. Sin autem puriorem adhuc vegetioremque salisnitri substantiam requiris, aliquoties iteranda erit operatio , observatis omnibus circumstantiis quæ de hac secunda coctione dictæ sunt.

Modus alter sic habet. Imponatur Salnitri in vas aliquod cupreum vel ferreum, aut fictile vitreatum , & igni vasi subposito, perque solitos gradus aucto exuratur, donec sal liquefiat & fervendo bulliat. Jam sumatur aliquantulum Sulphuris communis subtilissimè pulverisati , & salisnitri liquefacto superinspergatur : concipiet subito flammam , & quicquid pinguedinis vel noxii terrestris salis non sufficienter purgatus salnitri habuerit, exuret & multum clarificabit : injectio autem sulphuris aliquoties iterari poterit. Denique liquefactum & purificatum salemnitri effundito in marmor politum vel laminas ferreas , aut cupreas, vel vascula aliqua metallica vel figulnea vitreata , & frigesce ibidem finito. Habebis jam salemnitri congelatum, Parium lapidem vel alabastritem colore & duritie quàm proximè referentem.

CAPVT

CAPVT IV.

De Salenitri reducendo in farinam.

Salemnitri purificatum impone in caldarium super cudentibus prunis in furnello accommodatum, & folium flatu vehementiorem ignem excitando expecta donec incalascet, & fumigando, humidumque evaporando usque ad albedinem siccescat: necesse quoque est ut inter exsicandum spatulâ ligneâ vel ferreâ salnitri agitetur, & ab imo truatut ne liquefiat. Infundatur postea aquæ frigidæ & limpidæ tantum ut salemnitri cooperiat. Cum verò solutus fuerit, & servendo densioris liquoris alicujus temperamentum habere videbitur, spatulâ ligneâ quàm velocissimè fieri poterit misceatur, nulla donec omne humidum evanuerit, & in siccam redigatur farinam interpolatione.

CAPVT V.

De Præparando Salenitri ex Flore Murario.

Colligatur bona quantitas floris hujus ex murorum superficiebus in locis humidis & subterraneis existentium: sed & ex ruderè & fragmentis vetustorum murorum calci lateribusque adherentem salem hunc colligere poteris; quod fieri Bruxellis in Brabantia observavit Petrus Sardi Romanus, ut l. 3, cap 49 suæ Artilleriæ faretur. Fiat deinde lixivium ex Calce viva cum aqua communi percoctum, & solito more clarificatum: imposito verò salenitri in vas perforatum in fundo, & simili modo præparatum ut capite secundo hujus sufficienter satis descripsimus, lixivium superinfundatur, & ligneo bacillo benè misceatur donec salnitri in aquam resolutus sit: destillet postea lentè omnis liquor in recipientem. Denique in caldarium effundatur: & igni primum exiguo, adauctiore postea urgeatur ad condensationem & congelationem usque sufficientem. Reliqua peragantur juxta Regulas superius traditas.

Salis hujus antiquitus mulierculis etiam notitia quædam inerat. Quod de Maximæ Virginis Æmilie discipula refert Valerius lib. I, cap. I. quod ea Vestam adorante, cum Carbasum, quam optimam habebat, foculo imposuisset, extinctus emicuerit ignis: id autem fieri potuisse scribit, si veteri deraso muro, & farinâ ejus (quam nos etiam florem murarium dicimus) carbasum refertam calidis duntaxat cineribus imposuisset, aut eadem cineres respersisset. Solet etiam aliquando propria sponte in ædificiis oriri ignis tam subitus ut prodigiosus existimeretur; quod Cardanus lib. 10. de variet: cap: 49 ejusmodi sali, vetustis murorum parietibus adhærenti adscribit.

CAPVT VI.

De præparando Salprotico ex Salenitri.

Sumantur salisnitri bis aut ter clarificati libræ aliquot: ad quarum singulas addantur Salis Ammoniaci ʒij & Camphoræ ʒß. & unâ benè misceantur. Materia hæc imponatur in vas aliquod æneum, &

& vini adusti affundatur tantum ut duos tresvè digitos eidem superextet. Deinde fortiori igni percoquatur donec totum humidum evaporet. Aufertur tandem ab igni, & quod reliquum in vase remanserit effundatur in ollam fictilem non vitreatam. Hanc denique, orificio ejus optimè tecto, suspende de loco superiori aliquo; inferius verò collōca scutellam vitream: quicquid autem in exteriorē ollæ superficie albicantis humoris pruinae aut floris murarii instar apparuerit, quàm diligentissimè absterge & collige in scutellam inferius locatam; id autem toties iterabis, quoties similem materiam erupisse animadverteris. Collectam servabis ad usus varios sequentes in re Pyrotechnica.

CAPVT VII.

De experimentis bonitatis Salisnitri.

Ponatur super tabula lignea munda & polita aliquantum salisnitri, & ardenti carbone incendatur, ac sequentia notentur.

Si ediderit istrepitum, qualem in communi sale videmus cū candentibus prunis superinjectus fuerit, signum erit multo ejusmodi sale abundare.

Si fecerit spumam pinguem & densam, habebitur pinguedinis signum.

Si post totius salis exustionem immundæ quædam fæces restiterint, infallibilis nota est: ejusmodi salem plurimum terrestres materię continere, & quo major fuerit copia istarum fæcium, eo major quoque quantitas ejusdem materię Sali inerit, ac proinde multo minus purgator, multoque minus potentior judicabitur.

At si fecerit flammam claram, longam, & in plurimos radios dispartitam, fundum verò tabulæ remanserit mundum: arseritque puri carbonis modo sine omni spuma & crepitu horrido minusque convenienti, purgatum bene, & perfectum esse salemnitri conjecturam capere licebit.

Asserit præterea Josephus Furtenbachius in sua Artilleria, infallibile vestigium esse bonitatis Salisnitri, si post secundam clarificationem more solito peractam, (idque juxta modum primum clarificandi salemnitri Capite 3. hujus descriptum) non plus quam 4. ℥ ad singulas 100. ℥ desiderentur. Sin verò secundā rursus vice clarificetur, ut alter modus ejusdem Capituli innuit, quatuor quoque ut antea libras deesse oportebit.

CAPVT VIII.

De modo purgandi salemnitri ab omni noxia materia: ut sunt, Sal commune, Vitriolum, Alumen, & omnis pinguedo.

Sume 2. ℥ Calcis vivæ, 2 ℥. Salis communis, Unam ℥ viridis æris, 1. ℥ Vitrioli Romani 1. ℥ Salis ammoniaci: omnia simul mixta pulverifentur. Postea ponatur omnis materia in vase aliquo ligneo, & aceti vel vini, aut in defectu horum, aquæ dulcis limpide superinfundatur bona quantitas, & fiat lixivium: quod per tridui spatium sibi met relictum clarescat. Pone deinde salemnitri in Caldario, & superinfunde tantum lixivi ut salemnitri cooperiat: percoque lento igni ad consumptionem medię partis totius liquoris; residuum effunde in aliud vas: fæces autem omnes immu-

immundas, quas fundum caldarii petiisse videbis foras ejice. Frigescat postea aqua salnitrosa, & ulterius elaboretur, eo modo quem Capite hujus secundo descripsimus.

CAPVT IX.

De Modo Clarificandi Sulphur commune.

Non in Salenitri tantum, sed & in Sulphure quoque multum terrestris materię & noxię pinguedinis esse absque ulla contradictione experimur. Si igitur commodis ex subtilioribus materialium substantiis redundantibus gaudere volumus, operę pretium faciemus si Sulphur quoque purgaverimus, & sublimando, clarificandoque igneam & volatilem planè illi tribuerimus naturam. Id autem non difficulter efficiemus in hunc modum. Liquefcat lento igne super candentibus prunis infictili vel æneo vasculo ea quantitas sulphuris communis quę placuerit; sc̃x omnis & spuma sulphuri liquefacto innatans, cochleari mundo tollatur: removeatur postea ab igne; & per lineam duplicatam telam exprimatur in vas aliud. Sic omnes sc̃ces & quicquid alienę pinguedinis sulphuri inerit, lineę telę adhærebit, purissimum verò sulphur transmeabit. Vidimus aliquos etiam sulphuri liquefacto & ab igne remoto certas Argenti vivi injicere portiones, & dum refrigerat ligneā spatulā velocissimè miscere quoad argentum vivum sulphuri uniatur incorporeturque. Hòc pacto sulphur multum confortari, & tanto volatilius evadere rationi consentaneum esse, nos quoque subscribimus. Non desunt etiam quidam, qui sulphuri liquefacto vitrum in tenuem redactum pollinem superinjiciant, & spiritum vini cum aliqua portione aluminis superinfundant, existimantes plurimum id ad confortationē & clarificationem sulphuris facere. Bonitas Sulphuris exploratur, compresso inter duas ferreas laminas. Si enim cereo fluat sine ullo t̃ore fluxu, & quod remanet rubicundum est, genuinum bonumque censetur. Ignis tam dulcis esca est, & vicissim hoc ab illo consumi gaudet adeo, ut fragmenta ejus circa ligna posita, è longinquo etiam ignem alliciant. Reperitur tamen quoddam genus Sulphuris quod nec ardet ut alię sulphura, nec sc̃ret, sed igni liquatum diffluit cerę vulgaris in modum: tale autem reperiri volunt in Islandia ad Heclam montem, & in Carniola, teste Libavio in priori parte Apocalip. Hermet. Estque sulphur hoc, rubri coloris: quale etiam & in Tractu Hildesheimio reperi scribit Agricola lib. I. de effl: terr. cap. 22: citant: Joh. Jonstono Adm. Nat. Clas. 4. cap. 13: ubi & aliorum quoque colorum est, ut palladium & viride, quod foris lapidibus adherere conspicitur ut decuti possit. Lutei coloris optimum est. Vivum autem dicitur illud quod ignem nondum expertum est. Virgineum quoque à quibusdam ex eo vocatur quòd in Campania mulieres eo faciem pingant.

CAPVT X.

De Oleo simplici ex Salenitri præparando.

Super tabella abietina benè exsiccata, runcinā levigata & polita, ponatur portio aliqua Salisnitri clarificati; sub tabella verò statuatur pelvis ænea: cui subjiciantur flagrantes carbonēs. Jam calor vi resolutus in liquorem Oleo similem salnitri, stillabit guttatimque decideret penetrant-

trando tabellam in vas subpositum : id autem continuari poterit ad placitum cujuslibet ; si recens semper apponatur salnitri.

CAPVT XI.

De Oleo ex Sulphure præparando.

Sulphuris clarificati sumatur bona quantitas, & igne liquefactionis adhibito liquecat in vase fictili vel æneo : habeantur postea lateres rubri pervetusti qui jam antea ad structuram adhibiti fuerint : vel si isti haberi non possint, sumantur novi benè cotti, & aquam non experti : frangantur in frustula fabæ magnitudine ; & in sulphur liquefactum projiciantur. Misceatur deinde Sulphur cum fragmentis laterum eousque quoad fragmenta totum Sulphur ebibant & absorbeant. Hæc reponantur postea in Alembico ex furnello distillatorio pendente, & Chymica methodo distilletur oleum : quod erit ardentissimum, & ad ignes artificiales præparandos accommodatissimum.

Aliter.

Rèpleatur phialæ vitreæ, oblongius aliquantum collum habentis (qualis est in Fig. 14) ventris pars tertia vel quarta sulphure tenuissimè trito. Huic superinfundatur spiritus terebynthinæ aut olei nucum vel juniperi tantum ut liquor ille unà cum sulphure medietatem ventris phialæ non superet. Ponatur phiala super calidis cineribus, ac ibidem per 8 aut 9 horas immoretur. Tum spiritus terebynthinæ convertet sulphur in oleum rubicundissimum, ardentissimumque ut prius.

Sumunt quidam ad ardentissimum Sulphuris oleum conficiendum Sequentes materias. Sulphuris \mathfrak{ss} i. Calcis vivæ. \mathfrak{ss} β . salis Ammon: \mathfrak{z} iij.

Norunt præterea Chymici olei ex Sulphure præparandi modum (quod & balsamum vocant) cujus ea vis est, ut neque vivum corpus, neque mortuum ad putredinem transire sinat : sed adeo integrum tueatur, ut neque ulla cælestis impressio, vel ab elementis profecta corruptio, vel ab ipsorum ortu inducta, obesse ei possit. Paratur quoque (ut Trithemius docet) ignis quidam ex floribus ejus cum Borace & Spiritu vini, qui per multos annos inextinguibilis est. Et lampas ad cujus lumen homines absque capitibus apparent.

CAPVT XII.

De Oleo ex Sulphure & Salenitri simul mixtis præparando.

Portiones æquales Sulphuris & Salisnitri simul addantur, & incorporantur : postea in tenuissimum pulverem terantur, & cribro arctiore cribrentur. Materia omnis ponatur in olla fictili nova, & aceti albi fortissimi aut vini adusti superinfundatur tantum, ut materiam benè cooperiat. Claudatur olla eum in modum ut nullatenus respiret : & sic relinquatur in loco calido, donec acerum evanescat. Tandem ex reliqua materia quæ fuerit in olla, chymicis organis extrahatur oleum.

CA-

CAPVT XIII.

De Præparandis Carbonibus ad Pulverem tormentarium, & alios usus in re Pyrotechnica.

Mense Majo vel Junio cùm omnium arborum cortices propter abundantiam humoris facillimè delibrantur, scindantur bona quantitas virgarum ex corylo vel salice, altitudine unius, duorum, triumve pedum, crassitie verò pollicis dimidii: partes nodosæ rescindantur, & ut minùs utiles rejiciantur: reliquæ verò omni cortice nudatæ, in parvos fasciculos connexas, in furno calido optimè exsiccentur. Statuantur postea in una struē super æquata terræ planicie perpendiculariter, & incendantur: postquam verò jam incensa strues benè flammam conceperit, & in flammantes soluta fuerit carbonēs, subito terrā paululum humefactā superinjectā, quàm diligentissimè contegatur, nullo relicto spiraculo: ut sic omnis suppressa flamma, ac à nullo exteriori adjuncta aëre evanescat; soli autem, & absq; omni cinere exusti remaneant carbonēs: hi post diē naturalis decursus frigefacti eximendi, & ad sequentes usus servandi. Sin salicis & coryli sufficiens non detur copia ad urēdos carbonēs, vices horū tilia sicca supplere poterit.

Si exiguum aliquam carbonum portionem præparare cupis, virgulta superius dicta, vel lignum tilie, aut juniperi in parva frustula secta, & optimè siccata vasi alicui testaceo includito, & operculo figulneâ cretâ ad orificium vasis firmato, postea candentibus undique stipatum prunis, per unius horæ spatium ibidem in uno continuo & equali semper caloris gradu manere finito. Frigescat tandem sua sponte, & usti eximantur carbonēs. Sunt qui mappas & lineâ telâ vetustâ benè lotâ & siccata, hoc modo in carbonem redigant; cuius etiam non spernenda virtus in re Pyrotechnica.

CAPVT XIV.

De pulvere Pyrio conficiendo.

Modum conficiendi pulverem Pyrium, non ii tantum qui rei Pyrotechnicæ student, & alii qui in eodem elaborando fecere professionem, cognitum habent, sed plurimi etiam qui minora sclopetâ & gestatorias seu manuales bombardas tractare solent: immò non pauci nostrorum agrestium, propriis manibus, nullis adhibitis artificiosis machinis & instrumentis, eundem conficere norunt. Vidimus enim plurimos (ut ex occasione pauca referamus) Podoliæ & Ucrainæ incolas, quos nos Kozakos vocamus, dispari planè à communi modo pulverem præparantes. Imponunt nempe Nitri, Sulphuris, & Carbonum certas singulorum portiones, (quorum proportionem unius nempe materiæ ad aliam ex sola didicere praxi) in fictilem ollam, & superinfusâ aquâ dulci, igni lento percoquant duarum triumve horarum spatio, donec aqua evaporet, & materia spissior densiorque evadat. Hanc postea ex olla extractam, paululumque in sole vel calido hypocausto siccata, per se taceum cribrum transmissam in grana minutissima reducant. Alii autem infictili caprunculo aut catino, vel super lapide plano & polito, materiam pulveri pyrio conficiendo destinatam subtilissimè terunt & incorporant: ac denique humefactam granulant. Supervacaneum igitur arbitramur multa ea de re verba facere, & ordinem seriemque in præparando observari solitum describere, sufficere

hoc capite mixturas aliquot ad triplicem pulverem conficiendum; optimas probatissimasque proposuisse.

*Mixturæ Pulveris ad Tormenta Ma-
jora.*

Salisnitri ℥	100
Sulphuris ℥	25
Carbonum ℥	25

1.

Salisnitri ℥	100
Sulphuris ℥	20
Carbonum ℥	24

2.

*Mixturæ pulveris ad Sclo-
peta majora vulgo
Mufquetas*

Salisnitri ℥	100
Sulphuris ℥	18
Carbonum ℥	20

1.

Salisnitri ℥	100
Sulphuris ℥	15
Carbonum ℥	18

2.

*Mixturæ Pulveris ad Sclo-
peta minora vulgo Pi-
stolas & alia.*

Salisnitri ℥	100
Sulphuris ℥	12
Carbonum ℥	15

1.

Salisnitri ℥	100
Sulphuris ℥	10
Carbonum ℥	8

2.

Mixturæ pulverum ad Tormenta & Sclopeta majora, inter pinsendum vel simplici aquâ tantum, vel aceto, vel urinâ, vel vino adusto humedari & inspergi possunt. Sin autem ad sclopeta minora fortiolem vegetiolemque ex optamus pulverem, superiores duæ mixturæ sequenti liquore, vel aquâ ex corticibus malorum aurantiorum & citrinorum, vel limoniorum recentium chymicis organis distillata inspergantur sæpius, pinsenturque per horas 24: denique in minutissima grana granulentur.

Liquor autem componitur, ex vini adusti Mensuris 20, Spiritus aceti ex vino albo, distillati Mensuris 12, Spiritus nitri mensuris 4, Aquæ simplicis ex Sale ammoniaco Mensuris 2, Camphoræ ex vino adusto subactæ, vel cum sulphure trito pulverisatæ, vel denique cum oleo amigdalorum dulcium in oleum redactæ, Mensura 1.

Figuram Molæ trufatilis ad formandum Pulverem Pyrium, inter Machinas & varia in armamentariis asservari solita instrumenta, parte secunda Artilleriæ nostræ dabimus.

Mirum illud in Pulvere pyrio, quod granalatus plus virium & effectus habeat quàm in pollinem redactus, curiosis admirandorum naturæ scrutatoribus discutiendum concedimus. Nos id ex praxi habemus, quod in tormentis bellicis si pistillo tormentario ita cogatur calceturque ut grana amittat & dispulveretur, vim etiam ejiciendi globi eam amittere, quam habuisset, si moderatè coactus fuisset, adeoque vix aliquando ex orificio tormenti expellit globum: & simile id illi evenit quod pulveri aquâ modèfacto, qui omni expultrice virtute spoliatus levissimè conflagrat cum igni accenditur: & si in machina bellica reconditus sit, immisso per foculum igni non expellit globum, sed per ejusdem foculi patulum foramen erumpens ardere non cessat priusquam totus exuratur. Quid autem causæ sit quod densatus nimium & in mollem redactus farinam pulvis pyrius vim expultricem amittat? Existimaverim id eo fieri, quod quamvis subtilissimus inter cætera elementa censeatur ignis, nihilominus tamen radii ejus non sunt eum in modum penetrativi, ut corpus aliquod durum & compactum momentaneè transmeare queant; quod & in metallis verum est: illa enim quo solidiora fuerint, difficilior ignescunt: spongiosa verò aut minùs solida citissimè calefieri videmus ex eo, quod rara & fistulata sint; ac per poros, qui aëre pleni sunt, non difficulter in interiora recipiant ignem. Idem etiam in pulvere pyrio, qui, si eum in modum densetur, ut ignis radii per foculum bellicæ Machinæ illapsi compactum illius corpus penetrare nequeant: ex eo, quod inter pulveris grana, vacua nulla per quæ ferantur, sint relicta, momentaneè pulverem totum non incendunt; in quo vis omnis illius situata est: adeoque per partes dun-

duntaxat absumit pulverem ignis, quod materiam ad hoc aptissimam nactus sit: nec extinguitur quoad ille suffecerit; aut violenter suffocetur. Huic rei etiam simile quidpiam evenit in pulvere qui variè dispersus, nec in unum corpus collectus incenditur: ubi non diluitur quidem vis essentialis pulveris, aut potius ignis in pulvere, sed actio propter partium distantiam: plures namque sunt actiones, quarum una alteri succedit, fatigata recens. Hujus veritatis praxis Pyrotechnica argumento est. Et ratio superius adducta, illi quæstioni cur granulatus pulvis suâ fortior farinâ sit, inserviet quodammodo: cum in grano pulveris unita magis Salisnitri cum Sulphure & carbonibus virtus videatur, in farina non item. Huic illud quoque addendum, quod si tormentum bellicum longioris cannæ, pulvere non dico in farinam redactum, sed granulato etiam ad orificium usque repleatur, & non per foculum quidem, verum per orificium tormenti in pulverem mittatur ignis, nequaquam tormento inferet damnum aliquod, cum & per partes in pulverem agat, momentaneè pulverem totum incendere non valens, & quasi per superiora in inferiora operetur, quod ejus naturæ maximè dissonum est. Aut quod magis proprium, nullis mancipatus sit carceribus, ligatusque angusti loci vinculis, nec ulla habeat obstacula quæ libertatem quærendo amovere & rumpere debeat; sed patentem ad orificium machinæ habeat exitum.

Nec illud silentio prætereundem arbitramur, quod opinio minùs expertorum sit, pulverem pyrium qui majora habuerit grana, potentiorè vegetioremque esse: quod quidem primo intuitu verisimile videtur ob rationem superius à nobis allatam, quod nempe in uno grano majori, plus salisnitri carbonibus & sulphuri adhæreat: at ab altera parte falsum est, quia majora grana minoribus tardius resolvuntur in ignem: & praxis Pyrotechnica docet pulverem in minutissima grana redactum, multo vegetiorem fortioremque esse: quod & facilius grana minora absumantur ab igni, & (quod rei cardo est) major salisnitri quantitas carbonibus & sulphuri admixta sit: cum tantum ad minora sclopetâ & manuales bombardas ejusmodi pulvis parari soleat; ad tormenta verò majora bellica longè remissior minusque diligenter elaboratus. Et cum tormenta majora, majorem pulveris capiant quantitatem manualibus bombardis, majora quoque grana pulvis ille tormentarius requirit: ut tantò velocius ignis radii per majora inter pulveris grana majora, spatia vacua labantur, pulveremque omnem in uno instanti resolvant in flammam. Illud autem quod Nicolaus Tartaglia l. 3. quæst. 10. ait, quod nempe, pulvis ille tantum granuletur qui minoribus bombardis inservire debet: ut illius ea quantitas ex thecis pulverariis quæ ad onerandam bombardam necessaria est commodius effundi: utque in vacuum orificio thecæ adhærentem (quæ quasi certa mensura onerando sclopeto est) cannam infundi queat: quod (ut ait ille) difficulter fieret si in pollinem redactus esset: vel quia minuta illa farinæ grana magis cohærent, & uno cadente continuo sequitur aliud, unde plurimū in uno instanti effunderetur farinæ: quæ difficulter in vacuum canne, referato ejus epistomio infunderetur, propter existentem illic aërem: qui, totum illud vacui canne orificium farinâ occupante, per densum ejus corpus transire nequiret, & propterea non admitteret, aut violenter expelleret decidentem farinam: adeoque tubulus ille non expleretur ad necessitatem: quod, dum pulvis granulatus est, nequaquam fieri solet: cum inter grana pulveris facilis aëri fugienti pateat via, & postquā è tubulo illo cesserit, in thecam pulverariam ingrediendi, succedendi; in locum effusæ farinæ meatus non impeditus. In tormento autem bellico majori, cum cochleari tormentario in vacuū ejus mittatur pulvis, id non subest periculi. Hoc quidem verum est ab una

parte,* quamvis illa ratio cur pulvis pyrius granuletur non sit omnimodè vera ac genuina. At quod dicat ad tormenta majora non granulari pulverem, id simpliciter falsum est: patetque Tartagliam, nunquam Tormentarium vidisse pulverem, multo minùs aliquando galeatæ sacra dedisse Minervæ

CAPVT XV.

De Pulvere Pyrio variis coloribus colorato.

Pulveris communis Pyrii omnis nigredo ex carbonum atro colore resultat. Possibile tamen eundem alio quoque colore tingere, si carbonum loco vel lignum putridum, vel papyrus alba humefacta priùs, postea in furno calido siccata & in pulverem trita, vel aliud quidpiam simile, facillè ignem arripiens & combustibile (ut in sequentibus patebit) fumatur, variique colores addantur. Proponemus igitur hoc capite mixturas aliquot ex quibus ipsimet propriis manibus sæpius variis coloribus coloratos confecimus pulveres.

Pulvis Albus.

1. Salisnitri ℥ 6. Sulphuris ℥ 1. Medullæ sambuci ex siccata ℥ 1.
2. Salisnitri ℥ 10. Sulphuris ℥ 1. Corticum vel partis lignosæ canabi decussæ ℥ 1.
3. Salisnitri ℥ 6. Sulphuris ℥ 1. Tartari ad albedinem calcinati, dein in aqua communi in olla non vitereata ad evaporationem totius aquæ cocti ℥ 3j.

Pulvis Rubicundus.

1. Salisnitri ℥ 6. Sulphuris ℥ 1. Ambre ℥ ʒ. Sandali rubri ℥ 1.
2. Salisnitri ℥ 8. Sulphuris ℥ 1. Papyri exsiccata & in pulverem trita, & in aqua cinnabaris aut Ligni Brasiliæ cocta, & iterum exsiccata ℥ 1.

Pulvis Luteus.

- Salisnitri ℥ 8. Sulphuris ℥ 1. Croci sylvestris cum vino adusto prius cocti, dein optimè exsiccati & pulverisati ℥ 1.

Pulvis Viridis.

- Salisnitri ℥ 10. Sulphuris ℥ 1. Ligni putridi cum æruginè zris & aqua vitæ cocti dein exsiccati ℥ 2.

Pulvis cæruleus.

- Salisnitri ℥ 8. Sulphuris ℥ 1. Scobis ex ligno tiliz cum indigo & vino adusto cocta dein exsiccata & pulverisata ℥ 1.

CAPVT XVI.

De Pulvere muto.

Multi multa de hoc pulvere, nos autem probatissimas tantùm aliquot mixturas hîc collegimus.

Pul-

1.

Pulveris Pyrii communis lib. 2. Boracis Venetę lib: 1. Trita & incorporata benę omnis materia granuletur.

2.

Pulveris communis 6. Boracis Venetę 1. Lapidis Calaminaris 6. Salis Ammoniaci 6. Fiat pulvis granulatus ut supra.

3.

Pulveris communis. 6. Pulveris ex Talpa viva in olla fictili vitriata calcinata 6. Boracis Venetę 6.

4.

Salisnitri 6. Sulphuris 1. Pulveris ex cortice secunda sambuci 6. Salis communis usti 2. Fiat more solito pulvis granulatus.

Addo. Experire si placet quod nos non sumus experti, sed ex Portę magia naturali desumpsimus: qui ait, si in pulverem Pyrium combusta papyrus immisceatur, vel vulgaris fęni seminis duplum optimę triti, validissimam in eo vim retorquere, ut nec flammam, nec strepitum tam validum emittat. Strepitus causa aut sonitus potius & horridi fragoris in tormentis bellicis non ad pulverem pyrium, verum ad aëris complosionem referunt sapientes. De hoc nos fusius alio loco, sed & hęc in gratiam muti pulveris apponimus Scaligeri sententiam lib 15. Exer: Exoter, contr: Card. de subtil. exer: 25. *Longę pejus illud: cū sonitus causam à bellicis machinis editi, attribuis salipetrę. Nam tenuissimum in pulverem comminutum, cavernulas amisit (revocanda huc sunt illa quę superius ex eodem de crepitu Salispetrę attulimus) Tonitru vero fit ex aëris complosione: quemadmodum & in clamore & in eo sonitu, qui aliquando convicia ciet, aliquando risum movet, simulque nares. ut occludamus cogit. Nisi & ibi quoque salpetrę inveniri quępiam suaserit subtilitas. Nam sane nullum in nubibus est. Pulvis autem quem Ferrarię inventum narras, non edebat tonitru: quia sine impetu impellebat.* Ex hoc patet quę causa sonitus. Pulvis autem mutus non aliā arte preparatur, nisi quod per illas materias quę quandam cum salenitri occultam habent antipatiam adnata illi tollitur vis, cū pulveri pyrio communi admiscantur: quarum aliquot superius enumeravimus. Ajunt pręterea quidam, idem quoque fel lucei pręstare, si illo manibus illitis pulvis pyrius misceatur: cujus veritatis penes auctores maneat fides. Apponimus Scaligeranę unicum sententię. Sonitum in Machinis bellicis ignitis non causari à pulvere pyrio, sed ab aëris violenta dispiosione idque à simili, quod in scolopetis pneumaticis, quę solo duntaxat aëre onerantur fieri videmus.

CAPVT XVII.

De Experimentis pulveris Pyrii.

Bonitatem pulveris pyrii triplici modo experiri solemus: *Visu* scilicet, *Tactu*, & *Ignē*. Quantum ad primum experimentum. Nimia in pulvere nigredo, signum est humiditatis: hęc si super papyro munda ponatur, & eandem nigro tingat colore, signum erit, eum plurimum in se continere carbonum: cineritius autem subobscurus Pulveris color, & aliquantulum ad rubedinem vergens, bonitatis vestigium est.

Tactu pulverem experimur hunc in modum. Atterantur digito grana aliquot pulveris, quę si facilę rumpantur, & in mollem farinam subito redigantur, nimiam carbonum quantitatem huic pulveri inesse scias. Sin au-

K 3

tem

tem eadem farina fortius super tabula aliqua marmorea vel lignea benè polita teratur, reperiantur autem quædam granula mole perexigua quæ digitum aliquantulò pungant, nec faciliè dispulverentur, sulphur non benè incorporatum, nec pulverem apprimè esse elaboratum pronuntiabimus.

Denique ignis beneficio in notitiam bonitatis pulveris faciliè deveniemus: si nimirum pusillas aliquot congeries pulverum super tabula lignea munda & polita, latitudine dimidii palmi à se invicem distantes posuerimus, & unicam tantum ex omnibus incenderimus. Hæc si subito flammam conceperit, & sola tantum, aliis non accensis conflagraverit; idque cum fragore & sonitu quodam: feceritque fumum album, clarum, & in ascendendo velocem: in aëre verò circulus quasi quidam seu corolla fumosa appareat, perfectissimè elaborati pulveris nota erit.

Post deflagrationem autem, si in tabula remanserint signa aliqua nigra, plurimum ex carbonibus, iisque non probè ustis, pulvis ille in se continet. Si pinguedo, Salnitri & Sulphur de noxia illisque naturaliter adnata pinguedine non benè repurgati. Si granula alba, & citrea, Salnitri non satis clarificatus, atque adeò multâ terrestri materiâ & sale communi abundans; Sulphur autem non probè tritum, nec aliis duabus materiis incorporatum.

Instrumenta Pyrotechnicorum varia quibus vigorem & bonitatem pulveris pyrii experiri solent, lubens omitto; cum perpè didicerim unum eundemque pulverem, ac in equali mensura sumptum, ad diversas tamen altitudinum gradus operculum projecisse. Unum ex hujusmodi instrumentis, videri poterit apud Furtembachium; alia apud alios.

CAPVT XVIII.

De pulvere Pyrio vitiato confortando, & reparando.

Pulvis vitiatus dicitur ille, qui multum de primo suo vigore, quem antea habuit dum factus esset, remiserit. Hujus autem rei non alia causa est, quàm diminuta & debilitata, nec non à sulphure carbonibusque disgregata salisnitri naturalis virtus & potentia. Minuitur verò illa in pulvere Pyrio, vel propter vetustatem, vel propter humiditatem. Propter vetustatem quidem, quia salnitri in pulvere Pyrio alligatus & incorporatus carbonibus, participat plurimum de illorum corruptione, cui naturaliter ob multam annorum transactam seriem obnoxii sunt. Propter humiditatem verò maxima quantitas Salisnitri separatur à Sulphure & Carbonibus hanc maximè ob causam, quòd salnitri compositus & genitus sit ex aqua vel humore falso, eo planè modo, quo & alii sales ex propriis gignuntur falsuginibus: cum autem vel minimum senserit humiditatis alicujus, ejusdem beneficio solvitur in pristinum humorem: ac proinde ab aliis duabus sibi adhærentibus materiis recedens, vel exhalat in aëra, vel inferiora vasis cui inclusus est, petit; ubi tandem subsidens vel remanet in vase, (si vas fictile, lapideum, aut vitreum sit) pulveremque fundo propriorem, eo qui ad verticem vasis est, reddit ponderosorem: vel per subtiles tabularum (cum vas ligneum est) emanat poros, & in priorem vertitur substantiam: pulveremque Pyrium pondere illo, quem antea eidem suâ maximâ quantitate communicarat, spoliatur, redditque levior. Carbores tamen & Sulphur minimè hîc suo quem antea habuere privantur pondere; cum nullo dissolvantur humore: immò carbores studiosè eum attrahant, fiantque ponderosiores. Jam verò
si Pul-

si Pulverem ob rationes superius allatas, vitiatum reparare, confortare, primoque vigore & potentia donare volumus. Id triplici efficiemus modo. Primus itaque est. Fiat lixivium ex vini adusti Mensuris 2, Salisnitri clarificati & pulverisati Mensura 1, Aceti fortissimi ex vino albo Mensura 1, Salprotici mensuræ semissi, Olei sulphuris Mensuræ semissi, Camphoræ ex vino adusto subactæ mensuræ semissi. Hoc lixivio per crassius pannum laneum colato, sæpius inspersum pulverem, ac in sole siccatum in lignea vasa tepentem & calidum inclusum, non amplius in humido ponemus loco. Alter est hic. Exploretur pondus vitiati pulveris in vase contenti, & differentia inter modernum & vetus ejusdem pondus, quod tum temporis habebat dum vasi includeretur, notetur. Addantur postea pulveri vitiato tot libræ salisnitri benè clarificati, quot librarum differentia ponderum modo reperta fuit. Ut e. g. Sit vasi ligneo inscriptum pulveris eidem inclusi pondus (prout id communiter fieri solet) 1000 ℥. Exploratum autem machinis ponderatoriis sit ejusdem pulveris pondus 920 ℥. duntaxat. Erat differentia ponderum 80 ℥. Addantur ergo pulveri vitiato 80 ℥. salisnitri: rursusque omnis materia mittatur in pilas, ac solito more pinsetur, granuleturque.

Tertius denique reparandi vitiati pulveris modus simplicissimus apud Pyrotechnicos est. Pulveris vitiati, & alterius recenter præparati, effunduntur æquales portiones super telis lineis, vel tabulis ligneis benè compactis & conglutinatiis, ibidemque manibus spatulifve ligneis quàm optime miscentur: deinde in sole exsiccantur: ac tandem in lignea vasa collectæ ad usus solitos servantur.

CAPUT XIX.

De ædificiis seu Reconditoriis Pyrii Pulveris, plurimisque observationibus, quomodo nimirum pulvis construi, asservari, & ab omni tam ignis, quàm humidi periculo, aliisque accidentibus præcustodiri debeat, ut semper incorruptus vegetusque maneat.

Explosis omnibus veterum bellicis machinis, Tormenta majora & omnis generis minora sclopetum moderna, rerum omnium feliciter prospereque in bellicis occasionibus gerendarum nervus sunt ac medium, inter principalia bellorum requisita numerandum. Hæc autem mortua potius, & languida sine viribus corpora appellare licebit, si illis animam, Pulverem Pyrium nempe, subtrahas: vel non benè præparatum, aut varias ob causas vitiatum subministres. Præcipuus igitur in eo, si jam præparatus fuerit, securè asservando labor & cura est: in præparando verò omnis adhibenda diligentia, ut & impensæ non vanæ sint, & necessitatis tempore nostris respondeat votis. Quantum igitur ad ejus præparationem, jam multa ea de re Cap. 14 hujus diximus, ubi & mixturas pulveri conficiendo aptas, attulimus aliquot, & plura insuper ad calcem capitis istius dicturi sumus. Nunc autem situm & structuram Repositorii Pulveris Pyrii videamus,

Primum itaque eligendus locus Repositorii non paluster, & in valle occlusa: aut vel fontibus, vel aquis stagnantibus abundans: sed modicè excelsus: & in planicie non impedita; & quam maximè siccus.

Secundo. A publicis privatisque ædificiis, propter plurima vitanda pericula

ricula quàm longissimè diffusus : & ab omni hominum deambulatione alienus.

Tertio. Ab hostilium tormentorum infestatione securus & immunis sit : erit autem , si ab ea civitatis fuerit parte , quæ hostili accessui difficillima creditur : quam nempe vel palus uliginosa, vel lacus, aut fluvius latus & currens, vel denique mare circumdat & alluit. Ab altera verò civitatis parte quæ magis hostium accessui patet , privata & publica extructa ædificia obumbrent , & hostili conspectui eripiant. Eandem quoque ob causam vel unam tantum contignationem , vel duas moderate altas : tectum verò planum & humile superimpositum , ædificium illud habeat.

Quarto. At eludendos subterraneos hostium meatus , ad medium cortinæ , non in propugnaculo , nec propè idem collocandum erit : immò omnimodè curandum ut à mœnibus Civitatis quàm longissimè distet.

Quinto. Ne quid tempore obsidionali Granatæ , Globi igniti , aliæque ejusdem generis Pyrobolica fulmina desuper cadentia , huic ædificio & pulveri recondito officere valeant , firmissimo , crassissimoque fornice, testudinato vel lunulato concameretur. Tectum verò non scandulis , aut tegulis planis vel imbricibus alveolaris , at plumbeis (vel quod melius est) cupreis laminis consternatur. Optarim quoque hîc loci , ut illa concameratio in eum formetur modum , ut exterius displuviati , vel testudinati tecti formam referat : ut postea non sit necesse ullam materiem fabrilem , coaxationibus cæterisque ligamentis adhibere : sed super solido muro , tegulæ omnis generis calce firmari possent.

Sexto. Formam ædificii Quadratam vel quadrangularem omnibus aliis præferimus : quanquam & Circularem quod omnium capacissima sit , & concameratio desuper in Hemisphærii modum facta , omnium firmissima censeatur , non improbemus. Jam verò si quadrata fuerit, ita disponatur ut latera ejus plagas mundi spectent.


Septimo. Porta ædificii in eo latere ponatur quod Austrum versùs est.

Octavo. Fenestratum apertiones quàm paucissimæ, & angustissimæ fiant : ferreis valvis, clatris, retibusque ex ferreis aut cupreis filis contextis, oppansis munitæ.

Nono. Lateres ex quibus ædificium asservando pulveri dicatum construendum est , biennio ante ducendi sunt quàm operi adhiberi debeant ; neque enim citius sole exsiccantur. Testas seu lateres semel percoctos, dein madefactos , & rursus percoctos, aliis meliores esse judicamus ; licet in trullificatione & tectoriis tam subdialibus , quàm intestinis, calcem dedignentur , nec longo tempore sibi adhærere patiantur.

Decimo tandem. Cùm jam ædificium extructum fuerit, expectetur biennio aut triennio antequam siccescat, nec pulvis inferatur : cavendum verò maximè ne hyberno tempore extruatur :

Hujus ædificii Ichnographiam cum adjuncta Orthographia reperies sub numeris 15. & 16. In Ichnographico quidem schemate Litera A. denotat repositorium Pyrii pulveris. B. Repositorium Salisnitri & Sulphuris. C. Repositorium Carbonum , nec non quorundam materialium : Ut sunt varia Cribra ad cribrandum pulverem , & alia ad eundem granulandum : tum & lineæ telæ , & asseres super quibus pulvis exsiccat. Ibidemque & vasa pulvere vacua , vel fracta , & circuli lignei , omnisque vascularia suppellex asservari potest. D. Sunt scalæ cochlides , Italis *La lumaca* dictæ, quibus in alteram contignationem ascenditur. E. Porticus. F. Cubiculum Custodis pulverum : quem doliarium esse volumus. G. Gradus. H. Area circa ædificium.



Scala Pedum Tringinta




Fig. 17.




Fig. 20.




Fig. 21.

cium, J. Murulus altitudine sex vel octo pedum, ædificium & aream ambiens. K Vacua spatia inter pulveris vasa. L Locus in quo vasa pulveris locantur. Cætera tam in Ichnographia, quàm Orthographia circino dimetiri poterunt: hoc tantum addo, quòd in secunda contignatione Funes incendiarii asservari possint. Apposuius quoque & alteram Repositorii pulverum figuram Ichnographicam sub N° 17. Hanc autem fecimus ad imitationem Eugenii Gentillini Itali, qui Cap. 44. suæ Artilleriæ, similem nostræ descripsit: est autem illa non parum artificiosa, & ab ignis periculo securissima. In hac verò nostra, sub litera A est murus ædificii interioris, cum suis fenestrarum apertionibus. B. murus alter exterior, similes etiam apertiones habens. C vacuum spatium inter utrumque murum. D E, Latitudo externa apertionis in muro exteriori 3 pedum: F G, verò interna 1. Quomodo autem in interiori ædificii muro apertiones fiant, hæc exponam. Ex H in I, & K, ponantur æquales D E id est 3 pedum: tum si perpuncta I. & L, atque D & K, ducantur rectæ E I & D K, secabuntur in interiori facie parietis, in punctis L & M. Ex punctis L & M, in N & O, ponantur æquales F G, adeoque 1; pedis. Ductis verò ex H in L, & M rectis, si ex O, & N erigantur perpendiculares, interfecabuntur illæ à ductis modò rectis L & M in punctis P, & Q: atque hoc modo ductis D F, E G, I L, O P, P H, H O, G N, & M K, interior & exterior fenestrarum luminis latitudo determinabitur. Fateor ejusmodi ædificium non adeo fore luminosum, quòd & duplex murus sit, & interiores apertiones nempe L O & N M, sub angulis I, & K lateant, ac propterea copioso lumine priventur: tum quoque anguli P, & Q, semissem luminis L O, & M N, abscindant. At ab altera parte considerandum est, quòd ejusmodi ædificium non egeat tanto lumine ut cætera ædificia habitationi hominum dicata: sufficiet ejus tantum habuisse, ut vasa pulverum dum importantur & exportantur, videri possint. Ventus autem per D E, ab extra veniens, & in angulum H impingens, super eodem fractus bipartitusque versùs I & K, cum majori impetu & furia per luminum apertiones in interiora irrumpens, aerem intrinsecum refocillabit, & nocivas humiditates expellet ac exsiccat. Ab igne verò securissimum reddetur ædificium, si in concameratione, & tecto ea observentur, quæ superius observari præcepimus: nam fenestrarum apertiones, usque adeo ab hocce periculo sunt immunes, ut nullo artificio in interiora immitti queat.

Porta ædificii in hunc modum facienda est. Latitudo T V externa in primo muro, & interna in eodem R S, sit 3. pedum. Tum ex angulo W ductis rectis in X, & Z, & ex T & V, in Aa & Y, determinabitur interior & exterior in muro secundo portæ duplicatæ latitudo. Cætera ex schemate manifesta fient: tantum addo, Bb, esse loca ubi vasa pulverum locantur: Cc. verò spatia vacua inter vasa. Orthographiam ejusmodi ædificii, omniumque ejus partium proportionem, non difficile quilibet comminisci poterit. Sed & Auctorem cujus superius mentionem fecimus, hac de re consulat. Hæc de situ & structura ædificii, quod asservando pulveri pyrio destinaveris. Jam verò sequentia in eodem præparando, & præparato asservando, tenenda sunt.

Sciendum itaque 1. est, si pulverem ejusmodi habere velis, ut quamvis in humidis locis per multos annos positus maneat, pristinum tamen retineat vigorem, Salemnitri non alium sumas, nisi optimè repurgatum, & aliquoties clarificatum: idque secundum modum posteriorem Cap. 3. libri hujus.

2. Quælibet materia pulverem intrans, suum peculiare fetaceum habeat cribrum, quo succernatur.

L

3. Non

3. Non mittantur materiæ in pilas, nisi prius optimè siccata, trita, & cribrata fuerint: idque singulæ seorsim primò, tum postea simul additæ & mixtæ, iterumque cribrate.

4. Inter pinsendum humectentur liquoribus superius traditis, & misceantur quàm sæpiissimè; ut tantò melius omnes materiæ in unum transeant corpus.

5. Elaboratus pulvis asservetur in ollis fictilibus vitreatis 100 vel plurium pauciorumvè librarum capacibus, quarum orificia pressè admodum operculis etiam fictilibus contacta, & commissuræ tenaci luto stipata sint: Sed & dolia ex tabulis abjetinis, vel querceis benè exsiccatis compacta, non rejicimus.

6. Vasa pulvere repleta, ponantur in repositorio super trabibus, unum duosvè pedes à pavimento sublatis.

7. Singulis annis, mensibus fervidioribus, utpote Junio, Julio, & Augusto, aperiuntur vasa, & pulvis effusus super telis lineis vel tabulis ligneis, soli & vento siccandus exponatur: postea per actiora setacea cribra tecta, transmittatur, & farina diligenter colligatur: Pulvis verò granulatus, rursus vasis impositus, & occlusus asservetur in repositorio.

8. Fenestrarum lumina, Borea & Euro flante aperiuntur, ut totus ille locus vento pervius sit. Quanquam optarem, ut Zephyrum notumque versùs nullæ fierent apertiones: & si quæ fuerint, dum hi venti spirant, claudantur necesse est: Experientiâ enim magistrâ edocti sumus, ab hisce regionibus spirantes ventos cùm calidi & humidi sint, tineas, cariem, & putredinem ex humore nimio causatam, cæteraque ejusdem farine producere. Immo cavendum est ab omnibus illis ventis, qui ab Oriente Meridiem versùs, & ab hinc usque Occidentem situati sunt: Omnes enim isti per totum semicirculum, humectant & tepes faciunt aëra, ac proinde plurimorum symptomatum & affectionum in humanis corporibus causa sunt: quod à simili fit quoque in pulvere, propter salemitri, qui superveniente humiditate ad liquefcendum paratissimus est; cùm plus de materia humida quàm pingui participet. Istæ regulæ superius à nobis traditæ, si circa præparationem conservationemque pulveris pyrii diligentissimè observentur, affirmare, immò jurare ausim, pulverem in multos annos sine omni noxa incorruptum vegetrumque permansurum: illamque falsam fore opinionem vulgi inexperiti, quòd pulvis pyrius ultra spatium duorum aut trium annorum durare nequeat. Ajunt quidam ad conservationem in suo vigore pulveris pyrii, referre plurimum, si in vas illud, in quo pulvis asservatur, camphoræ aliquantum recondatur. Quod credibile censuerim: cùm illius odor putrefactioni & corruptioni ex humida causa profectæ summè contrarietur: quòd immodicè siccus sit. Ex Granatis paulo antiquioribus atque Petardis, quæ onerata convenientibus materiis cum pulvere pyrio mixtis, per decursum alicujus temporis in usu non fuere, sed in armanentariis repositæ jacuere, exemptam materiam incorruptam, & multo camphoræ odore fragrantem observavimus sæpius: unde non inutilis ejus cum pulvere pyrio mixtio. Sed de hac fufius alio loco.

CAPVT XX.

De Proprietatibus , & Officiis in Pulvere Pyrio cujusslibet Materiæ sigillatim sumptæ , ex quibus Pulvis ille componitur & præparatur.

Non fortuito, aut casualiter , at per summam naturalis Philosophiæ cognitionem & ratiocinationem speculativam Pulverem Pyrium fuisse repertum, vel id solum argumento esse potest, quod in hunc usque diem inventus sit nemo (licet plurimi conati fuerint) qui tres similes materias proponeret, quæ bene tritz, & simul incorporate, essent aptæ ad formandum ignem tam vigorosum, horrendum, potentem, & inextinguibilem usque ad consumptionem totius materiæ, eamq; momentaneam. Cum autem inventis aliorum non difficulter addantur plura, & (ut tradunt Phisici) quicquid ortum habuit, ab inchoato & imperfecto processit ad perfectum. Nobis quoque liceat (quoniam ab inventore nihil ea de re literarum monumentis traditum est) id loci speculativas quidem, attamen ab experientia deductas observationes, virium, naturæ, operationum, officiorumque tam unius cujusque seorsivè, quàm omnium simul incorporatarum materiæ pyrio pulveri inclusarum, proponere: Existimamus enim futurum fore ut perfectiori proprietatum affectionumque tam in particulari, quàm in generali istarum ingredientiarum cognitione habitâ, nemo posthac in re Pyrotechnica, in hos incursum sit errores, quorum correctio & sumptuosa & periculosa nimis est.

Sciendum itaque primum est, Pulverem pyrium eam maxime ob causam ex tribus materiis, Salenitri nempe, Sulphure & Carbonibus esse compositum, ut una alterius, vel reliquarum duarum, defectum medeatur & suppleat. Id autem primum in Sulphure patet. Hoc cum naturaliter ignis esca sit, facileque arripiat, & arreptum difficulter remittat ignem, idque cum flamma, superat hac in parte salenitri & carbones; flamma autem ignis aptior multo est, omni alterâ ignis specie, ad accendendum salenitri. At cum salnitri, ardendo resolvat sese in ventosam quandam exhalationem; hæc autem earum virium est, ut subito opprimeret, extingueretque flammam, quam sulphur conceperat, & consequenter extinguendo sulphuris flammam, suâ quoque privaretur per sulphur introductâ. Ac proinde si componeretur corpus quoddam ex hisce duabus tantum materiis, sulphure nempe & salenitri, optimè tussis & simul mixtis, admoto igne, subito quidem arriperet flammam, nihilominus tamē, propter rationes superius allatas, subito quoque extingueretur. Id est ignis ille non continuaretur, perduraretque ad consumptionem, & combustionem materiæ totius, sed pauxillum tantum ex illa consumeret, residuo intacto. Est autem huic defectui salutaris adhibita medicina, per appositionem illis duabus materiis certæ portio- nis carbonum optimè ustorum, siccatorum, & pulverisatorum; cum carbon- es ejus sint proprietatis, & naturæ, ut cum eos vel minimum flamma ignis attigerit, excandescant subito, & in ignem absque flamma resolvantur: hic autem ignis quò magis ab aliquo vento vexatus fuerit, eò magis augebitur, & conservabitur donec ejus tota substantia in cineres conversa sit. Propterea igitur cum ex hisce tribus materiis præparatum est corpus quoddam, quale est noster Pulvis Pyrius, igne admoto, subito Sulphur concipit flam-

mam : hæc autem non tantum introducit in salernitri ignem cum flamma, sed eodem quoque momento carbonem ignem apprehendere facit absque flamma ; ignis verò hic (ut ante dictum) à nullo vento se suffocari patitur , immò agitatione majus sumit incrementum. Cum autem Sulphur igni sit contiguum , sive ille sit absque flamma , sive cum flamma , illud tamen non poterit esse absque flamma : hæc verò sulphuris flamma accendit salernitri. Ideoque istæ tres materiæ simul mixtæ , & incorporatæ , & postea accensæ , producant ignem inextinguibilem , ad exinanitionem , & consumptionem usque totius substantiæ. Adverto tamen ut in hisce tribus materiis non sit aliquis accidentalis defectus , vel ab humiditate , vel ab improporione una nius materiæ ad aliam quantitate profectus. Ex dictis jam concludere licet , officium Sulphuris in pulveris corpore proprium illud esse , ut arripiat ignem cum flamma , aliisque duabus materiis communicet & subministret. Carbonum autem peculiare studium , in retinendo , conservando , atque defendendo igne jam in sulphur introducto , ne ab illa vehementissima salisnitri ventosa exhalatione suffocetur. At officium Salisnitri illud maximum est , producere & causare quàm violentissimam exhalationem ventosam ; in hac autem , omnis virtus , vigor , & potentia motrix pulveris situata est : ac proinde unicus salisnitri omnium mirabilium Pulveris Pyrii effectuum principalis ac primaria causa est ; aliæ verò duæ materiæ , sunt tantum eum in finem salisnitri additæ & alligatæ , ut eundem in ignem & ventos resolvant. Nam si quispiam componeret pulverem ex sulphure tantum & carbonibus , & tormentum bellicum etiam maximam ejus quantitate oneraret , dico , in tali passu ejusmodi pulverem , non modò globum aliquem ferreum aut alterius metalli , at ne paleas quidem expulsum. Ratio autem hujus rei ex antè dictis in promptu est : quòd scilicet ejusmodi violenta expulsio dependeat à virtute & potentia expulsiiva salisnitri tantum , non alterius cuiuspiam materiæ : faciliusque crediderim parari posse pulverem absque carbonibus & sulphure , quàm absque salisnitri : posseque inveniri alias duas materias , quarum una officium sulphuris in igne apprehendendo cum flamma , altera verò carbonum in eodem conservando & retinendo sine flamma , explere possint , quàm reperire quidpiam aliud quod aptum sit causare , & producere tam vehementem exhalationem ventosam ; mirabilium in Pyrotechnicis effectricem , prout in salisnitri experimur.

CAPVT XXI.

De Auro fulminanti ex Basilica Chymica Osvaldi Crollii.

Sume ʒ aquæ fortis communis , solve in ea unciam unam Salis Ammoniaci vel quantum solvere potest in parvo calore , ita habebis aquam Regis : in qua tantum solves auri , quantum libuerit. Postea effundatur solutio in vitrum capax , & guttatim saltem , (propter ebullitionis strepitum & periculum) instilla de bono Oleo Tartari in cella per se resoluti ; in hujus defectu , Tartari sal in aqua communi solutum accipiat : requiritur autem Olei Tartari bona quantitas ; tunc aurum cadit ex percussione in fundum. Ubi tota auri Calx soluta fundum petiisse videtur , (quod animadvertes ex colore aquæ Regis , qui debet esse albus : nam si adhuc flavus sit , signum est totum aurum nondum percussum. Plus ergo Olei Tartari guttatim affundatur (hoc meo damno fideliter admonitus sis) tum post subfidentiam aliquot horarum in calido liquorem superiorem effunde , & calcem colore serè

ferè terram sigillatam pallidam referentem quater vel quinquies aqua calida edulcoratam, postea in Balneo Mariæ prudenter & paulatim lentissimo igne sicca. Vel quod tutius, in patina vitrea per se spontè in hypocausto siccescat, nullo ignis calore adhibito. Calcem ligneâ spatulâ non ferreâ postea majoris securitatis grâtiâ collectam ad usum in vitreo vasculo reconde. Nota magnum esse periculum si alio modo exsicceetur, quàm prædictis duobus: quàm primum enim ignis calorem sentit, & fortem commotionem cum instrumento ferreo, concipit sponte flammam, & in aurâ abit purpurei fumû in modum cum maximo sonitu & strepitu instar pulveris nitrati; adeo ut ne unicum atomum reperire possis. Si quid de sulphure vulgari nitrato ipsi admisceatur, & postea in cracibulo ad moto igne exuratur, subtilissima calx auri remanet brunti coloris, quæ omnem vim percutiendi amisit; quod mirum & notatu dignum. Serupulus unus istius Auri volatilis fortius, & potentius ferè operatur quàm libra semis pulveris tormentarii. Granum unum & alterum cultro impositum, si subpositâ candelâ accensâ incalescat, similem sonum edit, ac si magna aliqua fuisset explosa bombardâ, & sonus ille præacutus, audienti & adstanti quasi auditum lædit. Operatio huius pulveris est contraria operationi pulveris Pyrii: ut enim hic vim suam per inferiora saltem deorsum operatur. Aliquot scrupuli super laminam ferream satis crassam carbone incensi, illam penetrando perforant. Sal Ammoniacum existimo esse percussionis illius causam: quemadmodum enim salnitrum & sulphur sunt hostes, & se invicem non compatiuntur, ut videmus in præparati pulveris tormentarii accensione. Eodem modo Sal Ammoniacum cum Oleo Tartari invicem sibi contrariantur. Quando ergo Sal Ammoniacum cum Oleo Tartari sub hoste conjungitur, faciunt ex illa mutua pugna aurum cadere in aqua regis prius solutum, & oleum Tartari percutit spiritum nitri summè purificatum: qui se in illo conspectu conjungit cum sulphure solis, suo adversario: & quia sulphur illud solis à natura summè depuratum est, & vulgari nostro combustibile sulphure longè subtilius; ideo valentius est, & in minori quantitate operationes suas stupendas, potenter perficit; eodem planè modo quo sulphur vulgare & Salpetræ in pyrio Pulvere conjuncta, & incensa magnum strepitum & fragorem facere animadvertimus. De eodem Quercetanus & Sennertus; citante Joh: Jonstono Admt Nat: clas: 4. c. 26. Causa spiritus nitri & sulphuris auri contrarietas: cum enim oleum vel sal Tartari, solutioni auri infunditur, sal Tartari se cum sale communi, immò Alumine & Ammoniaco unit, atque hinc sibi relictum aurum ad fundum descendit, & si quid de salibus his cum auro relinquitur, id aqua calidâ abluitur. Relinquitur verò solus nitri spiritus qui se auro univit penitus. Is ergo si incalescat, sulphuris auri percipiens præsentiam, & sese opponit, vires conjungit, & impetu facto ac cum strepitu erumpit, atque accenditur.

CAPVT XXII.

De Præparatione Florum Belzoi.

Reci: Belzoi (aliis Beniovin & Assa dulcis dicitur) uncias aliquot: pone in cucurbita vitrea: hanc contegito Alembico cæco. Habeatur quoque olla fictis humilis & lata, quæ super tripode collocanda, vel in furnello distillatorio accommodanda: huic imponatur cucurbita, & cineribus, aut arenâ benè lotâ stipetur ad altitudinem materiæ cucurbitæ impositæ. Excitetur postea sub olla ignis lentus, ne alembicus nimium incalescat; essent enim flores citrei vel flavi, non albi. Cum verò Belzoi fumare animadvertetis, sine in eodem caloris gradu per horæ quadrantem permanere: at cum flores in superficie alembici interna videbis, subito hunc

aufer, aliumque recentem & frigidum superimpone: ablatum verò colloca super charta pura quoad frigeſcat: tum flores alembico adherentes, plumâ vel spatulâ ligneâ absterge, & diligenter collige. Idem quoque cum altero & tertio vel pluribus etiam alembicis facies, dum Belzoi fumare ceſſaverit.

Alter modus.

Belzoi uncias aliquot ollæ fictili vitreatę indito, ponitoque super calidis cineribus: cum autem Belzoi fumigare videris, contege tubulo papyraceo in modum coni facti; qui aliquantò latior ſit quàm oriſicium ollæ: expecta per horę quadrantem: poſtea aufer tubulum, & flores absterge: ollæ verò recentem alium tubulum ſuperimpone, & æquali ut prius tempore ibidem immorari ſinito: deinde fac idem quod feciſti antea.

CAPVT XXIII.

De Camphoræ præparatione.

Rec: gummi juniperi (quod Sandaracha, Vernix albus, & Maſtix dicitur) pulveriſati [℥] 2. Aceri albi diſtillati tantum ut gummi in phiala vitrea poſitum benè contegat. Hanc pone per 20 dies ſub ſimo equino calido: deinde exime, & in aliud vas vitreum quod largum habeat oriſicium effunde, & per unum meſem ſoli percoquendum exponere: habebisque Camphoram congelatam in forma cruſtæ panis, & veræ ac nativę quodammodo ſimilem. Jam ſuperius quædam de Camphoræ nativę proprietatibus memoravimus, ſed cùm perſequens ejus in noſtro opere uſus, hîc quoque ex Auctorum testimoniis natura ejus fuſius explicanda: Scalliger itaque primum exercit: 104, 1, ſic de ea. *Sed ad rem arboris lachryma eſt capura, ne bitumen credas, ſicuti Succinum bitumen crediſti. Ex arboribus enim delapſum maris appulſu deſertur in littora, quorum arena obrutum effoditur poſtea, eo toto tractu, qui à Memel portenditur ad Gedanum. De arenarum verò cumulis non erit mirum, cui notæ fuerint plagæ illæ: quique viderit ad Hollandiæ latus occidentale arenarum cumulos extantes à ſuperficiè maris. Non igitur poſſile quia natum, ſed quia obrutum. Camphoram verò falſo bitumen arbitrati ſunt: idque miſero admodum argumento: Quia inquit, ardet. Nam & reſina & oleum, & thus idem quoque patiuntur: & paulo inferius. Camphoram vero cùm ſapientum maxima pars frigidiffimam ſtatuat, Avenrois in quinto aliam agnoſcit. Camphora, inquit, Indica, quæ in Arabico Coſoralgent appellatur, caleſcit & deſiccatur in ſecundo gradu. Drverſæ igitur fuerint, niſi aut in codice mendum, aut error in opinione. Poſtremum quærebat an eſſet frigida. Negant enim innovatores. Sanè accendi facillimè, atque etiam in aquis ardere, præterquam quod eſt odoratiſſima. Verùm odor ejus ab aëris partibus, quarum vi ardet etiam. Aquæ tamen habet tantum, quanta poteſt ſub ea forma frigiditas conſervari. Ardet autem propter pinguedinem; ſtultitia eſt inſcitiz parens, aut filia. Quis enim dixerit, calidiſſima quæque facillimè ardere. Non enim ſimilitudine ſemper evocatus tranſit ignis in corpora: ſimilitudinem caloris intelligo: ſed & allicitur aliquâ materiâ, quæ eum propter raritatem admittere facilè queat. Ex Indicarum rerum commentariis hæc: Arbor maxima: rami adeo patuli ut umbram quam latiſſimè jaciat. Ligni materia leviſſima, & rariſſima. Addit Aboali etiam candorem. Camphoræ probitas, prout vel vi extracta fuerit è matrice, vel expulſa à natura. Nam quædam è venis eximitur, in quibus hæret, quaſi cruſta quædam. Aliquando rupto exit cortice,*

& con-

Et concrefcit, refinorum modo primum colorata: deinde fole, aut arte candidiffima fit. Melior hæc quam prior. Præftantiffima, quæ fole albefcit. Nam Et igni fit hoc. Factumque primum ad naturæ imitationem à loci Rege Riach: unde ei cognomen Riachinæ. Stillatitia diutius fcrvat dotes fuas, Et defæcator eſt. Quare Et pellucida. Illa iucluſa non item: Et color ei fuſcior. Duæ præterea ſpecies viliores. Una inæqualis grummoſa, gummoſa. Altera fuſci coloris. Adulteratur ſevo Et, maſtiche, Et aquavitæ (quod nos ſuperius deſcripſimus.) Deprehenditur indita in panis internam partem, atque pane in furnum. Si liquatur, vera eſt: ſi ſiccatur, adulterata. Sinceram etiam ajunt facile evaneſcere. Marmoreis in thecis ſervari, affuſo lini, aut pſillii, aut milii ſemine. Jonſtonus admir: nat: c'af: 4. cap. 9. Scribunt Mauri Camphoram lachrymam eſſe arboris, adeo patulis diſfuſæ ramis, ut tantum locum reddere poſſit opacum, quantus homine. capere queat centum. Addunt, lignum eſſe album, ferulaceum, Et camphoram in fungoſa continere medulla: Incertum id, certius ex bituminis quodam genere fieri hoc modo. Indicum bitumen, quod ex nativæ efflorefcit Camphora, ſubjectis carbonibus in vaſe coquitur, partes tenuiſſimæ in candidum colorem verſæ in operculum feruntur: quod ipsis collectis eam quam videmus, dat figuram. Nativam in India dari affirmant mercatores. Adeo amica eſt ignibus, ut ſi eos ſemel conceperit, donec conſumatur ardeat. Flamma quàm emittit, lucida, Et odorata eſt. In aërem ſublata Et ſuſpenſa ſenſim evaneſcit: tenuiſſimæ partes in cauſa. Addo. Ad uſum in re Pyrotechnica in pollinem redigitur camphora, ſi cùm ſulphure teratur. Oleum autem Camphoræ eidem inſerviens uſui, fit, ſi illi modicum de oleo Amigdalorum dulcium addatur, & unà in mortario cæneo, piſtillo teratur, donec in viride vertatur oleum Vel ſi vera ac genuina fuerit, indatur phialæ vitreæ, & occluſo benè orificio ſtipetur phiala, farinâ aquâ ad formandos panes ſubactâ, inque furnum mittatur, & poſtea extrahatur: ſoluta enim in liquorem Camphora ardentiffimum dabit oleum.

CAPVT XXIV.

De Aqua ex ſale Ammoniaco.

Rec. Salis Ammoniaci ℥iij Salisnitri ʒj. redigantur in pulverem tenuiſſimum, & probè miſceantur: poſtea in Alembicum imponantur & aceto fortiſſimo ſuperinfuſo, diſtillantur igne lento.

CAPVT XXV.

De Aqua quadam artificioſa innoxie ſuper palma manus ardente.

Sumantur æquales partes Olei Petrollei, Terebynthine, Calcis vivæ; Adipis Vervecinæ, & Porcinæ: terantur & incorporentur, diſtillanturque ſuper cineribus calidis, vel flagrantibus prunis.

CAPVT XXVI.

De Præparandis funibus incendiariis communibus.

Primum ex ſtuppalini, vel canabis ſecundo pectine ablata, & ab omni cortice nudata, torquentur funes craſſi in diametro pollicem dimidium. Sumun-

Sumuntur postea cineris ex robore, fraxino, ulmo, vel acere usti, partes. 3. Calcis vivæ pars 1, & more solito paratur lixivium. Huic aditur Salif-nitri pars una, succi ex fimo liquido bubulo aut æquino. per laneum pannum expressi partes 2. Omnis materia benè misculata superinfunditur funibus in aheno super furno accommodato repositis. Deinde subponitur ignis, & lentè primùm, fortiùs tandem urgetur flamma: & per duos tresve dies ex-coquitur continuè: affundendo semper liquorem jam dictum, ne funes & ahenum humido carentes adurantur. Tandem ex funibus inde ablatis omnis humoris fervendo attractus exprimitur, funes manibus violenter in-torquendo, & liquorem emanantem lineis telis abstergendo. Denique su-spenduntur funes super hastilibus longis, solis calore ficcandi, & ad solitos usus Pyrotechnicos servantur.

CAPVT XXVII.

De Præparandis funibus incendiariis, omni fumo & fætoze in ardendo carentibus.

Sumantur Mensuræ aliquot fabulonis rābicundi, vel arenę carbuncu-laris sæpius defœcatæ, elotæ, & recrementis omnibus purgatæ, ac ab omni humore siccata: imponantur in ollam fictilem non vitreatam. Super arena ponatur funis incendiarius communis, vel alius ex gossy-pio tortus, in spiram collectus: eo tamen modo ut inter latera funis, unius semidigiti intervalla servantur, neque inter se contingant, sed paribus con-tinuò spatiis distent. Rursus superinfundatur bona quantitas antedictę are-næ, & funis similiter ut modo dictum, disponatur super arena. Et sic dein-ceps continuetur opus, ponendo stratum supra stratum, dum olla sit plena. Operculetur postea fictili operculo, & sapientię luto commissuræ stipentur. Tandem sic præparata olla flagrantibus carbonibus undique circumsepia-tur, & per horas aliquot ibidem immoretur: frigescat postea sua sponte: & ubi refrixerit, ablato operculo effundatur arena, & funis eximatur. Non absimilis quoque cum spongiis communibus in operando processus: tantùm in frustula oblonga scindendę sunt, & in olla fictili super arena reponendæ: & ut de funibus incendiariis modò dictum, igne exurendæ. Harum, vel funis incendiarii modo descripti, parvula admodum frustula accensa, & in cinere juniperi sepulta, per horas aliquot ardent absque omni fumo & fætoze, nec multum ab externo aëre juvari volunt: ac ideò ubique lo-corum clam recondi possunt; prout sese obrulerit occasio, & necessitas po-stulaverit.

CAPVT XXVIII.

De Præparandis spongiis Pyrotechnicis.

Fungi grandes & veteres, quos super fraxino, robore, larice, quercu, betulla, & aliis arboribus nasci videmus, in camino suspensi fumo pri-mùm macerentur: deinde scindantur in frusta, & ligneo malleo for-ter adacti, crebis ictibus tundantur benè. Postea in fortissimo lixivio cum admixta bona quantitate salifnitri, lento igni bulliant, donec humi-dum omne evanescat. Tandem super tabulis ligneis repositę in furno me-dio-

diocriter calido siccescant : iterumque ut prius ligneo malleo fortiter confuse, duritiem omnem deponendo mollescant: servanturque ad solitos usus.

CAPVT XXIX.

De Præparandis Stuppis Pyrotechnicis, ad ignes artificiales.

Fiant primum ex stuppa lini, canabis, vel gossypii duobus tribusve filis non arde nimis contorti funes. Hi ponantur in olla nova fictili uitreata: superinfundantur illis, Aceti de vino albo partes 4, Urinæ partes 2, Vini adusti pars. 1, Salis nitri purificati pars 1, Pulveris Pyrii pulverisati pars 1: coquantur fortiori ad moto igni quousque omnes superinfusi liquores in vapores soluti, evanescant. Inspergatur postea farinâ pulveris pyrii optimi. tabula aliqua lignea: & funiculi ex olla ablati, super eadem in pulvere volutari, in umbra vel sole siccescant. Hoc homodo præparata stuppa, celerrimè comburitur: ideò si quispiam lentiori paulo gradu ignem ferri cupiat, debiliior remissiorque aliquantò hæc ignis esca paranda est. Satis igitur erit si tantum in aceto & salenitri purificato stuppa deservescat, postea verò pulveris farinâ inspersa siccescat.

Est & aliud quoddam stuppæ Pyrotechnicæ genus, quæ non torquetur in funes, sed soluta tantum, in liquoribus superius enumeratis excoquitur: vel in vino adusto forti per horas aliquot madescit, ac tandem farinâ pulveris optimi respersa siccatur. Additur aliquando vino adusto gummi Arabici aut Tragacanthæ pusilla portio; cùm ejusmodi stuppa exoptatur quæ non facile explicari possit, sed tenaciter cohereat.

Describit quandam stuppam Pyrotechnicam Franciscus Joachimus Prechtelius Pyrotechnicæ Parte secunda capite secundo, quæ tardissime omnium ardet, in hunc modum. Sume Masticis Partes 2, Colophoniz partem 1, Cere partem 1, Salisnitri partes 2, Carbonum partem; quæ rundi & moliri possunt, contundantur, atque in subtilissimam redigantur farinam: postea simul omnia benè mixta, liquecant ad ignem. Deinde filum aliquod lineum vel canabinum paulò crassiusculum ducatur per materiam liquefactam; filum usque ad fundum vasculi deprimendo: idque aliquoties iterandum, donec filum cerei communis adipiscatur crassitiem. Hoc cum uti voles accende primum, deinde extingue flammam, flagrantem tantum relinquendo carbonem.

CAPVT XXX.

De Sapientiz Luto præparando.

Figularis creta siccata & cribrata, miscetur cùm pusillo tomenti aut lanuginis quæ detrahitur panno dum tondetur: his superadditur aliquantulum stercoreis equini vel asinini & ramenti ferri, deinde cùm aliquot alluminibus ovorum subigitur, & vasa vitrea vel fictilia, in ignem mittenda perlurantur, dum adhuc recens & humore plena, ac propterea tractabilis est, Vel fume cretæ figularis albæ vel cineritiæ partes 4, cineris communis, partem; , stercoreis equini vel asinini sicci partem unam, laterum contritorum, vel scobis ferreæ parum, tomenti parum. Subigatur probè primò baculo aliquo, dein palâ, & fiat massa: quæ cum benè subacta

M

fuerit

fuert, ponatur super scamnum aliquod firmum, vel murum, subigatur & palâ optimè tundatur, tamdiu donec satis esse videbitur.

CAPVT XXXI.

De aliquot probatissimis antidotis contra ambustiones, pulvere pyrio, sulphure, ferro candenti, plumbo liquefacto, & aliis hisce similibus factas.

Ex nostris experimentis.

1.

Axungia porcina bulliat in aqua communi ad lentum ignem per horas aliquot: postea inde ablata, per tres quatuorvè noctes cælo sereno exponatur: deinde in vas fictile indita igne lique scat: liquefacta coletur per linteam super aqua frigida: & aliquoties elota, ac optimè purgata, quoad candidissima fiat, seruetur in fictili vel vitreo vase. Postea cum necessitas postulaverit, locus ambustus inungatur benè.

2.

Rec. Aquæ Plantaginis, Olei nucis Italicæ. Ana q. s.

3.

Rec. Aquæ Malvæ, Aquæ Rosarum, Aluminis plumosi, ana q. s. misceantur cum albumine ovi.

4.

Sume lixivium ex sola calce viva, & aqua communi præparatum: huic addatur pusillum Olei Canabini, Olei Olivarum, Olei Lini, & aliquot albumina ovorum: agitentur benè omnia, & locus ambustus inungatur. Hæc omnia unguenta sanant ambustiones absque omni dolore, & nullâ cicatrice relicta. Super me metipso expertus sum.

Ex Auctoribus.

1.

Rec. Olei Olivarum partem unam, Olei Amigdalorum dulcium partem unam, succi cæparum partes duas, Vernicis liquidi partem unam. Inunge.

Sin verò vesicæ vel ulcerationes aliquæ adsint, hoc prodest augumentum.

In oleo olivarum coquito ex secunda cortice Sambuci abundanter: deindecolato: addę cerussæ partes duas, plumbi usti, lithargyri ana partem unam, in mortario plumbeo diu misceantur, & fiat linimentum. Vesicę nec prima nec secunda die sunt rumpendę, sed tertiâ vel quartâ, nam aliquando dissolutione solâ sanantur. *Leonardus Bottalus de vulneribus sclopetorum cap. 21.*

2.

Rec. Lardi liquefacti, & aquæ Solani excepti ʒij, Olei saturni ʒj. misce.

Vel Rec. visci rad. Hyosciami, & florum papaveris rubr. ana ʒj. salispetræ ʒj. cum oleo Caphuræ fiat linimentum.

Vel Rec. Succu cæpæ sub cineribus coctę ʒij, olei nucum ʒj. misce.

Vel Rec. foliorum Hederæ nigræ cum aqua plantaginis contusorum m. ij. Olei ʒj. coquantur cum ʒiiij vini albi, ad illius consumptionem: addę sub finem cerę quantum sufficit, ut fiat linimentum.

Vel Rec: Lardi ad flammam liquati, & succi betę, & rutę excepti ʒij, cremoris lactis ʒj, Mucilag: sem: cydoniorum, & tragacanthæ, an: ʒ β. misce. *Josephus Quercetanus in libro sclopetario.*

CA.

CAPVT XXXII.

De Novo quodam instrumento ad mensurandum Pulverem pyrium,
Salemnitri, Sulphur, & Carbones. Nec non de Cribro ad cri-
brandas dictas materias, aliisque instrumentis ad teren-
das, & molliendas easdem spectantibus.

Figuram hujus instrumenti reperies sub N° 18: constructio autem per
facilis, idque sequenti modo. Fiat ex ænea lamina tubus in formam
cylindri contortus & glutine metallico ferruminatus. Latitudo orifi-
cii A B, & altitudo A C, vel B D, licet arbitraria sit, optime tamen fie-
ret, si alicujus certæ mensuræ, id est unius libræ, vel aliquot unciarum
Pulveris, aut Salisnitri, vel alterius cujuspiam materiæ ex superius dictis,
capax construeretur. Nos in nostro exemplo finimus cylindrum, capacem
Pulveris Pyrii communis 4: Ideoque perticæ æneæ quadratæ, (cujus lon-
gitudo æqualis altitudini cylindri) latus I H, in partes æquales majores 4
divisimus: ut quælibet ex his lib. 1 denotet: intermedia verò spatia primùm
bise cavimus; & rursus quamlibet, in duas æquales partes partiti sumus;
ut libræ semis, & quartæ distinguerentur. Quamlibet iterum quartam, in
octo particulas divisimus; ut una ex his lotonem seu 1/8 partem libræ deno-
tet. Alterum autem ejusdem Perticæ latus, nempe I K, ponderi Carbo-
num accommodavimus: eoque modo fecimus distinctiones, lineolis ductis,
& numeris convenientibus annotatis, ut libræ integræ, & semis, nec non
quartæ, & lotones facile dignosci queant. Non tamen prius distinctio hæc
instituenda, antequam pondus quantitatis Carbonum tubum implentis
notum sit: quod bilancibus experiendum. Ut e.gr. si tubus ille pondus 4
æ pulveris capiens, non capiat tantum duas libras Carbonum, Latus I K, in
in duas tantum majores æquales partes secandum: intermedia verò spatia
similiter ut prius dividenda, quemadmodum nos in hoc schemmate feci-
mus. Quod de Carbonibus dictum, idem de Sulphure & Salenitri tenen-
dum, & reliqua duo perticæ latera, juxta methodum superius traditam se-
canda. Preparato verò jam instrumento, sic uti licebit. Velit quispiam e.gr.,
mensurare pondus pulveris 2 æ, attollat perticam quadratam cum orbicu-
lo æneo E, ad verticem ejusdem firmato, donec lineola, & numerus 2 eidem
adscriptus, fundum tubi immediate tangat: postea cochlea L perticam
compressam firmet; ne pondere pulveris gravata, recedat fundum versùs.
In cæteris verò materiis mensurandis non absimilis processus & ratio.

Machinula ad cribrandam farinam Pulveris Pyrii, & alias materias tritas &
in pollinem redactus, sub N°. 19 posita, formam cistulæ refert, ex tabulis se-
ctilibus ligneis compactæ. Ejus altitudo 3 pedum, longitudo 3; latitu-
do verò 4; . Huic imponitur per B, cistula C, exemptilis, cujus altitudo;
longitudo 3; , latitudo verò 2; . pedum est. In hanc cribro setaceo E, su-
per crucem posito, decussa farina per declives cistulæ tabulas A delapsa, in-
cidit; postea rutro ligneo F eximenda. D, est altera crux quæ cribrum qua-
tuor claviculis ligneis vel ferreis apprehendens, ad cribellandum accom-
modat. G, est ala anserina, aut alterius avis, ad farinam in cistula exemptili
delapsam, converrendam. H, est tabula lignea, bene sicca & polita, ab omni-
bus 4 lateribus, asserculis circumpecta, ad terendas & molliendas materias
ante dictas. I, K, L, sunt terulæ lignæ, quibus materiæ super tabula positæ
teruntur. M est altera Tabula in medio ad N foraminosa, super qua dum
materiæ teruntur foramen N, tabellæ O, clauditur: postea aperitur dum ma-
teriæ effundendæ sunt.

Finis Libri Secundi.

M 2

ARTIS
MAGNÆ ARTILLERIÆ
PARTIS PRIMÆ
LIBER III.
DE ROCHETIS.



Mnium artificialium ignium, primum sibi vendicant locum Rochetæ, vel *Pyroboli* ex Græco (tamen id improprie usurpetur ad nostras Rochetas: cum *πυροβόλῃ* tela ignita denotet; de quibus infra) Italis *Rochette* & *Raggi*, Gallis *Fusces*, Germanis *Steigende Kasten*, vel *Ragetten*, & *Dracheten*, nobis vero Polonis *Race* dictæ. Harum constructio perantiqua, & omnibus Pyrobolistis nota satis: quæ licet facilis, laboriosa tamen, & accuratam præparantis requirit sedulitatem. Pyroboliæ verò operam daturi, ab his initium sumunt: nec incongruè sanè, cum omnes recreativi ignes artificiales, omnes Machinæ: ut sunt Tubi, Rotæ ignitæ, Gladii, Semispathæ, Globi, cæteraque his similia Pyrobolica inventa, absque Rochetis, vix esse possint. Igitur hoc tertio libro illarum præparandarum modum, varias formas, figuras, & usum sufficienter proponemus.

CAPVT I.

De Formis seu Modellis, tam Ligneis quàm Metallicis, ad construendas Rochetas Parvas, & Mediocres.

Modus. 1.

Formæ, five Modelli ad construendas Rochetas, tum ex ære fusili vel aurichalio, tum ex lignis solidioribus: ut sunt Cupressus, Palma, Castanea, Buxus, Nux Italica, Juniperus, Prunus sylvestris, & aliis hisce similibus, immò ex Ebore, & lignis Indicis, parari, & quàm politissimè ab intus, & ab extra tornari solent. Proportio tam altitudinis, quàm crassitie, & ornamentorum, variat apud artifices; juxta illud, quot capita, tot sensus. Quantum ad formas in quibus Parvæ & Mediocres Rochetæ construuntur. (Parvas Rochetas autem voco, quæ in orificiis aliquot uncialium globorum plumbeorum diametros habent; sed unam libram non excedunt: Mediocres verò quæ sunt 1 \mathfrak{c} , & 2; trium verò vix concefferim: Majores denique à 2 \mathfrak{c} , usque ad 100 \mathfrak{c} sumi possunt) Istarum duos modos hîc exponam: Majorum verò sequenti capite rationes docebo. Primus itaque modus est hic. In Figura N^o 20, finximus diametrum orificii formæ A B, esse 1 \mathfrak{c} plumbei globi (usu enim apud Pyrobolistas receptum est, ut orificia formarum & Rochetarum mensurentur diametris globorum plumbeorum) Altitudo formæ ab Y, usque in E, est 7 diametrorum orificii: ab E verò usque in G, est altitudo Stylobatæ, qui subponitur formæ dum Rocheta oneratur 1 diametri cum; Hæc habet in medio Cylindrum, qui crassus est per diametrum C D :: Altus verò 1 diametrum orificii. Huic Cylindro, insistit dimidius Globus L O P M, cujus diameter L M est ejusdem

dem diametri orificii. Ornamenta tam superiora, quàm inferiora, ad placitum cujusslibet formari possunt, communiter tamen sumuntur ex ornamentis columnarum Architectonicarum. In hac figura, altitudo Capituli formæ, est ex una diametro: ad formanda verò ornamenta, eadem diameter super linea Y G, quæ est parallela A C, vel B D, ex Y versùs G posita, triseccatur primùm: tum quælibet triens in minores partes subdividitur. Item ex E in F, ponitur 1 diameter pro ornamentis inferioribus. Istorum altitudines in sequenti figura; cum hac præsentē illa sit artificiosior, & ornatior, sufficienter explicabimus, hîc loci verò circino dimetiri poterunt. Crassities formæ ad A W, & B X, item ad S Z, & Aa, R, tum ad T & V, est; diametri: ad F C verò, est 1. diametri. Denique ad G H, est 3 diametrorum orificii. J, est clavus ferreus, transiens per totius formæ crassitiem, & Stylobatæ Cylindrum: conjungensque Stylobatam cum forma, dum Rochera oneratur.

Modus 2.

In Figura N^o. 21, Altitudo totius formæ G E, est 9 diametrorum orificii A B: ex his duo dantur Stylobatæ. A B, C D, est vacuum formæ A N, vel G L, Capitulum formæ, altum universim diametrum orificii 1 cum $\frac{1}{2}$: Hac verò diametro divisâ in partes æquales 80, membra Capituli dimetiemur. Imprimis verò descendendo, Supercilium declive erit altum 7 partes, Regula 3, Echinus inversus 7, huic Regula subjecta 3, Cimatium Doricum inversum 7, Regula 3, Tenia superior 10, Fascia 10, Tenia inferior 10, Echinus 8, Regula 2, Apophygis 10, Annulus superior 2, Astragalus 4, Annulus inferior 2: Projecturæ utriusque Teniæ sunt 5 partium; & talis retractio Fasciæ. Semidiameter quâ Cymatium Doricum descriptum est, sumenda super perpendiculari Fasciæ, & Regulæ eidem Cimatio subjectæ: Echini verò inversi semidiameter, est in perpendiculari descendente ex K super G A: A K autem est desumpta ex 30 Partibus diametri. Echini inferioris Semidiameter est, ex propria altitudine. Teniarum projectiones ab una parte abscindit recta H F, ab altera vero I E: istæ autem producentur ex F in V, & ex E in I, si ex B in V, & ex A in I, ponantur 60 partes diametri: Eædem quoque rectæ, determinant etiam inferiora Formæ; Stylobatam nempe & Basim. Crassities Formæ superior ad Astragalum, est ex semidiametro orificii; adeoque 40 Partium: inferior autem ad O P super Basim, est 50 earundem partium: tota autem crassities media Formæ, determinatur rectâ M O: inferior verò, alterâ E W, super E I. Basis tota alta est universim diametrum 1 cum $\frac{1}{2}$. Membra hujus sunt, ascendendo, Plynthus alta partes 110, Echinulus inversus 2, Regula 2, Echinus alter inversus 8, Regula huic supposita 2, Cimatium Doricum 6, Regula 2, Torus 6, Regula 2. Projecturæ Regularum, & semidiametri tam Echini inversi, quàm Cimatii Dorici, sunt ex propriis altitudinibus. Stylobatæ membra sunt Torulus altus 3, Regula verò 2, partes. Hic crassus est per diametrum E F, tres diametros orificii formæ. Cylinder C Q R D, super Stylobatam altus est unam diametrum: crassus verò in diametro Q R, 78 partes diametri orificii. Dimidii globi super Cylindrum, diameter est ex $\frac{1}{2}$ diametri orificii; adeoque 60. partium. Hæc sunt quæ de Formis Rochetarum minorum, tamprimi quàm secundi modi, dicenda proposueramus: & istæ proportionēs tam in altitudine & crassitie, quàm & in omnibus ornamentis observandæ & tenendæ sunt: quanquam ornamenta (ut supra dictum) infinite variari possint ad arbitrium constituentium. Apponimus quoque Schema sub N^o 22. in quo etiam

M 3

tam


tam altitudines quàm crassities, & omnia ornamenta Formarum ex una majori (quam nos hîc in hoc schemate 1 lotonis in orificio assumpsimus) aliarum minorum, nempe $\frac{1}{2}, \frac{1}{3}, \frac{1}{4}, \frac{1}{5}$ partis lotonis, proportionantur: estque basis schematis A B, secundum rationem cubicam divisa: & ex punctis divisionum perpendiculares eductæ: postea verò secante ejusdem schematis C D, terminatæ: hæc autem ex C in D producet, si B C, quæ est altitudo formæ 1 lotonis, ponatur 9 diametrorum sui orificii, tum reliquæ perpendiculares ejusdem fient proportionis in longitudine.

Nota, semidiametros quadrantum circularum, & lineas ad eorum terminos productas, in schemate formæ unius lotonis, denotare crassities formarum, ad illas partes in quibus sunt centra quadrantum circularum. Quod de minoribus formis proportionandis ex majori dictum est, idem quoque de majorum proportionem ex minori desumenda tenendum.

CAPVT II.

De Formis seu Modellis ad Rochetas Majores construendas.

De finivimus superiori capite longitudinem formarum pro Rochetis Parvis & Mediocribus 7 diametrorum, suorum orificiorum: (non annumeratis stylobatis) fecimus id tum continuo usu & assiduâ praxi edocti, sic & non aliter esse debere, tum & auctoritate modernorum Pyrobolistarum suffulti. Ex veterum enim scriptis frustra hanc proportionem petieris: cum omnes quotquot inveniri possunt (ego autem dum, hæc scriberem 25 Pyrotechniæ scriptores præ manibus habebam) in unum collati, maximè inter se discrepent: tum toto cælo à nostris observationibus differant, & planè contraria proponant. Ex istis aliquot huc adducam. Brechtelius primum, part. 2. Cap. 9, suæ Pyrotechniæ, unius libræ Rochetarū formam altam esse debere ait 8 digitos majores: latā verò in orificio digitos duos. Hîc est proportio latitudinis, ad altitudinem, subquadrupla. Ad majores verò Rochetas altitudinem & latitudinem formarum auget, addendo tā latitudini orificii, quàm altitudini formæ 3 digiti. Ex hac verò progressionem illud obsonum natum est, ut, 17 $\frac{1}{2}$ Rochetarū, formæ orificium, sit subduplum altitudinis suæ: 100 $\frac{1}{2}$ verò formæ altitudo, paululò plus quàm unā quintā parte, à sua altitudine differat: estque proportio latitudinis ad altitudinem quæ numeri 106 ad numerum 131. Hic numerus cum irrationalis sit, in minoribus terminis ex hiberi non potest: est tamen proportio altitudinis ad latitudinem super partiens viginti quinque centesimas sextas. Ibidem, id quoque notandum, orificia formarum non augeri secundum rationem cubicam, (cùm omnino id esse debeat) sed per æqualem semper progressionem additionis 3 digiti: altitudines verò ad orificiorum latitudines, esse maximè inproportionatas: nec crediderim hunc bonum virum, (dum viveret,) majores unā vel duabus libris Rochetas, aliquando construxisse: cùm impossibile sit ejusmodi machinas, quarum latitudines ab altitudinibus parum differunt, Rochetarum modo in altum tollere. Nec minùs id etiam animadvertendum, quòd orificium formæ 1 $\frac{1}{2}$, dicat esse debere in diametro 2 digitorum: duo digiti verò, constituunt exactè 1 $\frac{1}{2}$ ferri secundum pondus Norimbergense, (quo etiam ille ipsemet usus est.



est,)ac proinde 100 ℥ Formæ orificii diameter, erit apud illum 26 digitorum cum 1/2: Hæc verò diameter, si esset ferrei globi, globus ille esset pondo ℥ 2326, & 3 Unciarum. Si verò idem ipse globus, cujus hæc diameter est, esset plumbeus (ut nos formarum orificia dimetitur diametris globorum plumbeorum; ut jam dictum) penderet ℥ 3350, & 13 Uncias. Hic jam, me tacente quilibet facile judicium feret, in absurda Brechtelium incidisse: nec hæc in parte esse imitandum. Alter ex his veteribus Pyrobolistis Brechtelio ætate major, est Ioannes Schmidlapius. Hic omnium Rochetarum formas 6 diametrorum suorum orificiorum, altas esse vult. Latitudines vero orificiorum auget hoc modo. Diametrum orificii primæ formæ (quam ille in schemate suo 1 lotonis plumbi assumpsit) dividit in 5 partes: ex his 1 addit primæ diametro, & constituit diametrum orificii secundæ formæ: & sic in infinitum progreditur. At & hic altitudines formarum sequentium nimium auget: orificiorum verò nullas dat certas mensuras ex diametris globorum, vel ferreorum, vel plumbeorum desumptas. Nos autem experti sumus, hoc modo aucta orificia, sequentem habere progressionem in ponderibus plumbeorum globorum. Secunda videlicet diameter constans? Primæ diametri, est exacte diameter globi Plumbei 3 lotonum. Tertia ex? Secundæ diametri, est diameter globi plumbei 7 lotonum. Quarta ex? Tertiæ, est diameter globi plumbei 20 lotonum. Quinta ex? Quartæ diametri, est diameter globi plumbei 1 ℥ & 22 lotonum. Sexta ex? Quintæ, est diameter globi plumbei 4 ℥ & 26 lotonum. Septima ex? Sextæ, est diameter globi plumbei 13 ℥. Octava ex? Septimæ, est diameter globi plumbei 35 ℥. Nona denique ex? Octavæ, est diameter globi plumbei 98 ℥. Hic jam ex dictis patet, nullam certam proportionem quâ augentur orificiorum diametri, hunc quoque auctorem instituisse. At tamen est quodammodo error illius excusabilis, cum ille construere doceat ejusmodi Rochetas, ut una minor, majoris alterius vacuum exacte impleat: fiet autem id commodè satis, si diametri 9 Rochetarum, sumpto initio ab 1 lotone, tot lotonum & librarum plumbeorum globorum fumantur, quot superius enumeravimus: octo enim ex illis priores, una in alteram impositæ, nonne cujus formæ orificium fuerit 98 ℥ plumbei globi, commodissimè includentur: crassities tamen papyri in minoribus; in majoribus vero ligni, hoc in passu; diametri sui orificii esse debet. Hi Pyrobolista sunt aliis antiquiores, cum unus ex illis prior, scripserit suam Pyroboliam ante annos 59, alter verò posterior ante annos 90. Ex neotericis vero Diegum Ufanum habemus. Hic tractatus tertii suæ Artilleriæ cap. 26, constituit altitudinem formarum omnium majorum & minorum, 6 diametrorum, vel 6 & 1/2 suorum orificiorum. Accedit itaque in minorum formarum proportionibus, ad nostras observationes: sed in majoribus maximè differt. At omnium Pyrobolistarum & recentior, & in proportionibus cæteris accuratior (quanquam hisce verbis minimè quicquam bonæ famæ & existimationi apud Pyrobolistas, Adriani Romani, Jacobi Valhausii, Furtenbachii, Frontsbergii, aliorumque insignium virorum de rogari cupiam) est Hanzelletus Gallus: Hic omnium Rochetarum formas ab uno lotone usque ad unam libram facit 6 diametrorum suorum orificiorum, in quo differt à nobis: at in majoribus (ubi Rhodus & saltus est) sufficere ait altitudinem 4, 4 1/2, & 5 diametrorum suorum orificiorum: Hac in parte, accedit proximè ad nostras proportionem, quas jamjam jungimus: Itolorum tantum modum apponentes: apud quos, altitudines formarum ad omnis generis Rochetas, sunt 3 diametrorum suorum orificiorum.

rificiorum. Quantum itaque ad nostras observationes, in construendis Majoribus Rochetis. Apponimus primùm schema sub N°. 23. Formę ad Rochetas 20 ℥: finximus enim diametrum formę A B, esse diametrum globi plumbei 20 ℥. Altitudo A C, vel B D, est 6 diametrorum orificii cum $\frac{1}{2}$: idque ex Tabella hic apposita desumpta. In hac, 20 ℥ responderet numerus 86. Id est, diameter orificii A B, secta primùm est in 100 particulas æquales: ex his desumptę circino 86, & septies ex A vel B, versùs C & D positę, constituunt altitudinem formę A C, vel B D. Vel per hanc analogiam. diameter 1 ℥ 100 particulis constans, dat altitudinem formę pro Rochetis 1 ℥, septem diametrorum sui orificii, 86 verò dabunt altitudinem formę 6, diametrorum cum $\frac{1}{2}$. Et hac ratione aliarum quoque formarum usque ad 100 ℥ plumbei globi diametros in orificio habentium, altitudines inveniuntur: si nempe vel per regulam proportionis, (ut modo dictum) inquirentur: ponendo videlicet semper primo loco numerum 100, qui 1 ℥ responderet, secundo loco numerum 7, tertio denique, illum numerum qui in tabellę columna dextra tuis libris (in columna sinistra quærendis) responderet è regione. Vel dividatur semper diameter orificii formę in 100 partes æquales, & illarum partium tot numero sumantur, quot in tabella dextra numero ponderis globi plumbei, orificio tuę formę convenienti, adjacent annotatę: septiesque super recta aliqua linea circino transpositę, dabunt altitudinem formę, quam conficere desideras. Ita diameter 100 ℥ formę si in 100 partes dividatur, & ex his 57 circino desumptę septies transponentur, proveniet altitudo formę pro Rochetis 100 ℥, 4 diametrorum sui orificii, vel 399, (nam $\frac{1}{2}$ remanet in fractionibus) partium talium, qualium est diameter orificii 100.

Hinc manifestum est, nos neque in excessu, neque in defectu peccasse. Non enim auctis diametris orificiorum, altitudines formarum æqualiter, quoque augemus; ut fecit Brechtelius. Nec eandem altitudinis proportionem, ad suorum orificiorum diametros: nempe 6, vel 6 cum $\frac{1}{2}$, semper retinemus; ut Diego Ufano & Smidlapio placuit. Nec denique ut idem Smidlapius & Brechtelius docuerunt, per subdivisiones diametrorum in particulas 5, & per duarum quintarum sequentis diametri aucionem: vel per additionem; digiti, diametros orificiorum augemus: sed auctis ratione cubicâ orificiorum diametris, altitudines formarum ita augemus, & imminuimus, (habito respectu majorum diametrorum,) ut nec brevitatis nec longitudinis nimie quispiam nos arguere possit.

Tabellę autem hujus constructionem non tam ars, vel speculativa theoria; quàm praxis, & tot impensarum mearum acceptę jacturę suggererunt.

Tabell.

**Tabella altitudinum Formarum ad Rochetas
Majores.**

<i>Diametri Li- brarum Plū- beorum glo- borum.</i>	<i>Puncta centesimarum partium diametro- rum subseptula al- titudinum forma- rum.</i>
1	100
2	98
4	96
6	94
8	92
10	91
12	90
15	88
20	86
25	84
30	82
35	80
40	78
45	77
50	75
55	73
60	71
65	69
70	67
75	66
80	64
85	62
90	61
95	59
100	57

Sed plura adhuc hanc proportionem formarum concernentia in eodem schemate videamus. E X, est altitudo Stylobatæ 1 diametri orificii. X C, est crassities formæ ubique æqualis; diametri ejusdem orificii. E F, est crassities infima Stylobatæ 1 diametri cum;. B P, vel A P, est Capitulum Formæ: cujus membra sunt ascendendo. Tēnia alta :: diametri orificii. Echinus inversus :: Regula :: Supercilium declive :: Q Q, denotant solidum lignum & crassitiem formæ totam. P P, denotant excavationes in eadem crassitie formæ factas: istæ postea explentur funiculis canabinis firmis & benè tortis: quibus propter majorem formæ securitatem nè dum oneratur Rocheta, rum- patur Forma, vel aliquas faciat rimas, arctissimè stringitur firmaturque, & glu- tine calido loricatur. Excavationes istæ retrahuntur; diametri orificii. Sty- labatæ adhæret Cylinder ligneus altitudine 1 diametri; hîc loci duntaxat: in aliis verò majoribus Rochetarum Formis à 40 ad 70, habeat altitudi- nem; in reliquis verò ad 100 usque, dimidiæ diametri sui orificii. Cy- lindro incubat dimidius globus, cujus circumferentia ex centro N, super dia- metro; diametri orificii, descripta est. R, est locus excavatus ferreo annulo explendus. W, est clavus ferreus stylobatam formæ annectens. Cætera quæ sunt in eodem schemate consideranda, ad sequens caput reservamus.

N

In

In schemate sub N° 24 ponimus formam ad construendos ictus papyraceos: quorum formandorum modum & usum, in sequentibus declarabimus: hîc loci tantum monemus, altitudinem talium formarum, quæ hîc est A C B D, esse debere 4 diametrorum suorum orificiorum: altitudinem verò Stylobatæ I K, & cylindri G E, vel H F, unius diametri: superficiem verò ejusdem cylindri E F, esse planam, absque dimidio globo.

CAPVT III.

De Instrumentis variis ad formandas, constringendas, ligandas, & onerandas Rochetas omnis generis.

Paratis formis seu modellis ad Rochetas construendas, juxta proportionem à nobis superioribus capitibus traditas, necesse est ut alia quoque huic operi inservientia habeantur instrumenta. Imprimis verò ad parandas parvas, & mediocres Rochetas, requiritur Pistillum ligneum cylindri in modum factum: (ad minimas verò adhibetur hoc Pistillum ex ferro) cujus longitudo æqualis sit altitudini formæ: crassities verò in diametro & diametri orificii habeat. Hujus figuram exhibemus sub Num: 25: in qua A B, est longitudo 7 diametrorum orificii formæ secundi modi sub N° 21: additur tamen in parte suprema dimidius globus, cujus semidiameter est ex; ejusdem diametri orificii. (requiritur enim hoc Pistillum paululum longius quam est altitudo formæ) Crassities in eadem figura C D, est & diametri. E est manubrium Pistilli: cujus longitudo unius palmi est. Super hoc Pistillo quam artissimè fieri potest palangatur tenuis & firma papyrus, donec & diametri orificii nata sit crassitiem: quanquam in primi modi schemate sub Num. 20, & diametri orificii hanc crassitiem posuerimus: & tum pistillum illud & crassum in diametro, requiritur. In majoribus verò Rochetis quæ ex lignis fiunt: qualis est in schemate N° 23 Rocheta I K, ligni crassities K B, vel A I, est ex; diametri orificii; vel aliquantò minor: relinquitur enim inter vacuum formæ & Rochetæ tubum spatium ad S, profilis lineis vel canabinis crassiusculis, quibus rota Rochetæ externâ superfices circumdatur & constringitur firmissimè. Fundus quoque talium Rochetarum in eodem schemate G O, crassus est & diametri orificii. At, si ligneæ fuerint Rochetæ, jam illud Pistillum cujus nunc proportionem dedimus, non requiritur: verum si ex papyro conglutinata, vel telis lineis fieri debeant, crassities pistilli sit & diametri sui orificii: longitudo verò respondeat longitudini formæ absque cylindro: id est longum sit tantum quantum forma illius alta est, minus altitudine cylindri. Super ejusmodi pistillis, fecimus nos sæpius Rochetas 20, & 30, immò plurimum etiam librarum, ex papyro & telis lineis artissimè tortis, postea funibus circumdatas & glutine calido illitas exsiccatasque indidimus rotæ tormentariæ modiolis: ibidemque arenâ siccâ, & cuneis ligneis stipatas, subposito quoque ligneo stylobata cum suo cylindro, oneravimus commodè satis.

Requiritur secundò aliud quoque Pistillum ad Rochetas onerandas. Hoc duplici modo paratur. Si enim Rochetæ terebris (de quibus inferius) terebrandæ sunt, tum habeat illud talem formam, qualis est in figura sub N° 26.

Lon-

Longitudo illius A B, ſit æqualis altitudini formæ, craſſities vero B C, minor ſit; craſſitiei C D prioris ſchemmatis B C. Superficies Piſtilli ſuperna, plana circularis ſit, ad comprimendam materiam in rocheta apta. At ſi Rochetæ ſuper acubus ferreis vel cupreis, quales ſunt in figuris 20, O P Q, & in 23, M L H, onerari debent, tum Piſtilla latitudine & longitudine æqualia erunt vacuis Rochetarum: in medio autem habebunt ejuſdem longitudinis & latitudinis, cujus ſunt acus, terebrata foramina: ut dum Rochetæ onerantur, illa foramina ſint acuum receptacula, materia verò circum circa denſiſſimè contundatur. Notandum hîc loci, ſi Stylobatæ ita infixæ hæreat acus ut nullatenus eximi queat, (quod & omnino fieri neceſſe eſt, ut acus Cylindro perpendiculariter inſiſtat, & medium Rochetæ occupet; multum enim id conducit ac probam Rochetæ onerationem) tum ad parandos Rochetarum tubos papyraceos, vel alter requiritur Stylobata abſque acu, & piſtillum juxta primum modum conſtructum, vel aliud Piſtillum, quod ſit perforatum in medio, tantum quantum longa & lata acus illa eſt. In figura N° 27 B A, eſt longitudo Piſtilli, æqualis longitudini vacui Rochetæ poſitæ in figura N° 23: latitudo verò B C, eſt æqualis ejuſdem orificii diametro, vel paululo minor ut ſuperius dictum: foramen verò pro acu recipienda, eſt D F E.

Sed & tertium ad ejuſmodi Rochetas ſuper acubus onerandas habendum eſt Piſtillum. Hujus forma eſt in ſchemate ſub N° 28. In qua longitudo A B, eſt æqualis altitudini vacui Rochetæ ſuper acum, id eſt ab L, uſque in I K, orificium Rochetæ in figura N° 23: latitudo verò ſeu craſſities B C, æqualis eſt prioris Piſtilli craſſitiei. Inſervit hoc comprimendæ in Rocheta reliquæ materiæ ſuper acum, uſque ad ejuſdem orificii ſumma labra. Manubria Piſtillorum D, & G, ita ſunt formanda, ut ſchemata exhibent, & ad majores Rochetas ferreis circulis ſupernè ad H, & E, firmanda, ne inter rundendum dehifcant.

Figura N. 29 monſtrat cingulum coriaceum cum fibula, vel acu tranſverſa in annulo æreo, quæ tranſadigit cingulum, & clavo uncinato ferreo mobili. Hoc Pyroboliſta (ut apparet in figura 31,) ſe præcingit dum Rochetæ collum comprimere & ligare cupit: ſub N° verò 30 eſt clavus alter uncinatus, vel hamatus cum cochlea. Super hoc, cum parieti ligneo, vel firmatæ in terra radicibus arbori, vel alicui immobili tigno, cochleatim inſertus fuerit, & ſuper illo priore, funis ſub N° 32 Rochetæ collo circumdandus ad conſtringendum accommodatur. Sub N° 33 eſt figura lignæ ſubulæ quæ foramina in collis Rochetarum dilatantur, dum arcuè nimis compreſſa fuerint.

Eſt quoque & alter modus, mediocrium Rochetarum colla comprimendi, mediante ſcilicet trochleâ ligneâ, ſuper axiculo ferreo verſatili fune traducto, cujus unus terminus unco ferreo, alter vero ſcabello ligneo mobili, Pyroboliſtæ pede calcando religatur; ut id in figura N° 34 apparet.

At maximis Rochetis comprimendis, inſerviet machina ſub N. 35. cum ſua vite perpetua, clavo hamato, & annulo ferreo, ad quos funis religatur, & collo Rochetæ circumdatus, ut adſtringat manubrio A, in eadem figura vitis perpetua verſatur: in collum tamen indito Cylindro pulvinato vel dimidio globo contecto, qualis eſt figura N. 36; ad efformandum fornicatum concavum in collo rochetæ. Huic etiam uſui inſervit aliud quoque inſtrumentum ferreum ſub N° 37, in quo juxta craſſitiem Rochetarum ſunt circinatæ rotundationes, quibus colla Rochetarum ad comprimendum

imponuntur. Sunt præter hos quos jam enumeravimus alii quoque modi comprimendarum ligandarumque Rochetarum. Ut dum vectis parieti aut columnæ alicui, vel tabula lignea quadrata, lacunari funibus religata, & vel hominum vi, vel ponderum superimpositione humum versùs premuntur, & funes collis Rochetarum circumdati, constringunt, coarctantque accensoria Rochetarum foramina. Hæc cum & pervetusta, & parum artificiosa inventa sint, lubens volensque prætereo, ac ad alia describenda instrumenta festino.

Figura itaque sub N°. 38 est lamina cuprea ad formandum cochleare sub N°. 40, quo Rocheta oneratur. Hujus talem volumus esse proportionem, ut in longitudine ab A nempe, in B, sit 1 & $\frac{1}{2}$ diametri, orificii Rochetæ vacui interioris: latitudinem verò C D, habeat duorum diametrorum, & in parte suprema in semicirculum finiatur. Huic longitudini addatur una diameter, & latitudini quoque altera, ut cylindro ligneo cum suo manubrio commodè aptari, & claviculis affigi queat. Longitudo cylindri sit 1 diametri: circumferentia verò rotundationis trium diametrorum; adeoque æqualis latitudini E F. Hæc autem proportio longitudinis laminarum, servanda ad parvas & mediocres Rochetas onerandas: experti enim sumus hujus longitudinis & latitudinis cochleare, ejus esse capacitatis materiæ quâ Rochetæ onerantur, ut cylindrū orificii cujus altitudo latitudini, seu diametro orificii æqualis, exactè impleat. Sufficiet verò ea quantitas materiæ pro una in Rochetam infusione: quæ pistillo & ligneo rudite seu malleo, fortiter adacto, compacta, altitudinem semidiametri ejusdem orificii, seu dimidium cylindrum occupet in vacuo Rochetæ. Ad majores verò Rochetas onerandas, minor materiæ quantitas quæ in Rochetam infundi debet, sumenda est: sufficiet nempe dimidium illius, quod ad minores sumitur: ac proinde lamina cuprea ad cochleare parandum, quod capax sit materiæ quæ dimidium cylindrum in Rochetæ vacuo impleat, & compacta: diametri vacui orificii in altitudine obrineat, longa sit 1 diametrum orificii Rochetæ: latitudines verò & longitudo cylindri lignei quem ambit lamina, ejusdem sint proportionis, qualem in superiori lamina præscripsimus.

Sub N°. 39 est figura ruditis, seu mallei lignei, cum suo manubrio. Hic faciendus ex ligno duro, denso, forti, & intorto; cujusmodi est ulmus & betullæ radix. Longitudo, latitudinis seu crassitie sit sesquialtera: diameter verò crassitie ad orificia formarum habeat hanc proportionem. A 100 ℥, usque ad 50 ℥, onerentur Rochetæ malleis, quorum diametri crassitie, sint pares diametris orificiorum formarum. Malleo verò qui habuerit diametrum suæ crassitie 50 ℥ plumbi, onerentur reliquæ omnes usque ad 10 ℥. Denique malleo qui fuerit crassus diametrum 40 ℥ plumbei globi, onerentur omnes Rochetæ à 10 ℥, usque ad 1 ℥. Ab 1 item libra, usque ad 8, lotones, onerentur parvæ Rochetæ malleo qui fuerit crassus in diametro 20 ℥. Vel quod melius. Construantur omnes mallei à 100 ℥, usque ad ℥ 10, æqualis crassitie cum diametris orificiorum suarum formarum: deinde ab una parte, quæ à percutiendo libera esse debet excaventur, & tantum liquet facti plumbi infundatur excavationibus, ut pondera malleorum æqualia sint ponderibus globorum orificiorum formarum illarum, quarum mallei sunt. Malleo vero 10 ℥, possunt reliquæ Rochetæ omnes usque ad ℥ 4 onerari. A 4 verò ℥, usque ad 1 ℥, malleo cujus fuerit pondus ℥ 6. Ab 1 item ℥, ad ℥ semis, onerentur Rochetæ malleo, qui sit pondus ℥ 4. A libra denique semis, usque ad lotones 4, sit malleus 2 ℥. In minimis, quæ non sunt in altum scandentes, sed cursitantes in partes varias, Rochetis oneran-

nerandis, tanta non requiritur diligentia, & scrupulosa sedulitas. Novi quosdam ex modernis Pyrobolistas, qui certis compositionibus seu materiis, quibus implent Rochetas, certum quoque numerum ictuum, & mallei pondus assignant, adeo ut unam eandemque rochetam diversis onerantes materiis, diversa malleorum necesse habeant pondera, diversumque ictuum numerum. At meo judicio, vana & ridicula potius, quam utilis hæc illorum observatio. Hoc tantum unicè tenendum. Omnes materias non siccas nimis, ne inter onerandum, in subtilem redactæ pollinem, evaporent, sed paululum humefactas, ut facilius subsidant, & coherendo firmiter densentur, in vacua Rochetarum esse mittendas: certum verò ictuum numerum assignari non posse, sed eò usque comprimendam tundendamque materiam, quoad evadat durissima, & planè lapidescat: reliquum verò quod crebris ictibus siccatum, alteri materiæ associari non vult, inverso orificio Rochetæ, & modello aliquoties pulsato, effundatur. Moneo tamen, ictus omnes & numero pares, ad singulas materiæ affusiones, & equali semper vi impressos esse debere: nec festinanter, sed lentè, & per modica quædam intervalla faciendos. Ponderus item mallei ut hic præscripsimus, materiæ verò ut sequenti capite dabimus, ad orificia Rochetarum proportionatæ, sumendæ: nec centum specierum compositiones uni eidemque Rochetæ adhibendæ, sed aliquoties probatis, uni, duabusvè, firmiter inhærendum. Addo, materias siccas nimis, non benè tritas, & cribratas: & multum de carbonibus, ex lignis acribus, & duris ustis, habentes, difficulter comprimi, & crebris percussionibus solidari: ac proinde copiosiores ceteris, quæ ab his vitiis immunes sunt, ictuum numerum opus habere. Id quoque fateri debeo, materias, quo fuerint violentiores magis esse densandas remissioribus, ut difficulter, tardèque, magis coactæ partes, absumantur ab igni. Sed hîc nova emergit difficultas, quod multæ numero, atque violentæ percussiones, novam materiæ afferant violentiam, & quas antea suapte natura non habuit, apponunt vires. Unde hæc generalis regula esto. *Serva mediocritatem.* Sed revertamur eò unde digressi sumus. Manubrium mallei quo fuerit longius, & quo Pyrobolista percussurus, altius extulerit manus, majori vi & impetu feretur malleus in subiectum pistillum. Ita, ut potentius agat malleus ille, cujus fuerit pondus 10 æ, altero decuplo graviore, sed longitudinem manubrii subdecuplam prioris habente. Hujus rei ratio à mechanicois petenda. Hîc tantum subjungo ex quorundam sententia, omnia corpora violenter projecta quocunque tandem modo, majorem habere vim, magisque in objectum illud in quod destinantur agere, quo magis aërem interpositum, inter se, corpusque percutiendum condensant: condensabunt verò magis aërem, quò celerius movebuntur: celerior autem fit motus ejus rei quæ moveretur in circulo, (de quo motu duntaxat, nunc nobis sermo est) in puncto à centro sui motus remotiore, quam quæ ab eodem distat minus. Ita, ut celeritas vel facilitas motus, se habeat ad celeritatem, ut radius circuli, & ex illo circumferentiæ, ad radium, & circumferentiam alterius. Jam verò si longius mallei manubrium sumatur pro radio circuli, cujus centrum est in brachiis Pyrobolistæ percutientis, facilius, celeriusque movebitur malleus, ac per consequens potentius operabitur, quam alter malleus cujus manubrium fuerit brevius, licet isto majus pondus habeat, sed segnius moveatur, ex eo, quòd manubrium brevius habeat. Id autem ad vectim commodius revocari potest: nec hîc aërem condensatum facere quicquam, ad majorem pistillo in quod decidit malleus, percussione inferendam, facile concesserim: quòd & in tam brevi spatio quòd malleus circulariter mo-

rus conficit parum interjaceat aeris, & quantus ille tandem est, crebris mallei motibus magis magisque rarefiat, ac ejus illa quam in principio, antequam motus mallei fieret, erat contiguitas & partium cohærentia, dispellatur dissipeturque. Sed de hoc alio loco sermo nobis occurrer, ubi in vires condensati & rarefacti aëris longiorem faciemus disquisitionem, & quid inter duo corpora, unum immobile, aliud verò vel naturaliter motum, vel violenter projectum interiacens aër proficiat vel officiat impetui, perscrutabimur. Nunc autem moneo id unicum, quod & superius dictum, malleo moto vim brachii fortiter agentis, multum superaddere velocitatis, ac exinde, plus tribuere potentiæ quâ agat in rem patientem.

Commodissimè quoque Rochetæ majores onerabuntur, si loco mallei adhibeatur fistuca mediocris, in modum illius facta, quâ pali sublicæque in terram panguntur, constans tribus perticis, supernè versùs illarum capita circulo ex vimine salicis aut fune contorto, colligatis, & infernè tripodis instar ad pedes divaricatis, tum & duabus aliis perpendicularitet erectis, super quibus fistuca lignea ansata, & capitibus ferrata ascendit, fune ductario per trochleam volubilem supernè religatam traducto, in altum sublata, descenditque cadendo proprio pondere sibi relicta, violenter in subpositum pistillum, quo materia in Rocheta existens premitur & concutitur. Pondus fistucæ si fuerit 100 ℥, facillimè à duobus viris movebitur. Hic quoque notandum, quò longiores perticæ fuerint, super quibus voluitur machina, eò altius illa ascendet, ac per consequens, longius in descendendo spatium itineris conficiens, viribus aucta, potentius aget in rem subjectam; juxta, illud: *gravis casus ab alto*. Hujus rei causam fusissimè explicat Marinus Mersennus in sua Hydraulica, Ballistica, & Mechanica, quo sciendi cupidum remittimus; interim cætera instrumenta videamus. In figura N° 41, est ferreus cylinder infernè ad superficiem planam in acum desinens, quo orbiculi papyracei in Rochetam (cùm jam materiâ repleta fuerit,) impositi, perforantur usque ad materiam. Item in figura 42, est conus ferreus acutissimus, eidem operi inserviens ut & ille prior. Habet ad A orbem ferreum, vel ligneum foraminosum, claviculo vel subscudiculâ ferreâ in foramen quodpiam inditâ firmandum, ne vacillet. Orbis hujus ea in diametro latitudo sit, ut exactè Rochetæ orificium expleat dum orbiculum C perforat, Hic conus diversis Rochetis inservire poterit, si fuerit satis longus, & orbis diversæ magnitudinis juxta Rochetarum orificia habeantur. Figura 43, monstrat orbem ligneum, Rochetarum majorum vacuo imponendum super materiam, aliquot foraminibus lacescitum, & per medium altitudinis striatum trochleæ in modum hujus usus inferius declarabitur. Figura 44: Exhibet scalprum Pyrotechnicum. In Figura denique 45, sub literis A, B, & C, sunt varia instrumenta ad cœlandum, sculpendum, cavandumque lignum, cùm construuntur machinæ Pyrobolicæ; quarum plurimas sequentibus libris proponemus.

CAPVT IV.

De Alligandis materiis, & compositionibus Præparandis ad onerandas omnis generis Rochetas.

Nulli hominum generi melius assimilare possumus nostros Pyrobolistas, quàm superioris ævi, vel si qui etiam nunc reperiuntur, fornacariis, sufflatoribus, carbonariisque (nec enim jure merito nobilissimæ artis

artis chymicæ cultorum nomen sibi illi vendicant, qui aut propriis, aut aliorum vanè stultèque absumptis, & in aëra cum fumo efflatis thesauris, dum in projectionis pulvere incredibili perciti æstro perquirendo, & huic similibus plurimis deliramentis, quibus minùs cautis more circulatorum imponant, præparandis, dies noctesque defudant: tum demum carbonibus, & cinere, ac residuis in alembicis recrementis vesci, fumoque cum lacrymis ex oculis expressis, dulcissimi nectaris instar se ingurgitare coguntur.) Vt enim hi omnia artis suæ secreta, vel imposturas potius: (quas illi vendibili & speciosa depingere norunt oratione) celant quàm maximè possunt: & siquando in codices referunt, non Arabicis, Chaldaicis, Syriacisque, at ex novo quodam orbe (ex Ditis Plutionisque forsitan regnis) depromptis consignant vocabulis characteribusque: ut tantò majorem arti quam profiterentur, apud vulgum concilient existimationem: cum ignota nobis, admirationem sui quandam, sciendique cupiditatem parere soleant. Ita quoque Pyroboliste nostri id consuetudinis contraxerunt, ut secreta Pyrobolica, à propriis magistris, aliisvè huic arti deditis, sibi concredita, & pignoris alicujus instar in signum strictioris amicitiae data, & persæpè multo ære comparata tacitè occulteque habeant: & ne quispiam forsitan arcanorum hypomnematis quæ illi memoriæ juvandæ causâ conscripserunt, clam palam vè potius, nullo negotio in eorum veniat cognitionem, quæ ipsimet tantopere celaverant, materias omnes quæ Pyrobolicis operibus adhibentur, ut & illarum in certa proportionem pondera & mensuras, characteribus quibusdam occultis, quos ipsimet facile comminiscuntur, annotare solent: quidam etiam, typis jam mandatis libris claves quasdam ex ignotis characteribus fabricatas appendunt: quas si incautus perdideris, obserabis librum, nec ad thesauros Pyrotechnicos intra reconditos admitteris amplius. Laudarem sane ego hoc in passu illorum sedulitatem, quòd. & ex aliorum inventis in summum suæ artis culmen salire cupiant, (nec enim erubescit indigus id mutuo ab alio sumere, quod se brevi sperat multo cum fœnore redditurum: perdifficile etiam, ac multorum hic labor annorum est, proprio omnia discere Marte) tum & quòd id avidissimè procurent, ne quod ab aliis pro maximis acceperunt arcanis, palam id fiat omnibus: vilesceret enim (ut illi ajunt) & artis opinio, & illi qui excolunt artem flocci penderentur. At frequenter mihi videre licuit, gravia quidem chartarum pondere, & mole grandia talium annotationum secretorumque analecta, sed accuratius expensa, contentorum levissima reperiebantur: atque adeo arcanorum plurima, quæ ad oculum legentibus grande aliquid sonabant, solo aëre & fumosis delirantium caput exhalationibus plenissima, ac instar vesicæ simillima fuisse, praxis & rerum usus docuit. Perbellè itaque facerent, si quæ ab aliis secreti nomine tradita recipiunt, non prius suis annumerarent observationibus, quàm multoties optimè accuratissimeque probaverint, & propriis ad praxim manibus perduxerint: ita enim non in dantiū verba jurantes, nec semetipsos, nec alios fallerent amplius. At sic illorum comparata est natura, ut existiment omnem in eò sitam esse artem, si quàm plurima aliorum possideant inventa, cum tamen veritatis sinceritatisque inventionum omnino expertes sint. Laudabilius igitur, tutiusque multo est, si ad singula Pyrobolica opera, unam duasvè tantum quarum certus sis, & quas vel ipsimet inveneris, & probaveris, vel ab aliis acceperas, si re ad probandum deficiant sumptus, rationabiliter tamen & fundamentaliter demonstratas, habeas compositiones. At cum hoc capite de compositionibus ad Rochetas omnis generis onerandas necessariis dicendum nobis pro-

posue-

posuerimus, paucula hîc loci monstrare conabimur (præsertim cùm id neminem ex Pyrobolistas ante nos fecisse sciamus) quo nempe modo & proportionem materiæ, compositiones Rochetarum constituentes, alligari debeant: ut ex illarum proba alligatione, cæterisque necessariis observationibus (de quibus sequentibus capitibus dicemus) manantibus fructibus, gaudere possimus.

Ejusmodi compositionum cùm tanta congeries ubique passim apud artis meæ studiosos reperiatur, ut difficulter divinari possit, quæ nam ex illis cæteris meliores probatioresvé sint: ad singulas autem probandas, & temporis & impensarum maxima requiratur copia. Quærebam igitur à pluribus annis modum, per quem in cognitionem bonitatis, cujuslibet compositionis quàm celerrimè pervenire possim: nec priùs ad praxim reduxi quampiam compositionem, quàm Arithmetico accuratiori calculo, & Geometricis demonstrationibus subjecissem, naturalisque philosophiæ regulis stabilissem. Tibi benevole lector (si Pyrobolista es, & sacræ matheseos rudimentis vel paululum imbutus, nec physices penitus ignarus) licitum erit, quas hîc subjungo, mearum compositionum omnem quàm poteris instituere examinationem. Minimè namque vereor, tam in theoria, quàm & praxi te quidpiam reperturum, quod jure merito redarguere possis. Generales itaque primum sciendæ sunt tibi regulæ, per quas, & omnes Rochetarum compositiones ab aliis adinventæ probari, & plures novæ inveniri possunt.

Harum Prima est. *Rochetæ quo majores fuerint, lentiori onerentur materiâ: quo autem minores, fortiori.* Ratio est, quia in corpore cujuspiam magnæ Rochetæ dum igni admoto materia flammam conceperit, plus in uno momento de violenta materia in flammam soluta absument ignis, quàm in minori, per horæ unius prima aut secunda aliquot minuta: idque propterea, quòd in majori rocheta plus habeat spatii in copiosiori quantitate & amplitudine, in uno instanti absumendi comburendique materiam: difficile namque igni omnium elementorum subtilissimo violentissimoque certas præscribere regulas, & in ardendo geometricis mancipare terminis proportionibusque, cùm illi & spatii, & materiæ facilè combustibilis suppetat copia. Inde sequetur necessario, ut violenta materia momentaneam sui causando combustionem, quòd sit melior ignis esca, quàm alia quæpiam lenta, minusque fortis in Rocheta majori reclusa, eandem disruptioni summè obnoxiam reddat: idque vel maxime ex hoc, quòd major frequentia densitasque, & quasi in unum collectio radiorum ignis, ex violenta prognata materia, & major ex majori salisnitri copia in flammam per ignem resoluti, flatuum ventorumque quantitas, dum majorem postulent locum, illico papyraceos aut ligneos rumpunt parietes. In minoribus autem violentam materiam cum per partes duntaxat absumat ignis, minorque ex hoc radiorum quantitas & flatuum rarefaciendorum in uno instanti in parvo spatio procreatorum, data sit igni copia, unde nec disruptionis Rochetæ ullum subest periculum.

Secunda. *Ad Majores Rochetas quæ unam libram vel duas ad summum superant, non alligetur aliis materiis Pulvis pyrius.* Hujus quoque ratio est eadem quæ & superioris, quia Pulvis hic dum elaboratur, necesse habet ut longo tempore tundatur in pilis, unde mirum in modum fortis evadit atque violentus: quòd crebri, & cum magno impetu destinati ictus, plurimum calorem & ignem ipsum generent, salemque nitri optimè cum carbonibus & sulphure uniant, & quasi in igneam convertant substantiam; nocivis absumptis humiditatibus: unde pusilla quædam pulveris pyrii quantitas,

ras, plus habet effectus & virium, quàm Salinitri in multiplici proportionē sumptus.

Tertia denique. *Ad Rochetas Majores, à 100 nempe libris usque ad 1000, sumatur ea quantitas Salisnitri clarificati alligandi, ut ad Sulphur. & Carbones primum æqualitatis, tum deinceps vel superparticularis, vel superpartientis inæqualitatis Geometricæ simplicis, habeat proportionem. A 10 vero libris, usque ad 1 librum, & etiam semis, sit in dupla primum, tum deinceps in tripla, & quadrupla, & partium unius integri aliquotarum ratione. A libræ denique semisi usque ad minimas Rochetas, in multiplici superpartiente, & superparticulari, nempe Sextupla, Septupla, Octupla, Noncupla, Decupla eadem proportionem accipiat Salinitri, cum Pulvere etiam Pyrio. Carbones vero proportionabuntur ad Sulphur vel in sesquialtera, vel in dupla, etiam tripla, & æquali habitudine. Adverto tamen, ita esse augmentandas, vel minuendas tam Salisnitri ad reliquas duas materias, quàm Carbonum ad Sulphur, & vice versa, quantitates, ut si à majoribus Rochetis incœperis, gradatim ascendendo ita Salisnitri augeas quantitatē, & reliquarum duarum materiarum minuas, ut progressionis Arithmeticæ limites non transgrediare. Omnia autem quæcunque ipsemet proprio Marte inveneris, & composueris, quantum tibi erit possibile, & rerum tuarum status patietur, subito ad praxim reduces; ut sic melius errores, si quos forsitan commiseris, appareant tibi, imposteriorum vitandi. Aliorum verò compositiones ad certas Rochetarum magnitudines constructas, facillimè examinabis, si proportionem Geometricas, earumque usum noveris, & juxta Regulas modo à nobis traditas expetere omnia.*

Sed jam accipe nostras compositiones, quas fidelissimè conscripsimus, à libris 100 sumpto initio, usque ad minutissimas Rochetas. Hic quidem ordinatam progressionis Arithmeticæ non servavimus, in Carbonibus cum Sulphure methodum, (quod etiam non adeo requiritur) ut supra præcepimus. Omnes enim istas compositiones prout ipsimet operibus adhibuimus, & probavimus, huc quoque transtulimus. Observatam tamen Generalem nostram primam Regulam in hisce compositionibus invenies, si periculum feceris, & ad calculum reduces.

Compositiones ad Rochetas omnis generis.

Ad 100, 80, & 60 libras.

Salisnitri libris 30, Carbonum libris 20, Sulphuris libris 10.

Hic est proportio salisnitri ad reliquas duas, æqualis: Carbonum verò ad Sulphur, dupla. Eadem compositio absque ullo scrupulo adhiberi potest omnibus aliis Rochetis quæ sunt intermediæ, usque ad libras 60: tutius enim est aliquantulò illis lentiorē dedisse materiam, quamvis violentiorē perferre potuissent: cum felicius in re Pyrobolica peccetur in defectu, quam in excessu: defectus autem additione materiæ violentioris facillimè corrigi poterit, si prius quàm multas confeceris Rochetas & materiā oneraveris, ex unius successu, de aliis admonitus fueris.

Ad 50, 40, 30 ℥.

Salisnitri ℥ 30, Carbonum ℥ 18, Sulphuris ℥ 7.

Hic est Salisnitri ad reliquas duas, proportio fefquiquinta: Carbonum verò ad Sulphur, dupla superpartiens quatuor septimas,

Ad 20, & 18 ℥.

Salisnitri ℥ 42, Carbonum ℥ 26, Sulphuris ℥ 12.

Hic est Salisnitri ad reliquas duas proportio superbipartiens decimas nonas: Carbonum verò ad Sulphur, dupla fefquifexta,

Ad 15, & 12 ℥.

Salisnitri ℥ 32, Carbonum ℥ 16, Sulphuris ℥ 8.

Hic est proportio Salisnitri ad reliquas duas fefquitertia: Carbonum verò ad sulphur dupla.

Ad 10, & 9 ℥.

Salisnitri ℥ 62, Carbonum 20 ℥, Sulphuris ℥ 9.

Hic est proportio Salisnitri ad reliquas duas, dupla superquadripartiens vigesimas nonas: Carbonum verò ad Sulphur, dupla superbipartiens nonas.

Ad 9, 8, & 6 ℥.

Salisnitri ℥ 35, Carbonum ℥ 10, Sulphuris ℥ 5.

Hic est proportio Salisnitri ad reliquas duas, dupla fefquitertia: Carbonum verò ad sulphur, dupla.

Ad 5, & 4 ℥.

Salisnitri ℥ 64, Carbonum ℥ 16, Sulphuris ℥ 8.

Hic est proportio Salisnitri ad reliquas duas, dupla fefquialtera: Carbonum verò ad sulphur, dupla.

Ad 3, & 2 ℥.

Salisnitri ℥ 60, Carbonum ℥ 15, Sulphuris ℥ 2.

Hic est proportio Salisnitri ad reliquas duas, tripla superpartiens novem decimas septimas: Carbonum verò ad Sulphur, septula fefquialtera.

Ad 1 ℥.

Pulveris ℥ 32, Carbonum ℥ 6, Sulphuris ℥ 2.

Hic est proportio Pulveris ad reliquas duas, quadrupla: Carbonum verò ad sulphur, tripla.

Ad 18 Lotones & ℥ 1.

Pulveris ℥ 18, Salisnitri ℥ 8, Carbonum ℥ 4, Sulphuris ℥ 2.

Hic est proportio Pulveris cum Salenitri ad reliquas duas, quadrupla fefquitertia: Carbonum verò ad sulphur, dupla.

Ad 12, & 10 Lotones.

Pulveris Lotones 30, Salisnitri Lot. 24, Carbonum Loton. 8. Sulph. Lot. 3.

Hic est proportio Pulveris cum Salenitri ad reliquas duas, quadrupla superdecupartiens undecimas: Carbonum verò ad sulphur, dupla fefquialtera.

Ad 6, & 4 Lotones.

Pulveris Lot. 24, Salisnitri Lot. 4, Carbonum Lot. 3, Sulphuris Lot. 1.

Hic est proportio Pulveris cum Salenitri ad reliquas duas, septupla: Carbonum verò ad Sulphur, tripla.

Ad

Ad 2, & 1 Lotonem.

Pulveris Lotones 30, Carbonum Latones 4.

Hic est proportio pulveris ad carbones, septupla fesquialtera,

Ad $\frac{1}{2}$, $\frac{1}{3}$, $\frac{1}{4}$, & $\frac{1}{5}$ Lotonis.

Pulveris Lotones 9, vel 10, Carbonum Loto 1, vel $\frac{1}{2}$.

Istę minimę Rochetę, quę vocantur currentes, solo pulvere trito absquę carbonibus onerari possunt. Ictus autem ex alio pulvere granulato optimo imponitur.


CAPVT V.













De Terebratione Rochetarum, & instrumentis eò spectantibus.

Rochetarum terebrationem, seu postquam jam oneratę fuerint, vel in onerando, faciendorum certā altitudine, & latitudine foraminum in duro & compacto materię corpore, novum nē sit, an vetus inventum, nil certi statuere possum. Existimaverim tamen, rem adeo necessariam, & sine qua Rochetę nullatenus in altum rectā tolli possunt, (quod in interiora non sit ignis immissus ut materiā in flammam resolvat, & quod ejus naturę proprium est, illa quę suę ditioni attributa sunt secum anehat abiens ad sedem suam : tubumque propterea Rochetę cum adjunctis tollat pellatque in aērā, dum suppetit circa quod se occupet) veteres Pyrobolistas non latuisse, sed ut summum hac in re secretum altissimo involuisse silentio, & sicco (ut dicitur) pede, dum cętera hanc artem concernentia mysteria panderent, id pręterisse. Omnibus enim quotquot ex antiquioribus Pyrobolistis habere poteram, evolutis scriptis, ne unicum quidē jotta, de terebrandis Rochetis reperi. Id ego sanē minimē miror, cū sciam id etiam nunc sacrosanctē à nostris Pyrobolistis observari (de quo etiā superiori capite jam non nihil attrigi) ut ignium artificialium secreta difficillimē revelent, idque non nisi personis quę in hac scientia professionē facere satagunt : aliis vero, vel prēmii alicujus causa, vel dum ebrii forsan fuerint, cū cętera, tum & hęc faciliē effutiant, & interiora animi faciant palam. Magistri verō dum discipulos suos quos in hac scientia instruxerunt, dimittunt, jure planē jurando obstringant ad non revelanda secreta : & ut non nisi post decursum trium annorum illis licitum sit id docere alios quod ipsimet didicēre ab aliis. Suntque hac in parte persimiles divinę illius (ut vocant) scientię Caballę cultoribus, qui abdita, recondita, & abstrusa, minimēque vulgo nota artis suę mysteria, non nisi viris divino spiritu plenis (ut illi volunt) & ad prophæticum, an pseudo-prophæticum obeundum munus ex utero matris pręordinatis, per tacitissimam certē insusurationem, summa cum dignitate ac reverentiā, colenda & observanda (& quod maximum nefas mortęque piandum,) nemini gentium revelanda communicant & impertiuntur. Nos verō nec prēmii, nec alicujus alterius respectus casā, non gratis accepta, gratis damus : & remoto labiis digito, ut publico inserviamus commodo, ad severas minitantiū Pyrobolistarum intrepidi objurgationes, liberrimē pronunciamus terebrandas esse omninō Rochetas, idq; ad altitudinem duarum tertiarum materię in Rocheta existentis, minūs unā diametro interioris vacui ejusdem. Latitudo terebrationis infernē ad collum rochetę, sit $\frac{1}{2}$ diametri formę : supernē verō in conoideam acuminetur figuram, ita tamen, ut sit $\frac{1}{2}$ latitudinis inferioris superior latitudo

tudo: hæc enim forma receptaculi, radiis igneis perquam commoda & congrua est: faciliorque depascendi materiam quaquaversum potestas, & quod sequitur, major tollendæ rochetæ vis. Instrumenta quibus hæc foramina fiunt, sunt duplicia, terebræ nempe ferreæ alveolatæ & concavæ, acus etiam ferreæ, vel cupreæ teretes, conoidem, vel metam referentes. Terebrarum ejusmodi sunt figuræ sub N°. 46, notatæ literis A B C D E. Prima sub A, est ad Rochetas 2 ff : est illius altitudo B C, duæ tertiæ altitudinis Rochetæ, minus unâ diametro interioris vacui; mensuræ initio sumpto ab illo puncto, à quo materia in Rocheta incipit (ad collum nempe) usque ad aliud ubi definit eadem. Ut in figura N°. 48, à P, in I, divisâ altitudine Rochetæ in tres partes, incident; in G: à G verò sumptâ N O, interioris vacui Rochetæ diameter, & deorsum posita in F, dabit altitudinem foraminis P F: duas nimirum tertias altitudinis Rochetæ, minus unâ diametro interioris vacui: latitudo vero E F, est ex duabus octavis diametri M B. Latitudo superna ejusdem terebræ ad C, est; inferioris D E: In Figura Secunda sub B, est Terebra ad Rochetas 12 lotonum, sub C, ad 8 lotones, sub D ad 6, sub E, denique ad duos lotones: Proportio autem longitudinis, & latitudinis istarum, eadem est quæ & superioris sub A. In eadem figura prima, sunt quoque & aliæ terebræ ad minores Rochetas terebrandas, usque ad libram semis, suis numeris notatæ: fecimus autem istas divisiones secundum rationem cubicam: subdividendo nempe rectam B C (quæ est longitudo terebræ 2. ff) in partes alias cubicè proportionales, ut pote subduplam, quæ est 1 ff ; subquadruplam, quæ est libræ semis, seu lotonum 16; & alias intermedias. Quamquam possent plures ad huc minores terebræ eodem modo annotari in una majori 2 ff , sed fecimus id eam ob causam, quòd latitudines superiores minorum terebrarum essent nimium improporcionatæ ad latitudines infimas: aut omninò majoris superna latitudo ita esset imminuenda, ut ad unius, vel duorum lotonum Rochetas terebrandas esset apta; at ipsamet nimium contraheretur. Fiet itaque multo melius, si minorum Rochetarum terebræ sigillatim parentur: habebunt enim ita suas proportionatas latitudines tam superiores quàm inferiores. Terebræ ejusmodi indigent quoque manubriis, ut commodius tractentur: ex quibus unum in eadem figura apponimus sub Litera F: aliud verò da caput girabile in figura 57, sub litera D. Eadem terebræ possunt quoque in mamphure, seu ligno loro circumvoluto, quod circumagunt torniones operibus tornandis, firmari, & admotas Rochetas terebrare. At & machina cujus figuram sub N°. 47 depinximus, eidem operi erit apta satis: si primum Rochetam parallelepipedo ligneo bipartito, seu composito ex duobus semiparallelepipedis, per medium longitudinis ab una parte in medio striatis, vel canellatis, incluseris, ut apparet ad A & B: ipsumque parallelepipedum in machinæ medium inditum cochleis ligneis quatuor, binis ab utraque machinæ parte, scilicet in F, & E, firmaveris ne vacillet: tum terebrâ C, in manubrium D infertâ, & manubrii capite in pectus adactò, terebrâque circumactâ, commodissimè terebrabis Rochetam. Alio quoque modo ut jam dictum fiunt eadem foramina in Rochetis: si nimirum super acubus ferreis vel cupreis onerentur pistillis foraminosis. Istarum longitudinis, & latitudinis eandem statuimus proportionem, cujus erant terebræ: ut nempe habeant longitudinem; altitudinis materiæ in Rocheta, minus 1 diametro interioris vacui ejusdem. Ejusmodi acus est figura N°. 23: cujus longitudo est M L, latitudo verò G H. Posuimus quidem ejusdem acus aliam proportionem in latitudine tam

fu-





superiori, quàm inferiori, in figura N°. 20. Ubi latitudo O P, est; diametri C D: superior verò ad Q, est O P inferioris semissis. Fecimus id propterea, quòd apud quosdam Pyrobolistas, hanc proportionem observaverimus: quam non improbamus, sed effectum non vidimus unquam Rochetarum super ejusmodi acubus oneratarum. Hoc tantum addo, non semper æqualia fieri debere foramina, tam in latitudine, quàm in altitudine: nec nostras observationes, apud eos qui plures compositiones uni eidemque Rochetæ adhibent, quarum materiæ in varia proportionem sunt sibi alligatæ, fore ubique & semper generales auguramur. Namque quò compositiones fuerint violentiores, eò angustioribus & brevioribus Rochetæ opus habent foraminibus. Quò verò lentiores, latiora & altiora terebranda in illis sunt foramina. Hujus rei ratio in promptu est, ut & superiori capite diximus. Quòd materia violenta, celerius faciliusque comburitur quàm lenta: ac eam ob rem materia violenta si latum nimis habuerit foramen per quod intra suum corpus admittat ignem, ut propria vi, illo tamen mediante tollatur in altum, exuretur velocissimè: cum ignis plus habeat loci in lato quam angusto foramine, in quo suam exeret vim: brevissimo quoque tempore, & planè unius momenti spatio, omnem materiam apprehendens, & in flammam convertens, vel Rochetam disrumpi faciet, ob violentis materiæ exhalationem, radiosque igneos plurimos densatos: vel fulguris modo in conspectu astantium vibratam, inque aëra altissimè sublatam, celerrimè consumeret. Sed minores Rochetæ ob materiæ exiguam quantitatem ab hocce periculo securissimæ sunt: in majoribus verò summa adhibenda diligentia, ut vel materiæ sumantur magnitudini Rochetæ congruæ, vel foramina ad materias proportionata construantur, terebrenturque; aliter enim omnis labor & impensæ vanæ futuræ sunt. Hæc sunt benevole lector quæ tantoperè veteres celarant Pyrotechnici: & jure quasi hæreditario ad præsentem quoque artis meæ cultores hæc plenissima impii liveris atque zelotypiæ contagio devoluta est: dum arbitrantur id se jam perdituros, aut vel bonæ existimationis, vel fortunarum jacturam aliquam ex eo perpeffuros, si portionem horum aliquotam, quæ secreti venerantur nomine, philomatis impertiantur, atque communicent. Immemores, aut ignari forsitan illius quod quotidiana comprobatur experientia. Accensæ lampadi si mille admoveas inaccensas, ut ab ea capiant lumen, nil de suo amittere oleo, radiisque quibus clarè lucet, minimè omnium spoliabitur. Nos tamen, id quod latere non meruit, candido aperuimus pectore. Præsentimus quidem apud hos puerilium planè nugatum (quæ omnis inscitiæ soboles alumnæque sunt pertinaciæ atque supinitatis) commentatores, suppressoresque inurbanos, plus quàm Vatinianum nos ob id inituros odium. At spernet generosus animus hæc inconditas palustrium ranarum coaxationes, & in aurem utramque perquam securè dormiet; illius non immemor.

Principibus placuisse viris vel maxime sat est.

Sed sufficiant hæc illis impræsentiarum: nos autem jam ad constructionem Rochetarum, ipsamque manualementem praxim descendamus.

CAPVT VI.

De Rochetis in altum scandentibus cum perticis.

Species 1.

Rochetæ sub N° 48, (quam nos finximus 1^a) tota altitudo est A B, 7 diametrorum orificii, ut & altitudo formæ illius: at primum dum ad collum ligatur, decedit huic altitudini pro collo L M, diametri, ut in A B, recta B D: item pro contractione, & striis usque in P, tum

O 3

tum

tum denique dum supremâ parte ligatur, decedit rursus huic altitudini; diametri, ut est in K I, & A C: remanet itaque spatium pro materia, tantum ad altitudinem diametrorum 5 cum; ut hic est P I, vel C R. Hæc jam altitudo trisecetur in punctis S, & G: atque oneretur materiâ ex supra datis convenienti aliquâ, à P, usque in G, id est ad; altitudinis P I: postea imponatur orbiculus papyraceus G: vel quod melius est, & majoribus Rochetis maximè convenit, ligneus striatus, qualem depinximus in figura N° 43: hic calido glutine quàm optimè in tubo Rochetæ firmandus: & si Rochetæ tubus papyraceus fuerit, ligetur eo in loco filo firmo & benè torto, ubi canalis vel stria est, ita ut filum in cavo striæ simetur, ut ad Q, apparet. Sin autem Rochetæ tubus ex ligno fuerit, tum non jam striatus sit orbis, at simpliciter rotundus, & planus: cujus altitudo sit ex; diametri Rochetæ. Hic in cavo Rochetæ claviculis ferreis aut ligneis ab extra impactis, & calido glutine superinfuso, solidetur firmiter; quod probè tenendum est: vidimus enim sæpe Rochetarum majorum tubos, dum incensi fuissent vacuos super clavo pependisse: materiam verò (quod nullum firmum desuper haberet obicem) vi ignis expulsam in aëre conflagrasse. Minores tamen Rochetæ quæ supernè ligantur, sunt extra hoc periculum. Foramen accensorium in orbiculo vel unum latitudine; diametri rochetæ est, vel plura fiunt, dum super orbiculum vel rochetæ currentes parvæ, vel alia quæpiam Pyrobolica inventa (de quibus infra) ponuntur. Super orbem reliquum Rochetæ vacuum repletur pulvere granulato optimo: qui ita comprimendus est, ut grana servet, nec in farinam redigatur; amitteret enim vim. Denique in suprema parte ligatur: ac postea terebratur ex P in E: quæ altitudo est; longitudinis Rochetæ minus 1 diametro interioris vacui ejusdem, nempe N O: quæ ex G, in E posita, dat residuum E P, altitudinem foramis terebrandi.

Species 2.

Sumatur tubus Rochetæ habentis in orificio diametrum plumbei globi 10 totorum. Altitudo illius sit 4 diametrorum &;. Oneretur materiâ convenienti ad altitudinem 3 diametrorum interni vacui Rochetæ: terebretur postea ad altitudinem 2 diametrorum ejusdem vacui. Materiæ superimponatur orbis ligneus, vel papyraceus, cujus crassities, & foramen accensorium sit ex; diametri interioris vacui. Orbi superinfundatur pulvis minutissimè granulatus ad altitudinem 1 diametri & interioris vacui: reliquum firmissimè ligetur. Forma hujus Rochetæ est in figura N° 49 sub Litera A. Rursus sumatur alterius Rochetæ tubus, cujus diameter orificii sit 24 totorum plumbei, longitudine 5 diametrorum suæ formæ: hic onerandus materiâ aptâ ad altitudinem 1 diametri & interioris vacui: terebrandus verò ad altitudinem 1 diametri, & ejusdem vacui, ita, ut foramini ad; diametri non terebratæ materiæ superextet. Super materiam ponatur orbis, ejusdem proportionis ut jam dictum: orbi verò pulvis granulatus altitudine; diametri Rochetæ. Denique huic super imponatur Rocheta nunc præparata, quæ glutine calido in vacuo Rochetæ hujus firmanda optimè. Istius quoque cûm prima illi imposita, reperies formam in eadem figura sub litera B. Denique sumatur tertiæ rochetæ 2^{us} tubus, cujus altitudo, ad latitudinem orificii, proportionem eam habeat, quam capite 2 hujus docuimus. Hunc onerabis materiâ convenienti ad altitudinem duorum diametrorum & interioris vacui. Materiæ impones orbem ligneum, cujus altitudo & foramen accensorium sit ex; diametri formæ. Orbi Pulverem granu-

granulatum superaffundes, ad altitudinem 1 diametri interioris vacui. Huic denique Rochetam B, cui altera inclusa est, inditam in vacuum hujus tertiæ Rochetæ, glutine calido solidabis: ac desuper turbine F papyraceo, aut ligneo conteges. Hujus tertiæ Rochetæ forma est in eadem figura sub Litera E.

Observe 1. Duarum primarum Rochetarum cameræ accensoriæ, vel colla non sint altiora quàm; diametri. 2. Possunt aliæ quoque majores, minoresvê 3 Rochetæ sumi, ut una alteri imponatur. Sed id observandum moneo, ita illas minores duas decurtandas, ut tertia major ne minimum quidem de sua altitudine perdat. Nec eædem eam habeant altitudinem; ut super tertiam majorem aliquantùm emineant: duæ verò priores ita crassæ sint, ut exactè prima secundæ, & secunda cum prima tertiæ, includi possint. Foramina accensoria quòd hîc loci sint extra proportionem à nobis traditam, parum refert, cùm latitudo proportionata sit: & in hoc passu tertia major Rocheta oneranda est paululo remissiori materiâ quàm ejus magnitudo requirit: reliquæ verò duæ id tantùm opus habent, ut à tertia sublevantur: & ut obliquè duntaxat in hanc & illam partem, (cum perpendiculariter ascendere non possint, quod contrapondiis careant; de quibus ad calcem hujus capitis) per aëra cursitando suos faciant effectus.

Species 3.

Sumatur aliqua magna Rocheta, duarum nempe, 6, 8, etiam 10, & 20: & compositione convenienti oneretur: terebreturque solito more, ut in prima Rochetarum specie docuimus. Orbiculo compositioni imposito, pulveris minutissimè triti, cum æqualibus portionibus granulati permixti, super orbiculum (qui foraminibus aliquot laceffit; qualis est sub litera A) inspergatur aliquantulum. Reliquum deinde Rochetæ vacuum repleatur Rochetis currentibus, tot quot illud vacuū capere poterit: in medio tamen istarum maneat spatium pro tubo ligneo, cujus figura est sub N°. 54. Hic, hoc sequenti modo parandus. Sumatur excavatus ligneus cylinder ejus altitudinis ut vacuo Rochetæ æqualis sit; quanquam & ad interiorem summitatem turbine attingere potest. Crassities ligni A B sit; diametri A C. Fundus F G, sit crassus; diametri: cui aptetur pondus aliquod; ut hîc globus plumbeus. Oneretur autem iste tubus hac sequenti methodo. Primum infundatur pulvis granulatus ad altitudinem; diametri; huic globulus lucens; (cujus constructionem sequentis libri 3 capite addisces) globulo compositio lenta litera O notata; compositioni rursus imponatur pulvis granulatus, ad altitudinem eandem ut prius; deinde Globulus lucens; denique compositio lenta: id autem eò usque iteretur ponendo stratum super stratum, quoad tubus fiat plenus. Compositiones lentas dabimus libro de machinis variis Pyrotechniciis: ubi etiam ejusmodi tubum cum aliis sufficientius describemus. Hoc itaque modo ut diximus oneratus tubus filis, quoque ferreis vel lineis, aut canabinis, & glutine calido, majoris securitatis gratia, ne pulveris violentiâ disrumpatur, circumdatus & firmatus, in medio Rochetarum, orificio A C, versùs orbem ligneum & pulverem inspersum, statuatur. His omnibus ritè peractis, orificium Rochetæ turbine papyraceo aut ligneo, (si Rochetæ quoque lignea fuerit) contegatur. Vide Figuram N° 50.

Species 4.

Hæc Specis Rochetarum scandentium parum ab illa superiori discriminis habet, nisi quòd minorum Rochetarum loco quæ in vacuum illius inditæ sunt,

sunt, huius scintillæ, & stellulæ, (quarum constructionem sequentis libri c. 2. dabimus) pulvere granulato & trito permixtæ, imponantur. Reliqua omnia eodem plana modo fient, ut in prioribus dictum est. Vide Figuram N°. 51.

Species 5.

Oneretur aliquâ compositione aptâ, Rocheta cujuslibet magnitudinis, ad altitudinem 2 diametrorum & $\frac{1}{2}$ sui orificii. Tum imponatur orbiculus ligneus crassitie $\frac{1}{2}$: orbiculo autem pulvis granulatus ad altitudinem $\frac{1}{2}$ diametri. Iterum pulveri compositio, ad altitudinem $\frac{1}{2}$ diametri. Compositioni orbiculus; orbiculo rursus compositio; huic denique pulvis ad eandem altitudinem ut antea. Repetatur idem processus ad sufficientem usque Rochetæ impletionem: reliquum autem supernè firmissimè ligetur. Postea terebretur Rocheta ad altitudinem duorum diametrorum & $\frac{1}{2}$ sui orificii. Vide Figuram 52.

Species 6.

Primùm oneranda est Rocheta aliqua more solito, & terebranda non dispari ratione ut primæ speciei Rocheta terebrata est. Parentur deinde aliquot tubuli ex ligno sicco & levi, in ea forma ut est sub litera B, in figura N° 53, vel ex papyro conglomerata, ut tubi Rochetarum fiunt, infernè ligati. Istos tubos in exteriori Rochetæ superficie, quotquot volueris in cochleæ formâ agglutinabis, & filis alligabis: formam autem lineæ spiralis filo circumvoluto Rochetæ, designabis; ut apparet ad literam D. In vacua ejusmodi tuborum imponantur rochetæ currentes: ac foramina accensoria usque ad compositionem Rochetæ majoris, per tubum & Rochetam, acu ferreâ terebrentur, & pulvere trito repleantur. Ictus ex Pulvere granulato majori Rochetæ abesse poterit, sed illius locum occupent aliquot ictus ferrei, quorum pars suprema pulvere fortissimo replenda, infima verò eadem compositione, quâ & ipsa Rocheta onerata est. Desuper tandem inter ictus ferreos, poni potest granata plumbea vel stannea, etiam forti pulvere granulato referta. In eadem Figura sub Litera A, est tubulus papyraceus cum sibi indita corrente Rocheta, ad meliorem dictorum telligentiam depictus.

Species 7.

Impleas Rochetam compositione convenienti ad altitudinem 2 diametrorum interioris vacui: sumptâque acu ferreâ, fac foramen in compositione altitudine 1 diametri, latitudine vero $\frac{1}{2}$. Illud postea contegas papyro tenui: ne dum ulteriorem in onerando instituis progressum, materia superfusa foramen quoque impleat. In sequenti Rochetæ onerandæ processu quoad repleatur, non absimilis modo dictis, ordo & ratio: imponenda videlicet semper materia ad altitudinem 2 diametrorum, & ad altitudinem 1 diametri foramen faciendum. Vide Figuram N°. 54.

Species 8.

Omnes circumstantiæ quæ in Specie 1, 4, & 6, tam in onerando, quàm terebrando observatæ sunt, hîc quoque observentur. Constructæ verò jam ut par est Rochetæ ad exteriorem illius superficiem affigantur ictus papyracei, A, tot quot libulerit: eâque ponantur distantia unus ab alio, ut maximè congruum videbitur. Foramina accensoria tam in ictibus, quàm & Rocheta, pulvere trito repleantur. Videatur Figura sub N°. 55.

Spe.

Fig. 48.




Fig. 49.




Fig. 50.




Fig. 51.




Fig. 52.




Fig. 53.




Fig. 55.




Fig. 56.




Fig. 57.




Fig. 58.





Fig. 59.



Species 9.

Hæc nona Rochetarum species, sequenti paratur viâ. Onerabis primum Rochetam aptâ materiâ ad altitudinem 2 & $\frac{1}{2}$ diametri. Terebrabis quoque ad altitudinem 2 diametrorum & $\frac{1}{2}$; compositioni impones orbem ligneum foraminosum, & pulverem granulatum ad altitudinem $\frac{1}{2}$ diametri interioris vacui Rochetæ, superinfundes; pulveri compositionem injicies ad altitudinem $\frac{1}{2}$ ejusdem diametri. Sumpto deinde filo, fortissimè ligabis Rochetam super impositam compositionem, parvulo duntaxat relicto foraminulo accensorio in medio contractionis tubi Rochetæ. Rursus in fundes compositionem ad altitudinem $\frac{1}{2}$; & compositioni pulverem granulatum ad altitudinem $\frac{1}{2}$; denique huic compositionem rursus ad eandem altitudinem ut ante. Tum quoque & hîc secundò ligabis Rochetam. Postremum operaberis non absimili methodo, donec Rochetam impleas. Vide Figuram sub Num: 57.

Species 10.

Nihil hîc ejusmodi habet hæc Rochetarum species, quo multum ab aliis differat. Oneratur enim & terebratur eo planè modo, quo 1, 4, & 6 speciei Rochetæ oneratæ sunt, & terebratæ. Tantùm super ictum pulveris granulati, habet impositum globum ligneum oblongum excavatum sub litera A, materiâ, vel aqueâ (cujus compositionem sequenti libro dabimus) vel aliâ quâpiam violentâ repletum. Hic prius supernè accendendus est, antequam inferiùs cameræ accensoriæ Rochetæ fomitem admoveas. Duplicem in aère spectabis ignem: Rochetam quidem ob longos vibrantes radios humum versùs, hunc verò latissimam per aëra ignitam spargentem pluviam. Vide Figuram 58.

Species 11.

Sumantur 7 minores rochetæ, utpote, 2, 3, 4, pluriumvè unciarum, jam materiâ more solito oneratæ & terebratæ: & unâ crassioribus filis firmissimè ligentur, ut unum solidum constituent corpus. Deinde contegantur papyro conglomeratâ & conglutinata cylindri in modum, & supernè turbine (ut ad A apparet) contegantur. Alliganda quoque & pertica (de quarum constructione & proportionem jam dicturi sumus) ita tamen, ut sub cylindro papyraceo quo Rochetæ tectæ sunt, pars illius superior lateat. Vide Figuram Num: 59.

N O T A. Istæ omnes supra positæ Rochetarum species, opus habent periculis ligneis, quibus alligandæ sunt: ut contrapondium habeant, cujus auxilio rectâ in aëra volent. Istæ parari solent ex lignis levibus & siccis, cujusmodi est pinus, & abies, vel tilia. Longitudinem ad Rochetas habeant in proportionem septupla, vel octupla ad summum. Latiores & crassiores eâ parte sint quâ Rochetis alligantur; ab hinc autem ad infimum usque punctum, sensim in latitudine & crassitie imminutæ in pyramidem acutissimam definant. Id autem vel maximè observandum, ut ubi Rochetis alligatæ fuerint, sint illis equiponderantes; idque eâ ratione, ut si à camera accensoria Rochetæ, duos digitos versùs infimam partem recedas, aciemque cultri in eo loco, vel digitum subponas, in æquilibrio & horizonti parallelè Rocheta cum pertica sibi alligata consistat: nec sursum versum deorsumvè nutet. Sin verò pertica præponderet, crassities illius rucinâ minuenda erit, donec Rochetæ fiat æquilibris. Formam Rochetæ

P

per-

perticæ alligatæ, vide in Fig. Num. 60. Longitudinis hujus Perticarum ad Rochetas inveniendæ, habet aliam methodum Brechtelius cap. 9 partis secundæ suæ Pyrotechniæ, hunc in modum. Numero digitorum longitudinis Rochetæ adjice unum, aggregatum duc in longitudinem Rochetæ, habebis longitudinem perticæ. Ut si Rochetæ longa sit 8 digitos, addito 1, fient 9: ductis verò 9 in 8, altitudinem nempe vel longitudinem Rochetæ, conflabitur numerus 72. Tot digitos igitur longam perticam alligabis tuæ Rochetæ.

CAPVT V.

De Rochetis absque Perticis in altum scandentibus.

Species 1.

Rochetæ alicui parvæ, utpote 8, 10, vel 16, aut 18 Lotonum, oneratæ & terebratæ ut moris est, adaptentur 4 pinnae, ad libramen velut sagittis, (istæ literâ A in fig. N. 61 notantur) ex ligno leviori, stilia nempe, aut papyro crassâ conglutinata factæ, in crucis formam dispositæ. Longitudo illarum sit ex; longitudinis Rochetæ: latitudo verò, seu basis infima, sit ex; ejusdem longitudinis Rochetæ. Crassities ad libitum sumenda: tamen, vel $\frac{1}{2}$ diametri orificii Rochetæ esse poterit.

Machinulam ligneam cum 4 perticis, & suo manubrio, cui Rocheta jam præparata ad acendendum imponitur, hîc depictam à latere ponere placuit. Hæc nullâ indiget elucidatione, cum ex ejus figura facillimè omnia intelligi queant. In medio orbis est camera cui pulvis tritus imponitur, cum suo canali ad accendendum; ut apparet sub Litera A, in schemate sub N°. 63.

Species 2.

Hæc species non alia re ab illa superiori differt, nisi quod pinnae quodammodo dispares sint, nec tribus plures hîc opus habeantur; ejusdem crassitie ut & illæ superiores; in longitudine tamen & latitudine ab illis multum discrepant. Erunt nempe hîc æquales longitudini Rochetæ: eâ tamen alligantur ratione, ut ad longitudinem unius diametri, inferius, cameram versùs Rochetæ accensoriam, promineant, & à parte ejus suprema unâ quoque diametro distent. Pro latitudine habebunt semidiametrum orificii Rochetæ, ut in figura est A B. Ad acendendum illi quoque superiori machinulæ Rocheta hoc modo præparata commodè imponetur. Vide Fig: N°. 62.

Species 3.

Constructæ more solito Rochetæ cujuslibet magnitudinis, adaptetur propè cameram ejus accensoriam, in ferreo filo globulus ferreus, magnitudine orificio Rochetæ æqualis. Filum in formam cochleæ seu terebræ convolvatur: sitq; justæ longitudinis, ut si extendatur aliquantum, globulus ferreus cum Rocheta æquilibrium habeat; eo modo, ut supra de perticis ligneis dictum est. Vide Figuram N°. 64.

Species 4.

Postquam Rochetam aliquam parvam (ut scis) oneraveris, orbiculum & pul-

& pulverum granulatum imposueris, ad altitudinem unius diametri, reliquum vacui Rochetæ spatium repleas ramentis plumbeis: quorum eâ tamen sit quantitates, ut pondus eorum sit duplum ponderis tubi papyracei Rochetæ. Vide Fig. Num 65.

CAPVT VIII.

De Rochecis Aquaticis, seu in aquis natando ardentibus.

Species 1.

Rocheta duorum triumvè lotonum, repletur materiâ congruâ, ad eam altitudinem ut fieri solet in Rochetis communibus onerandis: tum & orbis cum pulvere granulato inditur; terebratur quoque ad altitudinis materiæ in Rocheta existentis. Paratur postea cylinder papyraceus cum duobus orbiculis ligneis, vel etiam papyraceis, in medio perforatis. Altitudo cylindri est semissis altitudinis Rochetæ. Foramina in utroque orbiculo, ejus sunt latitudinis, ut Rocheta commodè in cylindrum imponi queat. Denique tota cum cylindro Rochetæ optimæ firmato in ceram, vel picem liquefactam immergitur; & accensa projicitur in aquam. Vide Fig. N. 66.

Species 2 & 3.

Hæc duæ Rochetarum aquaticarum species, priori simillimæ sunt, tum magnitudine, tum onerandi, & terebrandi modo; aliisque circumstantiis. Prima tantum ex illis sub Num. 67, includitur tota usque ad collum cono papyraceo; cujus orbis seu basis, vel supernè, (ut nunc est in figura) vel infernè ad collum Rochetæ firmatur. Secunda verò sub Num. 68, inditur vesicæ inflatæ, quæ non immergitur in ceram, aut picem liquefactam, ut omnes cæteræ aquaticæ Rochetæ, sed illinitur duntaxat linimento composito ex partibus 4 Olei lini, partibus 2 Boli Armeni, parte 1 Aluminis plumosi, cineris parte 1.

Species 4.

Rocheta sub Num. 69 non dispari, ac planè eodem modo præparata est, ut & illa nonæ speciei Rochetarum scandentium supra cap. 7 descripta. Hoc tantum ab illa discrepat, quòd non terebretur, & foramen accensorium strictissimum habeat, ut & aliæ majores Rochetæ aquaticæ: istæ enim, non currendo super aquis, sed in uno loco ardendo consumi debent. Etiam pondus ista Rocheta habet infernè alligatum ad literam A. Immergitur quoque in ceram, aut picem liquefactam, ut & aliæ subsequentes.

Species 5.

Rocheta sub Num. 70 non aliter quoque elaboratur, quàm & illa speciei tertiæ Rochetarum scandentium cap. 7 hujus descripta. Orbem tamen, scintillas, & stellulas pulvere granulato & trito permixtas, à materia Rochetæ disgregantem, non foraminosum, sed solidum habet. Adjacet illi quoque canalus ferreus, aut ligneus à latere sub litera B: aliique

duo minores C D, & F E, pulvere trito referti: per quos ignis dum exusta materiâ ad orbem ligneum pervenerit, delatus usque ad scintillas, pulverem inter illas disseminatum, accendere possit: ejusque vi, scintillæ, cum stellulis, evolent in aëra. Pondus hujus quoque Rochetæ notatur literâ A.

Species 6.

Rocheta sub N^o. 71, similis quoque est illi Rochetarum speciei 6, capitis 7: nam & hic tubi papyracei majores, literâ E, cum Rochetis illis impositis B, & minores D, cum Rochetis minoribus C, Rochetæ maximæ A, affiguntur: ut per canales H, ignis ex Rocheta majori ad tubos laterales veniens, pulverem Rochetis subpositum accendat, & Rochetas ejiciat. Hæc Rocheta contegitur desuper, etiam cum tubis annexis papyro crassiori, ut ad G videre est, & in ceram immergitur tota: pondusque F, in parte infima alligatur, ut perpendiculariter in aqua natando ardeat.

Species 7.

Rocheta sub N^o. 72, eadem prorsus est, quæ & capite superiori in specie 4 descripta est. Tantum hæc non terebratur: (ut jam dictum) & in ceram immersa, in aquis ardet.

CAPVT IX.

De Rochetis super funibus currentibus.

Species 1.

Aliquot Unciarum Rocheta materiâ convenienti onerata & terebrata; tubulo ligneo, vel duobus annulis ferreis alligatur, & ad currentum super funem accommodatur. Sed hæc dum accensa fuerit ad locum destinatum perveniens, & tota exusta, ad eum locum ex quo venerat non amplius redit, verum disrupta manet: sequentes verò sunt artificialiores. Hujus figuram invenies sub N^o. 73.

Species 2.

Oneratur aliqua rocheta ejusdem planè magnitudinis in orificio ut & illa prior (sed multò longior) ad altitudinem 4 diametrorum: & ad altitudinem 3 & $\frac{1}{2}$ terebratur. Compositioni imponitur orbiculus absque ullo foramine in medio, qui vacuo Rochetæ glutine calido, & stuppis glutine quoque illitis ita solidatur, ut dum ignis ad illum pervenerit nullam inveniat rimulum, per quam materiam illi superpositam accendere possit. Oneratur deinde super orbiculum reliquum Rochetæ, ad altitudinem quoque 4 diametrorum, & ad altitudinem 3 & $\frac{1}{2}$ terebratur. Denique ligatur supernè Rocheta, & camera accensoria cum suo foramine fit eò plane modo, ut & in parte infima: vel orbis imponitur foraminosus, ut hic sub litera A, pileolo sub eadem litera contegendus. Post hæc, applicatur à latere canaliculus ex tenui ferrea lamina factus, & pulvere trito repletus: ac Rocheta acu ferrea terebratur propriè orbiculum: & huic foraminulo parum triti pulveris inspergitur; atque hunc in modum peraguntur omnia, ut per hoc foramen, & per canalem, ignis ad alteram cameram accensoriam delatus, ab altera parte Rochetam accendat: quæ hoc modo ad eundem locum
ex



Fig. 60. Fig. 61.




Fig. 62.




Fig. 63.




Fig. 64.




Fig. 65.




Fig. 66.




Fig. 67.




Fig. 68.




Fig. 70.




Fig. 71.




Fig. 72.




Fig. 73.



Fig. 74.



Fig. 75.



Fig. 75.




Fig. 69.



H

ex quo prius acensa venerat, rursus redibit. Notandum, quòd superior camera accensoria, & canaliculus papyro contegendi sunt: Rochetæ quoque tubus ligneus, vel annuli duo ad funem inducendum, alligandi Possunt quoque aliquot externi ictus huic Rochetæ applicari. Hujus figura est sub N^o. 74.

Species 3. & 4.

Sumantur duæ æqualis magnitudinis Rochetæ juxta modum primum hujus constructæ, unàque colligentur filis lineis vel canabinis. Camerae illarum accensoriæ in partes contrarias disponantur, ita, ut cum in prima acensa & exusta fuerit, per illius orificium ad alterius camera ignis perveniens, retrò propellat utramque. Ille verò locus ubi una alteram acendere debet, id est, suprema unius pars, alterius verò accensoria camera, pileo papyraceo sub litera A, contegatur: & spatium inane lentâ materiâ repleatur. Denique tubus vel fistula lignea aptetur. Vide figuras sub numeris 75, & 76. Sed in hac posteriori figura cuneus quidam ligneus striatus ab utraque parte Rochetas dividit, quod hanc ob rem factum est, ne, si forsân una Rocheta ardendo rumpatur, altera quoque ex vicinitate damnum aliquod patiatur.

Nota. Istius generis Rochetæ ut plurimum adhibentur incendendis de super machinis Pyrobolicis recreativis. Aliquando illis etiam dracones volantes (de quibus libro de machinis Pyrobolicis sermo nobis erit) & columbæ super imponuntur & alligantur.

Sub numeris, 77, 78, & 79, sunt machinæ, super quibus appenduntur Rochetæ in altum scandentes, dum acendendæ sunt, & in aëra mittendæ.

CAPVT X.

De variis Rochetarum vitiis, quomodo illa vitanda, & quid observandum ut ritè construantur.

Primum, ac primarium Rochetarum vitium est, cum vel eodem momento dum incensæ fuerint, vel ad altitudinem unius duarumvè, aut trium perticarum in aërem sublata, disrumpuntur.

Huic vicinum alterum est, dum super clavo suspensæ exuruntur lenissimè, & humi remanent.

Tertium, cum in aëre iride quadam, aut circulari arcu descripto: & non dum totâ exustâ materiâ, ad terram redeunt.

Quartum, cum spiraliter & intortè, heliciis aut terebræ in modum, & tremulè ascendunt.

Quintum, cum languidè & segniter nimis, ac quasi quodammodo dignantes recusantesque in superiora ascensum, feruntur.

Sextum denique, cum tubi Rochetarum vacui super clavis remanent: materia verò conflagrat in aëre.

Sunt præterea & alia plurima Rochetarum vitia, quæ hîc recensere longum esset: sed ab hisce præcipuis facile cavebimus: & si quando peccare contigerit, subito corrigemus, castigabimusque errores; si subsequentes regulas probè tenuerimus.

**Regulæ juxta quas Rochetæ construi debent non
vitiosæ,**

1. Formæ Rochetarum proportionatam ad latitudinem orificii habeant altitudinem, ut jam docuimus.
2. Tubi vel lignei, vel papyracei Rochetarum, non sint tenues, nec crassi nimis.
3. Papyrus fortis, dura, & mediocriter sicca, arctissimèque contorta, & in tubum collecta sit super embolo.
4. Collum firmiter ligetur: nec facilè nodi ligamentorum, & contracturæ striarum laxentur, quam ob causam glutine calido illinatur.
5. Materiæ omnes compositionem constituentes, quàm diligentissimè juxta proportionem orificii Rochetæ onerandæ, ponderatæ: tum primùm seorsivè singulæ terantur, & cribellentur; postea rursus ponderatæ, & in unam massam additæ, optimè incorporentur; rursusque terantur, & cribro arctiori quàm antea succernantur.
6. Salnitri, & Sulphur quàm optimè sint purificati & clarificati; Carbones verò benè usti; nec madidi; atque ex dulcibus levibusque lignis, ut sunt tilia, corylus, & salicis virgulta. Maximè verò cavendum à betulneis quercis, lariceis, sorbeisque carbonibus: quod arbores istæ plurimum terrestris & ponderosæ in se contineant materiæ.
7. Componantur partæ pro Rechetis, immediatè dum onerari debent.
8. Cùm oneratur Rocheta, compositio nec sit sicca, nec humida nimis; sed paululum pinguedine aliquâ, aut vino adusto respersa.
9. Proportionata quantitas compositionis pro una infusione & compressione fumatur: & semper in æquali mensura, donec Rocheta impleatur.
10. Pistillum directissimè & perpendiculariter insistendo, comprimat materiam.
11. Mallei pondus proportionatum ad Rochetæ magnitudinem, æqualibus viribus, & æquali ictuum numero semper adigatur, ad singulas materiæ in Rochetam infusiones.
12. Orbis super compositionem ligneus, striatus ad papyraceas; ad ligneas verò simplex, firmissimè ab intra & ab extra in Rocheta solidetur.
13. Terebretur Rocheta terebrâ convenienti, ut foramen nec latum, nec angustum, nec longum, nec breve sit nimis.
14. Idem foramen directissimè fiat; & in medio compositionis, nec ad unam magis, quàm alteram partem inclinet.
15. Non terebrentur Rochetæ priùs quàm operi adhiberi debeant: & ubi terebratæ fuerint, summis digitis prehendantur, tractenturque.
16. Perticæ & in longitudine & in pondere sint proportionatæ ad Rochetas, idque juxta regulam superius traditam. Eædem non curvæ & lunulatæ, aut sinuosis anfractibus in hanc & illam partem distortæ, nec prominentibus tuberculis gibbosæ, & inæquales: sed directissimæ; & ad libellam complanatæ, & runcinatæ sint.
17. Oneratæ jam Rochetæ non asserventur in loco sicco, & nimium humido; quod nocet magis.
18. Cum acenduntur, perpendiculariter ad horizontem super clavo pendeant.
19. Non cogantur immania, & ad suas vires improporionata pondera in altum extollere. Et licet eadem proportionata quoque fuerint, ita tamen accommodanda Rochetis, & eam formam habeant, quæ apta sit aërem trans-

transmeare non difficulter, & minùs impedimenti ac resistentiæ ab eodem incumbente in ascensu perpendiculari (qui omnibus corporibus violenter projectis, & impulsis difficillimus est) patiatur. Et quo majores Rochetæ fuerint, magis id observandum, ut cum ponderibus annexis, pyramidalem vel conicam figuram habeant: cum ejusmodi corpora, cæteris omnibus minùs ab aëre retardentur; sed adventantibus patulū præbeatur iter; quamvis Sphærica figura ad rotationes in aëre exercendas multo commodior sit, cum æquali quaquaversum superficie comprehendatur.

20. Tempore accensionis Rochetarum, nox pluvia, nimboſa, & nubiloſa: item vehemens ventus, & versabundi turbines, mirum in modum desiderabiles frustrare solent Rochetarum effectus.

21. Plurium Rochetarum unā eademque materiā oneratarum, diversi effectus causa, non in rem aliam rejicienda, quā quod non æqualis diligentia, vel in onerando, vel terebrando, aliisque circumstantiis adhibita fuerit: vel denique, si una Rocheta onerata per temporis aliquod interval- lum in loco magis humido quā altera recondita fuerit, diversos & dissimiles unam ab altera videbis habiruras effectus, in ascendendo & ardendo.

22. Ad Pluviam, igneumque nimbū, & in magna copia candentes scintillas, & radios longos latosque in Rochetis dum ardeat excitandos, admisceri solent compositionibus Rochetarum pusillæ quantitates, aut vitri pulverisari, aut scobs ferreæ, aut ferruginis ligneæ. Tum & diversi colores in ignibus Rochetarum repræsentari possunt. Nempe, si compositioni alicui immiscueris certas portiones Camphoræ, producet illa ignem album, pallidum, & lacteum; Pix Græca, rubeum, vel æneum; Sulphur, cæruleum; Sal Armoniacum, viridem; Antimonium, crudum, rufum, mellinum, aut buxum; Scobs Eburnea, argenteum & candidum, sed paulò sublividum, vel plumbeum; Scobs Succini, flavum & citreum; Pix denique dura navalis, fumum atrum, fuscum, & ignem obscurantem. Narrat præterea Porta Magi: Natur. l. 7. c. 7, Magnetem accensis carbonibus tumulatum, cæruleam, sulphuream, & ferream flammam eructare: experiatur igitur qui volet an scobs illius Rochetarum materiis immixta, idem faciat: sed horum moderatus, & cum ratione junctus sit usus, ne nos tantisper fallant. At sufficient in præsentiarum ista de Rochetis; cum plura providus, & in elaborando circumspectus, diligens, & sagax Pyrobolista, animadversurus sit quæ illi amplectenda & sequenda, quæ verò fugienda, præcavendaque erunt. Unicum tantum moneo, antequam huic capiti & libro colophonem imponam, impossibile dari posse tam perfectum artificem, ut illi aliquando leviter saltem, variis de causis, errare non contingat. Nunquam tamen ex Rochetis ab artifice elaboratis, de sua perfectione, & artis quam profitetur peritia judicium ferendum. Exprimere namque per difficile est, quanti & quot in hoc opere, quod primo intuitu ludicrum quidpiam & leve præferre videtur, eveniant casus, & circumstantiæ planè infinitæ: quarum singulas nec ipsemet Argus (quem tot oculos fabulosa vetustas habuisse credidit, ex eo, quod providus, cautusque in iis quæ sui muneris erant, fuisset,) observare, & omnes evitare posset errores. Sed hac de re consulendi illi, qui frequenter operi manū adhibentes in elaborandis Rochetis defudant: illos enim minimè miror & moror, qui perexiguam aut planè nullam istarum rerum habentes notitiam, aliorum opera iniquè carpentes, bonam quoque existimationem apud illos quorum interest, canino dente laniare, & proscindere solent. Ejusmodi verò momis aptè illud congruet: *Nē sutor ultra crepidam*. Sed neque in Rochetis solis universalis exquisitissimaque Pyrotechniæ situata est notitia:

tia : cùm illarum construendarum ratio perpusilla quædam tam Magnæ Artis portio sit : nec nisi tripudiantium , triumphantiumque de profligatis in bello hostibus , urbibusve receptis , cumulandæ complendæque gloriæ ergo , aut ad exhilarandos ad solemnes nuptiarum cœnas , vel alias accubationes epulares amicorum , congregatos convivas , inter cæteros festivos ignes adhiberi soleant. Non igitur ille tantum perquam optimè calere nostram artem dicendus est , cui ad jussa obediunt Rochetæ : cum non pauci reperiantur qui Rochetas duntaxat prætereaque nihil construere norunt. At falsò hi Pyrotechnicorum superbiunt nomine ; neque enim , myropolam , vel barbitonforem , aut veterinarium medicum jure dixeris. Patebit id melius ex his quæ dicturi sumus , quod artem hanc propriè concernit , & quid perfectum faciat magistrum , cui tam celebre nomen conveniat , sitque tribuendum. Multò minùs ex infausto , innumeras ob causas Rochetarum per aëra cursu , tanquam ex avium volatu , mendacium more aruspicum , de cæteris longè nobilioribus Artis Magnæ partibus malè augurari & suspicari licitum : nec (quod & superius diximus) illi quibus aliquando Rochetæ ita ut sperabatur optabaturque non successere , illico artis imperitiæ damnandi. Hæc verò quæ scribo non suo carent fundamento , nec Æsopi referunt fabulam. Nosse enim mihi aliquando licuit Magni Principis cujusdam Artilleriæ Præfectum , (cujus ego nomini hîc loci parco , quamvis non ille meo pepercerit unquam ,) qui non alios in re Pyrobolica versatissimos exercitatissimosque esse credidit , & ad Principis Reipublicæ admittebat servitia , inque numero Pyrobolistarum reponebat , quàm qui Rochetas construerent optimas ; immò eo nomine multa apud Principem de illorum incomparabili artis peritia prædicabatur. At didicit forsitan non ita pridem (dummodò discere voluisset , publico non suo monitus damno ; cùm etià aliena minùs quàm propria nos movere soleant) Rochetas oblectare duntaxat , & temulenti Bachi , lascivæque Veneris potius , quàm cruenti Martis esse fulmina ; minimè verò aut terrere , aut profligare hostem : quando ii quos tantoperè Rochetas conficere docuerat , omni prorsus in dirigendis juxtaque regulas artis tractandis bellicis machinis , posthabito neglectoque , exercitio , cum res postulasset , hostisque crebris ictibus lacerandus esset , ne nomine quidem eo quod illis tam bonus indiderat magister , digni reperti sunt : ipsemet autem , tam jucundo atque plausibi nolens metuensque adesse spectaculo , post scenam intervalli quadragenorum milliarium intra murorum vallorumque septa latitans , & extra omnem periculi positus aleam , dulcissimè illud cucubabat : *Beatus qui procul negotiis.*

Faxit Deus , ut & ipsemet tandem sapere incipiat : depositoque (si pudor non vetat) magisterii nomine & officio , sub peritioribus artis nostræ præceptoribus ineat discipulatum , nec molestas quidem , salutare tamen castigantium detrectet ferulas ; & illi qui tanto doctore quem nacti fuerant , beatos se quondam prædicabant , & in ejus dogmata , non secus ac in divina jurabant effata , resipiscant aliquando , fallacibusque abrenuncient regulis , & de feliciori posthac sibi prospiciant statu. Cum autem præteritorum sera sit correctio , nec illa quæ jam præcessere , ad animadvertendum revocare ullatenus liceat , nihilosecius tamen plurimùm & famę propriæ , & aliorum consulat damnis ille tam celebris magister , si in posterum mente & ore Tullianis quàm sæpissimè alloquatur semetipsum verbis : *Tibi semitam non sapias , & alteri monstras viam.*

Finis Libri Tertii.

A R T I S
MAGNÆ ARTILLERIÆ
PARTIS PRIMÆ
LIBER IV.
DE GLOBIS.



Lobi forma & vocabulum latius Pyrotechnicis patet quàm à Geometris definitur: non enim hîc omnes tam recreativi, quàm serii globi sunt corpora perfectè rotunda, & unâ superficie comprehensa, ut sphaeram, vel globum definivit Euclides l. 11, definit: 14: sed multiformes, varique sunt. Quidam enim parantur perfectè rotundi sphaeræ in modum; & solidi; quales sunt omnes tormentorum bellicorum majorum & minorum, & omnium sclopetorum manualium globi ferrei, glandesque plumbeæ; (nam lapideorum exiguus nunc aut planè nullus usus est;) Item Granatæ quædam tam manuales, quàm ex mortariis tormentisque ejaculandæ, & jaciendæ; sed inanes fabricatæ primùm, tum postea artificialiter materiis Pyrobolicis repletæ. Quidam verò habent formam ovalem; & quidam sphaeroidem, conoidem, malum cytrium, pyrum, & cylindrum quoque mentiuntur. Quidam denique mixti sunt, aliquid de hoc vel illo corpore participantes. Immò vidimus in Armamentaris Comitibus Oldemburgensis, & alibi, Granatas veteres, cubos perfectos, & parallelepipedæ referentes. Omnes istos quot quot sunt, generali globi nomine salutamus: adjunctis nihilominus congruentibus, aptisque distinctioni unius ab altero, cognominibus, variisque titulis, quos juxta qualitates, & effectus, illorum singulis seorsivè attribui-mus. De his hoc libro sermo nobis erit: quem in duas partiemur partes. In prima quidem, omnes recreativos tam aquaticos, quàm terrestres super horizontalibus planis saltantes, nec non ex mortariis ejiciendos (quos aë-reos jure dixeris, quod in aëre suos faciant effectus) describemus, & ordine enumerabimus. Secunda verò pars ejusdem libri, complectetur omnes illos globos, qui serii, & militares vocantur: aut quibus tam illatam propul-sare, & defendere vim, atque injuriam, quàm inferre hosti eandem sole-mus. Quod autem militares recreativis postposuerimus, nemo nos de il-lata nobilissimæ arti bellicæ injuria merito arguere potest. Fecimus id na-turæ docti ordine, & officio, quæ ex semine infantem primùm; post puerum; adolescentem deinceps; denique fortissimum, robustissimumque producit virum. Ludicra artis nostræ opera, sunt quædam primordia, & semina tot præstantissimorum clarissimæ scientiæ fructuum, & quasi scalæ quædam, quibus ad summum tam stupendæ horrendæque fabricæ culmen iis dun-taxat scandere licitum, qui & animi, & corporis pollent viribus, nec ad ful-mineos machinarum mugitus, igneæque fulgura, & grandines, artibus con-tremiscunt. Sed ad rem, propositumque nostrum accendo, sit.

PARS LIBRI PRIMA

DE GLOBIS RECREATIVIS.

CAPVT I.

De Globis Recreativis Aquaticis, seu in aqua natando ardentibus.

Species 1.

Pareretur ligneus globus cujuslibet magnitudinis internè *cavus*, perfecteque rotundus. Crassities ligni sit quaquaversum; diametri *A B*, ut hic est in *A C*, aut *B D*. Desuper habeat cylindrum gibbosum, cujus crassities in diametro *E F* sit ex; diametri *A B*. Foraminis accensorii *G H*, latitudo; diametri non excedat: inferius autem unà cum epistomio *I K*, per quod infunditur materia ad onerandum globum, & ictus inditur ferreus ex ferrea lamina in cylindrum versa factus, fortique granulato refertus pulvere, (qualis est sub *M*) æquetur latitudine cylindro superiori. Oneretur deinceps aliqua ex infra positis compositione aquaticâ: & epistomio liquidâ pice imbuta occludatur. Huic superinfundatur ea quantitas liquefacti plumbi, ut globus aqueus ejus sit ponderis, ut æquali aqueæ molî æqui ponderet, vel paululum eidem præponderet; id autem cur fiat sub finem capitis hujus exquisitam reddemus rationem. Tandem globus jam omnimodè præparatus pice liquefactâ impicatur: postea cum suaferit necessitas per reclusum accensorium foramen immisso igni, ubi probè flammam conceperit materia, projicitur in aquam. Vide Fig. Num. 80.

Species 2.

Hic globus cujus sub Num. 81 figuram vides, hoc duntaxat ab illo superiori discrepat, quod non sphæram, at sphæroidem sua forma referat; quamvis sectio ejus axi parallela, sit oblonga circularis. Crassities ejus in omnem circuitum ex ligno; tum & cylinder, inferumque epistomium; nec non foramen accensorium *B*, eandem cum superioribus servant in omnibus proportionem. Internè habet granatam *A* plumbeam pulvere pyrio granulato oneratam, cujus collum inferitur in fundum globi, ut in figura apparet. Oneratur denique aliqua ex his quas inferius dabimus compositione aquaticâ, & pice liquefactâ contegitur undique.

Species 3.

Excavatur torno cylinder ligneus, cujus altitudo *A D*, vel *B C*, sesquialtera est latitudinis *A B*, vel *D C*. Operculo etiam ligneo cum foramine accensorio conicè fastigato, (cujus inferior latitudo *E F*, est ex; altitudinis globi, superior vero *G H*, semissis illius) contegitur desuper. Vacuum ejus internum aliqua ex infra positis materiâ repletur, & operculum quàm diligentissimè aptatur, firmaturque telis lineis pice liquefactâ illitis circumdatum. Ictus quoque fundo globi applicatur ut apparet ad *M*. His omnibus







Fig. 82.




Fig. 81.




Fig. 83.




Fig. 84.




Fig. 86.




Fig. 85.





Fig. 87.



Fig. 88.



mnibus ritè peractis, desuper propè orificium accensorii foraminis affigitur Æolipila L; cujus constructionem sit accipe. Funditur ex cupro globulus rotundus concavus, (quanquam & alterius formæ esse possit) vel etiam ex duobus hemisphæriis componitur, & glutine metallico ferruminantur commissuræ hemisphæriorum. Superne habet duo cornua longè prominente foraminosa: quæ foramina sint angustissima quantum fieri poterit, maxime verò eo in loco ubi desinunt, nempe ad utrumque osculum, illorum diametri semissemlinæ non excedant. Ponatur postea hæc Æolipila super prunis, seu carbonibus accensis, ibidemque incalescat, & fiat candens; subitoque rostra illius in aquam immergantur; morenturque illic, hucusque donec ad pristinum frigus Æolipila redeat. Sugent enim illic ex aqua uncias aliquot, & eò plus quò major fuerit Æolipila. Hoc modo præparata Æolipila, ut jam dictum, claviculis ferreis per ansulam infernè agglutinata madactis, propè orificium foraminis accensorii firmetur. Tum à lateribus globi applicentur duæ fistulæ plumbeæ, in figura literis I & K, notatæ; eo modo, ut rostris Æolipilæ superna illorum foramina supponantur. Postquam jam omnia ista ut par est peregeris, admoto fomite foramini accensorio, incende compositionem, & paululum expecta donec flamma vires assumat: post projice in aquam. Jam verò ubi igne ex accensorio foramine erumpente Æolipila incaluerit, ut aqua intus contenta vehementissimè balliat, tanto salit impetu ex osculis, ut in vaporem tenuissimum & aëri similem exiens, ventum ingentem cum magno fragore generet: hic in orificia fistularum suppositarum irrumpens, dulciter sonare faciet fistulas. Vide Figuram N. 82.

Species 4.

Figura N°. 83, monstrat globum aquaticum dictum Germanis *Binschwerm*. Hic non indiget multâ verborum copiâ ad sui elucidationem, cum per facile ex figura ipsa constructio sua intelligi possit. Quantum ad globi altitudinem, illa altitudini Rochetarum currentium globo imponendarum respondere debet: quanquam communiter sit latitudinis sesquialtera. Tubus ligneus sub litera A, longitudinem altitudini globi æqualem habeat: oneretur autem compositione constante ex tribus partibus Pulveris, duabus Salisnitri, & una parte Sulphuris. Infernè habet idem globus ictum papyraceum sub litera C; & plumbum ponderis ergò, sub litera D; denique orbem ligneum, cui natando incubat, sub litera B.

Species 5 & 6.

In Figuris sub Num: 84, & 85, ponimus schemata duorum globorum aquaticorum, ratione quidem effectuum sibi invicem similium, at ratione formæ aliquantulum dissimilium. In priori quidem schemate, medium globi A, obtinet materia aquatica, occlusa desuper cylindro ligneo gibboso H, cum suo foramine accensorio. Sub literis B, & G, sunt excavationes, seu receptacula Rochetarum majorum, & minorum. Canales per quos ducitur ignis ex globi medio ad utrumque ordinem Rochetarum notantur literis E, & L; foramen verò ad granatam plumbeam, vel ictum ad globi fundum locatum, ignem deferens, est sub litera F. Hæc de priori schemate jam verò posterius videamus. In hoc quoque materiâ aquaticâ oneratur globi medium; ut apparet ad literam A. Habet etiam duplicem Rochetarum, ordinem, majorum videlicet B, & minorum C. Canales ad utrasque accendas

dendas Rochetas educti ex medio globi, sunt literis H, & I notati. Sub litera D, est ictus ex pulvere granulato, cui desuper imponitur orbis ligneus E, cum suo foramine accensorio. Item sub litera F, est alter orbis super materiam aquaticam cum foramine accensorio G. K, & L, sunt tegumenta ex papyro conglutinata, linea tela glutine illita, vel lamina ferrea, quibus tubi M, & N, Rochetas currentes continentes, dum globo agglutinati, & firmati fuerint, conteguntur circumcirca ne videri possint, & firmiter globo adhæreant. O denique, & P, sunt excavationes ad semicirculum, canales striatos referentes, quæ pulvere trito replentur, ad accendendas Rochetas in tubis super hisce excavationibus positæ existentes, accendendas; cætera ex schemate manifesta fient.

Species 7.

Fiat globus ligneus perfecte rotundus, & concavus. Ab extra terebrentur foramina ejus latitudinis ut Rochetas currentes, non difficulter recipiant: idque eo modo facienda sunt illa foramina, ut inter hæc, & materiam aquaticam in medio globi ad A situatam, lignum solidum crassitie unius digiti relinquatur, in quo postea minori, eaque subtilissimâ tenebrâ, aut candenti acu ferreâ, fiant foramina accensoria, pulvere trito replenda, ut ad B appareat. Idem globus supernè tegitur cylindro ligneo gibbo C, cum suo foramine accensorio. Infernè autem habet epistomium D perforatum in medio, per quod immittitur ignis ad ictum; denique pondus plumbeum habet sub litera F. Vide Figuram 86.

Species 8.

Forma globi istius in Figura sub N. 87 delineati, mixta est. Pars enim ejus inferior cylinder excavatus est, hemisphærio concavo rectus, ut ad G conspicitur. Cylinder hujus globi repletur ictibus papyraceis: hæmisphærium verò super ictibus, & super orbe ligneo separante ictus à materia, repletur compositione aquaticâ, ut litera A monstrat. Per orbem ligneum superius dictum transit tubus ligneus B, oneratus eadem materiâ quâ & ille superior in globo quartæ speciei. Longitudo istius ea sit, ut fundum globi quàm proxime tangat. Ictus papyraceus notatur literâ E; pondus plumbeum literâ F; foramen denique accensorium globi, litera H.

Species 9.

Globus iste in Figura sub Num: 88 sphæroidem suâ formâ refert: quam & in sphæræ modum perfecte rotundus fabricari possit. Interior ejus concavitas repletur aliquâ ex infra positis compositione in aquis ardente: ab extra verò in convexa globi superficie fiunt excavationes, ictus papyraceos recipientes. Illæ notantur litera A: isti verò litera E, in eodem schemate. In iisdem excavationibus ictus papyracei tubulos, seu fistulas ex tenuissimis laminis ferreis, aut cupreis factas, & minutissimè pulvere trito repletas, sic infixas habeant, ut osculis accensoriis in excavationibus literâ B notatis congruant. Forma tubuli ejusmodi ictui applicati notatur litera F; superum globi accensorium foramen literâ C; ejusdem denique cylinder perforatus, literâ D.

Species 10.

Forma globi in Figura sub Num: 89, ex schemate ipso manifesta satis est, ideo-

ideoque non eget multa descriptione. Hæc tantum addo. Primum, quod camera pulveris sub litera A, latitudinem habeat ex ; latitudinis ipsius globi, altitudo verò sit suæ latitudinis sesquialtera. Secundò, globus aquaticus B, qualem in prima specie supra descripsimus, circumcirca, & desuper, stipatur materiâ aquaticâ, ut litera H monstrat. Huic super cameram pulveris subponitur orbis ligneus C, ut eo facilius pulvis in camera reclusus cum ad eum ignis per canales E, F, & H, de latus fuerit, ejiciat globum hunc in globo majori reconditum : qui per suum accensorium foramen D ignem concipiens, cum in aquam ceciderit, natando ardebit, & primum globum duplicatum fuisse, faciet palam. Ultimò moneo, operculum quo globus desuper contegitur, optimè firmandum esse, ne violentiâ ignis, priusquam tota materia exusta sit, laxetur, rumpaturvè.

Species 11.

Ratione effectus, globus hic cujus schema in Figura Num: 90 exhibemus, superiori à nobis descripto simillimus est. Hoc tantum differt, quod non spæricum & aquaticâ materiâ oneratum habeat alterum globum sibi inditum, sed cylindraceum, desuper & infernè planum, ictibusque ferreis repletum, ut sub literis B, & F, videre est. Super hunc ponitur aquatica materia ut & in priori factum est, quod hic litera A denotat. Tubus ligneus C, totum hunc interiorem globum pertransiens, & pulverem in camera D repositum contingens, illâ onerandus compositione, quam in quarta istorum globorum specie dedimus. Huic parvulum foramen cum sua camera accensoria adjacet, per quod ignis ad acendendos ferreos ictus, dum jam globus in aère fuerit, defertur. Denique camera pulveris D desuper ubi latissima est, habet latitudinem ex ; latitudinis globi, altitudinem verò ex ; & infernè lata est ; ejusdem latitudinis globi. Ictum papyraceum notat litera G, canalemque à pulveris camera ad illum perductum, litera H.

Species 12.

Ad præparationem sequentis globi in Figura sub Num: 91 delineari, requiritur primum globus ligneus concavus formâ cylindraceâ, infernè ad fundum cameram pulveris habens. Latitudo orificii, pedis unius in diametro vix illi sufficiat : altitudo verò latitudinis sit sesquialtera. Item, habeatur orbis ligneus, cujus circumferentia, orificii globi circumferentiæ æqualis sit, ita tamen, ut commodè in globi vacuum imponi possit, infernè verò habeat epistomium ad pulverem in camera recludendum : per quod transeat tubus ferreus, pulvere minutissimè trito, aut materiâ in specie 4 istorum globorum descriptâ oneratus. Ejusmodi orbis formam reperies in eadem figura sub literis A, B, C, D, E. Tertio, sint præparati sex aut, plures paucioresvè, ut tibi libuerit, globi aquatici, quales nos in prima & secunda specie, aut in aliis antecedentibus speciebus descripsimus, cum suis tubulis ferreis in orificia inditis, & pulvere minutissimè trito referitis. Globi isti omnes sint ejus magnitudinis, aut crassitie, ut in circulo positi, & simul juncti, habeant circumferentiam quæ sit æqualis circumferentiæ orificii globi in quo illi recondi debent. Hisce jam omnibus præparatis, atque pulvere granulato in cameram globi indito, mittatur in globum, orbis superius à nobis descriptus : & super hunc, statuatur perpendiculariter in omnem circuitum tubi ferrei, illi sex globi aquatici, postea contegantur alio orbe ligneo qui sex habeat foramina, ejus latitudinis cujus sunt

Q3

glo-

globorum tubi: sintque eâ distantia illa foramina terebrata unum ab altero, ut tubis globorum aptè respondeant, qui per orbem transeunt, super ipse planum aliquantulum eminere debent; vide lit. G, in eadem figura. Super orbem hunc posteriorem inspergatur bona quantitas pulveris triti, granulato permixti, & super hunc ponantur Rochetæ currentes, tot quot concavum globi capere poterit. In illarum medio statuatur una major Rocheta non terebrata, in cujus orificium, infernè, intret tubus ille ferreus, de quo superius diximus, ut ad H apparet. Idem ipse tubus sit pluribus laceratus foraminibus ad plani orbis æquilibrium: ut per foraminula illia ignis erumpens, & pulverem rochetis suppositum accendat; & eodem momento omnes illi globi, quorum orificia plano orbis superextant, concipiant flammam; postea à pulvere in camera recondito, ubi ad eum ignis per eundem tubum progressus, venerit, ejiciendi. In eadem Figura literâ F, sunt illi sex globi aquatici notati; literâ K Rocheta major, in medio Rochetarum currentium; L, notat cameram pulveris; M, canaliculum perducentem ignem ad idum papyraceum N. Sic igitur jam præparatus globus (ut diximus) operculetur desuper, & pice liquefactâ undiquaque loricetur optimè.

Species 12.

Globus iste aquaticus, quem nunc descripturi sumus, & cujus formam in figura N° 92 depinximus, dicitur Germanis *Wasser-pumpe*; quasi siphonem, aut organum Ctesibicum hydraulicum dicas; & *Wasser-morser*: quasi Mortarium quoddam aquaticum nomines; conficitur autem hoc sequenti modo. Sumuntur 7 tubi lignei excavati, crassioribus telis lincis, pice aut glutine illitis, & filis circumdati, firmatique optime: quorum altitudo, latitudo orificii, & crassities ligni, ad placitum sumi potest: ille tamen qui medium hujus machinulæ obtinebit, cæteris aliquanto altior esse debet. Isti omnes unâ quàm arctissimè funiculis colligentur, ut unum constituent corpus; ut id litera D monstrat. Partibus illorum infimis, aptetur fundamenti loco, orbis ligneus C, qui ferreis claviculis ad tubos affigatur, & glutine agglutinetur. Tubi isti, hoc modo, & ordine onerandi sunt; vide tubum sub litera A. Primum infundatur in tubum aliquantulum pulveris granulati, ut fundo tubi ad altitudinem semidigiti superextet; deinde imponatur globulus aquaticus sub litera H; globulo materia lenta; huic deinde pulvis granulatus; ac iterum alter globulus cum rochetis currentibus, sub litera H. Rursus materia lenta, & pulvis granulatus, ac globulus lucens, sub lit. I. Hisce affunditur tertio materia lenta cum pulvere granulato, ut prius, orbisque ligneus inditur: super quem locatæ sunt Rochetæ currentes sub litera K: per medium verò istarum, transit tubus ligneus, supremo orbi aptatus, materiâ aquaticâ refertus. Huic denique inditur materia lenta, & desuper occluditur tubus. Isto jam modo tubis oneratis, necesse quoque est, ut tabella quadrata vel rotunda, (in cujus medio foramen rotundum excisum sit, ejus in diametro latitudinis, ut omnes tubi simul juncti liberè in illud immitti possint) propè tuborum orificium affigatur; ut in eo tota machinulæ moles in aquis natando, recumbat, fulciaturque; vide in eadem figura literam L. Hisce omnibus ritè peractis, immergatur integer globus in picem liquefactam: in orificium verò medi tubi, Rocheta M, vel tubulus ligneus materiâ violentâ in aquis ardente (de qua jam toties diximus, & ejus compositionem in specie istorum globorum quarta dedimus) imponatur. Reliqua ex figuris sciographice delineatis manifesta fient.

Nota

Nota primo. Tubus medius aliquantò plus cæteris collateralibus tubis materiæ lentæ habeat.

Nota secundo. Si placuerit ut omnes tubi collaterales unà accendantur, tum ex medio tubo ad singulos circum circa terebrentur foraminula, per quæ ignis ad orificia tuborum accendenda feratur. Sin autem lubeat ut uno exusto alter inflammetur, ac post hunc tertius, & sic deinceps unus post alium, tum orificia omnium crassiori papyro contegantur; & ab unius tubi exusti fundo, ad alterius orificium canales pulvere trito, vel materiâ lentâ repleti, ducantur.

COROLLARIUM I.

De Globulis aquaticis odoriferis.

Faciat tornio globulos ligneos concavos, nucis Italicæ, aut pomi sylvestris magnitudine: quos aliquâ ex sequentibus compositione onerabis: ac postea in cubiculo aliquo, aut altero quopiam loco occluso nec nimis spatioso & amplo, accensos projicies in aquam; indito tamen prius in orificium funiculo ex stuppa pyrotechnica torto, ut materia quâ globulum onerasti tantò facilius accendi possit. Illæ autem sunt ut sequitur.

Recipe Salisnitri ℥iiij, Storacis Calamitæ ℥j, Thuris ℥j, Mastice ℥j, Ambre ℥ss, Zibethi ℥i, Serraginis Juniperi ℥ij, Serraginis Cupressi ℥ij. Olei de spica nardi ℥j.

Vel recipe Salisnitri ℥ij, Florum sulphuris ℥j, Camphoræ ℥ss, Succiniramentorum pulverisatorum ℥ss, Carbonum tiliæ ℥j, Florum Belzoi, vel Asæ dulcis ℥ss. Terenda terantur, pulverisenturque optimè, & unà miscantur.

COROLLARIUM II.

De compositionibus ad globos Aquaticos, seu in aquis & sub aquis ardentibus, onerandos.

I.

Salisnitri in farinam redacti ℥ 16, Sulphuris ℥ 4, Serraginis lignæ in aqua salnitrosa primum decoctæ & siccate ℥ 4, Pulveris pyrii granulati ℥ ss, Scobis eburnæ ℥iiij.

2.

Salisnitri ℥ 6, Sulphuris ℥ 3, Pulveris triti ℥ 1, Ramenti ferri ℥ 2, Picis Græcæ ℥ ss.

3.

Salisnitri ℥ 24, Pulveris triti ℥ 4, Sulphuris ℥ 12, Serraginis lignæ ℥ 8, Scobis succini ℥ ss, Vitri pulverisati ℥ ss, Camphoræ ℥ ss.

Harum omnium compositionum præparandi modus, idem est quem in Rocheris descripsimus: nisi quod hîc non adeò subtiliter trita nec pulverisata, aut cribellata requiratur materia, optimè tamen multâ mistione incorporata, & non sicca nimium cum in globum mittitur: ac eam etiam ob rem aut oleo lini, aut oleæ, aut petrollei, aut canabis, aut nucum, aut aliâ quapiam pinguedine facile ignem arripiente humectetur.

Nota. Præter has à nobis modò recensitas aquaticas compositiones, quibus sæpius usi sumus, facile quilibet alias etiam, nempe in alia adinvicem proportionem sumptis materiis, conficiet. At experimentum compositionum quàm sæpissimè iterandum, priusquam operi Pyrotechnico adhibeantur.

tur. Refert præterea plurimum ad probam aquaticarum compositionum conflationem, & cujuslibet jam præparatæ, virtutis & potentiæ generalis, cognitionem habendam, non vulgaris uniuscujusque materiæ, aquaticis compositionibus adhiberi solitæ, sigillatim sumptæ, naturæ, virtutum, operationum, proprietatumque notitiæ: nam ut & Aristoteles (1.7. phisic.c.20) ait, ex particularibus præcognitis, universalis acquiritur scientia. Itaque notanda sunt quæ sequuntur de singulis materiis.

Pulvis pyrius, est primum ac principale ingrediens, & materia in arden- do vehementissima, violentissimaque: unde omni humido potenter resistit, ne sua suffocetur flamma.

Locum secundum obtinet Salnitri clarificatus, purgatusque optimè. Isti- us jam superius quoque descripsimus naturam, & incredibilem in pulvere pyrio exposuimus virtutem. In compositionibus nihilominus aquaticis a- liis materiis alligatus, peculiare quoddam in dissipandis & longè latèque spargendis aqueis superlabentibus guttis, ob plurimos eosque violentissi- mos, quorum plenus est, flatus, ventosque, officium ac munus est.

Olea omnis generis ubi fuerint cæteris ingredientibus unita & incorporata, tuentur flammam in aqua, & quasi auxiliarem ei porrigunt manum, quo mi- nus supprimatur ab illa: idque ex eo quod pinguis, & multum aërea, & ignea sunt, ignisque dulcissimus cibus. Cum autem densitatem, & tenacitatem à natura habeant, difficulter ignis semel receptus, & deinceps ab hoste pulsus elabi potest, quod illorum partes haud facile dissipari, & dissidere queant. Nequit igitur in contumaces pinguium partes aqua sese indere, præsertim cum validus paterfamilias intrò habitet, nec se prius loco cessurum superbe pollicetur, quàm totum quod suæ ditionis est absumat, inque suam trans formatum substantiam, secum auehat.

Sulphuris non potestrema virtus, immò inter primas numeranda, quibus jam à nobis enumeratæ pollent materiæ: cum illius præcipuè incumbat mu- neri, illico ignem admotum apprehendendi, & apprehensum in alias mate- rias sibi alligatas introducendi. Cæterum, vix ullum pinguium & bitumi- norum genus reperiri potest, quod ejus viribus in retinenda & conservan- da ignis flamma, atque ab omni hostilitate illi interitum moliente, tutanda, comparari possit: idque ob peculiarem quandam cum igne sympathiam, & naturæ similitudinem, mutuumque amoris nexum, quo erga se feruntur.

Camphoræ inextinguibilis planè in aqua ignis est. Et præter camphoram nulli alteri pingui, oleosæ, aut bituminosæ materiæ id à natura concessum, ut ab aliis non adjuncta tam pertinaciter ardeat in humido; in quod etiam quasi despoticum quoddam dominium velle exercere videtur; cum glaciè aut nive undique stipata & accensa (nihilominus tamen igni foras erumpenti patulo relicto spiraculo) utramque liquefaciat, nec extinguatur ullatenus, quoad to- ta exuratur. Pulverisata etiam super aquam projecta, & accensa, non inju- cundè conflagrat: cum quasi ipsamet aqua cui illa innatat, nec submergi- tur propter levitatem, ardere videatur. Facile autem concipit ignem, non quòd calida sit, sed quòd rara, & pinguis. Unde illud etiam mirum, quod si in pelui ænea super ardentem aquam projecta, ignitis carbonibus subposi- tis decoquatur, quoad omne humidum evanescat, in loco modicè amplo, & occluso benè ut ne minima quidem remaneat rimula, tam in parietibus quàm & lacunari, tota in subtilissimum rarefcit aërem. Cum autem in illud conclave apertâ januâ fax accensa illata fuerit, illico totus ille aër intrò con- tentus concipit flammam, & absque omni noxa tam ædificii illius, quàm spectantium conflagrat lenissimè, fulguris in modum; cujus rei causâ est, igneæ

igneæ substantiæ raritas ; neque enim comburit ignis nisi per partium coactionem : Unde & in papyro nostrate hac, in flamma tam dilutus, ut manum traducamus sine offensione : & in aqua ardente adeo tenuis , ut eo madefactum linteum illæsum relinquat.

Pix omnis, & bitumen (cui etiam scobem succini annumerare possis, quamvis ejus natura ab illis multum differat, quam nos jam alibi ex Scaligero descripsimus) vehementem procreant fumum : qui cum in se plurimum ignis, & aëris habeat, ideoque levissimus sit, viribus omnibus ascendere nititur, nec aqueis vinculis constringi patitur ; sed violenter continguas earum partes dissipando, & disgregando, præcurrit quasi, viamque & non impeditum igni ascendenti aperit passum. Unde, cum sub aquis in ingentes conglobetur moles, plurimum ejicit aquæ, & prægrandium surgentium bullarum causa est.

Serrago ligni, Ramentum ferri, Scobs eburnea, atque Vitrum pulverisatum, cum ab aliis materiis quæ dulciora ignis cupedia sunt, inflagrantes resoluta fuerint carbones, post vi pulveris pyrii, & salisnitri ejiciuntur in altum, in maxima ignitarum scintillarum copia ; quod oculis perquam jucundum est : rursusque decedentes in aquam, dum ignis intro delitescens ab humido exstinguitur, per terrecrepum quendam strepitum edunt. Juvant etiam quodammodo ignem, densantque ejus radios : quæ unica causa est violentiæ igneæ quæ humido resistit. Et omnes illæ materiæ superius à nobis enumeratæ, id duntaxat agunt, ut quàm plurimas ignis generent partes. Frequentia enim partium, & in unum collectio, atque coherencia, minus adversarii timet potentiam ; cum unita virtus fortior sit. Sed non parum etiam eadem augetur, dum cogitur, vel dum prohibetur respiratio : quoniam servantur partes quæ resolverentur ; & partium propinquarum coactione in minore spatio substantia major, ac propterea major vis, ut Scaliger ait.

Hæc sunt quæ de materiis igneis, globis aquaticis infarciendis servientibus, dicenda proposueramus : quæ si à pyrobolistis studiose observata fuerint, optatum semper opera eorum sortientur effectum.

Addo sequentia bellariorum loco, in gratiam igneæ cum aquea comparatæ potentiæ, & virium utriusque, quas in se mutuo exercent, dum de principatu, atque dominio contendunt.

Cum Chaldæi ignem haberent Deum ; circumferentes quod omnia pervinceret, unum Deum existimari volebant, cæterarum enim gentium Dii, quia ære, argento, ligno, lapide, aut hujusmodi aliquâ materia constarent, eos aiebant igne consumi. Id cum ad Canopi sacerdotem adlatum esset, ut erat ingenio ad astutiam composito, hydriæ pertusæ aquâ plenæ foramina cerâ obduxit, & totam variis pinxit coloribus, & symulachro (quod gubernatoris Menælai esse ferebatur) prius abscisso capite, aptavit. Non ita multo post tempore cum Chaldæi venissent, ignemque symulachro admovissent, facturi ipsi periculum num posset & Ægyptiorum Deum superare, liquatâ cerâ sensim effluens rimis aqua ignem extinxit, ut Ægyptiorum Canopis sacerdotis astutiâ Chaldæorum Dei victor cæperit ab aliis coli. Philander ex Suida apud Vitruvium in præfat. l. 7. Idem refertur & à Ruffino historiæ ecclesiasticæ l. 2. c. 26.

COROLLARIUM III.

De Globorum Aquaticorum justo pondere determinando.

Quantum ad promissa (quæ in descriptione primæ speciei globorum aquaticorum fecimus) quibus stare oportet. Palam primum est tam ab experimentis, quam & ex demonstrationibus Archimedeis (lib. *πρὸς ἡρόκλεον*, seu de insidentibus humido prop. 3, 4, & 7.) quod solidarum magnitudinum quæ æqualem molem habentes æquè graves sunt atque humidum: in humidum consistens demissa, mergentur ita ut ex humidi superficie nihil extet: non tamen adhuc deorsum ferentur. Solidarum verò magnitudinum quæcunque levior humido fuerit demissa, in humidum manens, non demergetur tota, sed aliqua pars ipsius ex humidi superficie extabit. Denique, solidæ magnitudines humido graviore demissæ in humidum ferentur deorsum, donec descendant: & erunt in humido tanto leviores, quanta est gravitas humidi molem habentis solidæ magnitudini æqualem. Cum itaque globi nostrates plerumque ex ligno fiant, & quantumvis inania illorum materiâ aquaticâ onerentur, leves nihilominus sunt, nec aqueæ moli sub æquali eademque magnitudine comprehensæ, æquiponderantes: unde in aquam projecti (juxta superiora ex Archimede) partim extant, partim merguntur: idque eo modo, ut partes extantes globi, innuant semper defectum sui ponderis ad pondus aqueæ molis sub æquali ambitu cum globo contentæ. Nec non, demersæ partes ita se habent ad totum, ut pondus globi aquei, ad æqualis aquei corporis pondus, & viceversa. Unde æqualis magnitudo aquei corporis, parti demersæ globi, est semper æquiponderans toti corpori aquei globi. Ut ex: gr: sit globus aqueus pondo 3 ℥, projectus autem in aquam usque eò demergatur, ut tribus ejus partibus sub aqua latentibus, unica duntaxat emineat. Dico jam, pondus aquei globi superari à pondere aqueæ molis, globo aqueo æqualis, eâ ratione, quâ partes demersæ superantur à toto, id est unâ quartâ parte: atque adeo molem aqueam globo aqueo magnitudine æqualem, esse pondo 4 ℥. Et viceversa, si pondus aqueæ molis jam cognitum habeatur, globus autem ad tres quartas suæ altitudinis in illa demergatur, palam erit, globum unâ quartâ parte ponderis aqueæ molis esse leviolem: id est corpus aqueum simile tribus talibus partibus, qualium globus aquaticus quatuor est, constans, æquiponderare toti globo aqueo in bilancibus posito: tres autem illæ partes aqueæ molis, æquales tribus partibus aquei globi, si fuerint 3 ℥, licebit pronunciare, globum quoque aqueum esse pondo 3 ℥. At cum globi nostri aquatici eum vel maxime in finem construï soleant, ut non super superficiem aqueam, verum vel ad ejus libellam, & amussim, vel totaliter in ejus corpore reconditi, ardendo cum flammis & igneis magna in copia scintillis quas eructant, aquam quoque ejicient, nec ignis à circumstantibus aqueis parietibus, in omnem circuitum pressus, ullatenus se suffocari patiatur, immò magis magisque novis viribus auctus, humidi superet violentiam; quod rei, artisque cardo, & finis est. Jam verò globi aquatici si fuerint leviores æquali aqueæ moli, non demergentur in aqua ad suprema usque suorum orificiorum labia, sed eminebunt parte sui aliquâ: & deinceps quò plus materiæ aqueæ ardendo depascetur ignis, eò quoque magis globi illi

illi fient leviores magisque fursum versus ferentur, & pluribus suæ magnitudinis extabunt partibus, donec ea duntaxat pars eorum mergatur in aqua, cui æqualis aquea moles toti innatanti globo æquipondia est. Itaque addendum aliquod pondus, quod aqueum globum, vel æquiponderantem æquali aqueo faciat corpori; ut globi demersi superficies suprema aquæ horizonti ex æquo congruat: vel si eum paulò graviolem aqueam æquali mole per additum globo pondus feceris; ut quantus ille est, sub aqua lateat; quod melius ob superius allatam rationem, nempe propter successivam extinctionem, subsequenterque globi levitatem.

Quo nam autem modo levitas globi aquei respectu æqualis aqueæ molis, partesque ejus quas aquea superficies contegere non erit potis, dum in eam projectus fuerit, deprehendi valeant: & quale plumbi pondus globo aqueo cum aqua levior fuerit addendum sit, ut eidem isorropus fiat, vel aliquantò gravior. Item quomodo pondus aqueæ molis globo aqueo æqualis absque ponderatione, vel mensuratione tam globi aquei, quam & molis aqueæ, juxta morem mechanicis usitatum agnoscatur, ut ex his reliqua eodem spectantia habeantur, ex calculo descripti superius aquei globi, primæ speciei manifestum fiet id.

Axim seu diametrum superioris aquei globi definivimus novem partibus æqualibus: quarum singulas hîc loci supponamus esse uncias pedis Rhénani: ex hoc soliditas pondusque globi lignei, manifesta fient, hunc in modum.

Ponatur ut 21, ad 11, ita cubus diametri globi 9 unciarum, (qui est 729) ad globi soliditatem, in pollicibus seu unciis cubicis; juxta demonstrationes *Christophori Clavii Geom. practic. lib. 5, fol. 253*. Provenient ex operatione circiter 381. digiti cubici, quos complecteretur globus ille si totus solidus esset. At cum vacuum, inanisque sit, & vacui illius diameter 7 constet pollicibus; quærenda igitur vacui illius capacitas, & corpulentia, si solidum esset. Ponatur ergo rursus, ut 21, ad 11, ita cubus diametri vacui 7 unciarum ad capacitatem vacui. Cubus diametri est 343: capacitas verò ex operatione innotescet, 279 digitorum cubicorum circiter. Subductis jam 279 digitis cubicis, quos vacuum globi complecti potis est, de 381 totius globi (quem prius solidum esse præsupposueramus) corpulentia, habebuntur pro residuo 202 digiti cubici, quibus constat ligneum globi corpus, inane circumdans, cujus digiti unius quaquaversum crassities est. Huic residuo adijce quoque corpulentiam dimidii globi solidi, qui epistomio orificium globi obturante superincubat; illam autem venaberis hoc sequenti modo.

Aream baseos hemisphærii (quæ erit $3\frac{1}{2}$ digitorum quadratorum, vel 42 linearum; cum diameter circuli cui hemisphærium innititur, ex supra dictis sit 2 digitorum) duplica, & proveniet ejus superficies convexa, seclusâ base; 7 videlicet digitorum, vel 84 linearum quadratarum. Hanc denique duc in $\frac{1}{2}$ diametri baseos hemisphærii, produces soliditatem hemisphærii 336 linearum solidarum, quæ faciunt $\frac{1}{2}$ digiti, cum 48 lineis cubicis: quibus cum superiori numero in unam summam collectis, constituer aggregatum, corpus cubicum, cujus est soliditas 202 $\frac{1}{2}$ digitorum, cum 48 lineis: vel universim 349392 linearum cubicarum.

Pondus hujus corporis hoc pacto investigabis. Suppone primum corpus hoc esse ferreum. Cum autem juxta regulas capitis 6. l. 1, globus ferreus cujus diameter est 4 digitorum sit pondo ss 8: quapropter fiat, ut cubus diametri ss ferri, ad ss 8 quas ille pendit, ita soliditas illa superior aquei globi, ad suum pondus; si globus ferreus esset. Subducto calculo reperientur 25 ss , unc. 4, dr. 3, gr. 8 circiter, pro pondere globi. Rursus, si fiat (juxta numeros proportionales metallorum in tabella cap. 9, lib. 1. exhibitos) ut 42 ad 3, ita pondus hoc, modò inventum, quod ferreum est, ad pondus ligneum ejusdem globi; erit pondus globi lignei cognitum ss 1, unc. 12, dr. 7, gr. 5 circiter.

Compositio aquatica replens inane aquei globi, sit hîc loci ss 8, unc: 10, den: 2, gr. 7. Pondus quoque ictus ferrei sit 4 unc: & pulvis granulatus, quem ictus continet, pondèret 1 unc. Compone jam pondus globi lignei cum pondere quod compositio aquatica & ictus pendunt, conflabis ex utroque ss 10, unc: 11, dr: 7, den: 2, gr. 12.

Pondus aqueæ molis magnitudine globo aquatico proposito æqualis, addisces hac methodo. Retulimus lib: 1, cap 12, ex testimoniis veterum vas pedis cubici Romani aquâ repletum, fuisse pondo ss Romanarum mensuralium 80, ponderalium verò ss 66, unc. 8. Et cap. 13 ejusdem, ex observationibus Dogeni pedem Romanum antiquum Rhenano æqualem esse concessimus. Ex hoc igitur pes aquæ cubicus Rhenanus totidem libras, quot & antea continebat, nunc quoque continere deberet. At cum ex meis propriis observationibus compertum habeam, corpus aquæ cubicum cujus omnia latera sunt sex unciarum, seu semissis pedis Rhenani, (aquâ ex Rheno Lugdunum Batavorum alluente, depromptâ) esse pondo ss 8, unciarum 2, nostratium sedecim-uncialium ponderalium, circiter. Et cum corpus cubicum pede integro dimensum, ejusmodi corpora capiat 8, erit propterea pondo ss 65 circiter nostratium: & quoniam pes cubicus complectens 1728 digitos cubicos, est pondo ss 65, igitur 381 digiti cubici, qui corpus aqueum globo aquatico æquale constituunt, erunt pondo ss 14, unc: 5, dr: 2, den: 1, gr. 8, ut experiienti manifestum fiet.

Conferamus jam nunc utrumque invicem pondus, id est tam globi aquatici compositione aquaticâ repleti, quod est ss 10, unc: 11, dr: 7, den: 2, gr: 12; quàm & aqueæ molis, magnitudine globo aquatico æqualis, quod modò venati sumus ss 14, unc: 5, dr: 2, den: 1, gr: 8. Reperiemus ex subductione minoris numeri de majore, differentiam ss 3, unc: 9, dr: 2, den: 1, gr. 20. Hæc autem cum sit exactè pars una quarta ponderis illius quod moli aqueæ competit, concludere licebit, globum aquaticum unâ quartâ parte mole aqueâ æquali esse levior: & tres quartas molis, magnitudine tribus quartis globi aquatici æquales æquiponderare toti corpori globi.

Igitur, si ita globum aquaticum præparare volumus, ut in aquam projectus, totus in ea demergatur; nihilominus tamen non descendat fundum versùs, sed superficies ejus superna ad orificium, aquæ superficiei congruat, pondus illud quo inter se mutuo differunt, quarta videlicet pars ponderis aqueæ molis, quæ est ss 3, unc: 9, dr: 2, den: 1, gr: 20, aquatico globo addendum. Id est affigendum fundo globi ad orificii perpendiculum plumbi frustum, quod illi differentiæ æquipondium sit. Aut excavato circa inferum globi epistomium, ligno, liquefacti plumbi tantundem affundendum. Cæterum non peccabitur quicquam si untiis etiam aliquot idem differentiæ pondus augeatur; propter rationes superius à nobis allatas, quas hîc rursus tepetere minimè convenit.

Ut

Ut autem punctum illud in axe globi aquatici, & ex hoc circulus quidam in ejusdem convexa superficie productus, indicari possint, per quæ si planum aliquod æquabile, horizonti parallelum (quale præsupponimus esse planum aquæ, quantumvis illa aliam suæ superficiei habeat figuram, quæ tamen plebeios fallit oculos, animos haud lateret sapientum) ducatur, refecet illud unam quartam partem totius globi aquatici (ut revera refecaret in superficie, & imaginativè saltem separaret à reliquo corpore sub sua superficiei latente, planum aquæ, si in illam projiceretur, & illius æquali mole, juxta dictam modo rationem, levior esset globus ille aquaticus) sic est faciendum.

Cùm juxta Lucæ Valerii de centro gravitatis solidorum lib. 2. prop. 33, *Hemisphærii centrum gravitatis sit punctum illud, in quo axis sic dividitur, ut pars quæ ad verticem sit ad reliquam ut 5 ad 3.* Igitur partire semidiametrum globi, seu axim hemisphærii in partes 8 æquales: & cùm quælibet ex his componatur ex 6, & $\frac{1}{2}$ lineis, $\frac{1}{2}$ axis hemisphærii, seu 33 lineæ cum $\frac{1}{2}$, vel 2 digiti cum 9 lineis, & $\frac{1}{2}$, ex vertice globi, versùs ejusdem fundum in axe mensurati, dabunt centrum gravitatis hemisphærii: per quod si planum aliquod horizonti equidistans ducatur, dispescet hemisphærium in duas æquales, & æquiponderantes portiones. Est enim *centrum gravitatis uniuscujusque corporis* (ut à Guidone Ubaldo, & aliis mechanicis definitur) *punctum illud intra extravè positum, circa quod undique partes æqualium momentorum consistunt, ita ut si per tale centrum ducatur planum, figuram quomodocunq; secans, semper in partes æquiponderantes ipsum dividat.* Itaque semissis illa hemisphærii quæ ad verticem, ubi est orificium globi, est pars una quarta totius corporis æquei globi: & si ex illo puncto in axe globi modo reperto, tanquam centro, cujus radius est perpendicularis ad radium globi ex puncto centri gravitatis hemisphærii ad extimam globi circumferentiameducta, describatur circulus in plano aliquo, & filum ejus longitudinis cujus circumferentia circuli est, fumatur; ac utroque ejus extremo colligato invicem, superficiei globi convexæ aptetur, signabit illud ambitu suo circellum quendam, qui ex æquo responderet superficiei aqueæ quaquaversum globum amplectenti, si in illam globus aqueus, aqueâ mole æquali, quartâ ponderis parte levior existens, projiceretur.

Quomodo autem aliquotæ partes totius, in aliis corporibus, quorum infinitæ figuræ dari possunt, præter regularia, aut his vicina alia, magisque ordinata, inveniendæ sint, & à reliqua corporis mole separandæ, non est mei muneris, & instituti ea nunc docere. Consulat de hoc studiosus Pyrobolista, præter alios insignes Geometras, & Mechanicos, Villalpandum Tim. 3, par. 2, & Keplerum in sua nova stereometria.

Cæterùm pondus aqueæ molis in pede cubico, & ex hoc ratio investigandi ponderis variorum corporum in aquis natantium, & sub aquis latentium, infinite variari poterit, propter varium aquæ pondus in æquali mole: unde illa revocanda quæ lib. 1, cap. 12 de aquis retulimus. Nec prius operatio ulla in perquirendo corporis cujuscumque in aqua natantis, & submersi ponderis, instituenda est, quàm pondus illius aqueæ in vase pedis cubici, aut istius partis aliquotæ, contentæ, cognitum habeatur: aleas multùm à veritatis scopo aberrabitur. Nos autem quæ hic conscripsimus, pro exemplo duntaxat habenda sunt, & semitam quasi quandam ad regium tot mirabilium operationum ducentem iter, aperiunt.

Sed priusquàm manum de tabula, non jucundam minùs, quàm summè utilem & necessariam nostro Pyrotechnico ponderandorum in aqua tam re-

gularium quàm irregularium (quibus id magis convenit) corporum rationem, addere collibuit ex Marino Merfeno. Quam accipe verbis ab ipso auctore prolatis in Phænom: Hydraul: prop. 46.

Quam Archimedes vocat magnitudinem, intellige de corpore, licet ipsum vacuum, siue spatium nullo corpore plenum sub hac voce possit ab aliis intelligi qui credunt huiusmodi spatium minimè repugnare; quod spatium si intelligatur in aquam descendere, quæ propterea solito altius ascendat, idem ac corpus durum præstabit, quem admodum vas aliquod aëre solo plenum in aquam impulsus idem efficit, ac idem vas aqua, vel alio liquore plenum, adeo ut si quis fingat spatium aliquod cubicum nullius gravitatis, in aquam vi quâcunque immersum, idem aquæ respectu facturum sit ac æqualis plumbi cubus, si tanta vis requiratur in illo spatio vacuo in aqua retinendo, quanta fuerit æqualis plumbi gravitas.

Verùm ad magnitudinem solidam eamque duram accedamus; sitque corpus aliquod aqua levius, cuius gravitas innotescet, si gravitas aquæ, vel humidi, cui innatat, & pars illius immersa, vel emersa cognoscatur, ut antea dictum est: sit enim pars demersa ad totum corpus ut 1 ad 12, aquæ gravitas erit ad corporis gravitatem ut 12 ad 1, hoc est aqua decuplo gravior erit; si pars corporis immersa sit totius corporis subquadrupla, vel subdupla, quadruplò, vel duplò gravior erit corpore aqua toti corpori æquali.

Sed & alia ratione corpus illud aquæ innatans, seu aquâ levius ponderabitur, adjuncto nempe aliquo corpore aqua graviore, quale plumbum, cuius gravitas nota sit, quod levius secum in aquam immergat: moles enim aquæ utrique æqualis, erit differentia gravitatis illorum corporum in aëre, & in aqua: ex cuius molis gravitate pondus corporis aqua levioris innotescet. Ablata siquidem gravitate molis aqueæ plumbo æqualis, à tota mole aquæ utrique corpori æquali, supererit aquæ gravitas magnitudine corpori aquâ leviori æqualis.

Sit exempli gratia baculus, vel cylindrus ligneus, cuius gravitas in aëre 12 unciarum, cui undecim plumbi unciae annectantur, ut illum demergant: Cum in aqua plumbum illud decem solummodo sit unciarum, moles aqueæ plumbo æqualis unius erit unciae. Sit autem utriusque corporis in aquammersi gravitas 16 unciarum, quæ fuerat in aëre 23 unciarum, quarum differentia, nempe 7, ostendit molem aquæ baculo, plumboque æqualem esse 7 unciarum, à quibus ablata mole aqueæ plumbo æquali, unius unciae, supererit moles aquæ 6 unciarum, baculo æqualis. Idemque contingit si plura corpora humido leviora beneficio plumbi, vel alterius corporis aqua gravioris immergantur.

Cavendum est tamen ne corpus aëre levius, vel etiam gravius, aquam in suis poris admittat, quod propterea gravius quàm revera sit, in aëre inveniretur: quanquam huic incommodo possis occurrere cera, pice, vel alio glutine corpori circumdato; nam aquæ mole æquali ceræ, vel alteri glutini, ablata, moles aquæ reliqua porosi corporis gravitatem ostendet. Priùs tamen explorandum quod nam glutinis pondus ligni, lapidi, vel alteri corpori poroso circumpositum sit, & quæ sit ratio gravitatis illius ad aquæ gravitatem.

Verbi gratia si fuerit cera circumducta 22 unciarum in aëre, moles aquæ ei æqualis erit 21 unciarum: atque adeo moles aqueæ 21 unciarum erit primum auferenda, ut reliqua moles corporis æqualis, sua gravitate corporis gravitatem demonstret, ut ante dictum est. Plura de hoc genere ponderandi corpora gravia, invenies apud eundem auctorem ejusdem operis prop: 43, 44, 45, 47, & aliis. Nec non apud Galilæum Galilæi, & Nicolaum Tartagliam in libello Italicè scripto qui intitulatur. Ragionamenti de Nicolao Tartaglia: sopra la sua travagliata inventione. Et altero cui inscribitur: Regola generale da sollevare è mi-

è misura non solamente ogni affondata nave : ma una torre solida di metallo , trovata da Nicolao Tartaglia.

CAPVT II.

De Globis recreativis saltantibus super planis horizontalibus.

Species 1.

Sume globum ligneum excavatum , sphæricè rotundum cum suo orificio , & cylindro ad occludendum , & accendendum globum apto , ejus planè proportionis & formæ , cujus est ille globus in prima specie superioris capituli globorum aquaticorum , à nobis delineatus , & descriptus : onereturque eadem materiâ , quâ globi aquatici onerantur . Fac postea fieri ictus ferreos quatuor , aut etiam plures , ejus formæ qualem nos in figura Num: 93 depinximus , sub literis A, B, C, D. Istos pulvere granulato optimo usque ad orificia replebis , desuperque coactâ papyro , aut stuppâ lini , vel canabis obturabis : terebratisque in globo foraminibus ejus latitudinis , ut illos ictus faciliè inferere queas , claviculis ferreis ad convexam globi superficiem firmabis ; habebisque globum præparatum : quem si accensum in planum aliquod projeceris , tot saltus videbis facientem , quot ictus indideris.

Species 2.

Globum ligneum sphæricè rotundum , ac solidum , cetrâ liquefactâ undique obline: tum postea scinde chartas papyri ob longas , latas duos tresve digitos , easque ab una parte glutine illitas , variè in globi superficie dispone , & totum contege globum ; ut papyrus illa crassitiem unius duarumve linearum nanciscatur . Vel quod melius , massam illam ex qua papyrus fieri solet , glutinis aquâ diluito : eâque totam globi superficiem obducito , & postea in lento calore siccari facito : siccata verò bifariam scindito . Denique posito globo ad ignem , & cerâ liquefactâ faciliè duo papyracea vacua hemisphæria ex globo detrahes , globumque saltantem hoc sequenti modo construes . Sume tres Rochetas communes eo modo oneratas , terebratasque ut in prima specie Rochetarum scandentium à nobis dictum est ; ictus tamen ex pulvere granulato hîc non requiritur . Rochetæ istę ejus sint longitudinis , ut longitudinem diametri interioris hemisphæriorum non excedant . Impone jam Rochetas in utrumlibet ex hemisphæriis , atque hoc ordine dispone , ut ubi unius collum seu pars ima est , illic alterius Rochetę orificium , parsque suprema ponatur : idque eâ de causa fiet , ut simul ac una exusta fuerit , altera arripiat ignem , & retrò propellat globum . Sedulo tamen animadvertendum & præcavendum est , ne priusquam una exuratur , ad alteram clam adrepat ignis : cui non difficulter occurre , si illa quæ superius de Rochetis super fune currentibus , duabus simul junctis , à nobis dicta sunt , huc quoque reassumpseris . Ad accendendam primam Rochetam fac in hemisphærio papyraceo foramen , ut ad Literam D , in figura sub Num: 94 apparet . Tandem his omnibus ritè peractis alterum hemisphærium superimponere , & utriusque commissuras papyro glutinè illatâ stipato , & optimè firmato ne unum ; ab altero inter cursitandum separetur , irritusque reddatur labor , & opera : denique accensâ primâ Rochetâ projice globum super planò aliquo horizontali . In eadem figura literis A, B, C , sunt notatę Rochetæ in hemisphærium impositæ .

Spe.

Species 3.

Hic globus ab illo in specie horum prima descripto parum differt; nisi quod hîc ictus papyracei plurimi in extima globi superficie affingantur, eo ordine dispositi, ut Figurâ sub Num: 95. monstrat: in qua ictus notantur literâ A; foramen verò accensorium literâ B.

CAPVT III.

De Globis Recreativis Aëreis, ex Mortariis ejiciendis.

Constructurus globum recreativum ejiciendum ex mortario aliquo, sume ante omnia diametrum orificii mortarii illius. Hanc divide in 12 æquales particulas: erit ex his $\frac{11}{12}$ globi vacuum; reliquæ $\frac{1}{12}$ dabunt diametrum globi construendi. Hanc rursus secabis in 6 æquales partes. Altitudo globi ab A usq; in C, erit æqualis latitudini, seu diametro globi. Semidiameter semicirculi C I, erit ex $\frac{1}{2}$, seu dimidia altitudine, vel latitudine globi. Crassities ligni ad latera H I, obtinebit $\frac{1}{12}$ diametri ejusdē; crassities verò operculi A K, conflabitur ex $\frac{1}{2}$ ejusdem diametri globi. Latitudo globi interna habebit per diametrum G H, $\frac{1}{2}$ ejusdem latitudinis globi. Altitudo cameræ accensoriæ BF, fortietur $\frac{1}{2}$ cum $\frac{1}{2}$ diametri: latitudo verò $\frac{1}{2}$, id est, latitudo altitudinis erit subsequialtera. Latitudini foraminis accensorii $\frac{1}{2}$ sufficiet. Hæc de proportionibus hujus generis globorum, quomodo nempe ex ligno fieri debeant, dicta sufficiant. Quomodo autem onerentur, in sequentibus speciebus manifestum fiet. Globi istius formam, ex quo sequens primæ speciei sortum ducit, & aliquot alii sequentes, habes in Figura sub Num. 96.

Nota. Hæc globorum proportio ratione formæ intelligenda est tantum de illis globis, qui ex majoribus mortariis (nempe 30, 40, 60, etiam 100, & plures libras lapidis in diametris suorum orificiorum habentibus) ejiciendi sunt: ad minora verò 6, 10, 15, & 20 lb , lapideos globos ejicientia, possunt globi ejusmodi parari ex papyro in tubos cylindræcos collecta, & conglutinata; infernè tamen additis fundis, ligneis cum suis cameris, & foraminibus accensoriis.

Species 1.

Scindantur vulgares harundines, eâ longitudine, ut internam globi altitudinem exæquent, onerenturque lentâ compositione, constante ex partibus tribus Pulveris triti, partibus duabus Carbonum, & parte una Sulphuris, pauxillumque oleo Petrollei humectatâ: inferna tamen illorum pars, quæ super fundum globi statuenda est, oneretur pulvere trito, etiam oleo Petrollei, aut vino adusto resperso, & exsiccatâ; ut eò facilius flammam concipiant: fundo quoque globi inspergatur parum triti pulveris, granulato permixti. Sic oneratas harundines impones in globi concavitatem, superius à nobis descripti, tot quot illa capere poterit. Globus postea desuper operculetur, & lineis telis glutine imbutis undique circumdetur. Infernè quoque ad cameram accensoriam affigatur orbiculus ex coactâ lana, aut crassiori panno scissus. Cameram accensoriam onerabis vel illâ superiori lentâ materiâ, quâ & arundines onerasti, vel unâ ex sequentibus duabus: quarum prima est. Sume Pulveris partes 8, Salisnitri partes 4, Sulphuris partes 2, Carbonum partem 1. Secunda verò hæc est. Sume Pulveris partes 4, Car-

bonum



Fig. 89.




Fig. 90.




Fig. 91.





Fig. 92.



Fig. 93.




Fig. 94.




Fig. 96.




Fig. 97.




Fig. 98.



Fig. 95.



Fig. 99.




Fig. 100.





Fig. 101.



bonum verò partes 2. Terantur, misceantur, incorporenturque benè omnia. Denique glutine Pyrotechnico (de quo inferius in capite sequenti) agglutinetur circa orificium, & super orificium cameræ accensoriæ globi, pauxillum de stuppa pyrotechnica (cujus præparationem libro secundo capite 29 docuimus) solutæ, & sparsæ. In eadem figura, quæ est sub Num. 96 harundines notatæ sunt lit: L.

Species 2, & 3.

Istæ sequentes duæ globorum Recreativorum species, quorum figuræ sub Num. 97, & 98 sunt depictæ, simillimæ, & planè eadem sunt cum illo primæ speciei. Solummodo prior ex his oneratur Rochetis currentibus: Posterior verò ictibus papyraceis, & Stellulis Scintillisque Pyrotechnicis super ictibus locatis, & cum pulvere trito permixtis. Nihil igitur amplius de hisce speciebus dicendum hic loci, cum omnia ex ante dictis & ex schematibus delineatis luculenter pateant.

Species 4.

Istius globi, quem nos speciei quartæ esse volumus, & ejus formam in figura sub Num. 99 exhibemus, constructio ex ipsomet schemate facillimè cuilibet innotescet. Primus quidem globus, cui alter minor imponitur, idem est qui & in superioribus speciebus erat, tum ratione formæ, tum ratione præparationis: oneratur namque Rochetis currentibus, ut & ille speciei secundæ, eâ tamen differentiâ quòd hic unicus tantum ordo Rochetarum sit, ut lit. A monstrat; illic verò tota concavitas illis repleta erat. In medio Rochetarum statuitur globus alter formam cylindri habens, & fundum planum B, cum camera, & foramine accensorio D. Concavitas verò illius repletur ictibus ferreis C. Operculum quoque planum habet sub lit: E. Utriusque globi cameras accensorias ipsdem compositionibus onerabis, quibus & superiorum globorum onerasti: foraminula quoque accensoria, pulvere trito replebis.

Species 5.

Hæc quoque species 5 globorum Recreativorum hoc tantum ab illo superiori speciei quartæ differt; quod major sit este globus, & duos interiores (unum nempe in altero reclusum) recipiat globos. Ipsemet notatur literâ A, oneraturque tubis D: (de quorum constructione jam toties diximus) horum orificia fundo istius globi pulvere trito cum granulato permixto, resperfo, obversa sunt. Secundus internus globus sub litera B, habet unum ordinem Rochetarum currentium majorum sub litera E. Tertius denique minimus, etiam habet Rochetas parvulas currentes sub litera F; globumque lucentem in medio sub litera G. Reliqua eo modo, & ordine peraguntur, quem in aliis superioribus præscripsimus. Vide Fig. sub Num. 100.

Species 6.

Paretur primum globus ligneus, in cujus medio sit mortarium, cum pulveris camera: circum circa verò spatium ad tubos papyraceos locandos cum canaliculo; qui postea pulvere trito replebitur. In mortarium impones globum recreativum vel Rochetis currentibus, vel ictibus papyraceis, aut ferreis, aut harundinibus, aut denique Stellulis Scintillisque oneratum, quorum constructio ex ante dictis neminem latet. Super canalem verò locabis tubos papyraceos eo planè modo, ut superiori capite in specie 6 globorum aquaticorum diximus, & Rochetas currentes impones, posteaque papyro crassiori
S con-

conglutinatâ, vel lineis telis glutine imbutis conteges. Vide Figuram sub Num. 101 : in qua sub litera A, est globus ligneus nondum præparatus; litera A, denotat mortarium illius; B, cameram pulveris in mortario; E canalem; D, foramen accensorium; C, cameram accensoriam. In altera verò figura sub litera B, literâ F, notati sunt tubi papyracei; reliqua & schematibus clara sunt.

Species 7.

Fac fieri globum ligneum, cujus altitudo latitudinis dupla sit. Ut in figura sub Num. 102, altitudo tota globi A B, est dupla latitudinis ejusdem C D. Dimidia globi pars superior excavetur eo plane modo ut in antecedentibus globis recreativis factitatum est. Hoc vacuum onerabis postea vel Rochetis currentibus, vel ictibus, vel alio quopiam ex ante dictis modo; operculum quoque desuper aptabis. Altera verò pars ejusdem globi inferior, habeat cameram accensoriam E, cujus altitudo & latitudo sit $\frac{1}{2}$ diametri latitudinis globi: foramen quoque accensorium habeat latitudinem $\frac{1}{2}$ ejusdem diametri. Terebrabis deinde foramina in omnem circuitum in illo ligno solido inferioris partis globi, eo modo ut ad accensorium foramen non pertingant, sed inter illa, & foramen, maneat lignum solidum crassitiè semidigiti: postea tamen subtili acu ferreâ candefactâ parvula foraminula exures, quæ simul in foramine accensorio globi concurrant omnia; vide in eadem figura literas G, & I. Foramina hæc ita lata sint, ut vel ictus ferreos, vel Rochetas currentes, in illa inferere queas: quæ quonam modo imponendæ sunt, & quid observandum ut accensæ foras erumpant, vel suos faciant effectus, jam toties dictum, nec est quod repetatur.

Species 8.

Non tam artificiosa nimium sequentis globi structura, quàm spectatorum visui perjucundus effectus illius est. Nec id omnibus passim Pyrobolistis notum, quo modo videlicet ignitæ literæ, certi characteres, nomina, & sententiæ variæ, in aëre obscuræ, & nubilæ noctis tempore repræsentari, viderique possint. Ejusmodi igitur globi constructionem proprio Marte à nobis adinventam & toties in opus deductam hîc loci enunciabimus, hac ut sequitur methodo. Habeas primùm globum ligneum, in altitudine, latitudine, crassitiè & forma, nihil prorsus ab illo in prima horum specie & aliis eum sequentibus descripto, differentem. Camera verò ejus accensoria A, in figura Num. 103, latitudinem, & altitudinem habeat $\frac{1}{2}$ diametri latitudinis globi. Sit quoque & altera camera pro pulvere granulato recondendo, cujus altitudo C D, sit latitudini D E, (quæ est etiam ex $\frac{1}{2}$ diametri globi) æqualis: foramen verò accensorium B, habeat latitudinem, cameræ istius modo dictæ, vel alterius accensoriæ, latitudinis subquadruplam. Fac quoque & alterum globum formâ cylindraceâ, cujus fundus modicè arcuatus sit, qualem in eadem figura sub litera F vides. Operculum illius G, intret in aliud majoris globi operculum; ut globus iste alteri inclusus immobilis sit, & perpendiculariter pulveris cameræ insistat. Concavum istius globi tum Rochetis currentibus, tum Stellulis, & Scintillis onerabis; ut idem schema monstrat. Infernè ubi arcus efformans globi fundum unitur lateri recto globi ejusdem, ut est ad H, firmetur optime orbis ligneus, in medio foramen latitudini globi diametro æquale habens, ad latera verò ut ad I spectatur creberrimis foraminibus lacescit: vel hoc modo ut est ad K, striatus: vel denique circumcirca adigantur ferrei subriles claviculi in globi fundum, ita

ita tamen ne unus alterum longitudine superet, plusvè altero superemineat, sed omnium simul apicès circulum constituent, cujus diameter latitudinis internæ globi diámetro, & circumferentia circumferentiæ ejusdem respondeat, vide literam L. Postquam igitur jam hoc modo præparaveris globum, cape aliquot bracteas tenues & subtiles ex costa balenæ fissas (Germanis *Walfischbein* dicuntur) Cumque illis id proprium sit, ut nunquam rectæ, sed curvæ sint semper, nostrum verò hoc opus requirit ejusmodi materiam, ex qua præpares regulas duas, quæ in spiram collectæ, dum recurrunt, rectissimæ sint. Binas ex hisce bracteis modo dictis simul junctas, sic dispone, ut partes illarum convexæ introrsum, concavæ verò extrorsum vergant, ut id ad M videre est. Tum ex duabus regulis curvis contrariè positis, & postea ad capita, & in medio colligatis, efficies unam rectam regulam, (qualis est N,) & quæ in eodem statu semper permanfura est, ac quantumvis in arctissimam, angustissimamq; volutam torqueatur, cogaturque, nihilominus tamen in libero reditu, & sibi permissa rursus pristinam rectitudinem nanciscetur.

Tales igitur regulas duas in plano aliquo æquidistanter pope, (vide O) duasque breviores ad angulos rectos illis annecte, ut rectangulum parallelogrammum P T S Q, constituas. In hoc primum ex filis cupreis vel ferreis, aut (quod melius) ex iisdem assulis subtilissimè fissis, fac literas, quæ tibi maximè ad repræsentandum congruæ videbuntur, ejus altitudinis, ut altitudini H R, in globi vacuo, æquales, vel paulò breviores sint; quod nos in hoc exemplo fecimus. Hæc verò distent ab invicem latitudine palmi, aut longitudine pedis unius, idque juxta globi magnitudinem, in quem hæc literas imponere vis. Sume postea stuppam Pyrorechnicam solutam, præparatam juxta modum secundum capitis 29, lib. 2, & omnes literas, quàm optimè circumvolue, & contege, & vino adusto, in quo prius parum gummi Arabici, aut Tragacanthæ solveris undiquaque circumline, & dum siccescat pulveris farinâ resperge: regulæ tamen illæ quatuor parallelogrammi, ne minimùm quidem eadem stuppâ circumdandæ sunt: nedum literæ ardent confundantur eorum flammæ, & difficulter propterea dignoscantur in aëre. Jamque si placeat, ut literæ perpendiculariter in horizontem descendant, tum pondera bina tantum ad S, & Q, applicanda sunt. Sin autem velis ut Parallelogrammi planum, horizontis plano in descensu respondeat, (quod difficulter ob aëris impedimentum assequeris) tum & supernè ad P, & T, alia quoque duo pondera alligabis ad angulos parallelogrammi. Tandem circa globi interioris cyliadraceam superficiem collige in spiram parallelogrammum cum literis, ut super H quiescat, & in majori globo statue perpendiculariter, atque pulvere trito inania inter literas spatia reple, & operculo globum contege. Hæc omnia si juxta regulas modo dictas, ritè peregeris, egregium sane hujus globi videbis effectum,

Nota. Non literæ & characteres diversi duntaxat hac methodo ardentes in aëre repræsentari possunt, immò etiam varia heroum insignia, & complures aliæ figuræ, hominum quoque, & variorum animalium imagines flammis circumcundatæ, perque aëra volitantes præparabuntur, ad spectatorum oblectandos oculos, & animos. Sed requiritur ad hoc non vulgaris rei pyrotechnicæ, & eorum quibus illa opus habet, notitia, & judicium naturale, cujus defectum nec Æsculapius cum omni medicorum collegio restituet cuiquam unquam.

COROLLARIUM I.

De Globis Lucentibus, quales ignibus recreativis adhibere solemus: Germanis *Lichtkugel* dictis.

Lucentes Globi duplices sunt, recreativi nempe, & serii, aut bellici. De his suo loco sermo nobis erit: illi verò quomodo præparentur nunc breviter dicendum est.

Sume Antimonii crudi ℥ 2, Salisnitri ℥ 4, Sulphuris ℥ 6, Colophonix ℥ 4, Carbonum ℥ 4.

Vel, Antimonii ℥ 3, Salisnitri ℥ 1, Carbonum ℥ 1, Sulphuris ℥ 3, Colophonix ℥ 1, Picis nigræ ℥ 3.

Utramlibet ex hisce compositionibus (singulis tamen primùm materiis tritis) impone in caldarium, aut vas fictile vitreatum, & super flagrantibus carbonibus liquefat. Indito postea stuppæ lini aut canabis tantum, ut totam liquefactam materiam absorbeat, & dum frigescat, parato ex illa stuppa globulos rotundos, ejus magnitudinis, quæ tuis usibus maxime accommoda videbitur. Postea tandem stuppis Pyrotechnicis circumdatos vel in Rochetas, vel in globos recreativos, tam aquaticos, quàm etiam ex mortariis ejici solitos, imponito.

COROLLARIUM II.

De Stellis, & Scintillis igneis Pyrotechnicis, quas Germani *Stern-venen* & *Vuerpuzen* dicunt.

Stellæ Pyrotechnicæ, à Scintillis in eo differunt, quòd illis majores sint, nec adeo celeriter ut scintillæ consumantur ab igne; sed diutius aliquantò splendeant in aëre stellarum in modum. Præparantur verò hac sequenti methodo.

Sume Salisnitri ℥ 3, Sulphuris ʒij, Succini pulverisati ʒj, Antimonii crudi ʒj, Pulveris triti ʒij.

Vel, sume Sulphuris ʒij 3, Salisnitri ʒiiij, Pulveris subtilissimè triti ʒiiij 3, Olibani, Mastics, Cristalli, Mercurii sublimati, sin: ana ʒiiij, Ambra alba ʒj, Camphoræ ʒj, Anthimonii, Auripigmenti sing: ana ʒ 3.

Omnes materiæ subtiliter pulverisatæ & cribellatæ, humectentur aquâ glutinis, aut gummi Arabici, vel Tragacanthæ; postea fiant globuli avellanæ aut fabæ magnitudine: qui in sole, aut hypocausto calido exsiccati, servantur ad usus Pyrotechnicos recreativos, de quibus superius abundè satis diximus. Hoc tantum memoriâ tenendum, quòd dum vel Rochetis, vel globis recreativis imponendi sunt, stuppis pyrotechnicis solutis circumdantur quaquaversum. Persepe solent Pyrobolistæ horum globulorum loco parvula fragmenta materiæ liquefactæ (de qua inferius dicemus, cum ignitæ pluviz præparandæ modum docebimus) in stuppam Pyrotechnicam involuta, fumere ad solitos usus.

Si placet alias quoque stellas construere quæ non sint nigre ut præcedentes, sed flavæ, & ad albedinem quodammodo inclinatæ, tum sume, gummi Tragacanthæ, vel gummi Arabici pulverisati & cribellati ʒiiij, Camphoræ in aqua ardenti dissolutæ ʒij, Salisnitri ℥ 1 3, Sulphuris ℥ 3, Vitri pulverisati non subtiliter nimis ʒiiij, Ambra alba ʒj 3, Auripigmenti ʒij; fiant globuli ut prius. Hæc ex Claudio Mydorgio.

Scintillarum verò faciendarum hæc methodus & via est. Sume Salis-

ni-

nitri ʒj, Materiae liquefactæ ʒß, Pulveris triti ʒß, Camphoræ ʒij. Singulas primum materias, in tenuem redactas pollinem in vasculum aliquod figulneum imposito, & aquam Tragacanthæ vel vinum adustum in quo prius Tragacantham vel gummi Arabicum solveris, superinfundito; ut liquidi pulmenti alicujus temperamentum habeat: postea ʒj Gossipii, in aceto, vel vino adusto, & salenitri decocti, & exsiccati, inq; minucias lacerati, eò inditam, volutato, ut totam assumat & absorbeat materiam. Fac deinde ex hoc parvulos globulos pillularum medicinalium instar, pisi magnitudine, & farinâ pulveris respersos siccato, & ut scis utere postmodum illis.

Parantur præterea odoriferæ quædam pillulæ, quæ machinulis quibusdam Pyrotechnicis exiguis, in cubiculis, aut aliis locis conclusis, ad conflandum destinatis, adhibentur. Hæc componuntur ex Storacis calamitæ, Belzoy, Gummi juniperi sing. ana ʒij; Olibani, Masticis, Thuris, Ambrae albæ, Succini, Camphoræ sin. ana ʒj; Salisnitri ʒiij, Carbonum tiliæ ʒiij. Teruntur pulverisantur, incorporanturque omnia benè, & gummi Arabico, vel Tragacanthæ, in aqua rosarum soluto, humectantur, & pillulæ parantur. Denique in Sole, aut ignis calore siccantur.

COROLLARIUM III.

De modo ejiciendi globos recreativos ex Mortariis, & de pulveris quantitate ad hoc opus necessaria, nec non de cameris pro pulvere hoc reponendo.

Cùm ejusmodi globi recreativi perpendiculariter semper respectu horizontis, in aërem ex mortariis ejici soleant, necesse est, ut proportionata quantitas pulveris ratione ponderis globi recreativi, ad eundem ejiciendum sciatur. Id autem duplici assequemur modo. Primus quidem: si bilancem aut stateram ad manum habeas, pondus globi experire, & quot libras globum pendere inveneris, tot semilotones pulveris sume. Ut ex. gr. si globus recreativus fuerit 40 lb, requiruntur ad eum ejiciendum semilotones 40, aut uncia 10. Sufficit namque ea quantitas pulveris: cùm & globi isti lignei sint, ac propterea majorem vim pulveris ex majori ejus quantitate profectam, vix sustinere possint: & in perpendiculari jactu majorem quam in aliis per circuli quadrantem jactibus, pulvis pyrius in machinis bellicis ignivomis reclusus, exerat vim, cumque majori furore ac impetu pondus superimpositum, devolvere & ejicere conetur; quod alibi locorum fusiori forsitan stilo demonstrabimus. Sin autem ponderatoriarum machinarum non tibi suppetat copia, tum diametrum latitudinis globi circino vulgari, aut in curvata crura habente sumptam, statue in Regula Calibræ ponderi lapideorum globorum accommodata: numerum verò illum quem circinus in eadem regula absciderit, bipartire, ut numerum lotonum pulveris assequaris.

Habitâ jam pulveris quantitate ad ejiciendum globum recreativum, sciendum quoque quo modo idem ipse pulvis in mortarii camera sit reponendus. Nos hic loci duplicem monstrabimus modum, quorum primus erit iste. Fiat ex ligno dulci, & molli corpus quoddam coni resecti inversi formam referens, (*Serzkamer* Germanis dicitur) altitudine & latitudine suâ camerae mortarii æquale: supernè verò ubi latissimum est, habens excavatam cameram pro pulvere recondendo. Terebretur quoque subtilissimâ reberâ, aut

candenti ferreâ acu exuratur foramen ab imo corporis istius ad centrumusque fundi cameræ in eo excavatæ; idque non perpendiculariter, sed obliquè, & diagonaliter; nempe ex C, in B, ut monstrat schema sub litera A, in figura Num: 104. Signetur etiam locus ille à quo foramen incipit infernè incisurâ: ut cum onerandum fuerit mortarium, foramen corporis istius obvertatur & è directo respondeat foramini accensorio mortarii. Jam verò cùm onerare volueris mortarium globo recreativo, infunde primùm in cameram pulveris triti, cum granulato mixti pusillam quantitatem; huic super impone corpus illud ligneum, & pulverem ad globum ejiciendum requisitum in cameram ejus mitte; denique globum recreativum super cameram statue, accensoriâ ejus camerâ pulveri obversâ: qui etiam à lateribus in concavo mortarii optimè firmandus, vel stuppâ canabis, & lini, vel feno, aut stramine stipandus est. Hæc verò omnia schema Figuræ 104. monstrat.

Nota. Camera illa in corpore ligneo facta ejus capacitatis esse debet, ut totum pulverem, qui ad ejiciendum globum necessarius est, recipiat: neque justo major sit, ita ut pulvis ille non valeat explere totam. Plurimum enim officit jactui globorum quando inter pulverem & globum ejiciendum, vacuum aliquod nec nisi solo aëre plenum interjacet spatium. Et hanc maximè ob causam, ista corpora lignea de quibus nunc nobis sermo est, cùm pulvis ille globum ejecturus in camera mortarii positus, non implet totam, sed super eundem altum satis remanet intervallum ad cameræ usque orificium, & vacui, interpositi perampla capacitas, quæ (ut diximus) brevioris ictus unica causa est: & revera ad majorem longè machina illa ignivoma globum suum jaceret distantiam, nisi vacuum inter pulverem globumque intercederet. Luctandum enim primùm est igni cum aëre, per immissionem globi non parum densato, & sibi superincubante, dum eum rarefaciat, globoque fiat proximus, ut eum tollat: hæc verò lucta, & mutua ignis cum aëre pugna spatio temporis aliquo opus habet: in quo defervescit furor, minuiturque, vel languescit potentia pulveris. Cæterum in eo conflictu, & nisu ignis ex pulvere producto in movendo pondere, id fortassis agitur, quod ageretur cum malleo pilam ligneam percutiente, si inter hanc, & illum vesica inflata, aut pulvinus quidam, vel aliud quodpiam corpus molle, & cedens interponeretur. Hoc enim propter suam mollitiem, & partium ex quibus componitur raritatem, impetus à malleo sibi impressi, in corpus durum cui adjacet (pilam nempe ligneam) transferendi, & transmittendi non haberet potentiam: idque ex eo, quod omnes illi velocitatis gradus à potentia movente profecti, qui ad pilam ligneam pellendam satis essent, per corpus molle quaquaversum disseminentur, dissipenturque, nec propter partium distantiam in unum punctum coeant, ex cujus contactu moveretur pila iisdem velocitatis gradibus, qui corpori molli impressi sunt. Ita quoque à simili cùm potentia motrix, ex pulvere prognata, globum immediate non tangit, sed altero corpore mediante, quod communicationis, translationisque imperus capax non est, certum est, nullatenus iis velocitatis gradibus globum motum iri, quibus moveretur, nisi tale obstaculum quod potentia motricis infringit vires intercederet: & quod sequitur velocitatem, ad majorem perveniret globus distantiam ab eo loco ex quo moveri inciperet; cùm major velocitas, sit potentia transmittendi corpus per majus spatium æquali tempore; nisi forsitan velociori motui magis restiterit aër. Dura tamen corpora quæ inter potentiam moventem, & corpus movendum sunt posita, si ita uniantur, ut quasi unum sint corpus, velocitati motus non officiant quicquam.

Un-

Unde in cameris mortariorum cùm ex illis granatæ, & cæteri Pyrobolici globi, uno igne, & aliquando duobus etiam jaciuntur, (de quo inferius) cylindri ex ligno duro & denso super pulverem in illis repositum violenter impacti, & orbes lignei fundis granatarum immediatè adjacentes, haud sunt impedimento ullo ad velociores illarum motus: immò juvant etiam eosdem non mediocriter; quod & omne vacuum inter granatas, & pulverem, expleant, & magis cogant pulverem, uniantque melius: (observatis tamen omnibus quæ de pulvere condensando superius dicta sunt) nec non difficilem respirationem faciant igni; quod ejus summopere auget potentiam, ut & antehac dictum.

Separatum autem corpus unum, si magnitudine, formâ, & materiâ simile, & æquale sit alteri corpori, in quod pellitur & movetur, semissem ejus impetus quem à potentia movente accepit in puncto contactus imprimet corpori immoto: quâ ipsummet jam spoliabitur; cum id quod ab uno alteri datur, in ejus cui datur, transeat possessionem, dans verò careat eo: motus verò nullus omnino perit, sed ex uno subjecto transit in aliud. Itaque utrumque corpus movebitur simul, sed motu duplo quàm antea tardiore.

Inæqualia verò corpora, sed ejusdem formæ, & materiæ, proportionatam ad suam inæqualitatem servant inter se rationem, in communicando & transferendo impetu, quo pollent. Ut ex: gr: si pila lignea violenter mota, obviam habeat aliam pilam etiam ligneam, cujus solidum ad suum solidum duplam habeat rationem, bessim sui motus imprimet illi pilæ: quod istæ pilæ simul junctæ, unius instar corporis in tres partes divisi concipiendæ sint, tumque tria tempora in eodem spatio percurrendo impendent, quod antea pila minor unico tempore conficiebat.

Hoc posterius à nobis adductum exemplum ad demonstrandum æqualium, & inæqualium separatorum corporum motum, quem sibi mutuo imprimunt, quamvis de corporibus illis duntaxat quæ in aëre libero tanquam medio non impedito moventur, intelligi debeat, habent illa nihilominus tamen similitudinem quandam in motu cum illis corporibus quæ in machinis bellicis recluduntur: è quibus unum pulveri proximè adjacet, & probè eum comprimit, alterum verò spatio aliquo loci distat ab eo; ita ut inter utrumque vacuum intercedat. Ut ex: gr: si in mortario aut tormento cannæ longioris, super pulverem immediatè jaceat ferreus globus, ad interval- lum autem duorum, triumvè pedum globus ferreus tormentarius alter priori similis, & æqualis in canna tormenti defixus hæreat; ita tamen ut non difficulter moveri queat, (nam de globis qui in tormentis & sclopetis manuariis, vel ærugine oblimati, vel ferreo clavo, aut silicis fragmento inter hos, & tormenti concavum intervenientibus, aut aliis plurimis de causis ita firmati detinentur, ut nec pulverem versùs propelli, nec foras extrahi ulla- tenus possint: unde etiam persæpe evenit ut dum exploduntur, tormenta rumpi necesse sit, suo loco dicetur) & si incensus pulvis moveat globum sibi vicinum, eo in casu id futurum fore existimaverim, ut globus pulveri vicinus, alteri qui orificio tormenti proximior est, partem sui motus aliquotam imprimat, atque communicet: unde cùm dividatur potentia motrix, longè segnius uterque moveatur. Proportio autem quâ illa corpora inter se motum partiuntur, præcisè determinari nequit; cùm & distantia unius ab altero in tormenti vacuo infinite variari possit, & magnitudo corporum, & vacui tormentorum multiplex sit: unde in majori vacuo, & plus inter utrumque corpus aëris interjacet, qui difficiliùs movetur, & corpus unum

tardius

tardius appropinquat ad alterum, impetumque ad motum necessarium communicat oscitanti: ex quo cum longiori tempore moretur, ignis in canna tormenti, prius quam utrumque ejiciat globum, multum de suo vigore deperdit. Quod & à simili in tormentis longioribus, & brevioribus æquali pulveris quantitate, ad æquale pondus movendum, & ejiciendum oneratis, per quam verissimum est, ut aliquando fufius de hoc deceretur à nobis.

Rursus si corpora fuerint inæqualia tam ratione formæ, quam materiæ, & magnitudinis, inæqualiter quoque impetus acceptos inter se dividunt. Nec enim ligneus cylinder pulveri adjacens, tantum sui impetus impertietur globo ferreo ad aliquod intervallum in vacuo tormenti remoto, quantum similis & æqualis globus impertiretur, & vice versa. Hoc tamen certum est quod omnia corpora eò majoris impetus, & velocitatis sunt capacia, quò plures materiæ partes sub eadem quantitate, dummodo per æquæ duras habuerint; formæ tamen eorum, ut supra dictum, ratio haberi debet.

Hactenus paucula hæc, hic nunc in exemplum. Abstineo calamum ulterius volentem, ne à brevitate avolem, nec etiam copiosior in hosce motus disquisitionis istius loci est: jamque ad secundum modum ejiciendi globos recreativos ex mortariis explicandum accedo; hic autem sic habet.

Si camera mortarii latum nimis habuerit orificium; & altitudinem ad latitudinem improporcionatam: ac ea quantitas pulveris quæ ad ejiciendum globum recreativum necessaria est, tam exigua fit, ut & cameram illam mortarii non expleat totam (quod vix unquam fieri poterit, cum globi recreativi leviores multò sint Granatis, aliisque plurimis bellicis globis, ad quos præcipuè ejiciendos mortaria construuntur: unde etiam ad majorem quantitatem pulveris quàm illi ad suum motum opus habent, majores quoque cameræ in mortariis construuntur, ut & illum pulverem capiant, & præterea adhuc super pulverem inane spatium, pro ligneo cylindro recipiendo habeant) & quantumvis juxta primum modum cameram in illo ligneo corpore pulveris requisiti capacem construas, cum diffusè tamen latèque dispersus in illa jaceat: ex quo plurimum suarum virium incensus amitteret, nec eo impetu in pondus movendum ageret, quàm si in tubo aliquo proportionatum ad suæ quantitatis effectum, habente vacuum, reponeretur, recludereturque (cujus rei causam reddemus inferius.) Igitur construendus & necessariò cylindrus quidam ligneus latitudine, & altitudine cameræ mortarii æqualis; in medio autem soliditatis eo modo excavandus, perforandusque est, ut ex diametro foraminis illius circuli area quæ sita, & postea in altitudinem suam ducta producat solidum, quod æquale sit solido cylindri in quo pulvis in camera mortarii continetur. Id est, tale vacuum in corpore ligneo illo faciendum, quod habens altitudinem cameræ mortarii æqualem, capax sit ejus quantitatis pulveris quæ ejiciendo globo recreativo destinata est. Id autem juxta sequentem regulam beneficio calculi Arithmetici, non difficulter reperietur.

Primum itaque mensuretur scalâ aliquâ ex equalibus intervallis constante, altitudo pulveris in camera mortarii repositi, ad ejiciendum globum recreativum necessarii: tum & tota altitudo, & latitudo ejusdem cameræ eadem scalâ mensurentur. Quæraturne deinceps inter numerum scalæ intervallorum, quæ in altitudine pulvis ille in camera mortarii occupat, & inter numerum intervallorum ejusdem scalæ, quæ altitudini cameræ debentur, medius proportionalis numerus. Hoc invento quæraturne rursus quartus proportionalis: ita, ut primus sit modò inventus medius proportionalis, secundus

nume-

numerus intervallorum scalæ, quæ altitudo pulveris in camera sibi vendicat; tertius denique numerus intervallorum ejusdem scalæ quæ altitudinem cameræ metiuntur. Subducto calculo ut scis, habebis numerum quantum proportionalem, qui innuet diametrum latitudinis futuri cylindri, pulveris illius capacis, iisdem intervallis scalæ tuæ mensurandam; quod in sequenti exemplo patebit melius.

Sit camera mortarii AD, in eodem schemate Num: 104 sub lit: B. Altitudo cameræ sit AC, vel BD; Latitudo AB, vel CD. Altitudo pulveris in eadem camera sit CE: eritque tubus DE, habens quantitatem pulveris ad globum recreativum ejiciendum requisitam. Cum autem pulvis hic totam cameram non expleat; sed inane spatium pulverem inter, globumque super orificio cameræ reponendum, ad altitudinem AE remaneat: atque adeo cylinder FA, solo aëre plenus inter pondus movendum, globum videlicet, & potentiam motricem, hoc est pulverem pyrium in camera reconditum, medium occupet locum. Id autem ex rationibus superius allatis, cum plurimum jactui globorum noceat: & præterea, tam exigua pulveris quantitas, tam diffusè in amplo spatio jaceat; eam igitur ob rem cylindrus hic pulverem continens, transformandus est in alterum qui ejusdem sit capacitatis, altitudinem verò cameræ mortarii altitudini æqualem habeat; id autem hoc sequenti præstabitur modo.

Quære primùm inter EC, altitudinem pulveris, (quæ sit ex: gr. 20 partium scalæ tuæ) & inter CA, altitudinem cameræ 45 partium, numerum medium proportionalem. Hic erit ex operatione 30. Ponantur deinde in regula trium numeri hoc ordine: Ut 30 modò inventus medius proportionalis, ad EC, altitudinem pulveris in camera 20 partium, ita CD, vel AB, latitudo cameræ mortarii 24 partium, ad latitudinem orificii tubi construendi. Absolutâ operatione habebis 16, numerum denotantem diametrum latitudinis orificii futuri tubi. Fiat igitur in ligneo cylindro, LO, qui est latitudine mortarii cameræ AD, æqualis; cylinder concavus GK: cujus latitudo orificii (ut hic GH,) sit talium 16 partium, qualium altitudo ejusdem LN, vel GI, est 45: eruntque isti ambo cylindri æquicapaces, cum solidum utriusque quàm proximè æquale sit.

Nota, quod in ejusmodi oblongis cylindris pulvis reconditus, non est comprimendus, & condensandus ullo modo; ut vacuola, & particule aëris diffeminatæ inter pulveris grana maneant: ut eò facilius ignis infernè perfoculum, seu foramen accensorium mortarii immissus, & versùs superiora progressus, habeat non impeditos meatus per quos feratur, pulveremque omnem momentaneè quasi, in flammam resolvat; quod mirum in modum ejus juvabit potentiam.

Si tibi ejusmodi cylinder in corpore ligneo excavatus displiceat, fac fieri pistillum ligneum, cujus crassities per diametrum ea sit, qualis latitudo cylindri concavi esse debet: & super hoc, tum chartam firmam, tum lintea conglomerabis, & conglutinabis, eâ crassitie, & longitudine, ut cameræ mortarii corpus illud ex æquo respondeat. Corporis ejusmodi figuram in schemate ejusdem numeri reperies sub Lit: D.

Cur autem in oblongioribus, & strictioribus cameris mortariorum reconditus pulvis plus virium, & effectus habeat in pondere movendo, pellendoq;, quàm in aliis quæ latiores, & breviores sunt, cum pulveris æqualis sumitur quantitas, ut utramque expleat cameram? certè alia ratio reddi nequit, nisi quòd in strictioribus cameris eadem quantitas pulveris quæ & in latioribus est, magis quasi densetur, & in unum colligatur, ex quo & ignis,

T

pul-

pulverem in subtiliorem transmutantis substantiam, frequentior radiorum densitas, flatuumque vehementium quasi copia major, & in angustiore spatio, vicinior partium propinquitas, unde & major vis, ut superius dictum.

Cæterum genuina & unica ratio est, cur cameræ in mortariis, & veterum tormentis Petrariis antiquitus inventæ sunt: quod nempe cum tam mortaria, quàm & tormenta illa lapideos globos jacerent: (mortaria tamen etiam varios globos Pyrotechnicos ut nunc: quibus non ita pridem Granatæ quoque nostrates additæ sunt) isti autem cum ratione sui ponderis per pusillâ quadam respectu tam ingentium lapidearum molium (proportionatâ tamen) pulveris quantitate opus haberent, quæ illos ejiceret, & pel-leret in aëra: hæc verò si in tam vasto spatio, quale vacuum cannarum tam in mortariis, quàm & tormentis Petrariis erat, reponeretur, variè dissiparetur, disseminareturque quaquaversum: ignis autem per foculum immissus cum per partes longè ab invicem distans absumeret pulverem, non valeret in unum suas colligere vires: unde etiam ignaviter & languidè in superpositum agendo globum, vix eum è tormenti, aut mortarii vacuo expellere posset. Cui malo ut iretur obviam, cameras, quasi quædam reconditoria pulveris, veteres Pyrotechnici commenti sunt: ut in eorum angustiis pulvis obturatus, in uno instanti propter granorum propinquitatem incenderetur totus, & unitâ simul virtute motrice, ex singulis proficiscente granis, violenter impeteretur globus. Per ampla nihilominus tamen erant illa camerarum tam in mortariis, quàm & tormentis veterum vacua: idque eam vel maximè ob rem, quòd veterum pulvis pyrius, paulò nostrate moderno debiliore erat, ob exiguam salisnitri quantitatem: unde etiam cum in majori longè copia sumeretur, majoribus quoque reconditoriis necesse habuit. Quod jam hoc sæculo, quo Mars in omnem audaciam, & illicitos quondam, vecordesque conatus, effusus esse creditur, majori ex parte sublatum est; cum pulvis fortior pareretur, & recenter constructa mortaria proportionatas habeant cameras. Si hisce quæ diximus, non satisfacimus illi quæstionculæ superiori, de effectu pulveris majori, in strictioribus, latioribusq; cameris reposito, peti quoque poterit ratio à simili in tubis Pneumaticis, qui vel hominum, vel follium spiritibus inflantur: Ubi æqualis copia spiritus, æqualibus emissâ viribus, majori cum impetu ex tubo strictiori quàm altero latiori erumpit, & objectum magis impetit, cum utriusque tubi æqualis fuerit capacitas; in inæqualibus enim major, vel minor aëris moti copia, forsan juvat, aut impedit flatus impetum. Itaque spiritus ille qui ad angustiores inflandum tubum satis erat, latiori nequaquam jam sufficiet, cum in hoc variè dissiperetur, nec densatus liberè exeat. Nec non etiam salientes in machinis Hydraulicis ex fistulis angustioribus expressæ, altius longè ascendunt, & majora horizontis spatia, in æquali percurrunt tempore, cum illis quæ ex latioribus fistulis erumpunt: cum æquali in his, ac illis potentiâ expressâ supponitur aqua, situsque fistularum similis, & reliqua omnia paria. Istorum eadem ratio est quæ & superiorum. In angustioribus quippe tubis coguntur magis, conglobanturque in unum, corporum, & potentiarum partes: quæ deinceps, aut violenter impulsæ, aut sibi permissæ, cum vehementiori ruunt impetu. In latioribus non item, cum liberum illic habeant exitum, & variè disseminentur, quòd non sibi cohæreant, junganturque tenaciter. Eodem planè modo in cameris mortariorum, pulvis in spiritus quosdam igneos, flatusque resolutus per ignem, magis in angustiori, & strictiori violenter cogitur loco: & cum rarefactæ partes amplius postulent sibi dari spatium, nec angustiarum carce-

carceribus detineri patiuntur, componunt vires in unum, pondusque superinditum devolvunt, aëremque violenter displodunt, quod & major sequitur fragor.

Sed an non ego operam ludo, cum reconditas naturæ vires curiosiori expendo trutinâ, & quæ mortalem fugiunt captum, verbis exprimere nitor? An non satiùs foret, si vel tantillum ex suis operationibus noveris, reliqua cum debita admirari veneratione? Placet nihilominus tamen quibusdam non parum hæc sedula curiositas, quâ rerum naturalium perscrutantur arcana: cum res, rerumque effectus; per causas cognoscere longè nobilius sit, quàm eorum quæ palpabilia non sunt, Deo commissâ curâ, plebeio torpere ocio, & ignaviâ consumi, aut cum pueris, & mulierculis ad mirabilia tam solertis magistræ opera, tanquam ad scurrilia circulatorum figmenta obstupescere. Sed missa nunc faciamus hæc, & reliqua quæ ad recreativos spectant globos videamus.

COROLLARIUM

De Ictibus ad ignes artificiales Recreativos.

Toties jam in ante dictis fecimus mentionem ictuum, quomodo autem construi debeant, nihil hucusque ea de re diximus. Sciendum itaque duplices esse in re Pyrotechnica ictus; quos Germanico idiomate vocamus *die Schläge*. Ex his sunt quidam quos ignibus artificialibus recreativis (de quibus nunc) adhibemus; quidam verò ad usus bellicos spectant: de istis inferius suo loco referemus quædam. Quantum ad formam ictuum. Varia atque multiplex illa utrisque assignari potest: ad recreativos tamen ignes artificiales, hosce selegimus, quos in figuris Num. 105, 106, 107, & 108, sub literis A, & B, depictos exhibemus. Quidam ex his sunt papyracei: quales N. 105, atque 108, sub litera B. Construuntur autem illi in modellis seu formis propriis, ex quibus unam lib. 3, cap. 3, descripsimus, & graphicè delineavimus.

Quidam verò tum ex laminis cupreis, & ferreis tenuioribus, etiam & plumbeis parantur: quales sunt Num. 106, 107, 108, sub lit. A.

Illi papyracei Num. 105, & alii N. 106 ferrei, onerantur supernè ad A pulvere granulato optimo. Camerae illorum inæqualis altitudinis sunt: ut non uno omnes momento, sed per intervalla, unus videlicet post alterum, suos faciant effectus. Estque camera primi ad dextram, subquadrupla ultimi ad sinistram in utrisque: Intermediorum verò ictuum camerae à primo ad ultimum, augentur in altitudine. ac proinde in majori etiam copia materiæ quâ onerantur; idque juxta lineam obliquam B C, in utroque schemate, quæ est parallela alteri D E altitudines ictuum terminanti: ita ut omnes eâ parte ubi pulvere granulato onerantur, æqualis longitudinis sint; cameras verò inæquales habeant, ut jam dictum. Istæ autem replentur materiâ lentâ, cujus compositionem & superius jam dedimus, & sequens non minus ad hoc opus commoda erit.

Sume partes 3 pulveris triti, & partem 1 carbonum: tere, misce, & incorpora benè omnia: demum in loco humido pone, ut parum humoris attrahat; ut eò facilius in onerando comprimi valeat: vel resperge oleo petrollei, aut lini.

Super cameris in ferreis ictibus sunt orbiculi ferrei, cum foraminulis, per quæ delabitur ignis ad pulverem granulatum accendendum. In papyraceis verò eo modo fit camera cum suo foraminulo accensorio, ut in Ro-

chetis fieri solet; subtilius tamen hîc foraminulum requiritur; idque juxta magnitudinem ictus.

Reliqui ictus in figuris Num. 107, onerantur tantum pulvere granulato: & supernè papyro aut stuppa occluduntur: infernè autem habent foraminula accensoria.

Denique ictus Num. 108, sub lit. A, supernè, & infernè orbiculo ferreo non perforato, & glutine metallico ferruminato obturatur: Pulvis autem granulatus per foramen in latere factum immittitur. Et alter papyraceus sub lit: B, infernè primum ligatus, postea pulvere granulato repletur, supernèque rursus ligatur, & in latere perforatur, inque foramen tubulus ferreus, vel cupreus inseritur, pulvere trito repletus.

Adhibentur aliquando ictuum loco & plumbei globi, internè vacui, granatarum instar: qui postea pulvere granulato onerantur: quales & nos cap. 1. hujus ad globos aquaticos adhibuimus. Sed & Cubi & Tetraedri, & diversorum prismatum, variorumque corporum regularium, & irregularium ictus isti formam habere possunt.

❧ (o) ❧

P A R S

PARS LIBRI SECUNDA

De Globis Seriis seu ad bellicos usus spectantibus.

Globorum bellicorum artificialium (non enim hîc loci ferreos atque plumbeos, tum & veterum lapideos globos, quibus tormenta bellica onerari solent nunc, & olim, ut pote omnibus satis notos, & minus artificiosos describendi animus est) apud Pyrobolistas tantus numerus, tot genera, & species, ac varii eorundem præparandorum sunt modus, ut non difficilè tantum, sed impossibile planè etiam sit singulos enumerare, describere, modum construendi, usumque monstrare. Collegimus itaque præcipuos quosdam, & hisce temporibus maxime usitatos: quorum figuras cum suis explicationibus hac parte secunda libri studiosis Pyrobolistas monstrare conabimur. Singula autem istorum globorum genera: quod & ratione effectus inter se differant & propriis quæque sint insignita nominibus, singulis complectemur capitibus sitque jam-

CAPUT I.

De Granatis Manualibus.

Species I.

Manuales granatæ, respectu formæ sunt globi perfectè rotundi sphaeræ in modum: internè concavi. Manuales dicti sunt, quod manu ut plurimum jaciantur in hostem. Palmares etiam dici possent, quia palmam manus in hemisphaerium contractæ implent: cum mole suâ æquantur globis ferreis 4, 5, 6, etiam 8: pondus vero 1, 1½, 2, etiam 3 libras aliquando habeant. Granatarum nomen inditum hisce globis ob similitudinem quandam cum malis punicis. Ut enim hæc maximam granorum intus reclusorum adservant congeriem, unde & mala granata, audiunt: parili quoque ratione bellici nostrates isti globi, & plurimis primùm pulveris pyrii replentur granis, & ubi conceperint ignem in innumeros planè acinos, eosque hosti insensissimos dissiliunt, quos quasi grana quædam quaquaversum disseminant, ut ictus imprimant validissimos, propè astantibus: unde & Leonhardo Frontzbergero in sua Artilleria *springende & schlagende kugeln* dicuntur: quasi salientes, aut dissilientes potius percutientesque globi. Hæc tamen posterioris nominii istorum globorum deductio majoribus quoque omnis generis granatis aptè convenit. At existimaverim ab hisce minoribus, quæ majorem cum malis punicis habent similitudinem, majores quoque suum derivasse *ἱσχυρῶς*. Certum etiam est minores prius fuisse in usu, quàm ad majores præparandas ingeniosa in sui perniciem, vires animumque collegisset mortalitas. Unde apud antiquiores Pyrobolistas nullum majorum granatarum vestigium; minores tamen quamvis alio dictæ nomine, quòd notæ illis fuerint, scripta eorum luculenter testantur. De minoribus juxta nostram etiam sententiam sit habet Boxhornius in Historia obsidionis Bredanæ anno 1637: *Granatis, quarum haud semel meminimus ab ejusdem nominis malorum similitudine vocabulum adhæsit. Globus est ex ære aut ferro vacuus, diametro unciarum trium, crassitie metalli trium line-*

T 3

linearum. Sinus pulvere pyrio aliisque refertur: orificio ejus fistula adstructa, cui lenta quidem, sed ignem concipere ac alere nata materia inditur, ne inter jaculatorum manus statim disrumpatur. Et alio loco idem: Quæ inter, pilæ quibus à malis punicis vocabulum, sed raro disrumbandis operis projectæ: Nam multus in illis pyrii pulveris usus; cujus penuriâ obsessi vel maximè laborabant.

Sed de nomine horum globorum minus laborandum, cum intelligitur quid significetur. Forma etiam, ex dictis nota satis; jam materiam quoque, & præparandi modum videamus. Sed & ista ex Boxhornii verbis huic nostro proposito satis congruis, jam etiam quodammodo innotuere. Nos hæcce duntaxat addimus, quæ Pyrotechnica magis quàm Historica sunt.

Materiæ igitur respectu triplices apud Pyrotechnicos Granatæ manuales sunt: Aut enim ex ferro; aut ære mixto, & aliis alligato metallis; aut denique ex vitro funduntur. Si ferreæ futuræ sunt, sumitur materia quàm maximè fragilis, & non elaborata. Si ex ære fundi debent, alligantur 6 libris cupri, 2 libræ stanni, & lib: semissis Marcasitæ: vel libris tribus Aurichalci pars una stanni. Ferreæ quaquaversum crassæ sunt; Æreæ $\frac{1}{2}$; vitræ denique $\frac{1}{2}$, suarum diametrorum, ut id Figuræ Num: 109 sub litt: A, B, & C monstrant.

Latitudo orificii in quod tubulus ligneus inferendus est, sit ex $\frac{1}{2}$ diametri granatæ: parvulum autem foraminulum, per quod tubulo illo in orificio granatæ firmato, reliquum Granatæ vacuum pulvere optimo granulato replètur usque ad verticem, habeat latitudinem $\frac{1}{2}$ ejusdem diametri.

Tubulus in Granatæ concavitatem imponendus, qualis est in eadem Figura sub litt: D, habeat crassitiem $\frac{1}{2}$ diametri; vel sit paululò subtilior, ut in granatæ orificium non difficulter immitti queat. Longitudo ejusdem tubuli sit $\frac{1}{2}$ ejusdem diametri. Vacuum tubuli habeat latitudinem $\frac{1}{2}$, & supernè in formam hemisphærii excavetur, cujus diameter sit ex $\frac{1}{2}$ dictæ diametri. Hæc excavatio pulvere minutissimè trito replebitur, qui desuper paululum aquâ gummi, aut glutinis respergetur, ut tenaciter cohæreat: Tubulus autem ipse aliquâ ex infra positis compositione onerabitur: & postea in orificio granatæ firmabitur stuppâ, & glutine Pyrotechnico Germanis *Kir* dicto: qui componitur ex partibus 4 Picis nigræ, Colophoniz partibus 2, Therebyntinæ parte 1, Cerae parte 1. Indita omnia in vas fictile vitreatum liquefcunt ad ignem, & miscentur incorporanturque.

Compositiones ad tubos Granatarum onerandos.

Pulveris	℥ 1,	Salisnitri ^{1.}	℥ 1,	Sulphuris	℥ 1.
Pulveris	℥ 3,	Salisnitri ^{2.}	℥ 2,	Sulphuris	℥ 1.
Pulveris	℥ 4,	Salisnitri ^{3.}	℥ 3,	Sulphuris	℥ 2.
Pulveris	℥ 4,	Salisnitri ^{4.}	℥ 3,	Antim: crudi	℥ 1.

Species 2.

Nec formæ, nec magnitudinis, nec materiæ ratione, hæc sequeus Granatarum manualium species differt ab illa superiori quicquam. Tubulus duntaxat hîc variat non mediocriter, & quædam adjuncta, alteram granata-




Fig. N^o. 102.




Fig. N^o. 103.






Fig. N^o. 104.






Fig. N^o. 105.



Fig. N^o. 106



N^o. 107. N^o. 108



Fig. N^o. 109.




Fig. N^o. 112.




Fig. N^o. 113.

Fig. N^o. 110




Fig. N^o. 116.




Fig. N^o. 117



Fig. N^o. 118.

Fig. N^o. 117.



Fig. N^o. 119

natarum istius generis efficiunt speciem : Ponimus itaque ejusmodi Granatam in Fig : Num : 110 , cuius præparatio hisce absolvitur regulis. Fiat primum tubulus ligneus (quanquam & metallicus esse possit) cuius longitudo diametro granatum æqualis sit ; crassities orificio ejusdem respondeat ; desuper tamen ubi in hemisphærium excavabitur ; diametri crassior requiritur. Pars illa tubuli quæ in Granatæ vacuo reconditur, sit plurimis laceffita foraminibus : quæ minutissimè trito pulvere infarciantur. Imponatur postea in Granatæ vacuum , ut fundus ejus, super fundo Granatæ ad perpendicularum orificii quiescat ; firmeturque eo modo ut superius diximus. Pulverem granulatum in Granatæ vacuum, per foramen à latere factum infundes, & ubi repleveris, clavo ligneo impacto foramen obturabis. Caput tubuli quod super granatæ superficiem eminet, ramusculis, foliisque buxeis virentibus stipabis undique, & ne recidant, filio probè vnicies.

Ejus modi Granatâ cum jam uti voles , & occasio commoda sese obtulerit, sumito primum parvulum admodum funis incendiarii frustulum, cuius crassities ea sit, ut non impedite in vacuum tubuli intret. Huic infernè globulum plumbeum adstruito. Accendito postea funem, & ubi pars ejus aliqua in flammam soluta fuerit carbonem , quàm celerrimè in tubuli vacuum inferito, eâ parte ad quam pondus religasti, & projicito quò lubuerit. Quàm primum enim hæc Granata attigerit humum, pondus funi adhærens perpendiculariter per tubi vacuum versùs granatæ fundum recidens , funem quoque post se trahet : qui farinam pulveris in foraminulis existentem incendet illico : & sic deinceps pulvis quoque granulatus concipiens ignem, Granatam in minutissimas particulas dissilire faciet, Ramusculi buxei juvant hîc non parum funis incendiarii in interiora Granatæ descensum : perpendiculariter enim ad horizontem erigunt granatæ orificium ; quod etiam aliis quoque corporibus projectibilibus religari præstant, ubi super horizonrale planum delapsa fuerint.

Tales Granatæ sæpe etiam , majoris effectus gratiâ glandibus minutis plumbeis ad suam superficiem convexam stipantur. Sed primum obducenda est tota superficies cerâ liquefactâ ; cui admixta sit portio aliqua colophoniz, & dum frigescat firmanetur in ea globuli, postea linteo conteguntur, filiisque desuper ligantur.

Species 3.

Apponimus in Fig. Num. 111 , Granatam manualement (quamquam & major esse possit) quæ in angiportis , aut aliis quibusdam locorum angustis clam recondi potest, cum insensum nobis quempiam illâc transitarum speramus. Hæc per diametrum duo habet foramina, in quæ tubus ligneus, aut metallicus vacuus , multiforus , & pulveris farinâ intrò respersus inferitur : & postea per ejus vacuum traducitur funis incendiarius. Supernè eadem Granata tertium habet foramen , per quod pulvere granulato concavum ejus repletur. Usus modum istius Granatæ, non est quod doceam: cum ex figura clarè percipi possit, & necessitas ipsa faciliè eum sit suppeditatura.

COROLLARIUM.

De projectione Granatarum Manualium.

Ex definitione generis Granatarum palam est, manu militum in propinquum hostem illas projici solere. Estque hoc genus armorum tam oppugn-

gnatorium, quàm repugnatorium; & adhibetur maximè eo tempore ubi post felicem cuniculorum eventum ruina valli fortalitii facta fuerit, & milles oppugnans per patulum foramen fortalitium invadere conatur, tum & oppugnantibus, & repugnantibus, Granatis manualibus uti licet. Persæpe etiam usurpantur, eo in casu, cum oppugnantes ad radicem valli progressi, ita in eo fixerint pedem, ut gradus quasi quosdam fodientes in vallo, altius semper ascendunt, nec ullis artibus à lateribus infestari possunt, quòd vallo tagantur. Projiciunt igitur obsessi manuales in eos Granatas desuper, & vicissim illi, par pari reddunt: quemadmodum ad obsessam captamque non ita pridem Hulstam factitatum spectavimus. Sed quis enumeret varios Granatarum manualium in re bellica usus, cum è propinquo quasi cominus pugnatur? Ad majorem quoque solito distantiam aliquando projici opus habent; idq; singulæ: (nam quomodo plures simul projiciantur inferius dabitur) cum autem solius manus militaris viribus, absque adminiculo alicujus artificialis instrumenti id fieri nequeat, excogitarunt periti artifices quasdam machinulas ad hoc opus percommodas: è quibus unam, quæ mihi cæteris melius, arrisit in Fig: N. 112 graphicè depinximus; additis nihilominus quibusdam quæ desiderabantur. Hujus ope non modò Granatæ manuales, sed & alii quoq; ignes artificiales, bellici, ut sunt, globi Lucentes, Olle ignitæ, Serta, & Coronæ, & cætera his similia, (de quibus suo loco) in hostem emitti poterunt: idque ad majorem longè distantiam, quàm si solâ manu mitterentur.

Constructio hujus instrumenti perfacilis est, & ex ipsâ figura non difficulter intelligi potest. Hoc unicum duntaxat muneo, quòd brachium illud in modum trullæ factum, in quam ad ejiciendum imponitur Granata, quò longius fuerit, altero brachio, ad cuius extremitatem funis tractiorius religatur, (sumpto utriusque brachii mensuræ initio, ex centro clavi ferrei, super quem hæc pertica rotatur, vel foraminis, per quod clavus ille transit) eò major machinæ vis futura est. Vectis enim naturam hæc machina imitatur: atque adeo nil præter vectem habet, cuius hypomochlion clavus est, super quem voluitur, gyraturque pertica.

Meminit præterea Boxhornius loco superius citato, cujusdam nonæ machinæ lignæ, mortarii nostratis bellici in modum factæ, & circulis ferreis compactæ, ex qua manuales Granatæ in obsessam civitatem Bredanam emitebantur. Sed vidimus & nos nuper in obsidione Hulstana, & post modum etiam ad Murspey castrum non ignobile, similem machinam, à quodam gregario milite Anglo fabricatam: quam æternæ memoriæ Friderico Henrico Principi Auriaco obtulerat, & precium laboris quem in projiciendis Granatis subiturus esset, centum florenos Hollandicos dari sibi postulaverat: quo etiam obtento jaculatus est quasdam Granatas in obsessos, sed complures ex illis, vel quò destinaverat non perveniebant, vel in aëre disrumpebantur: quòd & machinæ imperfectæ vitio, & libratoris, ad cuius votum non obediebat machina, imperitiæ tribuebatur. Dabimus nos in parte operis nostri secunda, libro de Mortariis longè perfectiorem, artificiosiorumque inventionis nostræ machinulam, ad Granatas Manuales (immò etiam majores) ejiciendas, & quò libuerit transmittendas: & non singulas duntaxat, sed septenas etiam simul, aut uno eodemque momento, aut per intervalla diversis vicibus, ut suaserit necessitas ejaculandas; quò studiosum lectorem remittimus.

Sed mirari satis nequeo, cur tam severam, & nunquam revocabilem in machinas bellicas veterum, primi artis nostræ inventores tulerunt sententiam,

tiam, & tanquam ob grande commissum crimen aliquod è finibus modernæ militiæ proscriptas per tot sæcula exulare voluerunt? immo ne vestigium earum penitus remaneret ullum, ad culinarum ignes damnarunt; veriti forsàn ne à suis successoribus de exilio reducerentur. Et revera nisi historiarum monumenta à viris præclaris qui superiori ætate vixerunt, easque viderunt, & veteri militiæ, dum illæ suâ gaudebant majestate, interfuerunt, conscripta, & ad posteritatem transmissa haberemus, ignota penitus earum potentia, & fabricæ ratio fuisset. Deplorata profectò fors illa est, cum alteri benefacias contumeliis affici. Meruit ne id illarum virtus, quâ non mediocriter prisca illa adjuta Romana militia, terras sub utroque sole suo subjecit imperio, & de invictis quondam populis, & regibus triumphavit? Quid cæteras gentes memorem, quorum felicibus bellorum progressibus, ingens veteres machinæ dedere incrementum? Magna certè tam nobilibus, & de re militari semper optimè meritis armis, illata est injuria: nam cum illa noviter natam Martis & Bellonæ filiam artem nostram, tanquam suam futuram dominam irent salutatum, colaphis cæsa sunt: & cum servilem offerrent ei operam, perduellionis damnata, atrox subière supplicium: nunc autem (quod non in postremis calamitatibus numerandum) cum laudabiles eorum quondam, ab aliquo recensentur effectus, minus periti, tanquam ad Æsopicas fabulas erigunt aures, & in nœniis, ludisque puerorum reponentes, irrident hæc talia.

Sed quid ego tam miserabilis illorum causæ patronum, aut judicem agam? Fecit hoc ante me verè Justus ille utriusque militiæ disceptator, & arbiter Lipsius: cujus incomparabilem in perquirendis, atque in unum comportandis antiquitatum memorabilibus laborem, eâ quâ par est prosequimur gratitudine: & fructuum ejus nos quoque facti participes, multa suo loco de Machinarum veterum admirandis recensebimus, & cum nostris modernis librabimus. Nunc eò tantum nostrum collimat propositum, ut omnis generis Granatas nostrates, & reliqua Pyrobolica inventa, minora fundis, & fundibalis, majora verò veterum Ballistis ad magnas satis locorum distantias, perquam commodè projici posse demonstramus.

Primum itaque de fundarum efficacia, & viribus hæc audire non pigeat, quæ dum primum legeremus, & considerarem, incredibili quodam afficiebamur stupore, & in extasim quasi quandam rapiebamur. Sic autem de illis inter cæteros cecinit Ovidius:

*Non secus exarset, quàm cum Balearica plumbum
Funda jacit, volat illud & incandescit eundo,
Et quos non habuit, sub nubibus invenit ignes*

Et Lucanus etiam:

*Inde faces & saxa volant, spatioque solutæ
Aëris, & calido liquæfactæ pondere glandes.*

Missos facio cæteros, quorum testimonia de effectibus fundarum Lipsius lib. 5 de militia Romana dialogo 20 collegit: Senecæ tamen appono sententiam natur: quæst. 11. c. 56: *Aëra motus extenuat, & extenuatio accendit. Sic liquescit excussa glans funda, & attritu aëris velut igne stillat.* Ad hæc quis non obstupesceret? & nisi tot illustrium virorum adessent testimonia, ipsimet quoque pro fabulis haberemus: quemadmodum etiam fecit Josephus Quercetanus in libello suo sclopetario; ubi contra Aristotelem, qui lib. de cælo cap. 7. scribit *tela ita ignescere aëris pulsu, ut plumbum etiam colliguescat*, simpliciter falsum id esse ait: idque ab experienciâ in glandibus sclopetariis, quæ etiam igne adhibito emittuntur, & multo rapidius (il-

lius verba sunt) quàm ullæ sagittæ feruntur. Sed salvus sit sensus unicuique, sine injuria tamen naturæ philosophanti: Nos autem pondera, & magnitudines, qualitatesque corporum, nec non distantias locorum, ad quas illa, veteres fundæ projiciebant, videamus; quod ad nostrum propositum facit magis.

Diodorus Siculus lib: 6. de Balearibus: *Baleares fundis lapides magnos jacere optime omnium mortalium.* Et alio loco idem de iisdem: *lapides jaciunt multo majores quàm alii, ita intentè, & robuste, ut videatur ictus ex catapultâ quapiam deferri.* Et scuta, & galeas, & omne armorum genus perfringunt. Scriptor aliquis incertus apud Suidam de iisdem: *Balearium insularum funditores lapides minæ pondere jaciebant.* Intelligit minam Atticam quæ erat 100 drachmarum, ut superius diximus: Cæsar autem dicit *fundas librales.* Hic notum jam pondus est lapidum, quod ad nostras manuales Granatas (juxta præmissa) proximè accedit. Sed & sphæras etiam plumbeas iisdem fundis jaciebant, quæ formam quoque nostratium Granatarum habebant. Scriptor incertus apud Suidam: *Carduchi optimi funditores, lapidibus, & plumbeis sphæris, quas ejaculantur certò & destinatò.* Ignem etiam quosdam in vasculis reconditos, fundis projiciebant in obsessas civitates è propinquo, nempe ex operibus oppugnationis: hæc autem majoris certè fuisse ponderis existimaverim nostris manualibus Granatis. De hoc sic habet Appianus in Lybico: *Romani aggeres excitantur oppositos & adversos turribus, & faces apparantes, itemque sulphur, & picem in vasis fundis emittebant in ipsas.* Et Dionysius lib: 20 de Romanis cùm capitolum à servis captum obsiderent: *atque alii à vicinis ædibus bitumine & pice fervida vasa repleta fundis inferentes, & adaptantes jaculabantur super ipsum collem.* Ecquid hæc fuere, nisi præludia quædam nostrarum manualium Granatarum? Sed & apud Cæsarem com: 7. simile quidpiam: *Galli maximo cohorto vento ferventes fusili ex argilla glandes fundis, & fervesacta jacula in casas, quæ more Gallico stramentis erant testæ jacere ceperunt.* Lipsius sic putat id esse intelligendum: *Vasa dico argillacea acceperim, repleta ferventi materiâ.* Orosius quoque de eodem scribens ait: *testas fundis ferventes intorsisse.*

Hæc Romani veteres, aliæque magis eo tempore illis notæ gentes: quo autem in pretio non ita pridem apud vicinos nostros ad Aquilonem fundæ fuerint, & quantum oppugnantium artibus, avorum jam nostrorum memoriâ, & post mirabilem fulminei nostri pulveris inventionem, addiderint momentum, refert his verbis celeberrimus illarum gentium scriptor Olaus Magnus Archiepiscopus Upsaliensis lib. 7. cap. 7: *Flexilibus catenis ferreisque juncturis, fustibus ligneis alligatis, sæpius in castrorum obsidione, quàm reliquis armis Aquilonares utuntur, præsertim ubi campus circumjacens sit lapidosus. Ubi autem saxa non sunt, quod raro videtur, crustatum ferrum ignitum scintillis micans, forfice in bursam fundæ impositum, vehementi jactu in castra emittunt. Habent enim semper ad manum vasa instar barilium Romanorum, plena crustato ferro, eoque in ignem misso, & fundis applicato, ac contra obsessos projecto, tam vehemens vulnus & cruciatum insigunt, ut rara vel nulla mediocrum ope valeant restaurari. Casu etenim, ob ponderis gravitatem, (notanda hæc) & tactus adustionem, irremediabiliter lædit: cujus rei memoria, recentior est in Danorum Rege Christierno 2, qui talibus armis Anno 1521 in civitate & castro Arosiensi perdidit potentissimum exercitum suum. Similiter & sagittis ignitis: quæ de flamma ereptæ, atque forfice ballistis impositæ, (nondum isti eo tempore penitus abjecerant veterum machinas, sed recenter inven-*

inventis intermiscebant) *repentino jactu eò atrociora vulnera indiderunt , quò minus manibus propter ardorem extrahi quiverunt. Sed miserabilius erat , quod ferreæ sagittæ , ac crusta ignita in pulverem bombardalem cadentia , quasi momentaneo excitato flammæ impetu , latius per circuitum plurimos astantes milites interemerunt ; maximè etiam , quia montani , ferox hominum genus mineralibus exercitiis educatum , sagittis , saxis ferreisque crustis , quasi imbris per fundas emissis , vehementer instabant. Vidi ego , exinde spatio 250 miliarium Italicorum ; navigio in regiam Sueciæ Holmiam plurimos sic miserabiliter sauciato , eodem anno , terribili spectaculo , nempe naribus , oculis , brachiis , pedibusque evulsis , adduci : qui tandem insanabili vulnere & cruciatu , præcipue Germani , Dani , & Scoti , miserabili morte vitam efflarunt.*

Hæc de pondere , & magnitudine , qualitatibusque corporum , quæ fundæ veterum jaciebant , dicta sufficiant. Sed jam fortassis etiam loci distantia ad quam illa perveniebant , innotuit quodammodo. Clarius tamen de hoc Vegetius lib. 2. cap. 23 : *Sagittarii vero vel funditores scopas , hoc est , fruticum vel straminum fascies , pro signo ponebant , ita ut sexcentos pedes removerentur à signo , ut sagittis , vel certè lapidibus ex fustibalo destinatis , signum sæpius tangerent.* Et in sacris Bibliis lib: Jud: cap: 20 legimus: *Habitatores Gihba ad septingentos sic fundis lapides ad certum jecisse ut capillum quoque possent percutere.* Immo certam & vulgarem quandam jactus fundæ Romanis agrimensoribus dabat mensuram : ex hoc enim spatium terræ totum illud quod agro & ædificio constabat , fundum dixere : quod tam grande erat ut fundæ jactum æquaret : periti autem dicunt fuisse fundum , modum sexcentorum pedum. De hac fundi appellatione apud Quintilianum in jocul: lib: 397.

*Fundum Varro vocat , quem possim mittere fundâ
Ni tamen exciderit qua cava funda patet.*

Quid plura de fundarum viribus adducam testimonia ? Experiamur jam num etiam juxta regulas Architecturæ modernæ militaris ex fossis appropinquatoriis in obfessa fortalitia Granatas nostrates manuales fundis , aut fustibalis mittere possimus. Generale primùm Architectorum militarium axioma illud est , ut postquam ad locum obsidendum perventum fuerit , initium ducendarum fossarum appropinquationis ad distantiam à loco oppugnando circiter 60 decempedarum sumatur , si inimicus loci situs , & reliqua impedimenta , propinquiorem non concesserint terminum , ex quo illæ sine periculo inchoari possint. Hæc loci distantia æqualis est horizontali fundarum jactui : sic enim intelligendum est de jactibus illis , quos Vegetius apud Romanos milites exercitii causa in usu fuisse retulit superius , & idem etiam apud alios reperiri potest : quod nunc quoque fit à nostris musquetariis , qui ad metam orbicularem , altitudine viri à terra elevatam , & ducentis aut trecentis passibus distantem , collineantes , jaculis eam ferire discunt ; ut id postea sine trepidatione in acie faciant , quod ludentes in campo fecerint. Hæc autem jacultura cum Granatis nostratibus manualibus minimè conveniat , sed requiratur necessario ut arcuatim per aëra delatæ , in fortalitium obfessum illabantur , alia via ad id efficiendum quærenda est.

Palam verò est ex observationibus jactuuum tormentorum nostratum , aliarumq; Machinarum bellicarum , per gradus quadrantis circuli directarum , jactum horizontalem , quem Galli *a niveau* vel *point en blanc* , & Itali *punto*

in bianco dicunt, (id est, cùm transitus seu via jaculi parallela horizonti est) esse jactus summæ elevationis, qui est 45 graduum quadrantis circuli, (cum nempe ita destinatur jaculum, ut inter horizontem, & viam transitus jaculi, sit angulus semirectus seu 45 graduum) subdecuplum circiter.

Cùm autem omnia missilia eadem proportionem æmulentur, igitur si quispiam ad distantiam 6000 pedum, vel 600 perticarum, decuplam nempe illius ex qua fossæ appropinquatoriæ inchoantur (dummodo non sit major 60 perticis, aut 600 pedibus) Granatam manualemente fundæ inditam, & circa caput rotatam, ita dirigat, ut quasi ad maximam distantiam, eam projicere vellet, nullus dubito quin intra fortalitii septa descensura sit: certum enim funditores, & qui nudâ manu projiciunt, naturæ veluti ductu angulum 45 graduum prope propter eligere, cum missile librant ad maximam distantiam; quæ revera angulum semirectum sequitur. Sin autem vel ad initium fossarum appropinquationis, vel propius aliquantò à loco obsessio, ad distantiam videlicet 30, vel 20 decempedarum, projiciendæ fuerint manuales Granatæ, quis negare poterit, perquam commodè fundis id præstari posse? Ita tamen dirigendæ sunt, quemadmodum nos mortaria nostratia, ad breviores distantias, Granatas majores, vel alios Pyrobolicos globos projectura, ab horizonte elevare & dirigere solemus: quod partim arte, partim assiduâ exercitatione assequi poterit quilibet non difficulter; quemadmodum & illi assecuti sunt, quorum fundis numerosissimi non semel profligati fuere exercitus; recepta fortalitia; & tot munitissimæ expugnatae urbes; denique per tot sæcula inconcussa mansere imperia.

Sed quamvis longiori directio machinarum egeat ratiocinatione, cujus non hic locus est, addo tamen in gratiam fundarum, quonammodo illæ Granatis manualibus onustæ, à funditoribus in fossis appropinquatoriis locis, ita dirigendæ sint, ut emissæ Granatæ in medios decendant defensores; non cum mediocri illorum salutis, & vitæ dispendio. Sed ad rem. Sint positi funditores in progressu fossarum appropinquationis, in loco securo aliquo, & loricâ firmâ benè munito; in reductu videlicet, cujus distantia à summo loricæ hostilis valli labro, ejusdem internam altitudinem terminante, aut potius à summitate corbiû loricalium, à propugnatoribus ad capitum velamen in summitate loricæ positorum, sit pedum 500. Ut autem cum inasueris, & inexcitatis nostrorum militum lacertis ab initio clementer agamus, nec gravia, & impossibilia quodammodo factu, ab illis exigamus, ponamus Granatam nostratam manualemente ad metam præfixam horizontaliter, fundâ non emitti posse ad distantiam majorem, quàm 100 pedum. Igitur juxta superiora, poterit eadem percurrere spatium horizontis 1000 pedum, ubi ad angulum semirectum librata fuerit. Cum verò distantia 500 pedum opus omnino habeat, ut manus fundum rotans ita emitat Granatam, ut ejus in aëre via faciat cum linea imaginativa horizontali, summente initium ex brachiorum funditoris centro, angulum 10 gradum, seu quadrantis circuli circiter. Quapropter si funditor in eo loco ex quo distantiam 500 pedum ad corbium loricalium summitatem esse præsupponit, ipsemet consistens, ad distantiam 15 pedum ab eodem illo puncto in quo consistit, prorsum, versùs fortalitium obsessum mensuratorum, curet poni perticam, cujus altitudo sit, major mensurâ à planta pedum suorum ad centrum brachiorum sumptâ, pedibus 2 & unc: 8: quæ perpendiculariter, & versùs illum fortalitii locum in quem Granatæ jaciendæ sunt, plano terræ insistat; (aleas enim Granatæ projectæ multum à scopo proposito aberrarent) & illo

fi.

si non se moveat loco in ullam partem funditor; cumque accensis tubulis, Granatas in bursam fundæ inditas, ac semel tantum circa caput gyratâ fundâ, emittat versûs locum obsessum; ita, ut Granatæ summitatem quasi perticæ tangant, cum ex funda emittuntur; utq; illam summitatem pro signo ad quod semper collineet habeat, securus esse poterit, suum non vanum fore laborem, verûm omnes Granatas quò destinaverit perventuras; dummodo & Granatæ omnes ejusdem ponderis sint, & tubuli granatarum ita constructi, ut non eo tempore cum moratur in aëre Granata, sed ubi in terram delapsa fuerit, illico ad pulverem intrâ conclusum deferant ignem: extingui autem conceptus in tubulis ignis non poterit ullatenus, si compositio quæpiam ex illis quas superius dedimus, ad tubulum onerandum sumpta fuerit: cum & majorum granatarum ex mortariis emissarum, & satis velociter per aëra currentium tubis, easdem non raro feliciter adhibuerimus.

Nota primò. Illud quod de longitudine perticæ perpendiculariter in terra figendæ diximus, intelligendum est, altitudinem 2 pedum & 8 unc: super mensuram à planta pedum ad centrum brachiorum funditoris sumptam, additam, esse cathetum in triangulo rectangulo, cujus Basis est 15 pedum; angulus verò ab illa basi ex centro brachiorum funditoris sumente initium, & hypotenusa, quæ est elevata manus cum funda, comprehensus, est 10 graduum, cui ille cathetus ex termino basis perpendiculariter excitatus opponitur: quò autem ad perticam accesseris propius, cathetus ille magis minuetur; & quò retrocesseris ulterius, augebitur magis in altitudine: ideoque in exemplum duntaxat hæc dicta sunt; cum diversæ longitudinis sumptæ bases, diversos etiam semper generent cathetos.

Nota secundò. Initium mensuræ, distantiae funditoris à summitate corbium loricalium in hostili vallo, ita sumendum est, ut spatium 15, aut plurius, pauciorumvè pedum pro basi in cujus terminum pertica statui debet, remaneat ad loricam usque fossarum appropinquationis; ne si à summitate altitudinis interioris lorice tuæ, mensures distantiam, cogaris te summo exponere periculo, in defigenda pertica extra regumentum lorice fosse appropinquationis in planicie versûs fortalitium obsessum patente; sed hæc omnia in interioribus operum obsidionalium peragenda sunt.

Nota tertio. Fundis habenæ variæ longitudinis aptari possunt, idque juxta distantias locorum majores, minoresvè; quemadmodum & apud Balearium insularum funditores id quondam in usu fuisse testatur Florus l: 3. c. 8: *Tribus quisq; fundis præliantur, certos esse quis miretur ictus? cum hæc sola genti arma sint, & unum ab infantia studium. Cibum puer à matre non capit, nisi quem ipsa monstrante percussit.* Et Strabo de iisdem: *Tres fundas circum caput habent unam longioribus habenis, ad longiores jactus; alteram brevibus ad breviores; tertiam mediis, ad medios.* Diodorus verò illas sic disponit: *unam circa caput, alteram ventrem, tertiam in ipsa manu.*

Nota quartò. Nil securius commodiusque fundis, ad ejiciendas manuales Granatas adhiberi posset unquam. Persæpe enim observavimus in machinulis instar mortarium factis, prius quàm ex orificio egressæ fuissent, disruptas, non mediocriter damnum & machinæ, & directori intulisse. Nudâ autem manu si projiciantur, præter cætera incommoda, quantis projicientes obnoxii reddantur periculis, non desunt plurima in omnibus fere obsidionibus visa exempla: & ille qui me primus hisce artibus imbuat, verbis meis adderet pondus suo testimonio: quòd si fundæ inditam projecisset Granatam, amissam nunquam doluisset dexteram: machinulas tamen artificiosas quæ veterum

Ballistas æmulantur, qualis & illa superior est, non improbamus, immo plura de illis jam subjungimus.

De majoribus Granatis, quas ex Mortariis jacere solemus in obsessa fortalitia, sequenti capite sermo nobis erit. Hic unicum id addo, quod commodissime etiam Ballistis veterum inditæ, ejici possent. De istarum machinarum viribus ex auctorum testimoniis secundæ partis lib: 1 cap: 1 plurima referemus; ubi etiam earundem exactissimos icones proponemus, & quomodo à veteribus olim construebantur, explicabimus. Nunc sufficiat illud quod de incredibili Ballistarum potentia refert Josephus lib: 6 excidii Hierosolymitani: *Talenti pondere erant lapides, qui mittebantur, duo autem & amplius stadia pervadebant. Ipse ictus non iis modò quibus primis incidebat, sed & longe retrorsum stantibus erat intolerabilis.* Et Diodorus Siculus lib. 20: *Demetrius in Hellepolim suam intulit varias Petrarias quorum maximæ trium talentorum erant.* Athæneus etiam lib: 5 de Regis Heronis nave, cui faber Archimedes: *Murus sive lorica & tabulatæ super fulcris & sustentaculis erant: In iis Petraria quæ lapidem trium talentorum emitteret, & hastam 12 cubitorum: utrumque autem istud ad stadii longitudinem.* Hæc inquam sufficiant, quæ pondera veterum ex Ballistis projecta, & ad distantias satis magnas delata, vel æqualia nostris majoribus Granatis, vel etiam majora fuisse ostendunt; cæteræ istarum machinarum commoditates in projiciendis variis ignibus nostris artificialibus, suo loco demonstrabuntur sufficientissime: ex quibus palam fiet, illas nostris etiam modernis machinis non absque ingenti commodo annumerari posse.

CAPVT II.

De Granatis, ex mortariis ejici solitis.

Granatas majores quæ ex mortariis in civitates, & fortalitia obsessa, vel vice versa ex his in obsidentium appropinquatoria opera jaciuntur, duplices ratione formæ nunc agnoscimus; perfectè nempe rotundas, & oblongas sphæroidis in modum; quas *Bombas* vulgo vocant. Sed & rotundæ Boxhornio in historia obsidionis Bredanæ Bombæ dicuntur, sic enim de illis, postquam manuales Granatas descripsisset: *Bombæ circulo majores, diametro pedis unius, sæpe etiam duorum, eadem mala inferunt, machinis in aëra mittuntur, lapsuræ quo destinantur.* Sed confundit ille Granatas cum Bombis, cum alio loco idem Granatis tribuat, quod modò Bombis tribuerat: *Nam suggestus tum plures propioresque excitati, & loco moti quoties usus in tutandis nostris, cohibendisque hostibus, ac eorum machinis irritis reddendis flagitabat.* Ex cujus ratione plura aut pauciora tormenta imposita, & non ullis etiam ista (Hic mortaria intelligit) quibus excitando incendio, & circumpositis omnibus subvertendis, pilæ, quæis Granatarum nomen, funduntur. (Hic rursus distinguit minores à Granatis majoribus,) Quas etiam sed minoris ponderis manu quidam in proximos expositos jam hostes jaculabantur. Ista quidem nos minimè improbamus, (quod hæc distinctio non nisi Pyrobolistis nota) hoc tantum notare volumus, quod majoribus ejusmodi excavatis ferreis globis, dum rotundi sunt, dari solere nomen Granatarum ob similitudinem formæ cum manualibus: Oblongis autem vulgus Pyrotechnicorum indidisse Bombæ vocabulum.

For-

Formam rotundarum hujus generis Granatarum depictam habes in Fig: Num: 113: oblongarum verò in Fig: Num: 114.

Adjecimus hisce & tertiam quoque Granatarum speciem sub Num: 115, formâ cylindraceâ; infernè autem solidum quoddam epistomium habentem, quo pulverem in mortarii camera comprimit, & ipsamet cameram violenter desuper adacta, obturat, cylindri lignei quo nos nunc utimur; in modum. Ejusmodi Granatæ non ita pridem fuere in usu: & in obsidione Rupellana in An. 1627, & 1628 per Ludovicum 13 Galliarum Regem facta, plurimum damni obsessis intulisse easdem, accepimus ab iis, qui tragico illi aderant spectaculo. Istarum optatus successus eo tempore, refertur jure merito, ad non vulgarem rei Pyrotechnicæ notitiam, celeberrimi quondam Pyrobolista, Henrici Clarneri Norimbergensis, cui etiam plurimarum feliciter in ea obsidione rerum gestarum, non postrema palma debetur: quanquam & Pomponio Targono, Christianissimi Regis Architecto militari, illibatæ suæ laudes remaneant.

Vidimus nihilominus quosdam, tam inverecundum, & exhausto rubore durum os præferentes, qui unico hoc, pro tot in ea obsidione exantlatis laboribus, laudis & gloriæ ornamento, viros illos omni commendatione majores spoliare velle ausi sunt: & quod illis livore & invida etiam testibus, debetur, sibi met attribuire impudenter cupiverunt. Facile quidem illi apud credulos, rerumq; ignarios ex hoc artis quam ore profitentur peritiæ opinionē comparare sibi poterunt; sed tandem aliquando condignas meritis luent pœnas, & justam divinæ ultionis subibunt vindictam, pro eo quòd alios suâ laude defraudare voluerint. Sed ad rem, jamque Granatarum priorum duarum specierum proportionem, præparandi modum, & usum videamus.

Craffiti igitur ferri tam in rotundis, quàm & oblongis ejusmodi Granatis à quibusdam $\frac{1}{2}$, $\frac{3}{4}$, etiam $\frac{1}{2}$ suarum diametrorum assignari solet, Latitudo foraminis, per quod tubus ligneus immittitur in vacuum Granatæ, habet $\frac{1}{2}$, ut & in manualibus Granatis. Supernè ad orificium duas habent ansulas, ad quas funes religantur, cum Granatæ in mortaria mittuntur.

Tubus in Granatæ orificium inserendus longitudinem habeat $\frac{1}{2}$ diametri; sed & $\frac{1}{2}$ lōgus sumitur à quibusdam. Supernè crassus sit per diametrum $\frac{1}{2}$ & $\frac{1}{2}$, infernè vero $\frac{1}{2}$. Foraminis latitudo in tubo sit (ut passim fieri solet) ex $\frac{1}{2}$ ejusdem diametri. Istius tubi formam habes in Figura sub Num: 116. Sed in hoc summum artis nostræ situm est mysterium, cujus latitudinis in tubis ista debeant esse foramina, cum ad certum tempus effectus projectæ Granatæ requiritur, & cum fuerit distantia certa data ad quam ex mortario projicienda est Granata; quomodo dirigenda, & ad quam ab horizonte altitudinem per gradus circuli quadrantis mensuratam, elevanda est machina; item, quali compositione vacuum illud tubi onerandum est, ut tempore dato, datum per aëra spatium percurrat Granata, & ubi terræ proxima facta fuerit, faciat effectum. Hæc, & his multa alia similia cum hujus loci non sint, sed ad artificiosam Machinarum nostratium bellicarum referantur constructionem & usum, Partis secundæ Artilleriæ nostræ lib. 2, in quo de Mortariorum structura, proprietatibusque, & usu, dicenda nobis non pauca proposuimus, si superi faverint, sufficientem horum quoque reddemus rationem, & expectatio-nistudiosi Pyrobolista satisfacere conabimur pro posse nostro; nunc verò reliqua absolvenda.

Iidem tubi extrinsecus nervis siccatis, & stuppæ in modum laceratis, glutineque calido imbutis, optimè circumduntur, majoris securitatis gratiâ: intrinsecus verò, fila aliquot sparsa, ex stuppa Pyrotechnica soluta agglutinen-

nentur,vehementiâ & impetu venti dum per aëra explosa & incensa Granata volat, ignis in tubo suffocetur; tandem compositione convenienti (quarum aliquot in super: cap: dedimus) oneratus,in Granata pulvere granulato repleta firmetur optimè, eo plane modo quem in eodem superiori capite de Granatis manualibus monstravimus.

Nota. Nulla Granata pulvere oneranda est, prius quàm ejus bonitatis experimentum feceris, idque hunc in modum. Granatam in prunis candentibus sepelito, ut ignescat: extrahito postea, & dum frigescit, frigidam in concavitatem ejus infundito aquam; & obstructo foramine, ne aqua infusa effluat, subito spumâ causticâ, vel sapone cum aqua calida, totam granatæ superficiem convexam illinito: videbis namque si Granata illa rimas aliquas, & ignota habuerit foraminula, super his surgentes, & rursus cadentes, evanescentesque bullulas. Ejusmodi Granatam si aliis melioribus abundes, rejice prorsus, ut minus utilem, immò summè periculosam: aut si ita res tuæ ferant, ut illam omnino in opus adhibere cogaris, rimulas illas super quibus bullulæ apparuerant diligenter notato, & postea stillos chalybeos præacutos in illas violenter adigito; totam autem Granatæ superficiem exteram lineis telis, & stuppis pice liquidâ, aut glutine pyrotechnico (cujus compositionem superiori capite dedimus) illitis, undique stipato; observatis quàm accuratissimè singulis, minutissimis licet, ne quid eo tempore dum exploditur, Granata ab ignis vehementia damni patiatur.

Quantitas pulveris ad ejiciendam Granatam requisita, ex infra dicendis habebitur. Ante omnia porro sciendum est quomodo pondus Granatæ absque ponderatione, solius calculi Arithmetici ope, & mediante Regulâ Calibræ inveniatur, ex hoc enim proportionatam quantitatem pulveris ad ejiciendam Granatam facili negotio reperiemus; fiet autem id hac sequenti methodo.

Sumatur diameter Granatæ, statuaturque in Regula Calibræ, cabrandis ferreis globis accommodata; abscindet illic unum circini crus numerum aliquem ponderis, quod ratione suæ magnitudinis obtineret Granata, si solida esset. Numerus hic ponderis teneatur memoriâ, vel in charta notetur. Rursus statuatur ejusdem Granatæ internæ concavitatis diameter, in eadem regula; refecabit ut prius idem circini crus numerum alterum, qui notabit internam Granatæ capacitatem si solida, & ferrea esset: numerus iste modò inventus subducatur de illo priori; residuum, erit Granatæ pondus quod ex sua in circumferentia quâ vacuum ambit, crassitie, possidet Granata.

At si se offerat ejus magnitudinis Granatæ diameter, ut in linea Calibræ propter ejus brevitatem statui nequeat, tum semissis ejus sumatur, statuaturque in eadem linea; numerus autem qui monstrabitur per 8 multiplicetur; hoc modo proveniet numerus ponderis totius corpulentie. Ut ex: gr: data sit quædam Granatæ diameter, quæ regulâ Calibræ mensurari non possit, semissis autem ejus sumpta, & in eadem regula posita, monstret numerum 18, hic numerus ductus in 8, producet numerum 144, qui denotat pondus Granatæ si tota solida esset. Rursus diameter internæ concavitatis ejusdem Granatæ bisecta, & eadem Regulâ Calibræ mensurata ejus una semissis, in numerum 7 incidat; hic rursus per 8 multiplicatus producet 56; iste denique à superiori 144 subductus, relinquet pro residuo 88, verum granatæ pondus, absque pulvere in ejus concavitatem imponendo,

Pulveris autem pondus cujus Granatæ vacuum capax est, facile innotescet, si diameter concavitatis illius, pulverum lineâ, stereometricè in libras, & uncias libræ divisâ, (qualem in figura sub Num: 117 sub litera A descriptam vides

vides mensuretur; numerus ille qui monstrabitur, erit numerus librarum, vel unciarum pulveris, quæ concavitatem Granatæ implebunt. Addatur jam iste numerus ponderis pulveris, illi priori ex subductione residuo; aggregarum utriusque erit pondus verum totius Granatæ pulvere repletæ. Quomodo autem ista pulverum linea fiat sit accipe. Repletur Granatæ alijus concavitas quàm perfectissimè sphærica, pulvere granulato usque ad verticem; pulvis inde effusus ponderatur; numerusque ponderis notatur. Mensuratur postea diameter internæ concavitatis istius Granatæ, & in tot partes stereometricè secatur, quot libras aut uncias, pendere pulvis ille invenitus est; & ex hoc non difficilè juxta libri primi regulas, lineam Pulverum conficies, in qua plurium librarum, & unius libræ unciarum, & semis, diametros annotabis.

Sin autem Granata ad manus non sit, fac cujuslibet magnitudinis cylindrum concavum cujus altitudo, latitudini æqualis sit: hunc pulvere granulato replebis, & postea pulverem effusum ponderabis. Cùm autem omnis cylinder sphæram complectens, vel cujus basis maximus sphære circulus est, altitudo verò diametro sphære æqualis, sesquialter sit sphære, juxta Archimedem de sphæra & cylindro. Ideo fiat, ut 3 ad 2, ita pondus pulveris cujus cylinder capax est, ad pondus pulveris à sphæra quam cylindrus amplectitur comprehensi. Peractâ igitur operatione habebis numerum qui dabit pondus pulveri globi, illius videlicet cujus diameter erit altitudo, vel latitudo, cylindri. Id autem nullo negotio præstabit quilibet, vel parum etiam in Geometricis versatus, lineamque pulverum juxta superiora fabricabitur.

Solent aliquando Pyrobolistæ exercitii causâ Granatarum concavitates pulveris loco arenâ replere, ut suum verum pondus habeant: quas postea in mortaria inditas, ad certas distantias, & ad scopum præfixum collineantes ejaculantur. Quamobrem necesse quoque est, ut proportio ponderis arenæ, ad pulveris pondus inæquali utriusque corporis magnitudine sciatur. Nos verò experi sumus, arenam albam minutissimam, & siccam, ad pulverem granulatum optimum, quo minora sclopetâ onerantur, esse ut 144 ad 83. Et ex hoc fundamento confecimus alteram lineam in eodem schemate sub litera B, in qua diametros globorum arenæ annotavimus. Hujus adminiculo, non difficulter quilibet sciet quot libræ ad implendum cujuslibet Granatæ vacuum requirantur. At si tantum arenæ fumendum est, ut pondus illius, ponderi pulveris, cujus Granatæ vacuum capax est, æquale sit, (ut id à Pyrobolistis observatur) tum id per superius allatos arenæ, & pulveris proportionales ad invicem, ponderum respectu numeros, inquiri debebit. Sed hi numeri generaliter sumi nequeunt, nec pro immutabilibus habendi, cùm & pondus pulveris, & arenæ, in infinitum variant: ut enim materiæ pulverem pyrium constituentes diversimodè ac planè infinite miscentur & alligantur, unde & pulvis præparatus diversi ponderis est; ita & arenæ tot species sunt, & una alteram superat pondere, licet unum plures repleant corpus; diligens tamen, & ad artis suæ summam aspirans perfectionem, plurimarum arenæ specierum in globos, aut cylindros collectarum pondera annotabit: nos verò modum duntaxat, hîc loci monstravimus quo quispiam pondus Granatæ tam pulvere pyrio, quàm arenâ repletæ absque ponderatoriis machinis invenire valeat.

Hoc invento quantitas quoque pulveris ad ejiciendam ex mortario Granatam innotescet. Sed hæc summè variata apud Pyrobolistas: re-

X

specu

pectu enim distantix loci ad quam Granata ex mortario projicienda est, plus aut minus pulveris sumunt. Aliquando enim ad singulas libras quas Granata pendit, pulveris unciam semis, seu unum lotonem adhibent; per sæpe semissem lotonis; etiam $\& \frac{1}{2}$; immò minus quoque, cum Granata ita ejicienda est ut spatio 4, & ad summum 6 horæ secundorum, in aëre morata, & quàm brevissimo itinere confecto, quod rectæ magis quàm curvæ, aut circulari lineæ simile sit, ad proximam decem, aut 15 passuum distantiam in humum decidat. Hic autem modus aliquando in usu est, cum ex obsessi fortalitii vallo in obseffores, ad radicem valli accedentes, & in fortalitii fossa Vineam vulgo Galleriam dictam, fabricantes, Granatæ ex mortariis jaciendæ sunt. Fateor idem majori quoque pulveris quantitate præstari posse; sed id est incommodi, quòd Granata majori vi pulveris ejecta, majus quoque conficit iter, & longiori tempore commoratur in aëre; ac priusquam terræ proxima fiat, satis superque habent ii temporis, super quos Granata projecta est, quo lætales ejus devient, ludificenturque ictus. Sed & quo altius versatur in aëre Granata, eò majorem ejus resistentiam patitur, & vehementioribus ventorum impetita flatibus, in hanc, aut illam propellitur partem, ut per sæpe à præfixo termino aberrare necesse habeat. Id quoque agnosco, quòd unâ eademque quantitate pulveris, ad diversas distantias Granatæ, cæterique Pyrobolici globi ex mortariis ejici possint, cum major quantitas pulveris, quàm ad majorem distantiam projiciendus quispiam globus requirit, majori super horizontem elevatione machinæ, aut à puncto verticali ad eundem inclinatæ usque ad angulum semirectum. (quod mortariis peculiare est) compensatur. At & hîc loci posterior allata ratio pro nobis militabit. Tutius namque futurum fore existimaverim, (si id propter plurimas, & quasdam ex illis planè factu impossibiles circumstantias, & difficultates liceret) ut ad omnes distantias ad quas globi ex mortariis jaciendi sunt, proportionatæ pulveris sumerentur quantitates; machinæ verò ad aliquot tantum primos ab horizonte quadrantis circuli gradus elevatæ, humilem, eundemque semper haberent situm. Id autem cum vix, ac ne vix quidem in omnibus distantis fieri possit, optarim ut in maximis saltem machine elevationibus; quæ verticali puncto proximiores sunt, & ad propinquiores distantias adhiberi solent, minueretur solita pulveris quantitas; Machina verò gradibus aliquot horizontem versùs deprimeretur; ut humiliorem aëris regionem pervolando explosa Granata, minus infans turbinum procellis exponeretur, ac minùs postea à proposito scopo declinaret.

Sed ut jam certi aliquid concludamus, & generalem pulveris quantitatem ad omnis ponderis globos bellicos qui ex mortariis ejici solent statuamus; ut ex hoc tabulas jactuum (de quibus in parte secunda Artilleriæ nostræ) condere, iisque uti possimus. Præscribimus itaque sufficere, si ad globos maximi ponderis, ut sunt 300 pluriumque librarum, ad singulas globi libras, uncia semis pulveris sumatur; id autem ad 100 usque libras pendentes globos continuari poterit: à 100 usque ad 1, descendendo, numeri quinarum 15 granis augeantur; ita ut 1 globus ad ejectionem necesse habeat 588 granis pulveris, vel 2 lotonibus cum 12 granis. Ad hoc opus calculati fumus tabellam proportionalem a 100, usque ad 1 progressi, per numeros quinarum descendendò. Usus ejus perfacilis est. Multiplicantur nempe numeri columnæ B, per numeros in columna sub A, positos; factum dividitur per 288, ut Lotones habeantur; tot enim granis constat unus Loton: numero autem lotonum per 32 diviso, provenient librarum

libræ pulveris. Sed idem unico tantum exemplo adducto melius patebit. Sit ex: gr: globus quidam ex Mortario ejiciendus, qui sit pondo 80. Hic numerus, inter numeros sub A descriptos inventus, postea in numerum alterius columnæ sub B, illi è regione respondentem, nempe 348 ductus facit numerum 27840, qui denotat grana pulveris; hisce per 288 divisus, dabitur quotiens 96 lot: cum 8 den: quorum singuli constant 24 granis. Isti autem lotones rursus per 32 divisi, faciunt exacte 3 pulveris. Sumptis igitur 3 pulveris cum 8 den: commodè tuum onerabis mortarium, globo 80 pendente superindito.

Nota 1. Si inter hosce quinariorum in tabella nostra numeros alii intermedii ponderis globorum numeri sese efferant, tum ad singulas libras quibus pondus globi illius à numero superiore deficit, tria addito grana; & numerum additionis istius in unam summam cum quinariorum superioris numero collectum, ducito in numerum ponderis globi tui. Ut ex: gr: si se offerat globus, qui pendat 82, iste quia 3 deficit à 85, numero quinario superiori in tabella, 333 additis 9, & summam utriusque, 342 in numerum ponderis globi 82 ducta, conflabis 28044: hoc numero per 288 partito, provenient 97 lotones cum 4 denariis.

Nota 2. Hæc superius tradita à nobis regula, de pulveris quantitate ad ejiciendos globos omnis generis bellicos ex mortariis, generalis est, & immutabilis semper retinenda. Attamen diversarum specierum pulveris vis, & potentia, in maxima debet esse consideratione: cum persæpe uncia una pulveris unius speciei, operetur duplò, immò etiam decuplò potentiùs, æquali quantitate alterius speciei pulveris: ita ut una uncia illius, decem unciis istius æqualeat. Sed hoc practantium Pyrobolistarum iudicio relicto, ad onerationem mortarii nos accingamus.

Habitâ jam pulveris quantitate ad ejiciendam Granatam ex mortario, mensuretur, primum altitudo, & latitudo cameræ Regulæ Cylindraceæ, vel Cylindrometricæ, in partes inæquales secundum naturam cuborum secta, ponderi pulveris pyrii accommodatâ; qualem nos in Fig: Num: 117 sub lit: C descriptimus. Si latitudo cameræ cum sua longitudine conveniat, tot librarum pulveris capax illa camera est, quot numerus ille in regula abscissus innuet. At si diversi à latitudine, & longitudine cameræ abscissi fuerint numeri in eadem regula, tum inter illos numeros latitudinis, & longitudinis cameræ, tertius medius proportionalis quæsitus, dabit veram capacitatem cameræ. Isti numeri si surdi, & irrationales fuerint, exactius inter eos medius proportionalis in lineis reperietur, quam per calculum Arithmeticum.

Jam si camera mortarii plurium librarum pulveris, quàm quæ ad ejiciendum globum sunt necessariæ capax reperta fuerit, infundito primùm in cameram pulverem; & reliquum altitudinis cameræ usque ad orificium super pulverem infusum regulâ aliquâ mensurato: hanc postea in 6 partes æquales dividito, & eidem altitudini addito, habebis veram altitudinem cylindri lignei, quo ad pulverem in camera comprimendum, & occludendum opus habes: & hoc modo mediocriter satis, & juxta superiora nostra monita con-

A	B
100	288
95	303
90	318
85	333
80	348
75	363
70	378
65	393
60	408
55	423
50	438
45	453
40	468
35	483
30	498
25	513
20	528
15	543
10	558
5	573
1	588

densabitur pulvis; ut nec grana, nec vacuola inter grana amittat. At si camera illa mortarii longè minor sit, quàm ut pulverem requisitum capere possit, totam altitudinem cameræ in 10 partes æquales dispescito; & $\frac{1}{10}$ pulvere repletis, $\frac{9}{10}$ altum præparabis cylindrum: & hoc casu jam regula nostra superius tradita locum habere non poterit.

Idem quoque faciendum quod nunc diximus, si tuus pulvis expleat tantum ad orificium cameram, nihil verò spatii cylindro relinquat: isti quales esse debeant sequentia declarabunt.

Cylindri lignei pulverem pyrium in cameris mortariorum comprimentes, diversimodè præparari solent: namque si Granata ita in mortario locanda est, ut tubus ejus orificium mortarii spectet, & Granata uno igne ejicienda est, tum cylinder ille, vel à lateribus in omnem circuitum excavatur, columnæ striatæ in modum, ut in Figur: Num: 118 sub lit. A apparet: vel desuper aliquot terebrantur foramina, eo modo, ut omnia ad unum majus infernè terebratum foramen coëant; quod in altero schemate ejusdem figuræ sub lit: B videre est. Hic autem modus ejiciendi Granatas uno igne, omnium tutissimus est, & sequenti ratione perficitur.

Indito in cameram mortarii pulvere ad Granatam ejiciendam requisito, & cylindro super pulverem violenter impacto, ut summis cameræ labris ad amussim respondeat, foramina in cylindro terebrata, vel canales à lateribus alterius facti, pulveris farinâ replentur; nec non desuper etiam largâ manu eadem farina inspergitur. Involvitur postea totum Granatæ corpus impiliis, aut crassiori laneo panno, pulvere trito cum vino adusto madefacto, quàm optimè saturato. Involucrum hoc excisum habeat foramen ea parte, quâprehendit Granatæ fundum; cujus latitudo mortarii cameræ æqualis sit: & sic Granata in vacuum mortarii imponatur, ut fundus ejus cylindro ligneo in cameram impacto insistat.

Orificium tubi in Granata plurimâ stuppa Pyrotechnicâ soluta circumdetur desuper, & à lateribus. Requiritur quoque magna copia pulveris triti, quo undique respergitur Granata; ut tantò facilius ad orificium tubi decurrat ignis.

Et hic est primus modus ejiciendi Granatas ex mortariis uno igne: Alter huic similis, sed summè periculosus: cum nempe Granatæ tubus orificio cameræ obvertitur; & tum in eo passu paratur cylinder ligneus in medio perforatus, & per duas diametros ad angulos rectos in centro cylindricæ superficiæ sese interfecantes, in quatuor æquales partes divisus; qualem in eadem Fig. Num: 118 sub lit: C depinximus. Nullatenus autem concesserim ut vulgari modo præparatæ Granatæ ad hoc opus adhiberentur: sed omnino construenda est Granata qualem nos in Fig: Num: 119 delineavimus, cujus orificium, & fundi imum intrinsecus concavis helicibus matricis coehleæ in modum, striatum sit: tum & tubus ferreus, cujus forma in eadem figura est sub lit: A, ad collum, & infernè quoque, spirulatim convexas circumvoluntas habeat helices, quibus congruant concavæ. Hoc modo firmissimè in concavo Granatæ localitur tubus, & pulveris vehementiam minimè pertimescet.

Si duobus ignibus ejicienda Granata est, tum cylinder, comprimendo pulveri in camera mortarii destinatus, solidus, & absque ullo foramine parandus est. Hoc primum super pulverem in cameram violenter impacto, inditur postea viridis, recensque cespes, aut argilla madida; huic im-

ponitur orbis ligneus tres quatuorvè digitos, crassus, latitudinem verò per diametrum, orificio mortarii paulò minorem habens. (Vide lit: D, in eadem Figura.) Tandem imponitur Granata, ita ut ejus orificium, mortarii orificium spectet, & desuper viridi rursus cespite contegitur, & à lateribus in concavo mortarii feno, aut stramine, vel stuppis, & argilla madidâ, & hisce similibus stipatur firmissimè. Hujus posterioris modi onerationem habes in schemate sub Numero 120 expressam.

CAPVT III.

De Granatis quas cæcas vocant.

Est quoddam apud Pyrotechnicos Granatarum genus, quæ dum ex mortariis ejiciuntur minimè opus habent, ut igni accensæ per aëra volent; (undè etiam quod lumine careant, cæcæ dictæ sunt: immò usitatissimus iste omnibus Pyrobolistis terminus est, ut cum Granatæ omnis generis, & reliqui globi artificiales, ob aliquem defectum in accensæ ex mortariis ejiciuntur, & suos postea non præstant effectus, cæcos illos esse dicant) at ubi attigerint humum, aut aliud quodpiam durum, & immobile offenderint objectum, illico concipiunt ignem, & non dissimiles cæteris Granatis faciunt effectus. Formam ejusmodi Granatarum exhibet tibi Figura Numero 121: in qua globus sub litera A est Granata ipsa concava, desuper & infernè per diametrum foraminosa: nec non tertium à latere habens osculum, eidem usui paratum, cui & in aliis superius descriptis Granatis similia oscula facta sunt.

Sub litera B, in eadem Figura est matrix ex lamina ferrea in cylindrum versa, plurimis laceffita foraminibus, intus verò concava; & innumeris raporum incisuris scabrosa, & aspera scobinæ in modum: hæc autem recipit introrsum duos uncus igniarios, super cylindro ferreo solido affixos, filices fertiles igne, mordicus prehendentes; idque beneficio cochleæ affirmantis, ut lit: C ostendit. Matrix hæc inditur primum in vacuum; Granatæ per inferum foramen, quod superiore latius est, firmaturque desuper laminulâ ferreâ quadrangulâ, duas, tresve lineas crassâ, sub litera G, in cujus interiores helices inferitur cochleatim hæc matrix suis convexis quas desuper habet helicibus; & infernè ubi receperit uncus cum filicibus, orbiculo foraminoso E insistit, majoris firmitatis ergo. Cylinder quoque ille ferreus, super quem unci igniarii affixi sunt, habet infernè cochleolam alteri orbi ferreo majori D, cui totius Granatæ delapsæ moles innititur, spirulatim inferendam.

Est & alter sub litera H simplex uncus igniarius cum suo filice spargere scintillas parato, super chalybeo ignitabulo labili, qui nullâ matrice opus habet, & priorum binorum loco, perquam commodè adhiberi poterit.

Granatam ex hisce portionibus compositam, & omnimodè jam præparatum, monstrat in eadem Figura litera K: ubi quoque cauda è linteis aut lineis pannis super catenulis ferreis ad anfulas quadratæ ferreæ laminæ I religatis, addita est. Hæc autem labentem per aëra affectatur Granatam, & dum decedit, ut super orbem cadat summopere auxiliatur.

Jam verò ubi torum delapsæ Granatæ pondus orbi superincubuerit, uncini igniarii in matrice reclusi, versus supremam Granatæ partem ascendere cogentur, & filices ad internas matricis incisuras violenter adacti, & super illis velociter currendo vehementer collisi, elicient ignem, per foraminula matricis in pulverem Granatæ inditum, transmeabilem: atque hoc pacto eundem habebit effectum, quem & alio modo præparata habitura fuisset.

C A P V T I V.

De Granatis ex tormentis majoribus bellicis ejaculari solitis.

Quartum jam ac ultimum Granatarum genus describere aggredior: illarum videlicet, quæ ex tormentis majoribus in hostile vallum difficiendum, & patulos hiatus, quasi illis per subterraneos cuniculos mediante pulvere pyrio factis, quodammodo similes, quamvis in minori quantitate faciendos, mitti & explodi solent. Hujus quoque generis Granatarum innumeras planè species, & luxuriantis Pyrobolistarum genii plurima reperia, hoc capite non mihi enumerare & describere animus est; adducam saltem aliquot non vulgares inventiones, & quibus tutò, ac securè quilibet acquiescere, usibusque suis illas accommodare poterit.

Species 1.

Inter cæteras quæ sequenter hujus generis Granatarum species, Granatæ sub Num: 122 delineatæ primum concedimus locum: Est hæc ut in figura apparet sphæroidis in modum oblonga, & inanis ut vulgares Granatæ. Orificium concavis helicibus tyli aut matricis cochleæ instar striatum habet: in quod immittitur auliscus ferreus, convexas helices capreolatim circumvolutas habens quæ respondent concavis. Huic inhæret tubus ligneus teres, aut multangularis, per totam longitudinem terebrâ excavatus: tum & à lateribus plurima, candenti subtili acu ferreâ exusta, habet foraminula; quæ non normaliter, sed obliquè, & ad angulum acutum medio majori foramini sociantur: atque eorum orificia introrsum granatam spectant. Hæc, ut & majus medium foramen molli pulveris farinâ repleta sunt: tubus verò ferreus in Granatæ vacuo delitescens materiâ lentâ, cujus compositiones aliquot ad tubos Granatarum, superius dedimus, oneratus est. Aptantur huic tubo ligneo alæ quatuor, vel plures ex tenui ferrea lamina, longitudine tubo æquales; latitudinem verò eam habent, ut binæ diametro tubi additæ, constituent unam rectam, quæ æqualis sit diametro minori Granatæ: atque adeo æquales diametro tubi, quæ est ex; diametri minoris Granatæ.

Longitudo tubi illius sic est moderanda, ut ubi Granatæ junctus fuerit, æquiponderet Granatæ: hujus autem rei facillimè experimentum facere poteris juxta illam methodum, quam nos superius de construendis Rochetarum perticis ligneis tradidimus. Denique totus hic cylinder stuppâ pyrotechnicâ solutâ, & pulvere trito respersâ cooperiatur, & Granata in tormentum ex quo explodi debet, super pulverem mittatur.

Species 2.

In Fig: Num: 123 est altera species hujus generis Granatarum; paratur autem hunc in modum. Sumitur Granata vulgaris, cujus diameter minor pau-

paulò est diametro orificii tormenti, ex quo ejaculanda est: hæc inditur in ligneum cylindrum, infernè planam habente basim, supernè verò in hemisphærium, cujus diameter Granatæ diametro æqualis est, excavatum: per medium autè ejus longitudinis transit foramen usque ad Granatæ orificium, pulvere trito refertum. Cylindri hujus longitudo est diametrorum orificii tormenti ad quod construitur 2 $\frac{1}{2}$. Supernè contegitur operculo, ejusdem crassitie, cujus est & ipse cylinder; longitudinis vero 1 $\frac{1}{2}$; diametri orificii tormenti. Hoc operculum ea parte qua cylindro jungitur in hemisphærium ut & cylinder excavatum est, ut semissem Granatæ superiorem contegat: desuper verò in conum fastigiatum est. Commissuræ cylindri & operculi pyxidiatæ sint, & glutine calido conglutinentur; reliqua ex figura facile percipi poterunt.

Species 3.

Species hæc tertia istius generis Granatarum sub Num: 124, in construendo parum requirit artificii: sumitur tantùm cylinder ligneus cujus altitudo, & latitudo æquales sunt diametro orificii tormenti cui inservire debet; & excavatur primùm infernè in hemisphærium, quod dimidiam Granatam vulgarem, cujus diameter tormenti diametro paulò minor est, tegere, & recipere possit: desuper autem terebrantur aliquot foramina, quæ omnia super tubo Granatæ in unum concurrunt, & replentur pulveris farinâ, ut ad tubum Granatæ deferant ignem. Vincitur postea Granata cum suo cylindro filis ferreis, aut cupreis, & ad explodendum mittitur in tormentum; ita ut cylinder pulverem spectet.

Species 4.

Sequitur quarta quoque species ejusdem generis Granatarum sub Num: 125: in qua lit: D monstrat ipsam Granatam; C, cylinder ligneus est, ejusdem longitudinis & latitudinis, ut & in superiori tertia specie erat, concavo suo hemisphærio dimidiam Granatæ partem superiorem ambiens; E est foramen in Cylindro terebratum, è directo tubo Granatæ respondens, pulvere trito repletum; B, denotat pyxidem papyraceam, cylindro ligneo affixam, orbiculo ligneo, aut papyraceo desuper rectam; & pulvere granulato, ad ejiciendam Granatam requisito, ut A monstrat, repletam.

Nec multùm differt ab hac specie jam dicta, & illa Granata quam in vacuo tormenti bellici locatam depinximus sub Num: 127, nisi quòd tota & cum suo cylindro ligneo, ejus semissem amplectente, intubo papyraceo recondita sit. Hic autem super embolo ligneo tuborum Rochetarum in modum construitur: repletur quoque pulvere granulato super cylindrum ligneum, ut & illa superior pyxis, ut id in figura eadem luculenter apparet. Multum porro hæc duæ species in onerando celeritatis præstant; & ab omni pulveris violentia, ne illis quid forsan noceat, per quam immunes sunt.

Species 5.

At non unica duntaxat Granata (ut in superioribus speciebus erat) ex tormento majori ejaculari potest; verùm plures etiam numero manuales Granatæ in campestri aliquo conflictu in hostem explodentur commodissimè; si (ut in Fig: Num: 126 vides) in lignea excavata pyxide recondantur: Istius fundus A, duplam laterum crassitiem habeat, & ferreâ lamina præmunitus sit: postea vel tota ut superius diximus, in tubo papyraceo fertabitur, vel

vel ut hîc apparet, fundo illius affigetur, & firmiter agglutinabitur sacculus lineus D pulveris granulati plenus; tubus quoque C, ligneus aut ferreus materiâ lentâ oneratus transeat fundum pyxidis, per quem ignis ad Granatas, ubi explosa pyxis medios inter deciderit hostes, accendendas veniat.


Species 6.


Nudam quoque Granatam absque ullis involucris, & reconditoriis, quod huc usque fecimus, possibile est è tormento explodere quocunque libuerit: at illa ad fundum multò crassior quàm alibi esse debet; qualem nos sub Numero 128 ob oculos ponimus. Tubus quoque ferreus ita est construendus, ut convexæ superficiei Granatæ ex æquo respondeat, nec eidem tantillùm superemineat: imum quoque ejus extremum fundo Granatæ inhæreat, ut in eadem Figura litera A monstrat: vacuum tamen, quod lentâ materiâ onerari debet, in latitudine, & altitudine eam habeat proportionem, quam in cæteris Granatarum tubis superius præscripsimus; id autem ad lit: B hîc apparet. Fundus Granatæ istius pulverem in tormento repositum; tubus verò orificium ejusdem spectet: nullam enim hîc subest periculum, ut Granata inaccensa ex tormento erumpat in aëra: priusquam enim vi pulveris mota cannam, seu animam tormenti transcurrat, & ejusdem orificio proxima fiat, tot rotationibus circum, agi necesse habet; non igitur possibile ut flamma pulveris integrum Granatæ corpus amplectens & ambines, materiam quoque in orificio tubi illius existentem non valeat incendere.

Species 7.

Regnante feliciter non ita pridem MAGNO VLADISLAO IV. Poloniarum & Sueciæ Rege Pontentissimo, Architectus ejus Militaris Fridericus Getkant (quem jure merito ob ejus non vulgarem scientiarum Mathematicarum peritiam, & novarum semper inventionum, quas illicò ad praxim reducere solet; cum omnes, (ausim dicere,) artes mechanicas apprimè calleat, alterum patriæ meæ Archimedem appellare possim) ad invenit modum securissimum, perfectissimumque ejaculandi Granatas è tormentis bellicis majoribus; constructo ad id opus æneo tormento: quod quidem respectu longitudinis habet quandam affinitatem cum veterum tormento Italis dicto *Canone petriero in camerato*; cameram tamen pro pulvere recondendo longè dissimilem obtinet; ita videlicet proportionatam, ut eam duntaxat pulveris quantitatem, quæ pellendæ Granatæ satis est, capiat. Porro quod novum est, ab uno tormenti foculo, binos diversos habet canales: unum nempe obliquè deferentem ignem ad pulverem in camera repositum; alterum verò perpendiculariter in subjectam in tormenti vacuo Granatam descendentem, per quem labitur ignis ad accendendam stuppam Pyrotechnicam, quâ Granata tam desuper, quàm & ad tubi orificium circumdata est: Ut dum pulvis in camera tormenti in flammam solvitur, jam Granata incensa, & omnimodè parata sit; solamque tantùm potentia moventis expulsionem præstoletur. Formam hujus tormenti, & in illo locatæ Granatæ, delineavimus sub Num: 129: proportionem autem omnium tormenti partium, lib. 1, part: 2. Artilleriæ nostræ sufficienter exponemus; quomodo nimirum ab eodem laudatissimo, peritissimoque artium militarium, aliarumquæ complurium scientiarum magistro, illud constructum spectavimus, & singula diligenter connotavimus.

CO-





COROLLARIUM. I.

Granatæ omnis generis bellicis usibus variis modis accommodari possunt: ex his aliquot in sequentibus declarabimus; sed & illa Granata in figura Num. 128, sub lit. E delineata, non omnino spernenda est. Insuper hæc primum in duo parallelepipeda lignea, duobus transversariis vincta & coagmentata, ut firmiter cohæreant: tum incensa è loco superiori aliquo demittitur per præcepsum in hostem, plurimam tam per semetipsam, quàm & per illa parallelepipeda in innumeras dissiliencia particulas, editura stragem.

COROLLARIUM II.

Ad granatas ex tormentis ejaculandas, non major pulveris pyrli fumatur quantitas, quàm quæ uni octavæ parti totius ponderis Granatæ, & cum omnibus additamentis, sine quibus è tormento explodi commodè nequit, æquiperet.

COROLLARIUM III.

Observavimus, persæpe omnis generis Granatas ubi super planum aliquod delapsæ fuerint, dirumpi ad angulos semirectos ab horizonte, inscrutabili planè naturæ mysterio. Memor igitur hujus cautelæ, & salutaris præmonitionis nostræ, facile mortiferos Granatæ cujuslibet acinos vibrabit, ludificabiturque, cum ab ea non longè nimium distiterit; si priusquam dirupta partes in varias lethalia sparserit semina, cernuus cadat super planum cui incubat Granata. Id autem unumquemque meo damno monitum velim; illum autem vel maximè, qui dum hujus generis poma decutiuntur, non tam spectator, quàm particeps præsto adesse cogitur.

COROLLARIUM IV.

Quid tam horrenda Granatarum jacula in rebus bellicis, ab eo tempore ut inventa sunt, præstiterint, qui nosse cupit, evolvat omnium illorum commentarios, qui ævo nostro rerum in Belgio gestarum seriè conscripserunt. Me tacente fidem illi facient, inter cætera media, quæ utriusque Belgii tam stupendas, & quibus conficiendis multorum in Europa regum annui redditus non sufficerent, obsidiones promoverunt, facilitaveruntque, Granatas quoque nostrates fuisse; artificialiter à peritis Pyrobolisticis (quibus felix abundat Belgium, & in vicinas etiam transmittit provincias) in obsessas civitates, & fortalitia ritè ejectas; cum extrema propugnantium calamitate, & tam loci obsessi munitionum, quàm etiam ædificiorum omnium publicorum, privatorumque ruina & excidio. Sed non desunt etiam nunc superstites plurimi, qui se felices prædicant, immò superbiunt etiam, spernuntque quasi cæteros, quibus Bredæ, Ostendæ, Trajecti ad Mosam, Sylvæ-ducis, Bergarum ad Zomam, Rhinbergæ, & nuper captæ Hulstæ, allarumque plurimarum munitissimarum, nobilissimarumque civitatum, & fortalitiarum oppugnationes, ita ut sibi vidisse non licuit.

Isti omnes meæ subscribent sententiæ, Granatas ex operibus appropinquatoriis oppugnantium, in obsessos projectas, non terruisse eos duntaxat, verum etiam ad velociorem deditionem necessitasse, atque coegisse:

Y

cum

cum tot cruenta comilitonum funera; tot immania vulnera, artuumque mutilationes, tot ac tanta per urbem quaquaversum Granatas disruptas patrasse damna, & innumeras edidisse strages; ac quod nec fulmini quidem licitum, tot dirutas funditusque everfas spectarent domos: nec inveniri poterat locus ullus intra mœnia adeo securus, firmissimis licet concamerationibus præmunitus, qui delapsæ Granatæ pondus, & postmodum intus reclusi pulveris vi disruptæ, potentiam perferre valuisset.

Sed ut non nudis tantum verbis rem meam stabilire videar, appono insignium duorum hujus temporis auctorum testimonia, qui Sylvaducensem, Bredanamque videre obsidionem, & præcipua quæque connotavere. Primum itaque Daniel Heinsius in Historia obsidionis Sylvaducensis sic de Granatis habet: *Nec utrisque dispar hostis, ita animis atque armis singula tueri, ut ne passum quidem, nisi vi majore ejectus cederet, aut de se largietur. Quæ inter nihil æque ac ignita jacula terrere (malò punico in castris nomen) quæ nunc machinæ, nunc manu spargebantur. Negant quicquam sævius reperi, ex quo mortis titulos ingenio produximus. Correpti eâ tempestate tanquam fulmine mortales, cum murorum aut domorum partibus impellebantur. E quis unum machinator destinato ictu cum librasset, arma, vasa, vestes, aliaque in aërem rotata advertere nostri, neque dubitatum, quin armamentario ex usu incidisset. Quæ ab hoste quamdiu ad externa munimenta, aut succinctum valli, optimum vitandis talibus secessum aditus pateret, fugâ aut receptu vitabantur.*

Huic simile quidpiam Boxhornius in Historia obsidionis Bredanæ in hunc modum de effectu Granatarum refert: *Pilis ferreis ignitis (bombas vocant) uno ictu ædes tres ad solum adflitæ. Nec minus Granatarum violentiâ noxæ erat, paucorum inter cædem, quibusdam velut miraculo præsentia inter discrimina servabis.*

Missos facio alios, quorum scripta testimoniorum de effectibus Granatarum plena sunt. Vivos appello sædifragos Moscovitas, qui fatebuntur omnino, cum negare nullatenus possint, unâ cum tanta exterorum auxilantium manu, ad Smolenscum albæ Ruffiæ nobile propugnaculum prius obsessores, deinceps obsessi, ad annum Christi supra millesimum sexcentesium trigesimum quartum, quid Granatæ in castris suis tot mensium spatio absque ulla intermissione, ex obsidionalibus Lithuanorum munimentis projectæ effecerint, & quanta intulerint damna. Sed taceant illi licet, quos virtus nostra, & mutos, & omnis prorsus rationis inopes ita effecit, ut in hunc usque diem tanquam fulmine icti, amentes atque attoniti, ne mutire quidem valeant adversus victricia nostratum arma, suamque impotentiam confiteri. Nota res orbi universo, Pyrobolica hæc fulmina tantum illis eo tempore intulisse calamitatis, ut barbari ne in visceribus quidē terræ ad altitudinem multorum pedum sese defodientes, securè latitare potuissent. Plurimis tandem aliis etiam, indies accendentibus malis, quæ & vires, & animos illorum penitus enervaverant, victricibus Invictissimi Felicissimiq; Regis nostri MAGNI VLADISLAI IV pedibus, tam insignia gentis, & omnē apparatus bellicum (quem multorum annorum spatio, non in nostram, sed propriam paraverant perniciem) quàm & immani atrocitate efferatas cervices, submittere; & sanguineis planè lacrymis, ut securos ac incolumes, bonis omnibus, ornamentisque spoliatos, domum redire, utque macilenta, & rida, miserrimos duntaxat trahentia spiritus corpora, in patrio reponere solo, &

& jamjam labentia ossa non in aliena diffundere arena nostri paterentur, implorare coacti sunt.

Verùm nihil obstat quominus obsessi etiam ad demoliendas, disjiciendasque oppugnantium varias moles, & machinamenta, atque (licet impari passu) inferenda hostibus damna, Granatas omnis generis adhibeant: Id autem unico obsidionis toto órbre celeberrimæ Ostendanz exemplo, palam est, & superius dicta magis confirmantur. De hac sic noster annalium scriptor Paulus Piascius Episcopus Præmisliensis ad annum Christi supra millesimum sexcentesium primum: *Ac maximè illo initio certabatur jaciendis utrinque machinarum vi pilis ignitis, quæ nullo loco civitatis securos obsessos consistere sinebant, continuo & crebrò instar densorum fulminum pervolantes, nempe quæ majori sæpius, quàm minori in uno mense in civitatem 50000, & ex civitate 20000 numero intorquebantur.*

Sed quid ego plura in rem meam converto exempla? in recenti adhuc multorum versantur memoria tot famosissimæ nuper per Hispaniam, Galliam, Italiam, Germaniam, Poloniam, (ut jam Belgium Martis palæstram, utpote cæteris propter eximiam tractandorum armorum peritiam, incomparabilem Regione, missum faciam) totam fere Europam obsidiones, ex quarum successibus, decantatissimum illud est apud omnes probos nostræ militiæ censores, Granatas summo semper & obsessis fuisse exitio, pestemque civitatum planè incurabilem, perniciosissimamque; & obsidentibus non exiguo periculo, & modico damno; quamvis isti facilius illarum ictus evitare, & declinare valeant.

CAPVT V.

De Globis Incendiariis seu Ignitis, quos Galli *Boulets a feu*, Itali *Palle di fuoco*, Germani *Ernst & Feuerkugeln*, Belgæ *Vijerballen*, nos verò *Ogniste kule* dicimus.

Globorum ignitorum longè prius quàm Granatarum apud artis meæ cultores inventum est, atque ideo priorem illis, superioremque jure merito locum obtinere deberent. At cùm novas indies jugi cogitatione, & assiduâ praxi minimè oçiantes Pyrobolistæ, tam bellicas quàm recreativas comminiscantur machinas: & ut in cæteris scientiis, artibusque mechanicis, nova semper reperta veteribus exclusis, priorem postulent locum; tanquam illis nobiliora, perfectioraque, quia nova sunt; eam atiam ob causam globi igniti, quodammodo Granatis postponi, & vilesce-re, minusque usui esse cæperunt. Cùm tamen in rebus bellicis non omninò inutiles, toties repetita praxis illos esse convincat; ideo posteriori licet Granatis loco, illorum construendorum varios modos, & multiplices formas, quales & nunc, & olim in usu fuerant, describemus, & elegantibus figuris expressas proponemus: sed priusquam illorum varias species enumeremus, formas diversas videamus, quas illis postmodum accommodabimus.

Quod formam Globorum ignitorum spectat, hæc varia ac multiplex assignari potest: usitator tamen sphæroidis, & sphæræ est. Sed cùm isti globi ex telis linelis trliceis, aut aliis densioribus, & firmis construi soleant, utque illas figuras acquirant, parandi sunt primum certo artificio modelli quidam (Germani *muster* vocant) ad quorum formam scindendæ sunt telæ

& post modum consuendæ, ut sacco vel oblongos, ut sunt sphæroides, vel rotundos ut sphæra, referant, qui postea materiis ignitis, variisque Pyrobolicis flagris infarcientur.

Oblongi sacci sphæroidem mentientis modelli plurimis modis præparantur: ex his quinos hic loci dabimus; ac primò quidem. Sume diametrum orificii mortarii illius ad quod globum ignitum præparare vis: hanc in plano aliquo positam seca quadrifariam: & ut in figura sub Num. 130 vides posito uno circini crure in extremitate diametri, nempe in B, alterum ejusdem crus extende ad punctum terminans tres quartas diametri nempe ad C; & hac circini aperturâ describe circuli arcum D E. Rursus firmato uno circini crure in puncto C, per diametri extremitatem duc alterum arcum D B E, interfecantem priorem in D, E: atque hac arte describes figuram oblongam, duobus circuli arcubus æqualibus comprehensam D C E B, quæ erit modellus ad globum ignitum oblongum formandum. Iamque ejusmodi quatuor portiones ex tela linea scindito, & consuito firmiter; habebis saccum inanem, qui postea repletus referet sphæroidem.


Secundus modus est eadem formâ construendorum globorum ignitorum, iste. Diametrum mortarii, ut & supra dictum, primùm divide in 4 partes æquales, ut in Fig: Num: 131 apparet: tum prolongatâ diametro AB usque in C, ut A C sit dupla diametri A B, & hanc quoque prolongationem pari ratione in 4 partes dispesce, ut tota A C 8 æqualibus constet portionibus. Sume postea circino $\frac{1}{4}$, & ex A, uno extremo rectæ A C, versùs C, describe arcum circuli; & rursus describe alterum ex C, priorem interfecantem in E, & D; habebisque alterum modellum, qui est $\frac{1}{4}$ portio globi oblongi. Juxta hujus formam scinde ut prius ex tela, sex tales portiones, & unâ consue.


Figura Num: 123 exhibet triplicem modelorum formam. Primam quidem sub lit: A descriptam diametro circuli pro radio arcuum sumptâ; alteram sub lit. B circumscriptam duobus circulis sese mutuo interfecantibus, quorum diametri sunt æquales mortarii diametro, ad quem globus ignitus construi debet; denique tertiam inscriptam iisdem circulis, Omnes autem istæ figuræ dant modulos saccorum oblongorum diversæ formæ, ubi ex tribus ejusmodi portionibus fuerint consuti.

Perfectè autem rotundorum globorum formandi ratio hæc est. Diametro orificii mortarii bisectâ, describe circuli peripheriam. Hanc postea in 4 quadrantes partire: & rursus unum ex his trifariam divide. Duc deinde rectam, in qua pone partes æquales 19 tales, quales in circuli quadrante ternas invenisti. Ut in Fig: Num: 133 sub lit: A, A B est diameter circuli; B C verò recta, constans 19 partibus æqualibus, ex quibus una æquatur trienti quadrantis circuli, super diametro A B descripti. Super hac recta, posito uno circini crure in B ejus extremitate, alterum extende usque in undecimum punctum, ita tamen, ut dena transmittas spatia, & duc circuli arcum. Converso post modum circino, & firmato uno ejus crure in altera extremitate ejusdem lineæ, duc arcum conversum, priorem interfecantem in E D; & acquies modellum pro globo sphæram referente. Ac si ejus formæ duodecim portiones ex linteis scindas, & simul consuas, habebis saccum perfectè rotundum.

Appono quoque & alterum modum in eadem Fig: sub lit: B, formandi modelli pro globo ignito rotundo, quem & Diegus Ufanus Tractatu 3 cap:

19 suæ





19 suæ Artilleriæ describit in hunc modum. Ductâ diametro orificii mortarii, & super ea descriptâ circuli peripheriâ; nec non & in 4 quadrantes eadem divisâ, ductâ alterâ diametro priorem ad angulos rectos in centro circuli interfecante, ex binis punctis diametrorum, ubi peripheriam circuli tangunt, & quadrantem ejusdem refecant, ad intervallum subtensæ quadrantis circuli, describantur bini circuli arcus, sese ad verticem mutuo interfecantes; tum & ex puncto intersectionis, eadem aperturâ circini describatur tertius circuli arcus, complens figuram, triangulum sphæricum æquilaterum referentem. Jam ad formam hujus modelli octo portiones ex linteo scissæ, & dextrè ut requirit ordo consutæ, facient saccum sphæræ in modum rotundum: quomodo autem isti sacci consui debeant, monstrant diagrammata Num: 134 & Num: 135.

Compositiones ad globos ignitos onerandos.

Quamvis omnes illæ compositiones quas superius ad onerandos globos aquaticos præscripsimus, commodissimè & globis ignitis quoque inservire possint, cum tamen hîc aliquantulò vehementiores requirantur, & quæ longissimas eructent flammæ, scintillasque ignitas projiciant gaudiores; ut ignem suffocare & extinguere volentibus difficilem fiat accessus. Dabimus igitur alias quoque, & præparandi modum, atque experiendi bonitates illarum, certam monstrabimus methodum.

Compositio 1.

Pulveris trititi ℥ 10, Salisnitri ℥ 2, Sulphuris ℥ 1, Colophoniz ℥ 1,

Compositio 2.

Pulveris triti ℥ 6, Salisnitri ℥ 4, Sulphuris ℥ 2, Vitri pulverisati ℥ 1, Antimonii crudi ℥ β, Camphoræ ℥ β, Salis Ammoniacy ℥ 1, Salis communis ℥ iij.

Compositio 3.

Pulveris triti ℥ 48, Salisnitri ℥ 32, Sulphuris ℥ 16, Colophoniz ℥ 4, Ramenti ferri ℥ 2, Serraginis abjetinæ, aut pineæ in aqua salnitrosa decoctæ & siccatae ℥ 2, Carbonum betullæ ℥ 1.

In omnibus istis compositionibus primùm pulvis pyrius subtiliter teratur, & cribretur: reliquæ verò omnes mediocriter. Namque si in subtilem redigerentur pollinem, scintillas exiguas, & cum pauco stridore, nec longè nimis in ardendo pervolantes, evomerent. Et è converso, si ex prægrandibus constarent granis, una materia alteri difficilè incorporaretur, jungereturque, ac propterea, cum singulæ propriis tantùm, nec simul unitis viribus arderent, facilè quoque conceptum ignem remitterent, priusquam ille totam absumeret compositionem. Habenda igitur ratio in terendis, molendis, cribrandis, miscendisque materiis: experimentum autem bonitatis compositionis cujuslibet hoc modo capies.

Sume cavam fistulam ligneam, aut papyraceam, cujus altitudo sit ex palmi semisse; foraminis verò latitudo sit digiti unius. Hanc reple compositione, & incende postea; atque sequentia observa signa.

Si eructaverit flammam altam unum palmum, duplam nempe altitudinis fistulæ oneratæ.

Si latè quaquaversum stridentes, crepitantesque cum murmure quodam sparserit favillas; & quæ super corium timpani decedentes, transforent vel transurant illud.

Denique si duraverit in ardendo per tempus, quo quispiam non festinanter Symbolum Apostolorum recitare possit.

Hæc omnia si observaveris signa, optime temperatam concludes esse mixturam; & securè non globos ignitos duntaxat, sed & Hastas, Clavas, Serta, Coronas, Sagittas, Circulos, Saccos, Cylindros, & Tubos, cæterasque pyrobolicas machinas, massas, & arma, (de quibus sequenti libro multa dabimus) onerare poteris. Lentam verò, vel vehementem, & violentam compositionem, facile corriges, additione violentæ, vel lentæ materiæ. Nihil quoque oberit, si omnes illas compositiones oleis aliquibus resperferis; ut & melius comprimantur queant; & ubi in humidum delapsæ fuerint machinæ, ignis non illud pertinescat, sed universam absorbât materiam. Præparatis verò jam compositionibus, globos ignitos variarum specierum, sequenti modo construes, & onerabis.

Globorum ignitorum Species 1.

Ista species prima globorum ignitorum, requirit saccum lineum oblongum iuxta superius tradita paratum: qui primum aliquâ ex præcedentibus compositione repleatur usque ad verticem; comprimendo, & vehementibus ictibus contundendo materiam inditam, quàm maximè fieri poterit, ut lapidis quasi nanciscatur duritiem. Tum epistomio ligneo in orificium globi inserto, fume duos annulos ferreos: quorum unus qui ad orificium globi ponendus est, (qualem in figura Num: 136 sub lit: B cernis) sit ex $\frac{1}{2}$ diametri globi; alter verò subter globi fundum locandus, habeat per diametrum latitudinem $\frac{1}{2}$ ejusdem diametri globi: istius forma est in eadem Figura sub litera A.

De proportionibus annulorum ad omnium specierum globos ignitos accipe quæ sequuntur ex Pyrotechnia Brechtelii. Ad globos centenarios seu 100 lb pendentes annulus superior sit latus per diametrum $3\frac{1}{2}$ uncias: inferior verò 3 uncias: crassities utriusque sit ex $\frac{1}{2}$ uncia. Ad globos 75 lb , latus sit superior annulus 3 uncias: inferior verò $2\frac{1}{2}$ uncias. Ad globos 50 lb latus sit superior annulus $2\frac{1}{2}$ uncias: inferior verò 2 uncias: crassities utriusque sit paulò minor quàm superiorum. Ad globos 25 lb annulus superior latus sit 2 uncias: inferior verò $1\frac{1}{2}$ unc. Ad globos denique 15 lb annulus superior latus sit $1\frac{1}{2}$ unc: inferior verò $1\frac{1}{2}$ unc: Ad majores globos, nempe 125, 150, & plurium etiam labrarum, quoties 15 lb globus quispiam ponderosior fuerit, toties uterque annulus $\frac{1}{2}$ uncia in latitudine augeatur: intermediis verò globis sic proportionati adhibebuntur annuli, ut inter majores, minoresque medium teneant, utque maximè congruum videbitur. Idem de crassitie quoque eorundem tenendum: quoties enim magis, minusve ponderosiores dabuntur globi, toties vel addenda, vel minuenda juxta judicium oculorum crassities eorum erit. Cæterum quòd hîc depondere diximus globorum, intelligendum est, cum diameter orificii mortarii ad quem globum præparas, regulâ Calibræ, ad calibrandos globos lapideos accommodatâ, mensurata, tot vel tot libras monstraverit; quod in sequentibus diligenter observandum.

Jam verò sumptis duobus annulis, unum ex illis colloca supra orificium globi, alterum verò fundo ejusdem suppone, ut è directo unus alteri respondeat. Cape postea funiculum benè tortum, & firmum, cujus crassities, annulorum crassitiem non superet; longitudinem verò habeat sex vel octo ulnarum, plurium paucioresve. Tum religato uno ejus extremo ad alterutrum ex annulis, & altero per foramen acus (ut in eadem figura apparet) trajecto,

cto, creberrimis quantum fieri poterit per superiorem inferioremque an-
nulum, modò sursum, modò deorsum; tum postea etiam transversum in
omnem circuitum, vincito constringitoque firmissimè globum: ut sic va-
riis implicitisque, ordinatis tamen, ligamentorum connexionibus, scanfo-
rias scalas, vel rete, aut telam arenæ, vel etiam fictos in sphæris Geogrā-
phicis meridianos, parallelosque referant catenati illi in superficie globi
funium complexus; quod in fig: Num. 137 luculenter patet.

Ut autem commodius possit ligari globus, habes fellulam ligneam sub
Num. 147, ad id opus per oportunitatem: super qua inter tres illas incurvatas
perticas supernè divaricatas, infernè verò coarctatas, locato globo, facile
quaquaversum funiculos circumduces. Ad solvèndos verò ligamentorum
nodos, si quando minus docta erraverit manus, vel festinans inoptata &
non necessaria fecerit vincula, damus figuras variorum instrumentorum:
è quibus in schemate Num: 150, sub lit. C, est pars adverticem acuta de
cornu cervi resecta; sub lit: D clavus ferreus teres lunatus; alter vero fibu-
læ instar rectus sub lit: E; sub eodem quoque numero acus cupreas literæ A,
& B, monstrant,

Ubi juxta præmissa globum ligaveris, nil amplius restat, quàm ut ictus
ferrei in globum mittantur: quod auxilio ferrei mallei rostrati sub Nume-
ro 149 depicti, & terebræ, cujus forma sub Numero 146 facile præstabitur.
Priusquàm tamen id fiat, dicenda sunt nobis quædam de ictuum propor-
tione, postmodum impactione, atque onerandi modo: quia istorum in se-
quentibus perquam necessarius, & frequens usus futurus est.

Et ratione suadente, & experienciâ rerum magistrâ comprobante, tripli-
ces inæqualis, & diversæ longitudinis ictus ferrei, vel cuprei ad globos igni-
tos parari solent. Primum inter duos alios longissimum exhibet tibi figura
Num: 137 lit: A notatum; medium ibidem lit: B; brevissimum verò lit: C,
Hujus inæqualitatis ratio ex sequentibus patebit: longitudinis verò illorum
istæ regulæ sunt.

Diameter globi igniti quadrifariam secetur; ejus; erit longitudo primi i-
ctus absque cuspidè. Secundus sit ex $\frac{1}{2}$: tertius verò ex $\frac{1}{3}$ longitudinis pri-
mi ictus. Vel si ex latitudine orificiorum ictuum longitudines proportiona-
re lubet, hæc notato.

Ad globos ignitos centenarios seu 100 lb lapidis in diametro habentes,
parentur ictus ex laminis ferreis vel cupreis intubos versis, glutine metallico
optimè ferruminati, & desuper ad orificia annulis præmuniti: quorum
orificii diameter sit unius uncie plumbi, longitudinem verò habeant sex
diametrorum suorum orificiorum: id autem de longissimis ictibus intelli-
gendum est; nam medii ictus 5; minimi vero 5 diametros suorum orificio-
rum altitudinem habebunt. Ad sequentes minores globos minuuntur quo-
que sensim diametri glandium, & juxta modò dictam methodum longitu-
dines quoque ictuum proportionentur: hoc tantum observato, ut glandes
plumbeæ, quæ ictibus ad globum ignitum pondo 25 lb inservire debent;
pendant semissem uncie: ad reliquos rursus globos, nempe 20, 15, & 10,
 lb (nec enim istis minores parandi sunt) glandes plumbeæ ad minimum
sint pondo 2 drachmarum; ictuum verò longitudinis ratio præscriptis
respondeat.

Paratis ut dictum ictibus, sume illum malleum rostratum, & inter funiculo-
rum nodos, ubi vacua remansere spatia, in globum violenter adacto, ope alte-
rius mallei lignei sub N° 148 depicti, fac foramina, & ictus insere, eo ordine;
ut longissimi medium globi, infra & supra diametrum occupent; sub his
fun-

fundum versùs breviores; denique brevissimi circa orificium globi, ad longissimos usque excurrant: præcavendo nihilominus, ne isti nimis propè orificium ponantur; prævenirent enim illorum effectus destinatum tempus. Tum & id etiam diligenter observandum, ne ictus unum eundemque omnes situm habeant; sed variè disponantur: ut nempe illorum foraminula accensoria alternis vicibus modò fursum, modo deorsum, modò dextrorsum, sinistrorsumque invertantur: id autem eam vel maximè ob causam, ut non plures simul, sed pauci, & per intervalla, unus post alium exonerentur.

Contingere verò persæpe solet, ut globus ignitus propter vehementem materiæ compactionem plures ictus respuat, nec intro recipere velit, qui tamen illi nècessario inesse debent: tum hoc in passu facto primùm foramine illo malleo rostrato, postmodum terebrâ, cujus figuram habes sub Num: 146, aut aliâ quapiam tantum extrahe materiæ, quantum ictus corpulentia postulat, ut ejus occupet locum.

Simul atque jam omnes indideris ictus, onerabis eos eâ pulveris optimi quantitate, quæ altitudinem trium diametrorum orificii ictus obtineat; & glande plumbeâ super impositâ, reliquum vacui quod fuerit, ad summa usque orificii ictus labra, vel papyro, vel ferragine ligneâ, vel stuppâ explebis, & diligenter obturabis orificium ictus.

Tandem in annulo superiori fac foramen accensorium globi, scisso in crucis, aut stellæ formam linteo. Sed, nèque unum duntaxat requiritur ejusmodi foramen; immò plurimùm proderit, si circa majus medium quod ferreus annulus ambit, ad distantiam unius palmi, tria minora foramina in triangulo æquilatèro fiant: id autem eam vel maximè ob rem, ut eò facilius ignem concipiat intus reclusa materia, & ubi in hostem projectus fuerit globus, difficulter flamma restingui possit, superinjectis ab audaculis vel coriis madidis, vel faccis lineis, aut storeis paleis etiam madidis repletis, & post modum vel terrâ, vel limo, vel cinere, vel cespitibus obruto globo.

Hoc jam igitur modo constructo igneo globo, necesse quoque est ut illi natabulum præpares; quod Germanis Pyrobolistis quamvis improprie *tauff* dicitur, & *ernstkugel tauffen*, id est baptisma, & baptizare globum ignitum. Id autem quomodo fiat, jamjam expono.

Habeas primùm anulum ferreum, vel ligneum, cujus foramen mortarii orificio, ad quod globum illum construis, æquale sit. Hujus figuram sub Num: 145 litera A monstrat: ibidem quoque est & tabella lignea, vel cuprea, aut ferrea, in qua plurium mortariorum orificia diversæ latitudinis, & ambitus, sunt designata, & perforata. Utrumque instrumentum percommodum est ad explorandas magnitudines globorum, ut non impedire in mortariorum concavitates immitti queant; ubi & funiculis ligati, & sequenti materiâ circumdati fuerint.

Sumito postea Picis nigræ partes 4, Colophonix partes 2, Olei lini, vel Therebynthinx partem 1: & in caldario, vel olla fictili vitreata super candentibus prunis liquefacito, & benè misceto omnia. Postea in remotam ab igne materiam, pulveris triti tantùm indito, ut aliquantulum densa, & spissa fiat. Immergito deinde globum, super fune pendulum usque ad accensoria foramina, (quæ epistomiis ligneis occlusa sunt) in materiam liquefactam; & undiquaque stuppâ lini, vel canabis contegito, ut nihil vacui, aut inæqualis in globi superficie remaneat, nec nodi funiculorum protuberent.

Experire post modum quo modo globus foramini annuli congruat, & quo-

quomodo illum transeat : namque si nondum justam habeat crassitiem , iteranda illa immersio est, & copiosior stuppæ involuta danda, quoad æquam adipiscatur magnitudinem ; utque per annuli foramen transeat non impedire. Globi eo modo totaliter jam præparati habes figuram sub Numero 137 : sitque jam satis de hac globorum ignitorum specie, nunc alias quoque videamus.

Species 2.

Saccus lineus oblongus, vel sphæricus, juxta aliquem modum ex superioribus descriptis factus, parando hujus speciei globo necessarius est, in quem primum Granatas aliquot manuales, sex nempe vel octo, aut plures etiam numero, jam totaliter præparatas, & cum suis tubulis, iisque quàm brevissimis, imposito; obvertendo illorum orificia in globi fundum, ut ad litteram C in Fig: Num: 138 videre est. Infundito postea materiam onerando globo aptam, & solito more repleto globum, ut figuram vel sphæricam, vel sphæroideam obtineat. Fac deinde fieri laminas duas ferreas lancium in morem concavas: crebra quoque foraminula ad margines utraque lans pertusa habeat: una verò ex illis quæ super orificium globi ponenda est, supernè perforata sit; utriusque formam in eadem figura monstrant literæ A & B. Tubus quoque ferreus isti superiori lanci aptandus, ferruminandusque est: & postea lentâ materiâ, quam ad Granatarum tubos præscriptimus, onerandus.

His omnibus ritè peractis, applicato lances illas ad globum, ita ut una desuper, subtrus altera adhæreat illi: & trajectis per marginum utriusque lancis foramina funiculis, mutuo nexu firmeretur utraque lanx, globusque fortissimè vinciatur: denique in materiam liquefactam (cujus compositionem in specie superiori dedimus) immergito globum; & stuppâ contegito. Ictus ferreos desuper, & in globi medium indere quoque poteris; sed diligentissimè præcavendum, ne dum impinguntur, Granatas offendant.

Species 3.

Cape saccum lineum, qui sphæricam habeat figuram, ut & ipsemet postea globus sphæram referat perfectam: quales etiam sunt in Figuris No 139, 140, & 144. Hic oneretur primum pulvere granulato optimo ad suæ altitudinis: cui glandes plumbeæ, fragmenta ferri, & filicis, immisceri quoque possunt. Reliquum globi usque ad verticem, repleatur materiâ ad globos ignitos præscriptâ: & postea duabus lancibus ferreis subtrus, & desuper aptatis, ligetur funiculis globus quàm optimè; idque in eam formam ut Fig: Num: 140 monstrat.

Tandem præparato magnam copiam glandium plumbearum, pondo unius, vel semissis unciz: singulis verò priusquam ex matriculis tollantur, & frigescant, inserto stilulos ferreos, aut cupreos tenues, & altos unum, duosvè digitos. Hisce totam globi superficiem inter funiculorum ligamenta, foraminulis primum in globo factis, stipato, atque contegito; in illa foraminula stilulis glandium inditis. Denique tubo orificii lentâ compositione onerato, immergito globum in materiam liquefactam, ut & funiculi, & glandes illâ contegantur, nec usquam protuberent, emineantvè. Tubi ferrei formam habes in Fig: Num: 140 sub lit. A.

Z

Spe-

Species 4.

Horrendus iste globus, quem nunc describere aggredior, tantò majorem, copiosioreque ubi medios inter deciderit hostes, stragem edere solet, quanto minus reconditus in illo, ignotusque speratur dolus. Cum enim miseri obsessi simplicem ignitum existimantes decidisse globum, more solito suffocare flammam, & arenâ, limo, aut cinere, vel hisce similibus obruerent globum gestientes, accurrunt proprius, tum eo vel maximè tempore, mortale suum evomit virus; proximèque astantes vel enecat penitus, vel plurimis mutilatos artubus semineces, bello non amplius utiles reddit, atque idoneos. Sed neque semel duntaxat, immò quaternis repetitis vicibus, incautos, aut vitæ prodigos fallere novit. Constructio ejus hisce comprehenditur regulis.

Sume diametrum mortarii ex quo globum ejusmodi mittere cupis: & in quinque partes juxta rationem, ordinemque cuborum dispesce: Id autem, quomodo fiat jam satis superque in prioribus libri primi capitibus dictum est: in gratiâ tamen hujus egregiæ inventionis modum sequentem appono.

Vide in tabella radicum cubicarum cap. 1 lib: 1 posita, qualis numerus particularum magnitudine æqualium, cubo in ordine quinto respondeat; invenies autem 171. Divide jam diametrum orificii mortarii in partes 171 æquales. Cùm autem in eadem tabella, cubo primo 100 respondeant particularæ, igitur pro prima portione tuæ diametri secundum cuborum naturam secta, sume ejusdem $\frac{100}{171}$ partes æquales. In eadem tabella cubum secundum faciunt 125 particularæ; tot quoque numero ex eadem diametro pro portione secunda excerpendæ sunt particularæ. Item pro tertia $\frac{27}{171}$; pro quarta $\frac{16}{171}$; quoniam hi numerus cubo tertio, & quarto conveniunt; (quanquam quarta portio sigillatim sumenda non est; sed in quinta & ultima reliquenda, idque ob rationem inferius dicendam.) quinta denique est ipsamet integra diameter constans 171 particulis.

Porro ex modo inventis tuæ diametri portionibus, super primam, secundam, tertiam, & quintam, tanquam singulorum globorum diametris vel integris, vel in partes aliquot dissectis, (ut supra eodem capite docuimus) describe figuras duabus circulorum portionibus comprehensas: juxta quas postea tanquam modulos, scindes lineam telam ad saccos pro globis ignitis consuendos;

In Figura Numero 141 posuimus formam ejusmodi globi, qui oblongus quidem est; attamen perfectè rotundum aptiorem judicamus. Maximus sub lit: A tres minores complectitur: cujus diameter minor, seu crassitie mensura, est quinta portio, seu ipsamet diameter, vel latitudo orificii mortarii, ad quod globus iste construitur; secundi sub litera B similis diameter, est portio tertia; tertiæ sub lit: C diameter, est portio secunda; quarti denique sub lit: D diameter, est portio prima ejusdem latitudinis orificii: omnes autem istæ portiones (ut superius diximus) servant inter se rationem duarum mediarum continuè proportionalium, inter duas extremas: capacitates autem, seu corpulentia omniū istorum quatuor globorum, sic se habent. Si primus globus, isque minimus, qualis est sub D, capiat igneæ compositionis libram 1, secundus globus duplum istius capiet; id est globum ipsum, qui capit 1 $\frac{1}{2}$, & præterea unam libram ejusdem igneæ materiæ, quâ & ille minimus repletus est. Tertius isto major replebitur tribus libris ejusdem materiæ: sed cùm secundum globum cui primus inclusus est.

capiat,

capiat, libram duntaxat unam ejusdem materiæ, ut ad verticem repleatur, requirit.

Quartus & ultimus capax est compositionis igneæ ejus quantitatis quæ sit pondo 5: sed etiam hic cum globum tertium, qui minores duos comprehendit includere debeat; illi autem omnes unâ trium librarum compositionis ejusdem, mensuram receperunt, ideo pondo duarum librarum ejusdem materiæ mensura, huic explendo satis erit: quod autem plus aliis capiat igneæ compositionis, hæc est ratio. Tres illi minores in hoc quarto maximo reconditi, ubi jam hic disruptus fuerit, ordine unus post alium in terra, aut alibi jacentes, inflammari debent; & effectus illorum velociores requiruntur, ut difficulter suffocari queant, ideoque parum materiæ lentæ ignitæ ad sua officia postulant, ut tantò celerius ad pulverem granulatum, delabatur ignis. At hic maximus cum mortario projectus, non parum temporis per aëra volando ardendoque insumat; & ubi jam in humum deciderit, ut aliquantulum etiam priusquam disruptatur idem continuet, opus habeat; ex hoc itaque quod quartus tribus illis major, super quarta diametri mortarii portione descriptus globus, capere deberet, iste quintus id sibi vendicat.

Quantum ad constructionem, atque omnimodam istius globi cum reliquis in illo contentis præparationem attinet, hæc jam superius tradita sunt; sed & hic quoque reiteranda.

Primus itaque minimus eò onerabitur modo quem in specie proximè præcedenti descripsimus: nempe replebitur ad suæ altitudinis pulvere granulato optimo; reliqua vero; materiam igneam recipiet: extrinsecus verò firmissimè ligatus, glandes quoque plumbeas insertas habebit; & picis loco glutine & stuppâ circumdabitur, munieturque optimè. Secundus verò ubi primum receperit; idque ita inditum ut illius orificium, è directo istius respondeat orificio, pulvere primùm granulato onerabitur, usque ad verticem primi globi; reliqua verò portio eadem materiâ lentâ, Hic quoque; ab extra funiculis vincietur firmissimè, in inanibus autem spatiis inter funiculorum nodos, circa orificium, ubi lenta materia reposita est; terebrabuntur foramina, & ictus cum glandibus plumbeis (breves tamen isti esse debent, ut ad globum inclusum non pertingant) imponentur: infernè verò ad pulverem granulatum glandes plumbeæ cum stilulis suis, vacua inter ligamentorum ordines spatia occupabunt: & tandem glutine & stuppâ, ut & ille prior loricabitur vestiaturque. Tertius, similem, eandemque onerationem, & glutinis cum stuppâ inductionem sortietur. Ultimus denique qui maximus est, nil prorsus in onerando à superioribus minoribus discrepabit; nisi quod plures, eosque longiores capiet ictus: ab extra verò glandibus plumbeis, ad eum quem pulvis granulatus intro reconditus, occupat locum, inditis, totus in liquidam picem (quam ad id opus idoneam parare superius docuimus) immergetur: & si justo minor sit, ut orificium mortarii non benè impleat, bis, tervè eadem mersio iteranda: reliquum autem stuppæ bona quantitas, eadem liquefactâ materiâ imbuta, præstabit, & ut res postulat, sufficientem globo largietur crassitiem.

Observe. In illis tribus minoribus in hoc tertio reconditis globis, duo aut tria orificia proximè sibi adjacentia facienda, & pulvere minutissimè trito replenda sunt; ut facilius arripiant ignem, qui difficulter postea extingui possit.

Species 5.

Solent aliquando ejusmodi globi ex tormentis bellicis cannæ longioris in obsessarum civitatum eminentia ædificia lignea vel illorum tecta ejaculari: si ea scandulis, asseribusve ligneis, aut stramentis, vel harundinibus contrata, opertaque fuerint. Tamenbus tota Polonia, Lithuania, Russia, Suecia, atque Moscovia abundant: sed & olim præter Hispaniæ, & Galliæ, plurimas civitates (teste Cæsare) Romam quoque scandulis robusteis 470 annis contractam fuisse auctor est Cornelius Nepos apud Plinium lib. 16, cap. 10: & Romuli casam in Capitolio stramentis tectam ad sua usque tempora intactam permanisse fatetur Vitruvius lib. 2, cap. 1: de qua Virgilius Æneid: 8, & Ovidius Fast: 5. sic cecinit:

*Romuleaque recens horrebat regia culmo
Quæ fuerit nostri, si quæris regia nati,
Aspice de canna, straminibusque domum.*

In tales inquam domos non incommodè globi igniti ex tormentis explodi poterunt: quanquam si nusquam appareant, sed tamen compertum sit ejusmodi domos, & tecta in loco obsessio haberi, commodius mortariis id præstabitur.

Exempla hujus rei in obsidionibus nostratibus plurima non desunt; & toties isti globi vel ex tormentis, vel ex mortariis in casas obsessorum projecti, felicem, optatumque sortiti sunt effectum. Versatur etiam nunc ante oculos meos Biala oppidum Severiæ munitum, firmumque satis, quod eodem ipso anno quo Moschovitæ ad Smolenscum cum castris, omnique bellico apparatu, arbitrio victoris, Invicissimi semper **MAGNI VLADISLAI IV**, Poloniarum & Sueciæ Regis, sese dedere sunt compulsi, (ut superius retulimus) obsederat magnanimus quondam, fortisque heros, Princeps **CHRISTOPHORUS RADVILTUS**, Palatinus Vilnensis, summusque exercituum Magni Ducatus Lithuanicæ Dux: cumque illic omnia, ut peritissimus, exercitatusque πολιορκητής faceret, frequentissimè etiam in viles illas casulas, & tuguriola Moschovitarum stramentis, ligneisque sectilibus tabulis tecta, globos ignitos mitti jussit: qui tot ac tanta quaquaversum obsessis intulerant damna, ut fulmina potius cælo delabi optarent; & divinæ vindictæ facilius perpeti, & sufferre mallent telorum insilictus, quàm humanarum inventionum, quibus fabulosa Jovis fulmina æmulantur, experiri effectus: & quantumvis omnibus procurarent artibus, (quas tam barbaræ genti, benigna tamen parens natura largita est) ut nostrorum Cyclopum opera redderent irrita, atque inania, & domorum ardentium restingerent, sedarentque incendia; nihilominus tamen majorem planè oppidi partem absumpserat ignis; expertique sunt barbari, felicia semper esse tela quæ fabricat ars; tractat, vibratque virtus; nec cæca fors, furorque, aut desperata temeritas subministrant; destinaturque ignorantia.

Sed nec illud silentio prætereundum quod Iustus Lipsius globos ignitos, (quos ille candentes nominat, de quibus inferius dicetur; sed ex nostris chronicis habemus tales globos quales hic describimus ea tempestate adhibitos fuisse) in quibusdam Moschoviticis atq; Livonicis oppidis, à Stephano Poloniarum Rege obsessis & captis, patrasse narrat lib. Poliorceticæ: *curvat notare & excerptare, ut constet pauca ævo isto inventa & etsi aliter opinio est) pauca dico, quæ non sint ab ævo illo meliore & sapientiore. Ecce quàm novitia res habita, quòd Stephanus Poloniæ nuper Rex (planè inter magnos laudatosque) Moscoviæ, aut Livoniæ munimenta aliquot lignea, globis sic candentibus im-*

immissis incendit & cepit. Cum barbarus ille quereretur, & fremeret, jus belli violari, & armorum decus pollui novâ fraude: ridentibus nostris, & gaudentibus in successu.

Aliquando etiam in præliis, conflictibusque navalibus ad incendenda vela, & ipsasmet naves hostiles explodi solent iidem globi: sed ad fundos illorum ex opposito foraminum accensoriorum, firmanentur spicula ferrea hamata, ut ligno infixi tenaciter adhæreant, illudque adurant: & si in vela destinentur, ubi spicula carbasum perforaverint, neque tamen ipsimet globi (quod vix fieri posse crediderim, propter impetum vehementem pulveris globum è tormento ejicientis; commodiores verò longè ad hoc opus sunt sagittæ ignitæ, ex arcubus, aut manuballistis, mitiori longè impetu emissæ, de quibus postea) illam perrumpere, atque penetrare queant; sed pondere deorsum urgente relabi cogantur; ut hamis irretiti propendeant, nec faciles sint evulsu; ardendoque vela comburant. In quo passu nullum aliud superest remedium, nisi ut deductis, collectisque velis, involuti super tabulato navis suffocentur.

Forma ejus generis globorum est sub Num: 142: Spiculum quoque hamatum in eadem Fig: sub lit: A cernitur. Præparatio illorum ne tantillum quidem differt, à tot dictis modis. Ictus ferrei glandibus plumbeis instructi commodè hîc quoque adhibebuntur, ut appropinquantibus ad suffocandum, difficilis, atque formidolosus concedatur accessus.

Species 6.

Sequitur jam ultima species ignitorum globorum, non quidem ratione effectus sed ratione formæ: quæ similis est illi superiori Granatæ veteri cujus capite secundo, hujus secundæ partis libri, mentionem fecimus, & figuram ejus Numero 115 delineavimus. Hæc species cum paulò antiquior sit, non amplius habetur in usu; quod ad velocem per aëra meatum inepta videatur. Experimur enim absque ulla contradictione corpora Pyrotechnica igneis violenter projecta machinis eò facilius impendentis aëris rumpere obstacula, quò ad sphaericam propius accedunt figuram: hæc autem cum cylindraceæ proxima sit; ideo ad tot rotationes, quæ explosi, dum per aëra feruntur, globi conficiunt, minus idonea censenda est. Sed de globis cylindraceis, & planos fundos habentibus inferius agemus; nunc verò constructio istius globi absolvenda; idque sequenti viâ.

Sumptâ mortarii illius cui globus ignitus (qualem in Figura sub Num: 143 depictum vides) inservire debet, semidiametro orificii, describe in charta parallelogrammum, cujus latitudo tripla sit altitudinis. Ut in Figura superiori est descriptum parallelogrammum G I K H: ejus altitudo G H, vel I K, æquatur C F semidiametro mortarii; id est semissi B C, quæ est mortarii diameter: altitudo verò G I, vel H K est tripla latitudinis; id est 1; diametri B C. Postea ex G, & H, ad intervallum G H describe circuli arcus H D, & G D, mutuo sese interfecantes in D: super I K verò construe triangulum æquilaterum I K E,

Juxta formam hujus moduli scinde postea densam firmamque carbasum; quæ illius sextupla sit, ut circumferentiæ mortarii respondeat proximè: & consue dextrè tam medii, quàm superiorum, & inferiorum denticulorum commissuras; ad verticem nihilominus relicto foramine, per quod postmodum infundes compositionem, globumque overabis: & tandem ligabis firmissimè, in eum modum ut in Fig: sub lit: A conspicitur.

Hæc ubi cuncta ritè peregeris, nanciscerur globus ille formam cylindri, humili

humili tholo tecti. Basis ejus cum plana sit, planum etiam mortarii fundum requirit; qualem nos parte secunda Artilleriæ nostræ lib: de mortariis delineabimus.

COROLLARIUM I.

De Figuris variis Globorum Pyrotechnicorum, quæ nam ex illis tam impetus à potentia movente recipiendos, quàm ad cursum per aëra aptiores sunt?

Non defunt quidam, qui existimant globos planas bases habentes, minore pulveris quantitate, ad æquales, immò majores etiam in horizonte distantias, cum globis sphæram referentibus, projici posse: quod sic ex illorum sententia demonstrabimus, utemurque eâ palæstrâ quam ab illis didicimus.

Mortaria moderna quibus omnis generis globos Pyrotechnicos jacere quò libuerit solemus, cum duorum diametrorum, immò unius & semis, vel etiam unius duntaxat, (nec enim breviores ullatenus concesserim,) diametri suorum orificiorum longitudinem habeant; pulvis in cameris illorum reconditus, dum per foculum machinæ immisso igni in flammam solutus tollit superincubantem sphæram, nequaquam (ut quibusdam placet) totis viribus adversus tale pondus nititur, fundumque ejus apprehendit; sed per vacuum globi (quod Pyrobolistic ventus dicitur; est autem spatium inter maximum globi circulum, & interioris mortarii, aut tormenti concavitationis circumferentiam) cum illi liberrimus subito pateat exitus, multò libentius elabi amat, quàm superinditum levare pondus; quod non agit nisi coactus. Id autem ex eo, quòd quamvis superficies hemisphærii convexa, ad suam basim id est planum circulare duplam habeat rationem) juxta Archimed: prop: 30 de sphæra & cylindr: lib: 1) nihilominus tamen si ex omnibus punctis tot quot illa in basi illius hemisphærii concipi possunt, ducantur perpendiculares in convexam ejusdem superficiem, non dabitur illic major punctorum numerus perpendiculares terminantium, quàm in basi cui insistit hemisphærium. Illæ autem quò magis ab una media quæ ex centro basis hemisphærii, in supremum ejusdem apicemeducta est, in omnem circuitum recedunt, breviores sunt: adeoque unius illius duntaxat perpendicularis punctum in superficie hemisphærii convexa, si illud super plano aliquo locaretur, tangeret planum, & vicissim tangeretur à plano; reliquarum verò perpendicularem remotiora puncta, quòd illorum perpendiculares breviores media sint, immunes ab hoc redderentur. Itaque punctum contactus plani alicujus in hemisphærii superficie convexa unicum est. Hujus theorematis, & non omnino spernendæ Geometricæ speculativæ subtilitatis, plurimas diversas, sed tamen ad unum scopum collimantes demonstrationes reperies apud Clavius in prop: 15 & 16 lib. 3 Euclid; & apud Marium Bettinum Tomo 3 lib: 3 in Schol: 1 prop: Eucl: 2 lib. 3, & sequentibus, nec non etiam apud Theodosium Tripolitam lib: 1 Sphær: prop: 3.

Jam verò si potentiam motricem ignis in pulvere pyrio in flammam resoluta, corporis alicujus instar planam habentis superficiem sursum versum ex sua natura ascendens, & globum tangentis, moventisque concipiamus, in uno tantum puncto tanger illa globum, nitereturque levare; itaque non tota & unita simul, sed portio ejus duntaxat aliquota: nam & planum quasi fa-

facies quædam est, in plura puncta diffusa, quorum actiones, passionefque separatae, & singulares sunt, nec affectio medii puncti tangit extrema, & viceversa; (id tamen juxta qualitatem materiæ corporis cujus plana superficies, intelligendum est; quia quo illa densior, solidiorque fuerit, propter viciniorum partium contiguitatem, quod uni parti illius accidit, id in alia successivè propinquiora primum, tum deinceps remotiora, derivari magis necesse est, quàm ubi rarior, minusque sibi cohærens eadem fuerit) tum & in momento contactus plani cum globo, (quia corporis illius dissident partes, propter raritatem) in plurimos circa convexitatem globi radios dissipatur: qui cum non agant directè, & perpendiculariter in reliqua ponderis sphaerici momenta in omnem circuitum per sphaeræ corpus circa ejus gravitatis centrum disseminata, superficie ejusdem comprehensa, & contacta; sed obliquè & refractè duntaxat; quòd superficiès sphaeræ curva, obliqua, & lubrica sit: radii autem perpendiculares fortissimi sunt, quia natura semper agit per breviora; obliqui verò tanto fortiores, aut debiliores, quanto magis, aut minus, obliquius recedunt à perpendicularibus; quorum demonstratio ex Vitellionis, aliorumvè opticis petenda. Igitur concludere quispiam poterit sphaeram non rotis viribus à potentia motrice moveri; id est ineptam esse quam vis illa pulveris pyrii in machina bellica reclusi, & postea incensi unitis simul viribus expellat, prorsumque moveat. Secus autem cum plana basi globi agitur: nam cum omnium perpendicularium puncta, quotquot ex tota corporis illius quod talem habet basim superficiè verticali (qualiscunque tandem figuræ illa sit) descendere in planum illud basis imaginari possunt, ex æquo mediò puncto, quod in centro basis est, interjaceant, & quasi in rectas, numero infinitas lineas æquabiliter protensas, quorum nulla est alià sublimior humiliorvè, & extremæ partes à mediis sursum deorsumvè subsultando non recedunt, disposita sint; eamque ob rem motricis illius potentiae planum cum talem tangit basim, collectis quasi in unum viribus agit in pondus corporis basi innixi; quod ejus singulis momentis, singula etiam potentiae motricis puncta, partes, aut radii, & subjecti loco, & objecti potestate sint; & cum directè ac perpendiculariter in planum, & directum baseos objectum incidant, juxta naturam solarium, aut alterius lucidi radiorum, in semeripfos redeunt; quod angulus reflexionis sit æqualis semper angulo incidentiæ, ut optica docet. Itaque resupini sub ambitu basis (cum ad latera corporis, & machinæ cui corpus inditum est, aut per exigua valde, aut nulla sanè radio alicui igneo ociosè fugiendi concedatur via; quod basis corporis omnes contegat, aut cogat in unum) vim illatam eâ qua pollent fortitudine reprimere, atque ulcisci meditantur, & densati, collectique sub corporis basi, tollunt illud; unde non prius flammam spectare licebit ex orificio machinæ erumpentem, nisi post discessum globi, idque non ambientem latera ejus; (quemadmodum cum sphaericis globis agi videmus, quos circumdat, & involuit quasi flamma, & brevi postmodum sibi relictos, ad suam sphaeram ubi ejus quies est, recedit & avolat) verum fundo adhærentem, pondusque ejus bajulantem, & multo tempore in aëre sociatam; idque juxta situm, ac elevationem ab horizonte machinæ.

Iam igitur ex dictis inferre minus consideratus & festinans poterit pulveris potentiam quantulacunque illa est, in planam superficiem fundi globi alicujus multò vegetius fortiusque agere, atque quod violentiorem sequitur actionem, celerius moveri globum, & ad distantias majores perferri; quod tota & integris, congregatisque viribus, nec in multiplices à plano disverberatis

&

& dissipatis atomos operetur; quam in sphæricam & convexam, ubi multum potentiaë deperditur, quantumvis multo major pulveris quantitas apposita sit, ut globum, cujus talis superficies est, moveat, expellatque.

His ita breviter explicatis quæ vulgaribus atque plebeia opacitatis objectis hebetatæ mentis oculo inspecta, veritatem quandam præferre videntur, conabimur pro modulo virium nostrarum, ut omnes hosce sylogismos, globos cylindraceos, & planas habentes bases, sphæricis ad impetum à pulveris potentia impressum recipiendum aptiores, atque ad velociorem motum magis habiles, convincere volentes, male tornatos, atque incudi reddendos esse demonstremus.

Ac primò quidem duo potissimum investiganda nobis occurrunt: Unum, quid sit illa potentia motiva, ex pulvere nata? quæ ejus proprietates, qualitatesq; quomodo, & cur moveat? & quæ forma ejus, ac figura quâ gaudet dum corpora tangendo movet, & pellit; in hoc verò tota illa opinio stabiliri videtur: Alterum verò est, ut demonstremus sphæram æque capacem recipiendi impetus ad motum requisiti à potentia movente, ac globos planas habentes bases; immo etiam capaciore, & omnium corporum esse apertissimam ad motum; tum deinceps omnia reliqua corpora projectibilia, eo impressionis motuum esse capaciora, atque celerius sumpto impetu, à potentia movente moveri in omni medio, quo fuerint, eorum figuræ ad sphæricam propinquiores.

Quantum igitur ad primum: Generatio seu productio potentiaë motricis ex pulvere pyrio, non alio referri potest, nisi id ignem in pulverem immisum, qui totam ejus substantiam, quod sit ex sua natura transmutabilis, transmutat in aliam longè subtiliorem, idque eam quæ sibi similis, atque maximè necessaria ad sui conservationem, & augmentationem est. Elementa enim omnia quoad fieri potest producant & promovent formam suam, ubi validiora sunt iis, quæ ab illis patiuntur; quia unicuique enti insita est appetitio infinitatis, atque æternitatis. Hoc autem maximè verum est in igne, qui non appetit solum esse, sed superesse, & ideo (ut Scaliger ait) cum sit princeps atque arbiter elementorum, augeat imperium suum, perpetuo dominatu, segregans & congregans, & sibi adsciscens quantum potest, quæ suæ conditioni attributa secum avehat abiens ad sedem suam. Et quemadmodum ex ligno terræ cineres, atque humorem, aëri halitum distribuit, sibi quod suum est sumit ac servat: non dispari quoque modo agit cum pulvere pyrio, cujus cum substantia tota plane ignea sit, totam quoque in se transmutat; aut potius in aërem quandam igneam, cujus omnem ferè quantitatem (exceptâ tantum quadam perexiguâ fumi, & fuliginis portione, ex caronibus, & terrestri quadam materia sulphuri, & salisnitri non benè purgatis adhærente, procreata, quam post deflagrationem pulveris, interiori machinarum bellicarum nostratum concavo adhætere conspiciamus) sibi vindicat.

Itaque vim illam motricem ex pulvere pyrio per ignem productam, appellare licebit Naturam quandam ex igne naturali, & spiritu quodam igneo spissante & densante ignem naturalem, qui rarus, subtilis, & levis est, (unde ut ajunt Philosophi uec lucet, nec comburit) compositam, spirabilem, violentam, vehementem, impetuosam, pellentem, moventem, tollentem, dissipantem, difgregantem, prementem, condensantem, cogentem, calefacientem, rarefacientem, urentem; moræ, densationis, contractionis terminorum, aut in se ipsam reditutionis, vel refectionis impatientem; cætera ejus attributa quis enumeret?

Porro naturâ istius potentiaë jam cognitâ, cui nulla unquam par, aut similis reperiri potest, operæ pretium quoque est, modum, & veram, ac genuinam impulsione illius rationem cognoscere, priusquam de ejus forma dicamus.

Mani-

Manifestam verò injuriam arbitrarer à me fieri Scaligero, si quod ex me possem, (ut & superius jam aliquoties sum conatus) non potius ab eo solverem hoc non vulgare quæsitum; immò quasi solidum ac immobile quoddam fundamentum, in quo totius Pyrotechnicæ scientiæ nititur moles. Cùm (ausim dicere, & licet è scriptis videre) nemo post Aristotelē, tanta cum diligentia, ingenio, ac præcisione universæ naturalis philosophiæ perscrutatus sit mysteria, quàm doctissimus ille auctor. Itaque ille sic, perquam utiliter, subtiliterq; Exercit: 11: *Præterea per rarefactionem fit etiam impulsio, non solum attractio: velut in tubulis æneis anthracothejosalenitro plenis. Ignis enim rarefaciā materiā, cum proxima loca vindicare vult, pellit. Id quod à densitate fieri non rectè dicitur. (Cardanum alloquitur.) Et quia inveni sententiæ tuæ pertinaces aliquot populares, paulo fufius declarabo. Videris ita velle. Pulvis, ubi factus est ignis, non potest eo capi spatio, quo dum pulvis esset, capiebatur. Quam ob causam partes ejus tū densari. Ergo densationem illam, cum ejus partes pati nequeant, erumpere. Ubi miseri non videtis duas rarefactiones. Unam conjunctam expulsionī: non enim exiret, nisi diffunderetur. Alteram, quæ est causa illius condensationis. Non enim propè globum ferreum condensaretur, nisi ad foramen prius cum ignescit, mox etiam successivè rarefieret. Sic tua sententia est & parum considerati, & parum metaphisici: qui primam causam moventem ignoraveris. Profectio densatio illa est non solum secundaria, sed etiam per accidens: Quippe est privatio proprii naturalis ignis: quod est raritas. Quoniam igitur Naturæ consilio privatio proprietatis ignis, ignis efficit effectiōem? id est impulsione. Fit enim à forma appetente locum suum. Præterea rarefactio motus est, quo rarefacta promovent terminos suos, densatio verò motus, quo densata contrahunt terminos suos. Impulsio autem promotio extremi. Haud rectè igitur motum illum à condensatione commenſus es. Hic jam suffluminarem cohiberemq; calamum, nisi & materiæ dignitas gravitasque, quæ ad veram, & exquisitam omnium veterum Ballistarum, Scorpionum, Catapultarum, arcuumq; viriū, & mirabilium effectuum (de quibus passim apud auctores reperire est, & nos etiam ut cæpimus ex eorundē testimoniis sufficiēter alibi easdem explicabimus, figurisque illustrabimus) rationem cognoscendam, perducit; tum & verborum, ac sententiarum vehementes, quidam, & quasi divinis intenti viribus nervi, tanquam sagittam pellerent eum, moverentq;: igitur cæptū continuat cursū: Sicuti contra nihilo melius, eandem impulsione motum in ballistis fieri ob rarefactionē. Fit sane per condensationem: quandoquidem cōdensatur arcus in ballistis ubi retenditur. Brevior enim fit: ergo contractior. Ea de causa frangitur aliquando, cū tenditur: quia rarefit. Quod si dicas hanc rarefactionem esse causam, propter quam deinde arcus retendatur, atque condensetur; duas excitabis adversum te objectiones. Prima est. Nego tibi ullo in genere causæ reponi posse. Non est forma, non materia: quippe accidens, & privatio densitatis, quæ debetur arcui. Non finis. Finis enim est impulsio. An verò est efficiens? Nequaquam. Nullum enim ens, est efficiens sui contrarii: nulla privatio est efficiens habitus sui. Raritas enim est privatio densitatis. Altera obiectio. Si vis hic raritatem esse causam impulsione, quia antecedit densationem: ergo & in bombardis, atque sclopis eandem causam, eadem statues de causa. Rarefactio namque prior est, illa tua condensatione. Frangitur arcus ergo, quia nimium rarefit. Id circo viscida non franguntur, quia non dissipantur partes, sed usque & usque possunt rareferi. Terreæ non possunt: ideo franguntur, non flectuntur. Metallis quadam tenus rareferi licet: ac propterea flecti. Quare vero franguntur iidem arcus, si amota fibula, siue clavicula, siue sagitta, aut panni obvolutione referantur? Quia dum habent quod impellant, minore impetu contrahuntur: cū nihil obiectum est momentaneo impetu. Propter quam motus violentiam disrumpuntur. Id quod in vegetum quoque circulis evenit. Sensim flexi constant, & sequuntur. Si confertis*

viribus flectantur, abfistunt partes illico. Quod si eo quis configiat: Arcus in parte concava interiore, cum flectuntur, densari: cum retenduntur rarefieri: id nos quoque profitemur. At enim verò major arcus ambitus exterior: à cujus amplitudine motus illius inire oporteat rationem. Hæc nos rudes. At negare tibi possint acutiores, ab impulsione motum illum fieri. Habere namque præcedentem causam attractionem. Impellit enim sagittam funis, quia trahit: trahit verò quia trahitur. Ut prima sit causa hæc, tractio, quam facit funis prima conjuncta & ut vocant immediata: tractio arcus secunda & ulterior. Tractiois causa reversio arcus ad situm suum: quæ sine condensatione fieri nequit. Est enim reversio totius, condensatio vero partium. Idem sanè motus, differens tantum ratione, non re. Impulsio igitur est effectio mera: condensatio, causa mera: tractio impulsiois causa: effectio, condensationis. Rumpitur vero etiam funis, ubi sine sagitta retenditur, non eadem qua arcus causa: Non enim rarefactione, sed arcus vi, qui utrinque distrahit, & utroque: dum nititur redire ad situm suum liberum non à fune coactum. Ubi verò tenditur arcus, & funis adducitur in fibulam, si rumpatur funis, rumpitur ob rarefactionem.

Huc usque Scaliger, nobis jam reliqua peragenda; & primò quidem forma & figura potentia motricis expulvere prognata, inquirenda.

Latere verò ex dictis non potest potentiam illam nil præter ignem, vel aërem quendam ignitum esse; cum & materia pulveris tota ferè priusquam in flammam transmutaretur potentia ignis erat; & accedente extrinsecus igne naturali, artificialiter in materiam immisso, actu ignis facta est, unde & formam ignis assumpsisse quis contradicat? Siquidem juxta quorundam philosophorum placita, advenit extrinsecus, atque introducitur omnis forma in materiam; sed ita tamen, si ei materia jam fuerit præparata: id est quæ apta sit ad talem formam recipiendam qualis est in agentis, formamque tribuentis potestate, & non aliam.

Quòd autem per potentiam ignis pyrio pulveri insit, priusquam in flammam adventitio igne operante solvatur, id vel maximè evincit, quòd quantumvis salisnitri ea natura sit, ut ad falsum quendam humorem suam reducat originem; nihilominus tamen humor ille non aqueus, sed aëreus est, ideoque calidus ut aër, ignique proximus. Tum postea, cum sulphuri, carbonibusque incorporatus, magnam vehementiam, & longo temporis intervallo tunditur in pilis, rarefcit, fitque subtilior ille humor: & omni crassa, & incombustibili deposita materia, hac subtilitate proximè accedit ad igneam naturam, celeriusque ob similitudinem totus transmutatur in ignem: Sulphur verò, carbonesque quòd hanc transmutationem minimè impedian, immò etiam juvent, & accelerent non mediocriter, superius jam demonstratum.

Ignis porro vel naturalis qualis in sua sphaera est, quæ cælo affinis creditur, vel quilibet alter arte factus: id est, idem ipse naturalis, qui primùm & purus, & dilutus, & rarus erat, admistione densi alicujus corporis (quale nos hic pulveris pyrii intelligimus substantiam, quæ densatus quidam igneus aër est, ex granis pulveris ignis vi eductus, tanquam è carceribus solutus, & in libertatè vindicatus) vel alio quopiam modo densior factus, corpus omnino est, ad cuius rei probationem nova non opus est condere argumenta, quoniam id & communi omnium sapientum assensu, & ratione ipsa percipimus; immò oculis conspiciamus, manibusque palparamus. Corporis verò figuram finitam terminatamque naturaliter esse decuit, debuitque; cum figura nil aliud sit, quam termini, vel terminorum dispositio: (ut Geometrici philosophi dicunt) corporis quidem superficies, superficiiei linea, lineæ punctum terminus est: figura verò illorum constitutio. Itaque inter reliqua naturalia, elementa quoque; certis corporum figuris comprehendere voluerunt sapientes: unde illa Platonica quatuor mundana corpora; quibus & quintum Platonici adstruunt:

struunt : è quorum numero Clavius cap. 1 Sphær. Sacrob: de illis hunc in modum : *Plato igni propter acumen flammæ attribuit Pyramidem , seu Tetraedrum; ascendit namque quælibet particula ignis ad modum Pyramidis. Aëri verò Octaedron. Sicut enim aër proximè ad ignem accedit, sic etiam Octaedron maximam similitudinem cum Tetraedro obtinet , cum constet ex duabus Pyramidibus. Aquæ deinde concedit Icosaedron , propter nimiam mobilitatem ac fluxibilitatem. Cubum autem sive Hexaedron tribuit terræ , ob suam immobilitatem. Inter omnia enim corpora regularia cubus motui ineptissimus est. Cælo denique adscribit Dodecaedron. Nam quemadmodum cælum in toto ambitu 12 æqualia signa complectitur, ita quoque Dodecaedron 12 æqualibus superficiebus continetur.*

Sed hæc nihilominus de corporum illorum naturalium tantum figuris intelligendæ sunt. Quis enim ignem in tormenti aut mortarii vacuo artificialiter densatum , figuram pyramidis habere credat ? aut cum illa potentia movens ex aëre quodam ignito coacto sit composita , quomodo aëris naturalis figuram possidebit, id est Tetraedri? quippe quam eo duntaxat tempore adipiscitur cum in libertatem restituta naturalem, ascendit. Itaque cum coguntur densanturque naturaliter, tam ignis, quam aër, eam omninò recipiunt figuram, qualis continentis corporis, & illa densata corpora comprehendentis, cogentisque internum vacuum est. Ut Ex. gr. si in concava sphæra (cujus figuræ nostræ Granatæ sunt) igneus aer, aut flamma ignis naturalis densentur artificialiter, sphæricam habebunt figuram: si in tormenti vacuo, quod cavum cylindrum refert, cylindrum quoque mentientur.

Quod autem verticis corporis potentia moventis quo pondus super inditum tangendo movet, & imperit, figuram artinet, difficile profecto certi aliquid ea de re statuere; nec nisi conjecturis, aut similitudinibus quibusdam pro argumentis assumptis probare licet. Hoc tamen verisimile est, quòd quæ ad ejus fieri potest eam naturalem, aut illi proximam habere nitatur; cum non tam violenter à pondere superincubante, globo videlicet, quàm à corpore undiquè latera, & basim premente cogatur, impediaturque quo minus suam naturalem assumat figuram: unde forsitan vel in acuminatū conum, aut pyramidem componitur, quòd illi naturaliter hæc convenient figuræ, & in apice summa potentia sit vis, qui cum pressus pondere in se ipsum redire, atque reflecti cogitur, tantò vehementius deinceps ab interno conatu impulsus, (cum potentia usque & usque rarefiat) revertitur, & elaterii in modum majori impetu pondus protrahit: Aut etiam in hemisphærium se colligit; cum hæc figura ad naturalem proximior sit, quali dum in suis sphæris sunt ignis, & aër, gaudent; & sphæra corporum omnium firmissima: unde etiam & bajuli pondus aliquod subituri quasi sphæricam quandam munitionem meditantur, dantq; operam sese incurvando, & in gibbum, aut globū potius contorquendo, ut artus artubus quàm conjunctissimè cohæreant; & quodammodo fiant unū, quæ laxamentis diffita erant membra; id verò etiam Atlantis fabula docet.

Sed ad veram, & rationi consentaneam, atque à multis naturalium rerum peritis comprobatā, receptamq; explicationem figuræ superficiei, quæ verticem corporis potetie moventis terminat, distinctio quædam situationis, locationisq; globorū in mortariis facienda est; ex qua illa innotescet, idq; in hunc modū.

Mortaria nostratia Pyrobolicos omnis generis projicientia globos, (ut toties diximus) habent cameras, in quibus pulvis ad ejiciendum globum requisitus reponitur. Supponamus verò primum, ab immisso & quaquaversum grassante igni, omnia grana simul, & quasi in uno instanti resolvi in flammā, nec posse globum tolli ullatenus, priusquam omnis pulveris quantitas; potentia movens facta sit. Secundo sit globus perfectè sphæricus, ita ut fundus ejus

immediatè absque ullo alio interposito corpore tangatur à potentia movente. Certum est, potentiam moventem non hemisphærium ejus inferius totum, quod concavum mortarii comprehendit, impetituram; sed eam duntaxat portionem, quæ orificium camera obturat, cujus dimetiens linea, una pars tertia, aut saltem aliquota, totius diametri sphæræ, vel vacui mortarii sphæram complectentis est. Omnem porro impetum ad motum necessarium capit globus, ex illa duntaxat impetitione, quæ fit à potentia movente, adhuc in camera existente: quòd illic vel maximè ejus densatæ partes, cum vehementi furia amplius quærant spatium: Ubi verò eadem sublato globi pondere ad majorem in vacuo mortarii pervenerit loci amplitudinem, tanto debilior est, quia rarefacta; minusque globo ad majores velocitatis gradus imprimendos necessaria.

Sufficit itaque ad motum requisitum ille unicus solummodo impetus; quia & fortior est, quod ex angustiori erumpat spatio; & si potentia corpus vel in hemisphærium, vel in pyramidem fastigietur; vel denique (quòd mihi maximè verum esse videtur) ita se convexitati portionis sphæræ accommodet, ut undiquaque eam apprehendens, & circumfundens, concavum quoddam in vertice sui corporis efficiat (solidiusculi namque corporis obtinet proportionem, propter densitatem) omnibus profecto viribus impetit tollitque sphæræ corpus. Nec minori hîc in convexum globi fundum agit fortitudine, quàm si idem planus esset; idque præter jam dictas rationes, non minus ex eo, quòd & per diametrum gravitatis sphæræ, transeuntem per centrum gravitatis ejusdem, circa quod undique partes equalium momentorum consistunt, & gravitant, collectis in angusto spatio in unum viribus, imprimit sphæræ, & globo planam habenti basim, velocitatis ad motum requisitæ impetum. Et cum sphæra unitatis speciem præferat magis, ac quasi punctum sit: ubi autem solida, & ex materia densa, & compacta, conflata supponitur, quia unâ continuâ comprehensâ superficie est; nec facile & propter figuram, & propter materiæ soliditatem, dissolubilis, sat habet ad motum, si in unico duntaxat puncto tangatur à potentia movente: namque quod unum ejus afficiet punctum, id in alia omnia illicò motu successivo transferetur, atque redundabit. Neque existimaverim majoris quicquam violentiæ fore eam impressionem, si potentia ex eadem quantitate pulveris progressa, totam globi planam basim tangat: immò longè debiliorem eam dixerim: nam & pulvis ille diffusus (ut superius dictum aliquoties) dissipat quasi potentia vires; nec plana superficies potentia moventis (si ea planæ basi se accommodans, plana quoque fuerit) ad impetum imprimendum corpori planam habenti basim, commodior aptiorque, quàm alterius figuræ.

Rursus si globo sphærico, aut ad sphæricam proximè accedenti figuram, atque alteri planam habenti basim, æqualibus & pondere, & materiæ qualitate, suppositum sit corpus quoddam ex: gr: cylinder ligneus (ut fieri solet) in cameram mortarii super pulverem impactus ita, ut potentia movens non immediatè tangat utrumque globum; sed illo corpore mediante; palam est potentiam moventem, in qualemcunque se in camera componat figuram, totis viribus cylindrum apprehensuram, expulsuramque; & globum utrumque æqualibus impetitum viribus, inæqualiter tamen, propter inæqualem & dissimilem figuram, motum iri, ut id inferius melius patebit. Quid enim refert magis ad violentiorem impetus impressionem si cylinder ligneus basim planam in pluribus quàm in uno, ut sphæram tangat punctis, cum (ut superius diximus) unum sphæræ punctum; quasi

quasi totum sit corpus; & totum corpus, quasi punctum unum: nihil enim in illa diffidet, nihil absistit; nulla inæqualitas, qua parti pars vel desit, vel superfit; idque propter nobilitatem, excellentiamque figuræ sphaericæ. Quod autem potentia movens, ex camera mortarii egressa, parum tam sphaeram, quam planam habentem basim globum apprehendens, admotum velociorem juvet, jam id superius demonstravimus. Nihilo secius tamen id spontè fatemur, quòd quò magis potentia movens cogitur, & difficiliòr illi conceditur respiratio, eo majori furit impetu, & quasi novas semper depromit vires, quoad libertatem adepta sit. Eamque ob rem Granatis præter cylindrum qui pulverem in camera comprimit & obturat, orbis etiam lignei ejusdem cum mortarii concavo circumferentiæ, supponuntur, ut alibi dictum. Isti itaque suppleant vices planarum basium, nec ullam potentiæ moventis solutam opere, incertemque particulam ex mortario elabi patiuntur, priusquam globus mortarium deferat. Sed brevi postmodum vel integri, vel fracti, & à potentia movente dissipati, subtrahunt se globorum sodalicio, nec motui eorum officiant quicquam.

Cæterum quod motum globorum, ex mortariis & tormentis nostratibus exploforum, cujuscunque tandem illi fuerint figuræ, unica duntaxat, eaque instantanea efficiat impressio, à potentia movente profecta, patet ex omnibus violenter aut manu, aut arcubus, aut ballistis projectis, & impulsis, quæ vis illa, quæ motum contulit, gradusque certos ad velocitatem tribuit, non amplius, dum aërem transmeant comitatur: sufficit namque ad motum impellentis potentiæ vis in impulso relicta: reperiunturque non paucii, iisque magni nominis, & non vulgaris eruditionis viri, qui existiment motum alicui corpori mobili semel impressum, nunquam desitutum, nisi ab aliqua causa extinguatur: quod facile fieri posse arbitrantur in medio non impediante, in quo nihil ejusmodi occurrit, quod eum vel impediat, & minuat, vel prorsus tollat. Rationem hujus rei hanc reddit Mersennus in Phænom: Ballist: prop: 38. *Quod rationem attinet, in eo sita est, ut nihil ex iis pereat, quæ semel producta sunt, nisi causa destruens adsit, cum nulla res, seu nullum ens se destruat, quemadmodum neque se producat. Suntque plures magni viri, qui credant istud adeo verum esse, ut communibus notionibus accenseri possit; qui enim corpus motu spoliabitur, si desit quispoliet? Supponitur enim Deum motui semel impresso non magis suum negare concursum, quam rebus cæteris, cumque motus sit modus realis, quomodo peribit, si nullum impedimentum occurrat.*

Quomodo verò omne projectum in medio impediante (ut aër est per quem nostri feruntur globi) moveatur, id non est hujus loci explicare. Sed moneo, multum eos ab orbita veritatis discedere, & inextricabilibus se illaqueare paralogismis, qui existimant potentiam moventem ex pulvere pyrio progressam, globum per aëra currentem, aliquo temporis spatio prosequi, & adhærendo aut impellere, & quasi novos semper velocitatis addere gradus, aut saltem juvare quadam tenus, ne naturali urgente pondere, tam subito in humum decidat. Cui enim non nota est ignis natura? quis tam subtile, tam volatile, tam leve, & captui perdifficile elementum uni globo unquam alligavit, & adeo tenaciter affixit, ut omnino illi adhærere cogatur? Quæ vis illa magnetica ferreo inest globo, ut ignem etiam post se, aut ad se trahat, & alliciat. Sed concedam licet, eum globi comitem esse; quid tum? quomodo ille novos globo imprimet velocitatis gradus? aut quâ tandem ratione motum ejus aut augebit, aut ne saltem, semel impressus subito deferat globum, juvabit? cum in libertatem restitutus, adeo tenuis

& rara ejus sit substantia, ut omnem prorsus amiserit potentiam, quâ dum rarefieret pollebat: & quæ tota in densitate ejus, partiumque coactione, & propinquitate consistebat. Non minus etiam illi allucinantur qui mordicus isti adhærent sententiæ, quòd in tormentis majoribus bellicis cannæ longioris (idem quoque & de manuariis sclopis dictum esto) augeatur globi motus, quòd longiora illa fuerint tormenta: id est quo majori tempore potentia pulveris movens sociata fuerit globo in tormenti vacuo, eumque inante urgendo prosecuta fuerit. Sed non norunt illi regulas artis nostræ quæ docent, non eâ ob causam longiora construî oportere tormenta, quòd longiore tempore in vacuo tormenti durans potentiæ moventis societas, multum proferat ad majorem globi velocitatem; sed ita proportionantur illæ tormentorum longitudines, ut ea pulveris quantitas quæ ad pellendum globum est necessaria, tota in tormenti vacuo resolvatur in flammam, utque eo momento cum jam jam ex orificio tormenti erumpit globus, omnibus, unitisque viribus eum impetat, & ad motum præparet.

Porro sciendû quòd quo longiora fuerint tormenta, eò major pulveris requiratur quantitas; minor, quo breviora. Quemadmodum enim major solito quantitas pulveris sumpta, non juvat quicquam; immo impedit, & confundit quasi globi motum; quòd eo momento cum globus tormenti orificiû post se relinquit tota in flammam resolvi nequeat; sed quædam ejus portio incombusta effundatur in humum, ut revera praxis doceat. (quamvis aliam Pyroboliæ nostræ hujus rei asserant rationem, quæ alteri tempori, & loco reservatur) Sic etiam exigua, quædam & improporcionata ad tormenti longitudinem portio pulveris celerius comburitur quàm globus longius tormenti vacuum percurrat. Nec ex illo comitatu potentiæ moventis per majus cannæ longioris spatium accedet quidpiam globo novarum virium ad velociorem motum requisitarum: nam quo magis potentia movens post deflagrationem totius pulveris in vacuo machinæ elongatur, & ampliorem nanciscitur locum, magis rarefit, magisque ejus minuitur vigor: adeo ut si quispiam tormentum construat, cujus longitudo sit 100 pedum, aut major, globus ejus ferreus 2 unciarum pedis in diametro, adeoque pondo 1 lb: oneretque tormentum (ut moris est) unâ pulveris librâ. Eo in passu firmiter crediderim fore, ut illa potentia, quæ ex pulveris una libra proficisceretur, & quæ per spatium 100 pedum in vacuo tormenti se comitem globo præberet, tantum amitteret virium, ut vix, ac ne vix quidem eum in aërem expellere valeret. Sed de tormentorum longitudine proportionata ad globorum pondera, & magnitudines: nec non de pulveris quantitate, ad eosdem ejiciendos requisita, Partis secundæ Artilleriæ nostræ, lib. 1. de Tormentis, dicendi dabitur locus.

Jam verò sufficiant hæc, quibus globos Pyrotechnicos planas habentes bases, vel æquicapaces impressionis ad motum necessariæ, cum globis spherâ referentibus, aut aliis illi proximioribus; vel meliores etiam, capacioresque demonstravimus. Quòd autem longè commodiores, aptioresque sint ad peragendum motum in omni medio, globi spherarum, & spheroidum in modum conflati, sufficiet unica Merlenni demonstratio Mechan: lib: 2, part: 3. prop: 6, 7, & 8. *Rotundæ figuræ sunt reliquis mobiliiores, quia planum quovis modo circumvolutæ in uno tantum puncto tangunt, ideoque minus attriuntur, & impediuntur, quia faciunt angulos contingentiæ omni acuto rectilineo minores; hinc ad motum procliviores sunt, parum enim absunt à plano propter angustiam anguli: & unica linea plano perpendiculari solo hæret; unde quodlibet eo difficilius movetur, quo pluribus punctis planum tangit, (tales sunt globi cylindrica-*

dracei, & planas habentes bases) tot enim lineæ perpendiculares per mobile trans-
eunt, illud cum plano uniunt, atque fulciunt, ne dejiciatur: quapropter figurarum
planum pro vertice habentium, stabilissima cubus dicitur, quamvis proclivior sit ad
volutationem, quàm tetraedrum, aut pentaedrum, quia cum pluribus planis clauda-
tur, magis ad sphæram accedit: nam quo plura latera, pluresque angulos figuræ ré-
gulares habuerint, & viciniore circulo, vel sphærae, ac proinde moventiores erunt:
quo vero mobilis latus contingens planum latius fuerit, eo difficilius movebitur, im-
mo si planum mobilis, & planum quod tangit, essent perfectè plana, mobile superius
apprehensum à plano subjecto vix dissungi posset: hinc ajunt multi, aut parietem per-
fectè planum non posse tangi à cubo æneo ita emisso è bombardâ, ut aliqua cubi su-
perficie recta versus parietem tendat, quantumvis bombardâ parieti vicina, &
quantacunque violentiâ explosa fuerit: neque enim aër intermedius cedit. Idem
ibid: prop: 7. Aliæ sunt rationes, ob quas figura circularis mobilior est: 1, quia in o-
mni positu dimidia sui parte quoquo versum ad planum acclinat; ideoque sphæricū
ad latus quacunque vi movebitur; quæ aërem impulsu, vel tractu dividere poterit;
cum unicus aër circumstans motum impediat. Hinc perpetua est circuli propensio ad
motum: quo vero circulus major fuerit tanto nutus ejus, seu propensio ad motum ma-
jor erit, quia extremitas diametri majoris remotior est à loco suo naturali, ad quem
propterea magis conatur, est autem nutus, seu $\rho\alpha\theta\iota\varsigma$ vis à Deo unicuique rei impressa,
quæ in loco suo naturali quiescit, & volenti eo dispellere, resistit: quæ resistentia dici-
tur $\alpha\nu\tau\iota\sigma\tau\alpha\sigma\iota\varsigma$. Cum autem omnis cīrculus infinitos concentricos intra se contineat, o-
mnis periphæria nutum habet infinitum, ac proinde perpetuum ad motum. Rursus
prop: 8: Ex illo autem perpetuo nutu fit ut cum globum voluimus eum ita velut
proprio nutu se moventem moveamus; (idem de potentia pulveris, & vi globo
impressa intelligendum) nam post motum ad centrum universi maximè circula-
rem desiderat: & linea perpendicularis ducta à puncto contactus ad diametrum
globi, demonstrat eum esse in æquilibrio; quælibet autem vis duo pondera æquilibria
ab hoc statu æquilibrii dimovere potest.

Ex hoc manifestum est globum sphæricum, aut huic viciniorem alterum
quempiam, facilius currendo, aëris rumpere corpus, aut alterius cujuspiam,
medii quod transire cogitur, quàm cylindrum planas habentē bases. Sed ob-
jicere adversarius poterit, nequaquam id præstari posse ut basis una cylindri
aëri semper opposita sit, & sagittæ in modum aërem transeat; sed forsā aut
convexa ejus superficies scindet aërem, aut in gyrum volvetur, modo basim
planam; modò superficiem curvam aëri opponendo. Ad hæc respondeo. 1:
quod ignis ex tubo erumpens præstabit id facile ut basis ejus una inante, quæ
tubo, aut osculo globi ex quo efflatur ignis opposita est, procedat, sequatur
pone altera, flammam ignis instar caudæ trahens. 2: curva cylindri superfici-
es in pluribus etiam punctis tanget aerē, quàm sphæra; quantumvis cylinder
sit æquiponderans sphærae; aut ejus altitudo & latitudo, diametro sphærae æ-
qualis: tum & ista cylindri dispositio, impetui recepto contraria est 3: si ita ro-
tabitur cylinder, ut bases ejus alternis eū superficie curva vicibus aërem cir-
cumstantem, motumque impredientem disverberent, quis non videt, vix ali-
quam fore differentiam inter illum motum, si una ex basibus prorsum sem-
per directâ, impeteret aërem: omnino namque in hoc, quàm illo situ, eandem
pateretur ejus resistentiam. Sed ut ut est, sive rotabitur cylinder, ut globis
sphæricis propter figuræ naturam convenit, sine non; non tamen ullatenus
motus ejus, motui globi sphærici assimilari, non dicam æquari poterit.

Multa spericę figuræ admiranda lubens, volensque prætereo. Illa tamen
quæ divino fultus ingenio, & acerrimâ contemplatione observavit, notavit-
que in sphæra Scaliger, absque piaculo prætermittere non possum. Appono
igitur illis quæ jam dicta sunt hæc quæ sequuntur ex exercit: 30. - 1. Quo-
cunque

cunque motu moveatur globus, eandem sui generat in sensu speciem: aliæ figuræ non item. 2. Super uno puncto in gyrum motus loco eodem fruitur semper, quod & Pyramidi evenit, sed circuli ratione: Idem globus si mutat locum, aliam à se figuram describit in aëre, quippe columnarem. Simul verò lineam actu creat, quæ in ipso non est, nisi in potentia, super planicie, qua labitur, simul solum corporum pro basi punctum habet: quod est maxime admirabile. Quo fiat modo, ut quod non est super eo solidum quiescat corpus. 3. Uno eodemque motu movetur duobus moribus contrariis, sursum, ac deorsum: si spectas circumferentiam: non dico de cælo nunc, sed de globo æneo, aut rota. Quorum alia quoque sit contrarietas: quippe divergens naturalis est, subiens vero non naturalis, quare uno motu duos efficit contrarios motus, in corporibus, quæ contingit. 4. Cum sit unum corpus continuum: ejus tamen partes aliæ aliis celerius moventur. Celerius enim duobus modis intelligitur: aut cum in breviori tempore tantundem æquæ spatii occupatur, aut cum in eodem tempore plus. Quæ igitur ad ambitum partes sunt, plus evadunt spatii, quàm quæ ad axem.

Terminent hoc corollarium circulus, & sphaera, quibus nulli termini sunt. Sed neque corollarium duntaxat, immò & annum Christi supra millesimum, sexcentesium, quadragesimum nonum; cujus ultimis horis, isti versiculi exercent prælum. Adferet crastina lux & corollarium novum, & annum novum, annum sanctum, & jubilæum, totique exoptatum Christianitati. Perficit hodie circinans, & circinata, cui nec principium nec finis est, potentia, mirabilis operæ circulum, in quo omnis anima suum decurrit curriculum, præscriptam non excedens orbitam. Ordietur cras alterum; quod felix faustumque sit orbi universo: & defixâ in cordibus animisque nostris sui amoris quo erga nos fertur, uno circini cuspide, novum alterâ ducet orbem, novos in nobis excitans velocitatis gradus, quibus ad infinita æternæ beatitudinis feramur gaudia: utque à primo moventis potentia, pellentisque ad omnes mundanæ fortunæ vicissitudines, progressi termino, non per asperos stultæ arrogantia, aut ignavæ pusillanimitatis currentes scopulos; sed per æquabiles fortitudinis, & constantia detati planicies motu perpetuo circulari, ad eundem terminum recurramus.

COROLLARIUM II.

De Ictibus variis Pyrotechnicis, ad bellicos usus spectantibus.

Præter illam quam jam descripsimus superius cap: 5 de Globis ignitis, ictuum speciem, sunt & aliæ complures apud Pyrotechnicos in usu. Sed cum id proposuerimus, ut non nisi præcipuas, & artificialiores, aut saltem magis nunc usitatas Pyrotechnicas inventiones hoc opusculo explicemus, itaque rejectis cæteris subjicimus Pyrotechnici nostri oculis, figuras ictuum Num: 151, sub lit: A, B, C, D, E, F, G, H, I, K, L. Ex his quidem prima sub lit: A non differt quicquam ab illa sub Num: 137 delineata; & præter globos ignitos, Sertis quoque, Coronis, Saccis, Circulis, Sagittis, & Hastis adhiberi solet: tum etiam & reliquæ duæ ictuum figure, nempe sub litera B & C, iisdem usibus inserviunt; licet aliquantulum à prima discrepent. Magnitudinis ictuum ratio ex corporum magnitudinibus, quibus adhiberi debent, desumetur: quanquam si unius, & ad summum duarum unciarum pondus plumbei globi diameter orificia eorum dimetiatur; altitudinem verò 5 diametrorum absque cuspide habuerint, satis rectam, aptamque nanciscen-

tur

tur proportionem. Quidquid verò superius de illorum oneratione, dictum à nobis est, huc quoque revocari debet.

Reliquæ ictuum species majores multò sunt, & globis ligneis excavatis, quorum constructiones sequentibus proponimus capitibus, inservire solent. Prima quidem sub eodem Num: lit. D notata, est similis, immò eadem cum superiori ictuum recreativorum specie sub Num. 107 sub lit. A positæ. Ejusmodi ictus constructio perfacilis, & ex figura satis clara est. Oneratur verò ad altitudinem; suæ altitudinis pulvere granulato: reliquum postmodum vacui spatium pluribus plumbeis glandibus repletur; & conglobatâ, coactâque chartâ, aut stuppâ occluditur.

Alter ictus sub lit. E, triplicatus est: duos videlicet minores complectens. Ipse met quidem ictui D, modò descripto similis; & foraminula accensoria, melioris ad ignem apprehendendum certitudinis ergo, quatuor à lateribus, per diametros sibi invicem opposita, & quintum in fundo habens. Reliqui duo, nempe F. & G, affines similesque sunt illis ictibus, quos supra Num. 106 delineavimus.

Ita porro isti tres parantur, ut primus secundum, tertium secundus recipiat, & includat. Maximus sub E, ad semissem suæ altitudinis; vel ad excessum, quo medium in altitudine superat, repletur pulvere granulato. Pulverì superinditur medius, minimum pulvere, & aliquot plumbeis minutis glandibus instructum complectens ictum; nec non & pulvere granulato, ut & maximus, ad similem quoque altitudinem excessus quo minimum superat, refertus. Præterea tam medius, quàm minimus habent suas cameras materiâ lentâ onustas, cujus compositiones superius jam aliquot præscripsimus.

Ictus tertius sub H, tubulum æneum, aut ferreum, absque fundo refert. Cum onerandus est in tres primùm dispescitur partes: ejus tota altitudo; ita ut extremæ, glandes recipiant; media verò palverem granulatum. Orbiculi papyracèi pulverem à glandibus ab utraque parte segregabunt, & discernent: iidem quoque & utrumque orificium obturabunt. Foraminula accensoria duo, aut quatuor, ignem ad pulverem admittentia, medium plane ictus possidebunt.

Quartus ictus sub lit. I, non habet opus ullâ explicatione ad sui cognitionem; nam idem est cum ictibus F, & G: hoc tantum unico ab illis differt, quod solus, nec alios complectens, nec ab aliis complexus, in globo reponatur.

Denique ictus K, & L, crucis unus, gnomonis, vel anconis alter, referentes figuras, simplicium instar onerantur ictuum; & vel singulas, vel plures, (si satis fuerint capaces,) recipiunt glandes: reliqua constructis reservantur ingenio.

COROLLARIUM III.

De variis Globorum ignitorum ligamentorum formis, eorumque nominibus.

Nil difficilius profectò est, quàm ea verbis exprimere velle, quæ non nisi docta, & asueta operi manus conficere novit; vixque spectantes oculi fideliter ad mentem ea deferre possunt, quæ manus aliorum vident construentes. Tantum porro ad perfectionem in qualibet arte adipiscendam praxis refert manualis, ut nisi ea quæ mente percæperis in opus quoque

B b

dedu-

deducere noveris, animam re corporeis solutam vinculis possidere scias. Cæterum ad informandum alios in re quapiam pictura quodammodo juvat. Itaque ea quæ manibus perfici, & oculari inspectione dum confiunt intelligi debent depinximus: nodos videlicet Pyrotechnicos & perplexa ligamentorum vincula, quibus globi igniti ad majorem firmitatem, ut igneæ resistant potentiæ; & quidam ex illis ut non nisi destinato cum majori violentia rumpantur dissiliantque tempore; constringi, & undique circumdari solent.

Nomina ligamentorum juxta diversas formas, diversa quoque invenerêre atque indidêre Pyrotechnici. Primum quidem, simplicissimumque, ut in Figuris Num. 136, & 138 videre est, dicunt Germani *Riebbundt*: alteri quem in Fig. Num. 137 expressimas *Paltenbund* imposuêre nomen: huic quoque simile & illud est, quod globum sub Num. 142 circumdat: denique duo fortissima, artificiosissimaque ligamenta in Fig. Num. 140, & 144. *Rosen* & *Schneckenbundt* vocari meruerunt; ob similitudinem quam ad rosam, cochleamque habent. Reliqua quæ ad hoc opus pertinent, a practicantibus Pyrobolistis petenda, nos autem cœptum perficimus iter.

CAPVT VI.

De Globo ligneo Granatis manualibus onusto.

Manualium Granatarum ut & superius diximus in re bellica usus frequens ac multiplex est: ingenium duntaxat requiritur Pyroboliste, ut tempori & loco eas accommodare norit. Inter alios autem modos quibus plures simul manuales Granatas in hostem mittere poterit, est & hic.

Ex cavatur ligneus globus, cujus altitudo tota ad latitudinem, (quæ ex diametro orificii mortarii desumenda est) habeat rationem supertripartientem quartas, id est, ut 7 ad 4; quanquam & sesquialtera non omnino inutilis, aut incommoda sit. Fundus propter pulveris impetum semidiametri habeat crassitiem; & ab extra quidem in hemisphærium circinetur; internè verò planus sit circularis: Crassities laterum sit ex latitudinis totius: operculum etiã in concavi hemisphærii intra; ab extra verò convexi, figuram formetur; & pyxidiatas cum globo commissuras habeat.

Tubus ligneus, aut ferreus, & cupreus possideat longitudinem semissis altitudinis vacui; crassitiem verò æqualem laterum crassitiei globi, id est latitudinis: onerabitur autem compositione quapiam ex illis quas ad tubos Granatarum superius præscripsimus.

Globi vacuum infarcietur Granatis manualibus, tot quot capere poterit, & inania inter has spatia pulvere granulato replebuntur. Observandum porrò, ut tubuli Granatarum medium globi, id est imum tubi spectent, ut una omnes ignem arripere queant.

Hisce ritè peractis, commissuræ operculi cum globo, glutine conglutinentur, & in totam globi superficiem pix liquida, cum linteis, stuppisque pice imbutis inducatur. Reliqua ex Figura manifesta sunt.

CA-

CAPVT VII.

De Globo ligneo multiplici.

Globus hic sub Num 153, & effectu, & figurâ similis quodammodo est illi ignito in fig. N. 141 expresso, & in specie eorundem globorum 4 descripto. Itaque quicquid superius de proportionē globorum minorum ad maximum illos comprehendentem dictum est, huc quoque reassumatur: sequentia verò quæ huic globo peculiaria sunt observentur.

1. Crassities globorum ad lubitum construentis sumi potest: nos autem eandem in figura, & suarum diametrorum illis dedimus.

2. Figura sphaerica omnino sit omnium globorum; & propter capacitatem, & propter singularem figuræ excellentiam commoditatemque, ut superius sufficienter satis diximus.

3. Commissuræ hemisphaeriorum pixidiatæ sint: trium nempe globorum B, C, D; nam tertius A, non ligneus, sed ferreus est: Granata scilicet undique per convexam superficiem glandibus plumbeis stipata: quanquam & illi tres ferrei etiam esse possent; quod ad beneplacitum Pyrobolistarum refertur. Jā verò si lignei fuerint (quod etiam non ineptum) repletis primū omnium concavitatibus pulvere granulato, & ictibus ferreis, aut cupreis, quos superius descripsimus, & eorum species huic globo maximè congruæ, sunt in Fig: N. 151, sub lit. D, E, H, I, K, L, commissuræ primū glutine conglutinentur: (nihil hīc dico de ordine quo globus unus, alteri imponi debet, cum id ex figurâ satis superque clarum sit: hoc tamen observandum, ut & Granata in primo minimo ita statuatur, ne vacillet; sed ejus tubi orificium, è directo inno tubi, primi minimi globi respondeat: tum postea secundus, & tertius ad cylindrum fundo minimi adhærentem, agglutinandi firmiter sunt, idque eo modo ut figura monstrat.) Singuli postmodum laminis ferreis duos, tresve digitos latis, & facile flexilibus, ut superficiei globorum convexæ aptari possint undiquaque muniantur: denique lintheis, pannisque crassioribus pice liquidâ imbutis circumduntur. Poterunt quoque in morem globorum ignitorum etiam funiculis vinciri: At si ferrei fuerint, non aliud requiritur quicquam, nisi ut commissuræ glutine metallico ferruminentur. Vereor tamen ne ob vehementiam impetus globi ab alto in duram humum decidentis, dissolvantur laxenturque illæ ferrurationes commissurarum: quapropter non abs re fuerit, si funiculis etiam circumduntur, idque in formam rosaceâ contextis; quæ omnium ligamentorum Pyrotechnicorum firmissima est.

4. Tubi ad omnes globos aut ex laminis metallicis confecti, aut lignei, ita proportionandi sunt, ut singulorum globorum magnitudines requirunt, utque depicta monstrat figura: onerabuntur vero aliquâ compositione ex illis quas ad Granatarum tubos præscripsimus.

Cæterum satius fortassis foret nil dicere, quàm pauca dicere, de horrendo globi istius effectu. Id unicum tamen ausim affirmare, quod si ita in medios destinetur hostes, ut non se facile ictibus ejus fugâ subducere valeant, tantam editurum stragem, quantam vix centum milites sclopetis armati edere possent.

Nota primò. In figurâ quidem tres tantum globos à quarto maximo comprehensos depinximus; sed plures etiam esse possunt, idque juxta magnitudinem, capacitatemque primi globi: hic autem vacuo mortarii respondere debet.

Nota secundo. Absque mortariis perquam commodè ex ballistis etiam ejusmodi globi ejici possent: si quispiam veterum machinas, utpote non omnino inutiles, nostris modernis annumerare, & suo pristino honori tandem post liminio eas restituere velit. Sed risum forsan apud popellum rerum ignarum hæc concitabit oratio: quod quidem minimè nostram movebit bilem: scimus enim illi operæ pretium esse, veritati semper obstrepere, & ignorantia tenebris aciem mentis illius adeo esse hebetatam ut nullam rationem, quam veritas genuit, utpote ex sua natura splendidam, contueri, & capere queat. Nobis porro sufficiet magnorum, & rei bellicæ veteris, & modernæ peritissimorum virorum instituisse judiciis, & ab istis cacozelis quàm longissimè recessisse.

Nota tertio. Possunt isti globi uno, & duobus ignibus ex mortariis ejici ut Granatæ, & globi igniti; sed lancibus ferreis (si lignei fuerint) necessario præmuniantur, ut pulveris impetum sufferre possint.

CAPVT VIII.

De Pluvia ignea.

Ad incendenda eminus obsessarum civitatum ædificia, si ea fuerint scandulis, festilibus trabibus, stramentis, harundinibusvè contacta (ut & superius ejus rei fecimus mentionem) præter plurima alia inventa, habent Pyrotechnici peculiare quoddam genus ignium artificiale, quod igneam pluviam dicunt (Germanis *Feuer-regen*.) Hujus parandæ vulgata ratio hæc est.

Sulphuris ℥ 24 inditas in vas quodpiam fictile vitreatum, latum ac patens frixorii in modum, super candentibus absque flamma carbonibus liquefacto. Injicito postmodum Salisnitri ℥ 16: & dum solvitur misceto spatulâ ferreâ, ut sulphuri incorporetur. Removeto jam vasculum ab igne, propter incendii periculum, & in materiam solutam Pulveris granulati ℥ 8 infundito, dumq; frigescit, velocissimè spatulâ misceto. Denique effusam omnem materiam super marmor politum, aut laminas metallicas, ubi refrixerit, in frustra, nucis Italicæ, aut pomi sylvestris magnitudine, frangito: & singula fragmenta stuppâ Pyrotechnicâ solutâ, circumdata, & pulveris farinâ respersa, servato in globo ligneo; cujus figuram aspicias sub Num: 154: estque globus hic ejusdem proportionis, cujus sunt & illi globi recreativi aerei sub Numero 96, 97 &c. Inania inter fragmenta spatia repleto pulvere granulato. Tandem operculo super globi orificio glutine calido firmiter agglutinato, totum globum undique linteis pice liquefactâ imbutis contegito.

Cameram accensoriam replere poteris materiâ lentâ, quam ad globorum recreativorum cameras superius præscripsimus: sed & quæpiam ex illis compositionibus, quæ onerandis tubis Granatarum inserviunt, hîc quoque adhiberi potest. Reliqua omnia habet globus hic cum globis recreativis aëreis communia, quamobrem illuc revise.

Hoc tantum moneo ita mortarium esse dirigendum, & ad eam altitudinem ab horizonte elevandum, aut à perpendiculari ad horizontem inclinandum, ut globus in aëre disrumpatur: Sic enim veram referet igneam pluviam decidens accensa materia vi pulveris intro, reclusi variè disseminata atque dispersa per aërem: & hac arte in plurium domorum tecta incidet,

ret, easque incenderet; quàm si super unius tantùm domus tectum delapsus globus disrumperetur.

Præter illam compositionem, quàm superius ad materiam liquefactam (Germanis *Geschmolzen zettig*) dedimus, sequentes quoque accipe; quorum præparatio eadem est quæ & superioris.

1.

Sulphuris ℥ 3, Salisnitri ℥ 1, Pulveris granulati ℥ 1, Ramenti ferri ℥ 3, Vitri pulverisati ℥ 3.

2.

Sulphuris ℥ 1, Salisnitri ℥ 1, Pulveris granulati ℥ 1.

Istæ duæ compositiones sunt Josephi Furtenbachii, sicut & sequentes; quæ dum igne solvuntur, mirum in modum viscidæ fiunt, ut propter lentorem atque renacitatem nullâ ratione ab eo in quod inciderint divelli, atque deradi possint: affirmantque periri (præter auctorem) eas lorica quoque ferream satis firmam transurere posse: quod & nos etiam in lamina cuprea unam lineam crassa, experti sumus; & hæc tanquam veras & probatas ponimus.

3.

Sulphuris ʒj, Galbinæ ʒiiij, Salisnitri ʒiiij, Pulveris granulati ʒiiij.

4.

Sulphuris ʒiiij, Salisnitri ʒij, Colophonie ʒj, Pulveris granulati ʒj ʒ.

In Ioannis Baptiste Portæ magia naturali lib: 2 cap: 10, similes sequentes duas compositiones reperio, in hunc ut sequitur modum: *Bellica sæpe instrumenta huiusmodi compositionibus replentur, inde igneas quasdam emittunt pilas eminens, & disrumpuntur, (hæc aperte ad rem nostram) quas sic parant: Pulverem hunc obvolvunt stuppâ ac mixtura quam diximus (exposuerat enim superius compositionem sub aqua ardentem, quarum plurimas jam nos superius dedimus) illinunt & implicant, & concavas machinas replent pilis & mixturâ vicissim inspersis, igneque admoto in hostium congressibus pilæ per aëra projiciuntur accensæ. Quod olei vicem expleat, & ardentius exuratur immittunt aliqui suillum adipem, anserinam, sulphur ignem non expertum, quod Græci vocant *επιφορ*, sulphureum oleum, & naphiticum, salnitrum sæpè purgatum, ardentem aquam, terebynthinam resinam, liquidam picem, quam omnes Kitram vocant, vulgo dictam liquidam vernicem, vitellorum ovorum oleum, & aliquando ut molem his addat, & liquida inspisset omnia, lauri scobem immiscunt: iis vitreo vase occlusis illud sub fimo condito, per menses duos vel tres, alternis semper denis diebus innovando fimum, & remiscendo. Exemptæ inde compositioni, si ignem adjeceris, ardere non desinit, nisi tota fuerit absorpta, aquæ enim aspersione, non restinguitur, immò accenditur: verumtamen luto, terrâ, pulvere, & omnino quibusvis aridis suffocatur: si cassidi, clypeo, & armatis hominibus injeceris, igne candentes reddit, ut comburi cogantur, aut arma exuere.*

Aliud trademus, quod valentioris est operationis, terebynthinæ resinæ, picis liquidæ, & vernicis, inde picis, thuris, & capthuræ pares portiones, vivi sulphuris sesquitercium, salisnitri purgati duplum, ardentis verò aquæ triplum, & tantundem naphitici olei; sed salicis pollinis carbonum pusillum adjicias. Hæc simul conficiantur, & in globulos effingito, vel ollulas reple: sic exurit, ut extinguere sit vanum. Cui tempus & impensæ suppetunt, experiatur istarum compositionum efficacitatem.

COROLLARIUM I.

Illæ superius enumeratæ compositiones (absque præcedentibus duabus quas

B b 3

quas ex Portæ Magia naturali descripsimus) necesse habent ut ignis auxilio liquecant, misceantur, incorporenturque : in quo opere non parum subest periculi : & vidisse mihi aliquando contigit præparantes Pyrobolistas, quod minus circumspecti fuissent, ambustis manibus, facie, capillisque ab opere recessisse. Damus itaque sequentem compositionem, quæ igni liquefcere non habet opus, & effectus ejus illis non dissimilis.

Rec. Sulphuris ss 16, Salisnitri ss 8, Antimonii crudi ss 2, Pulveris ss 4. Tere, misce, & incorpora omnia simul. Solve postea gluten commune in aqua igni decocta, aut Gummi Arabicum, aut prunorum, ceraforumvè in aqua frigida, vel tepida; & illi materiæ in olla aliqua vitreata, aut alio quopiam terreo, vel cupreo vasculo reposita superinfunde, miscetoque benè spatulâ, manibusvè. Fac postmodum globulos ejus magnitudinis, quæ tibi maximè apta videbitur; aut super laminam, effusam materiam in frustula octangularia, cubos referentia, scindito; quæ postmodum in sole, aut calido hypocausto siccescant: tandem ubi necessitas postulaverit, in globos juxta superiores regulas imponito.

COROLLARIUM II.

Igneam nostram pluviam quam superius descripsimus ab igne veterum Græco suam traxisse originem patet ex antiquitatum monumentis. Hujus inventionem (ut superius cap. 1. lib. 2. meminimus) alii ad Marcum Grachum referunt. Sed Ioannes Zonaras ante Constantini Pogonati Græcorum Imperatoris tempora, apud Græcos inventum fuisse ait. Nicetas Choniates in laacio de illo hunc in modum : *Injicitur ædificiis miserorum qui ad mare siti ignis Græcus, quem tegentibus quibusdam vasis sopitum habuerant, is statim more fulminis erupit, & exiluit, & incendit quæcunque nactus est, & incidit.* Ignem porro Græcum dixere quidam ignem humidum, *νεφελος* quod etiam in humido ardeat, illique vehementissimè resistat. Istius compositionem (juxta promissa) accipe ex Scaligero, exercit: 13: *Et si in fulminis historia multiplicitas agnoscimus subtilitates, tamen non hic repetenda duxi, quæ in Problemata nostra suo dignissimus ordine. Nunc de ignibus, ignisque pulveribus, atque materiis cum hic scribas, eorundemque componendorum doceas rationem: mirum quare & non inde nomen aucupatus sis: ubi admirabilem modum ignium conficiendorum scriptus est.* Circumferuntur enim multi commentarii, qui ipsos vocant Græcos ignes, Qui igitur ex Arabicis libris aliquot olim excerptissem: libenter unum aut alterum subjiciam. Ignis ferrum destruens, inventum filii Amram. Picis liquidæ: sic enim interpretor Zerf, Gummi Juniperi, quod Samag Agar, in vocem Sandarax corruptis elementis transmutarunt, Olei è lacryma terebynthi, Olei ex bitumine, Olei de sulphure, Olei de nitro, Olei ex ovorum vitellis, Olei laurini, singulorum partes senas. Pulveris Dhmeß, id est Lauri siccæ, Capur, utriusque in aqua vitæ macerati, ana partes quatuordecim. Salis petraæ ad pondus omnium. Indita in vas vitreum oris angustî, benè lutato, & obturato, infodiantur in ventre equino per menses Sex. Quarto quoque die agitentur: deinde distillantur in seraphino. Sub his Arabicis alia descriptio Catalana lingua. *Recrementi lacrymæ laricinæ, quod residet ex olei distillatione, olei ejusdem, picis liquidæ, picis cedri, camforæ, bituminis, mummiæ, ceræ novæ, adipis anatis, stercoreis columbini, Olei ex vivo sulphure, Olei juniperini, laurini, lini, canabis, petrolei, Olei philosophorum, Olei vitellini, singulorum semilibram. Salis petraæ libras decem: Salis ammoniaci uncias septem. Imbuantur aquâ ardenti omnia ita, ut cooperiantur: tunc sepulta in equi ventre tertio quoque die: & lectus renovetur. Post hæc extrahatur anima à Seraphino; quam spissabis bubuli*

buli stercoreis pulvere tenuissimo : In hoc Semimaurus ille canit miracula. Vel solis radiis ignem concipere. Neque id, in quo est, urere, sed admota solâ urina, aut aceto extingui, injectâvè terra suffocari posse. In ipsa aqua invictum pertinaciter ardere : tantum abesse, ut ab ea quicquam patiatur. Est porro quædam subtilitas animadvertenda. Siquidem & Oleum laricimum poscit, & ejus distillari facem. At utrumque erat in ipsa lacryma. Utrumque igitur suffecisset hæc. An hoc fecit : quia non ex æquo utrumque continet lacryma ? separatorum igitur æquæ partes appendi possunt. An in Oleo distillato, aliquid empyreumatis impressum est : neque minus in sæce ipsa ? tum ipsa sæx terrestrior facta est. Quare & peritior. Hos ignes in vasa coniectos etiam nunc in hostes jaculantur (notanda hæc quæ ad rem nostram faciunt; sed & ollis ignitis de quibus postea dicemus, accommodari id poterit.) Id vasis genus apud veteres Græcos ἀστύον dicebatur.

Patet ex relationibus auctorum ignem Græcum eandem habuisse efficacitatem, & eidem operi adhibitum fuisse, cui & ignea nostra pluvia nunc adhiberi solet, nempe ad incenda obsectorum ædificia. At in hoc tantum pendeo animi, nec quod affirmem satis mihi constat, quomodo videlicet ignis ille sopiri, (ut superius retulit Nicetas Choniates) nec erumpere poterat prius, nisi cum eò quò fuerat destinatus pervenisset. An eo modo erant illa vasa præparata materiam igneam continentia, ut nos superius Granatas cæcas præparare docuimus ? An verò testacea erant, quibus extrinsecus alligati fuerant fomites incendiarii, igne fertiles : ut rupto vase, ubi durum aliquod delapsum offendisset objectum, in materiam dissipatam incideret ignis, ut nunc fit apud nos, cum ollis nostratibus igneis ? An (quod mihi maximè veritati consentaneum esse videtur) accendebatur materia vasis inclusa, & sic vasa machinis projiciebantur, quò jubuerat ?

Vasa porro illa rumpi aliter non poterant, nisi vel testacea, vel lignea fuissent : neque enim ullatenus id fieri poterat, ut ferrea aut ænea rumperentur, vi ipsius materiæ intrò reclusæ & accensæ : cum illa vehementi tantum & in extinguibili quasi igne potens erat ; nec quamvis etiam maximam salisnitri portionem admixtam haberet (quod vix credere cogor) earum erat virium, ut vasa quoque firma, & ex dura & compacta materia, cujusmodi sunt metalla, conflata, rumperet, pulveris nostri Pyrii in modum ; cui tantum id præstare licet, nec ulli alteri è numero omnium naturalium, artificialiumque materiæ. (de mirabilibus Auri Fulminantis operationibus, quibus vel æquatur, vel superat operationes pulveris nostri, plurimam quidem multi tradunt, quorum etiam nos ex parte conscii sumus ; sed ejus operatio, pulveris operationi contraria est, nec eo modo ut pulvis noster usibus Pyrotechnicis adhiberi potest ; quapropter hoc exceptum velim) Id autem vel maximè verum est in materiis omnibus Pyrotechnicis, quas *lentas* vocamus, quæ etiam præter quasdam ex illis materiis ignem, Græcum componentibus salemitri, immò & pulverem ipsum tritum, & quasdam portiones granulati etiam continent ; nequaquam tamen, ubi vel in tubos, vel globos ligneos missæ, & postea accensæ fuerint, damnum ullum illis inferunt, nisi cum vel tenues nimis fuerint, nec ab extra linteis pice liquefactâ imbutis circumdati & muniti, aut cum igni erumpenti, & qui in materia firmas fixerit radices, & partem ejus aliquo tam apprehenderit, difficilis, atque impedita facta fuerit respiratio. Parantur præterea materiæ lentæ etiam ex solo pulvere trito,

&

& tubi vel lignci, vel papyracei replentur, nihilominus tamen securissimi sunt à rupturæ periculo. Quantò minus vas ferreum, aut æneum, cujusmodi sunt nostræ Granatæ, idem pertimescet: quod vix à pulveris Granulati (neque enim ubi grana amiserit, valet quicquam versus metallica vasa, immò etiam lignea, atque testacea, si satis crassa, & extrinsecus linteis, & stuppis, aut funiculis firmata fuerint) rumpitur potentiâ, dissipaturvè.

Concludendum igitur vasa illa ignem Græcum continentia aut lignea, aut metallica; non occlusa, sed patentia ollarum nostratium in modum fuisse & materiam intrò contentam lentâ aliquâ materiâ desuper contextam, ut ad violentam non prius delaberetur ignis, quàm vas in locum destinatum pervenisset. Aut spongiæ, vel funiculi incendiarii accensi paucillum in orificium vasis inferebatur, quod linteo, aut orbe quodam ligneo non satis firmo, & in illo non benè firmato, occludebatur: & sic postmodum ubi accensa intrò latens materia fuisset, erumpebat subito, & obvia adurebat ignis, atque depascebatur.

Fieri tamen arte aliquâ poterat, ut vasa lignea, vel testacea priusquam in humum decidissent, in aëre disrumperentur, & materia intrò reclusa quaquaversum in accensa disseminaretur: quæ minus eo tempore cum decidisset nosci, & ex tectis quibus incidisset, colligi & tolli poterat; nec ulla subito inferebat damna; nisi postmodum vel à solis calore, (quod ex verbis Scaligeri patet) afflatu venti, vel aquâ pluviam, vel rore decidentibus (ad hoc aptas quasdam compositiones inferius dabimus) ignem concipiebat, quod & incendia ædium sequebantur. Cum autem ejusmodi materias in globulos, aut cubos perexiguos formatas, perquam commodè in globis nostratibus ligneis reclusas, vi pulveris pyrii per aëra disseminari, & postmodum vel accensas, vel non, in tecta ædium civitatis obsessæ descendere posse sciamus, apponere placuit sequentes compositiones, modumque earum præparandarum ex auctoribus; quanquam & illa ex Scaligero superius adducta, non inepta quoque huic operi foret.

Ioannes Baptista Porta lib. 2. cap. 10: *Ignea mixtura quam sol accendere potest. Maxime autem fervens in meridie, & id præcipue illis regionibus, ubi sol flagrat, vel sub caniculæ ortum, nec aliunde evenit, nisi accendibilium rerum compositione; hanc tamen sedulo parabis, qualis est quæ ex his constat: Caphura paretur, inde vivi sulphuris, terebynthiae resinæ, juniperi, & vitellorum ovorum oleum, pix liquida, colophonia in pulverem redacta, salnitrum, & omnium duplum ardentis aquæ, arsenici, & tartari pusillum: hæc omnia benè tusa, & remixta, vitreo condas vase: quod per duos menses obrutum immorari oportet, finem semper innovando, & remiscendo, eodemque (ut docebimus) eliciatur aqua vase, hæc inspissetur, vel nostro pulvere (intelligit hic pulverem quem ad globos sub aquis arduentes præparare superius docuerat) vel stercore columbaceo & tenuiter cribrato, ut strigmenti formam habeat, ligna delinito (commodè etiam ut diximus in globulos, aut cubos formari poterit) vel aliqua combustibilia, & æstivis sole utitor diebus. Hæc omnia Marco Gracho ascribuntur. Vim retinet comburendi maximam columbaceum stercus. (Anserum etiam, atque anatum stercora siccata, immò & galinarum, cum summè calida sint, huic operi non inepta esse, ex propriis habemus experimentis.) Refert Galenus in Myfia, quæ est Asia pars sic domū conflagrasse. Erat projectum columbaceum stercus, in propinquo fenestram tangebatur, ut jam contingeret ejus ligna, quæ nuper illita resinâ fuerant, cui jam putri & ex calefacto, & vaporem edenti, media æstate cum sol plurimus incidisset, accendit resinam, & fenestram, hinc fores aliæ resinâ quoque illitæ, ignem concipere, & ad tectum usque submittere incipiunt: ubi au-*

tem

tem à tecto semel est accensa, flamma celeriter in totam grassata est domum, cum maximam habeat inflammandi vim.

Idem ibid: Ignem qui oleo extinguitur, & accenditur aqua, fieri si opus sit, ea sunt consideranda, quæ facilius in aqua ardent, vel in ea sponte accenduntur, uti caphura & viva calx: unde si cera, naphtha, & sulphure mixtum composueris, ignemque concipiens, ubi oleum injeceris, vel ænum extinguitur: reviviscit enim, & majorem concipit ignem infusa aqua. Hac fiunt compositione facies, quæ fluminum trajectu, & pluviosis locis non extinguuntur. Narrat Livius, vetulas quasdam in eorum ludis, accensis facibus, ex his confectis, Tyberim transisse, ut miraculum expectantibus, & cernentibus ostentarent.

Cardanus de subtilitate: Aqua solet vehementes accendere ignes, quoniam humidum ipsum quod exhalat pinguius redditur, nec à circumfuso fumo absurmitur, sed totum ignis ipse depascitur, quo purior inde factus, & simul collectus, à frigido alacrior insurgit, unde etiam ignes qui aqua excitantur, & accenduntur, constant pice navali, & Græca, sulphure, vini sæce, quam vocant tartarum, sarcocolla, halinitro, petroleo. Relatum hoc ad Marcum Grachum. Additur igitur calx viva duplo pondere, & cum ovorum luteis pariter miscentur omnia, & in fimo equino sepeliuntur.

Idem ibidem. Olei petrolei, juniperini olei, & halinitri, æquales singulorum partes; nigrae picis, pinguedinum anseris & anatis, stercoſis columbini, liquidæ vernicis, rursus singulorum tantundem; asphaltici partes 5: excipe ardenti aqua & in fimo equino sepeli.

Idem ibidem. Vernicis liquidæ, sulphurei olei, & juniperini, & olei lini, & petrolei, lacrymæ larignæ, partes æquas singulorum; aquæ ardentis tres & medietum halinitri, ligni laurini sicci, in pulverem redactorum quantum sufficit, ut omnia simul mixta, luti spissitudinem recipiant. Hæc omnia vitreo vase excipe, & in fimo equino tribus mensibus sepeli. Si igitur ex his pilæ lignis hæreant, sponte imbris accenduntur, sed hoc non omnino semper evenit. Illud autem semper evenit, ut jam accensus nullis aquis extinguatur.

Scaliger exercit: 13: Deinde reperi in libello qui doceret multa salis, multa conficere aluminis genera, ignis confectionem, qui sputo accendatur. Furibus hunc, atque latronibus maximo esse usum (adhibere eundem poterit Pyrobolista & operi bellico, quod honestum quoddam latrocinium est) Olei sulphurini, laricini, cedrini, picis liquidæ ana uncias quatuordecim. Salis petrae uncias sexdecim. Salis ammoniaci, vitrioli, tartari calcinatorum, ana uncias octo. Magnetis calcinati, calcis vivæ ex silicibus fluvialibus, ana semunciam. Sevi, adipis anatis, ana uncias sex. Aqua vitæ cooperta omnia sepeliantur in equi ventre per menses tres, in margine scriptum fuit, in aquæ sætæ ventre. Quarto quoque die conturbantur: Tum igni decoquuntur, quoad abeat liquor, & remaneat sæx. Ea vase rupto extrahitur, ac teritur. Hoc aspersa pulvere si aqua perfundatur, igne concepto ardere. Hæc ego hic posui circulatorum hostis maximus: quo & illud Ctesiae Cnidii mendacium apponere liceret. Is ex fluviali verme Indico excipit oleum: cujus illitu, aut aspersu Persarum reges sine ullo igni urbes hostium incendio absumere consueverunt.

Ælianus quoque lib: 5. Histor: Arim. cap: 3, & Ammianus lib: 23 narrat de oleo quodam apud Persas quo urbes & earum portas exurebant, quod aqua respersum violenter arderet: id autem compositum erat è Naphtha. Sed si illa narratio Ctesiae Cnidii de Oleo Persarum mendacium esse Scaligero visa est, quid ille diceret de aqua Leonhardi Frönsbergeri quæ oneratum tormentum ad distantiam 3000 passuum globum projicere posse scribit? componit autem eam ex partibus 6 aquæ Salinitri, partibus 2;

C c

Olei

Olei sulphuris, partibus tribus aquæ salis Ammoniaci, partibus 2 Olei benedicti, seu balsami. Verùm maneat penes auctores sua fides, quam nos improbare nolumus, prius quàm experti fuerimus. Illud tamen Scaliger nequaquam mendacium, aut circulatorum figmentum dicere poterat, quod nos & fieri posse credimus, & propriis experimentis comprobatum habemus; nempe materias quasdam parari posse quæ aquâ respersæ ignem concipiant, & postmodum flammam eructent, nullo adhibito igne, idq; vel maximè beneficio calcis vivæ, cui certæ portiones aliarum calidarum ignearumq; materialium admixtæ sunt: sequentes itaque duas nostras compositiones satis probatas, hîc apponimus.

I.

Salisnitri ℥ 10, Sulphuris vivi ℥ 6, Calcis vivæ ℥ 20.

2.

Salisnitri ℥ 6, Sulphuris ℥ 4, Thuris ℥ 3, Olei lini ℥ 3, Olei petrolei ʒiiij; Pulveris pyrii ℥ 8, Calcis vivæ ℥ 12, Succu ceparum ℥ 1.

Sequentes verò sunt Fronsbergeri.

I.

Sume æquas portiones Atramenti, Sulphuris, & Olei de vitellis ovorum: in frixorium fictile vitreatum omnes inditæ torreantur super candentibus prunis, ut materia spissa, confectionis alicujus instar evadat: adde postea partem quartam ceræ, & incorpora: denique serva in vesica oleo benè imbuta, & orificium cerâ probè obtura, ne eò externus aër ingredi valeat. Hanc postea materiam in aperto aliquo loco positam afflatu venti accendi posse, & aquâ pluviam respersam flammam eructare, ignemque inde progressum devastare omnia quæcunque nactus fuerit, ait ille auctor.

2.

Calcis Venetæ, Gummi Arabici, Sulphuris, Olei lini, æquas portiones in unam addito massam; quam ubi aquâ resperferis, concipiet subito flammam.

His tertiam, & quartam addere poteris Hieronymi Ruscelli Itali, compositiones lapidis qui sputo, vel aquâ respersus accenditur: Sume Calcis vivæ, Tuthiæ non præparatæ, Salisnitri multoties juxta modum nostrum posteriorem clarificati, Lapidis Magnetis, ana partem 1; Sulphuris vivi, Camphoræ ana partes 2: terantur subtilissimè, cribrenturque omnia: postmodum reponantur in olla nova fictili angusta: hæc vero mittatur in crucibulum satis amplum, quod altero simili contegatur, & filis ferreis vinciantur, atque commissuræ luto sapientiæ stipentur, ut nulla sit relicta respiratio: tandem ubi lutum exsiccatum fuerit, reponantur illa crucibula in calcaria, aut lateraria fornace, & igne vehementi exurantur: extrahantur postea unà cum calce, aut lateribus ad sufficientiam coctis, & ruptis vasis eximatur lapis.

Altera ejusdem hæc est: Sume Balsami, seu olei benedicti ℥ 1, Olei lini ℥ 3, Olei de vitellis ovorum ℥ 1, Calcis vivæ ℥ 8: misce omnia simul & incorpora. Quicquid hac materiâ illitum fuerint, absq; ullo extinctionis suffocationisq; flammæ remedio, conflagrabit, ubi vel minimùm materia imbre respersa fuerit. Hujus compositionis inventio adscribitur Alexandro Magno.

Plura eadem de re videantur apud dictos auctores. Nos tantùm monemus, istas materias ubi primùm probatæ fuerint, variè rebus Pyrotechnicis adhiberi posse: namque præter illud de quo superius diximus, intervenient etiam ignibus ex aqua excitandis: si videlicet pontes ligneos exurere velit quispiam: fieri autem id poterit, si navicula quædam, vel cista ex ligneis compacta tabulis, & ferro benè munita, Granatis ingentibus pulve-

re

re instructis onusta, & inanibus inter Granatas, quapiam ex illis materiis repletis, demergatur in aqua: hoc observato, ut & navicula, vel cista illa desuper tecta, & pice illita sit, unicâ duntaxat per exiguâ relictâ rimulâ, per quam humidum in materiam instillet: tum postea ejus ponderis corpus illud totum esse debet, ut æquali aqueæ moli æquiponderet, propter rationes & jam alibi dictas, & ut secundo flumine ad pontem deferatur, appellatque: ubi tandem retinaculis quibusdam artificialiter paratis impedita, defixa hæreat, quoad Granatæ à materia ignescente accendantur, pontemque dejiciant.

De naviculis ejusmodi sub aqua natantibus, vide Marinum Mersennum in corollario 2 prop: 49 Hydraulic: & lib: 2 Art: Navigandi: atque Harmon. prop: 6. monito 5: Unde plurima ingeniosus Pyrobolista petere poterit; ususque suis accommodare; nobis verò vel digitum saltem intendisse sit satis:

CAPUT IX.

De Globis Lucentibus,

Monstravimus superius in part. 2 hujus lib: cap 3. corol: 1 modum conficiendorum globorum lucentium, quales ignibus artificialibus recreativis inservire solent; nunc secundi generis, militarium nempe, seu bellicorum globorum lucentium species quædam explicandæ sunt; sit itaque.

Species 1.

Solve super candentibus prunis in vase testaceo vitreato, vel æneo, æquas portiones Sulphuris, Picis nigræ, Picis resinæ, & Terebynthiae. Sume postea globum lapideum aut ferreum, cujus diameter minor aliquanto sit diametro tormenti, aut mortarii, quibus globus lucens inservire debet: hunc projice in materiam liquefactam; utque primum eâ circumdatus illitusque fuerit; extractum volutato in pulvere pyrio granulato. Contegito postmodum totum telâ gossypinâ; & rursus in eandem mittito, materiam; atque ut ante fecisti, fac similiter, volutando nempe globum in pulvere pyrio, atque telâ gossypinâ cooperiendo: quod eò usque iterandum, quoad globus eam nanciscatur molem ut orificio machinæ congruat: Ultima tamen crusta globi, ex pulvere granulato sit. Hoc modo præparatus absque ullis involucris nudus super pulverem in machinam ad ejiciendum globum inditum, ponatur, explodaturque quo lubuerit. Vide Fig: Num: 155 sub lit: A & B.

Species 2.

Sume Salisnitri clarificati juxta modum nostrum posteriorem partem 1, Sulphuris partem 1, Auripigmenti partem 1, Picis duræ navalis partem 1, Colophonix partem semis, Vernicis in granis seu Gummi juniperi partem 1, Thuris partem 1: tunde, & tere omnia subtiliter, atque incorpora: Sume postmodum Terebynthiae partem 1, Pinguedinis vervecinæ partem 1, Olei petrolei partem semis. Mitte omnia in vas aliquod fictile, vel æneum, & liquecant lento igni: ubi verò liquefacta fuerint, affunde illam superiorem compositionem, & benè incorpora cum pinguedinibus liquefactis. Injice tandem magnam copiam stuppæ lini aut cannabis, vel gossypii, &

C c 2

misc

misce cum materia liquefacta, globosque lubitæ magnitudinis ex ea præparara. Hos postmodum accensos manu projicere poteris in hostem ad radicem valli existentem, assultumque meditantem; vel vineam in fossa, aut cuniculos in propugnaculo struentem: & sic facile dolos ejus quos nocturnarum tenebrarum beneficio, in tuam, tuorumque comilitonum, & fortalitii perniciem molitur, facile deteges. Sed neque illuminant duntaxat isti globi, immò vehementer adurunt etiam omnia illa super quæ delapsi fuerint.

Rursus si necessitas postulaverit poteris ex eadem stuppa majores quoque juxta tormenti aut mortarii alicujus vacui amplitudinem conficere globos, quos (quemadmodum & illum prioris speciei) ex fortalitia in hostem è longinquo fossas appropinquatorias ducentem, cæteraque obsidionalia opera fabricantem explodere poteris; ut claram spargentes flammam, faciant ea palam quæ nubila & obscura nox contegit, campumque circumjacentem illuminent, ut illis postmodum eas obviam quæ tibi noxia fore videbuntur: Verùm majores globi funiculis, vel filis ferreis, cupreisvè, retis in modum contextis, firmissimè ligandi sunt, ut eos pulveris impetus non dissipet, displodatque per aëra; sed firmiter cohærendo comburantur totaliter.

Si illa compositio sumptuosa nimium esse tibi visa fuerit, sequentem eidem operi commodè adhibere poteris.

Sume Sulphuris ℥ 10, Picis nigræ ℥ 4, Colophoniz ℥ 1, Salisnitri ℥ 2, Sebi ℥ 2; liquecant in vase aliquo super candentibus prunis. Adde postea carbonum ℥ 1, misce bacillo ut omnia benè incorporentur. Remove tandem ab igne vas cum materia liquefacta, & pulveris triti appone ℥ 3, per intervalla affundendo, & bacillo miscendo. Hac materiâ, ut prius stuppam imbues, & globos præparabis.

Vel fume Colophoniz ℥ 1, Sulphuris ℥ 3, Salisnitri ℥ 1, Carbonum ℥ 1, Antimonii crudi pusillum. Cum hac compositione idem facies, quod fecisti cum alijs: auctor hujus compositionis est Fronspergerus, à quo etiam Brechtelius descripsit.

Species 3 & 4.

Possunt iidem lucentes globi lehtalibus etiam quibusdam flagris infarciri, ut non luceant modò dissipentq; tenebras; sed & ut accedentibus ad suffocandum sint infesti: quemadmodum & in illa decantatissima totoq; orbe celeberrima obsidione Ostendana à Confederatis Belgis factitatum fuisse testatur Diegus Ufanus suæ Artilleriæ tractatu 3, cap. 20. Ubi ex civitate obsessâ plurimi lucentes globi (juxta inferius dicenda præparati) in obsessores projecti, non paucis salutis & vitæ fuere dispendio: vixque tandem serò multis aliorum edocti damnis, sapere cæperunt Phruges, globosque noscere Pyrotechnicos. Præparandi verò ejusmodi globos facilis admodum ratio, si nempe vel Granata manualis glandibus plumbeis stipata, aut major quæpiam alia (idque juxta tormenti aut mortarii orificii amplitudinem) vacua primùm (inserto in ejus orificium bacillo tereti, qui postmodum extrahi possit) stuppâ liquefactâ imbutâ materiâ, dum calida est, circumdetur undique ad unius duorumvè digitorum crassitiem: postmodum ablato bacillo impleatur sinus pulvere granulato, & vacuum illud quod bacillus occupabat, eadem stuppâ obturetur: atq; quoad frigescat in pulveris farina volutetur: tandem ut sæpius dictum, funiculis, vel ferreis, cupreisvè filis vinciatur.

Vel

Vel etiam hoc modo non ineptè præparari poterunt iidem globi. Sume ictus ferreos aliquot, pulvere granulato glandibusque instructos, cujuscunque tandem ex supra datis speciei, & ferreis vel cupreis filis, tribus, vel quatuor simul colligatis eum in modum, ut orificia alterno, permutatoque ordine modò in hanc, modò in illam partem situentur; postmodum in sphæræ radiosæ, id est in multos radios quaquaversum dispartitæ, aut erinacei seu echini convoluti formam, dispositi, vinciantur firmissimè. Inania inter ictus expleantur pulvere trito cum aqua ardenti, in qua prius gluten commune, vel gummi quodpiam solutum fuerit, subactò; ita ut corpus illud sphæram completam referat. Siccescat in sole postea vel hypocausto calido, & telâ lineâ, vel gossypinâ contegatur: denique stuppâ juxta superiorem methodum præparatâ, loriceretur, ad requisitam crassitiem magnitudinemque. Vide plura de ejusmodi globis apud Diegum Ufanum Artill. tract. 3, cap. 20, 21. Hanzeletum Artill. pag: 187, & 211. Brechtelium Artill. par: 2, cap. 1 & 4. Fronspergum Artill. part. 2. pag: 194 & 196: Ubi etiam docet parare globum, qui & ea in quæ deciderit vehementer adurat, & tribulorum muricumque vicem præstet: estque ejus parandi ratio juxta mentem auctoris ista: Impinguntur stili ferrei acutissimi, plurimi numero in globum ligneum, quaquaversum per ejus superficiem disseminati; & ita dispositi, ut eorum partes inferiores, quæ in ligno defixæ hærent, centrum globi spectent, superiores verò divaricentur, ut cacumina uno duobusvè digitis à se invicem distent. Et hoc modo si omnes æqualis fuerint longitudinis, & æquales portiones, in ligno lateant, (quod etiam omninò requiritur) æqualesque portiones extrorsum promineant, aculeatum in pilam convolutum referent erinaceum. Postmodum inania inter stilos explentur stuppâ canabis, vel lini, in materiâ liquefactâ demersâ, & sufficienter saturatâ; idque juxta superiora; ita tamen ut ad altitudinem semidigiti super stuppam emineant aculei, maneantque integri; reliqua ex ipso auctore petenda. Præter dictos vero jam auctores videri possunt plura de iisdem globis apud Hieronymum Cataneum in Examine Artill. pag: 37. Hieronymum Ruscelli in præceptis militiæ modernæ pag: 11, 32, & 33. Eugenum Gentilini in Instruction: Artill. cap. 60, & alios.

CAPVT X.

De Globis obcæcantibus, seu vehementem eructantibus fumum: quos Germani *Dampf & Blend-kugeln* vocant.

Plurima persæpe tenebrarum beneficio, ut in cæteris occasionibus, tum vel maximè in re bellica præstari solent. Missas hîc facio obscuræ noctis tenebras, ut pote naturales; sed de artificialibus nunc mihi sermo est, iisque duntaxat, quæ juxta artis nostræ regulas ad modicum tempus, & in loco angusto, parabiles sunt, idque ad ob umbrandum lumen eorum qui vel in fortalitium vi irrupere & nos aggredi, ac vitâ bonifque omnibus spoliare volunt: Vel è converso, ut oppugnatoribus facilior occæcatis propugnatoribus ad fortalitium pateat accessus; ut sic illi miseri tanquam in turbida aqua non sibi constantes capiantur pisciculi. Parantur itaque ad tale opus globi qui in magna copia, acrem eructent, generentque in ardendo fumum, hac sequenti methodo: Sume Picis duræ navalis 4,

Cc 3

Picis

Picis liquidæ, quam Betulloseum dicimus, ℥ 2, Colophoniæ ℥ 6, Sulphuris ℥ 8, Salisnitri ℥ 36: hæc prius liquefiant super candentibus prunis in vase aliquo: addantur postea carbonum ℥ 10, Serraginis pineæ vel abietinæ ℥ 6, Antimonii crudi ℥ 2; & unâ benè incorporentur. Injiciatur postmodum stuppæ cannabis aut lini bona quantitas, & cum illa compositione misceatur: parenturque globi ejus magnitudinis, quæ videbitur, ut nempe vel manu, vel machinis projici possint quò lubuerit. Cæterùm observentur illa omnia quæ superius de globis lucentibus à nobis dicta sunt.

Et hic est modus obscurandi diei solisque lumen, & nubilæ obumbrationis prætendendi vaporem hostilibus oculis, ad pusillum temporis intervallum, proprius atque licitus, quia ad rerum naturalium vires suam refert originem; justusque satis, si belli quoque justa fuerit causa. Illicitos porro idem præstandi modos, ab arte nostra exclusos, proscriptosque è finibus Christianæ militiæ volumus: Infames namque illi sunt, quia immundorum spirituum incantationibus, cæterisque nephariæ, ac Deo, & rectæ mentis hominibus invisæ superstitionis (nec enim artis nomen meretur,) Goeticæ, & Theurgicæ imposturis denigrati. Horret animus referre ea quæ oculis nostris persèpe spectavimus à Tartaris, Moscovitis, nostrisque Kozacis dæmonum adjutis ope, præstita. Et ut cætera eorum nefanda præteream scelera, quæ hujus infernalis disciplinæ freti regulis patrare solent: in concirandis procellis, tempestatibusque aëreis, & obscurantibus lucem, visumque impredientibus, etiam ad paucorum passuum distantiam objecti alicujus, nebulis, & fumosis exhalationibus, adeo perfecti sunt artifices, ut Zoroastrem Persam, immò Plutonium ipsum cum omni suo consistorio doctorem habuisse videantur. Sed quemadmodum Divinâ ope destituti hæc talia exercere solent phantasmata, quorum mox nullum remanet vestigium, ita iniqua eorum tela, quæ in innoxium diffundendum contorquent, vibrantque sanguinem, in propria reflecti capita, præter plurima exempla, quorum annales patriæ meæ pleni sunt, sufficiet unicum argumentum mirabilis illius, & solius planè Divinæ manus auxilio de occurrentis Tartarorum Crimensium, Perecopensiumque millibus relatæ victoriæ An. 1644 ad pagum Podoliæ Ochmatow: ubi barbara illa gens, & magicis illicitis dedita artibus, postquam tartarea recitasset carmina, illicò tam vehemens oborta est nebula, ut clara dies in obscuram noctem, perverso ordinario rerum cursu, transmutari videretur: exigua porro numero, sed copiosa satis animi corporisque viribus, nec aliud nisi vincere docta militum nostrorum manus, cum terribili illo quondam bellorum fulmine, Stanislaus Koniecpolscio, exercituum Regni Poloniæ summo duce, repentinis involuta tenebris, errabunda per patentes camporum planicies, & multorum milliarium emenso itinere, vix tandem reperit eos, quos tam sedulò ad concondignam latrocinio, & tot patratæ damnis, vindictam quærebat. Nec vana profecto erat spes nostrâ quam in Divini numinis posueramus auxilio: illicò enim, ut in nostrum illi latrones prædonesque venire conspectum, aureus resplenduit sol, & dissipatâ densarum nebularum caligine, sub cujus pallio in miserbrum agrestium illi excursores sæviter grassabantur viscera, diem restituit; ut sine mora sentiremus præsto esse invictam opem Dei potentissimi. Et ut breviter complectar omnia, quæ ante me alii fusiori explicuere stylo; venimus, vidimus, vicitque D E U S.

CAPVT XI.

De Globis Venenatis.

Inter plurimas cæteras veterum Germanorum militares ordinationes, & regulas, ad quarum observationem omnes arti Pyrotechnicæ nomen daturi jure jurando obstringebantur, erant quoque & istæ: (ut Franciscus Joachimus Brechtelius Artil. par. 2, c. 2, refert) ne videlicet erumpentes & volatiles, percutientesq; pararent ignes; noctu tormenta non exploderent; clandestinos nullibi locorum reponerent ignes; atque globos venenatos, aut alia ejusdem generis Pyrobolica opera, non construerent, eaque in hominum usurparent perniciem: Existimabant enim illi, ut cæterarum incorruptæ militiæ inventionum, sic & artis nostræ auctores, iniquum id, & homine verè militari indignum esse facinus, cum mille modis aliis hosti nocere possit, clandestinis quibusdam, occultisque, latronum prædonumque more, armis eum impetere. Sed nec armorum vocabulum ulli beneficio quod hominem vitâ spoliât, ex æquo congruere potest: infernalium quippe Cyclosum hæc tela sunt, quæ agyrtæ, aliptæ, verpi, præstigiatores, incantatrices aniculæ, aliique ejusdem sectæ nebulones, animarum suarum pretio comparata, in incautos, jaciunt, destinantque mortales. Cumque hæc talia Divinis & humanis legibus in statu civili summè prohibita sint, & gravissimæ penæ in eos sancitæ, qui venenis, incantationibus, malisq; artibus abutuntur ad suam libidinem explendam; quanto magis in militari observanda hæc forent, qui non illicitæ licentiæ, nec fædæ dissolutionis; sed omnis honestatis, veræ fortitudinis, inconcussæ magnanimitatis, integerrimæ probitatis, cæterarumque virtutum theatrum, & palæstra est. Occulta tamen arma, quæ nil nisi artificiosæ quædam, & quas militaris scientiæ non vulgaris peritia, solersque suggerit, ingenium inventiones ac stratagemata sunt, non improbamus ullatenus, nec illicitis artibus annumeramus: cum ea & à celeberrimis bellorum ducibus persæpè usurpata, laudataque esse constet; & nosmetipsi quædam ex illis hoc opusculo doceamus: sed eam hostibus nocendi rationem, quæ globis venenatis mediantibus præstari potest, nostris inventiunculis non libenter annumeratam vellemus: cum & bonum militem, (ut superius diximus,) & verum Christianum, minimè deceat proximum venenis tollere è medio viventium: sufficiunt namque tot ac tam varia, tam vehementia, & mirabilium effectuum, telorum armorumque genera, quorum prima illa ætas (quam auream, & sanctam, omnis malitiæ fraudumque expertem fuisse ajunt,) rudis erat; sed ea post modum indies crescentibus malis, pugnacia ad sui generis extirpationem invenère ingenia. Sufficiunt inquam illâ, quæ bonâ conscientia in hostile detrimentum atque perniciem adhibere possumus.

Cæterum quantum ad exiguam, anteaquæ ætatis rerum in bellis gestarum, conscriptarum historiarum lectionem, memoriam referre possumus, nil tale nobis occurrit, quod exoptatum ejusmodi globorum effectum in hoc vel alio loco, convincat: & revera, quantumvis Christianis, non contra Christianos, sed contra infideles Turcas, Tartaros, & alios gentiles, & Christiani nominis hostes juratos (quos ob hoc unicum è proximorum numero excludere possumus) usum ejusmodi globorum, & antiquitus licuisse, & nunc licere concedamus; perfectum, & realem non video modum, quo

quo tales globi in obsessos in loco aliquo, aut è converso ab his in obsessos projecti, tantum damni asferre valeant, ut quasi pestilentiae cujusdam malo correpti, obrutique mortales, irremediabiliter extinguantur. Suffumigationes quidem venenatas (quod & globis ejusmodi proprium esse debet) maxime hominum sanitati officere, à medicis, & experientia habemus. Sed id nihilominus in loco quopiam angusto, desuper & à lateribus tecto & occluso, præstari potest; quomodo autem in aëre libero & aperto, (qualem hinc civitatem quandam obsessam, aut fortalitium intelligimus) effici queat, difficile profecto certi aliquid pronunciare. At tamen si ea quæ sentimus liberè dicenda sunt, sequentia annotare visum est: quæ quidem experientiâ assequi non licuit; sed ex rerum naturalium aliquantula habemus notitia: inservient verò hæc non contra fidem, sed in eos qui oppugnant fidem.

Fæcunda profecto mater omne malum est: ita ut unum malum, mille mala; unum scelus, mille scelera gignere soleat. Non sat erat perditum ingenium hominem reperisse arcum & sagittas (quod tamen divinum inventum veteres credidère: quemadmodum Diodorus Siculus Apollini id tribuit: Plinius uerò Scythæ Jovi filio) in commune humani generis malum; sed peiores multo qui postea secuti sunt, venenis quoque tinxere spicula. Hæc de re plurima apud Auctores videre est testimonia: & præter cæteros apud Plinium lib. 12, cap. 53, de Scythis; Paulum Æginetam lib. 6, cap. 88 de Dacis & Dalmatis; Theophrastum lib. plant. 9, cap. 15, de Æthiopicis; & generaliter de Barbaris apud Dioscoridem lib. 6, cap. 20. Virgilius quoque Æneid. 9 hunc in modum:

Ungere tela manu, ferrumque armare veneno

Et lib. 10:

Vulnera dirigere, & calamos armare veneno

Et lib. 12:

*Non secus ac vento per urbem impulsæ sagittæ
Armatæ sævi Parthus quam felle veneni
Parthus sive Lydon telum immedicabile torfit*

Silius quoque lib. 1:

Spicula quæ patrio gaudens acuisse venena

Atque Ovidius lib. Trist. 3:

Nam volucris ferro tinctile virus inest

Homerus etiam Odiss. 1:

Φάρμακον ἀνδροφόνον διζήμενός, ὅφρα εἰ ἐν τῷ χεῖρεσσι

Hoc est:

Pharmacum mortiferum quærens, ut ei esset unde sagittas oblineret.

Hoc itaque malum à primo malo suam repetens originem, genuit novum jam avorum parentumque nostrorum ætate, se suæque matre pejus malum: ut nunc non uno mortis genere, sed triplici, mori necesse sit: perimus ferro aut plumbo, veneno, & igni. Hæc quidem inventoris ignei nostri pulveris erat culpa, quod ignis vi ferrea, vel plumbea tela in hostem vibrare docuisset; sed pessimum hominum genus, venenum quoque addidit; quasi illa earum non essent virium, ut unico duntaxat momento, hominem vitâ spoliare possent. Hinc nostri globi vevenati à Pyrotechnicis; hinc glandes plumbeæ venenis imbutæ, à modernis sclopetariis adinventæ. Sed priusquam de illis dicamus aliquid, quâ ratione hæc venenis infici possint, judicium nobilis Medici Josephi Quercetani in libello sclopetario audire lubeat: *Ut igitur huic quæstioni non absurdè respondeamus, ingenuè fateor plumbum quidem*

dum per se & simpliciter in sua natura consideratum, nullam posse venenatam in-
 se re plagis illis qualitatē, nisi forē venenum extrinsecus adhibeatur: quod facile fa-
 ci u esse nemo negaverit. Neque enim cuiquam dubium est, quin plumbum (quamvis
 corpore suo grave inter cætera metalla & terreum sit) tamen & rarum & spongio-
 sum sit, quemadmodum Philosophi omnes fatentur, quippe quod constet ex sul-
 phure impuro, & combustibili: magnaue crassi mercurii copia impuri & sæculenti
 (quæ tantæ in fundendo facilitatis, & raritatis & molliciei causa est) ac propterea
 facillimè quovis liquore imbuatur. Quod si etiam ipsi ferro multò densiori, solidio-
 ri, minusque poroso (quippe in quo minima mercurii copia sit) tribuitur, ut etiam
 venenatam aliquam qualitatem recipiat, dubium nemini esse debet quin plum-
 bum propter causas superius expostas multò facilius, venenatam illam quali-
 tatem admittat, cujus quidem rei varia apud auctores testimonia reperiuntur
 &c. Inferius paulo: Neque ad rem pertinet, si quis neget plumbum suam in fun-
 dendo crassitiem exuens, alterius generis substantiam admittere. Sic enim natura
 fert, experientiaque comprobat, metalla omnia per ignem purgari, terramque sæcu-
 lentam, sive sulphur impurum exuere: eademque operā multò puriora in sua substan-
 tia evadere. Hac eadem arte fiunt præparationes cupri, stanni, atque adeo ferri:
 quod per ignitam fusionē sæces ac sordes suas exuit, atque in imum abjicit, quodque
 in eo purius ac syncerius est, quod Chalybs appellatur, remanet, ut & Meteor: cap:
 6 Aristot: testatur. Et si autem horum metallorum imperfectorum proprium sit,
 crassitiem & sordes suas per vim ignis exure (quemadmodum supra dictum
 est) nihilominus tamen substantiam quandam à natura sua alienam imbibunt.
 Cui namque dubium est, quin Chalybs inter ea quæ solidiora sunt, substantia qua-
 dam planè contraria temperetur atque inficiatur? Quis dicet acetum, fuliginem,
 salem, aquam pilosellæ, aut lumbricorum (raphanorum succo permixtam) esse sub-
 stantiæ ferreæ? At ferrum in illum succum sæpius immersum ac restinctum, adeo
 indurescit, ut vix quisquam nisi re ipsa sit expertus fidem sit habiturus. Idem ex
 contrario mollescit extinctum sæpius in succo cicutæ, saponis & althææ. Quod i-
 dem: quoque stanno usu venit atque etiam plumbo: quæ fusa & sæpius in succo squil-
 læ restincta sic afficiuntur, ut illud stridorem exuat, hoc verò mollitiem & nigredi-
 nem, quod fieri non posset nisi aliquid ex ipsius temperationis spiritu & virtute reti-
 nerent. Perspicuum est igitur illa quamvis per ignem purgentur, & crassitiem
 suam exuant, tamen alterius etiam generis substantiam facile posse imbibere.
 At qui absurdum esset existimare spirituum metallicorum, quæ generis ejusdem
 sunt, mixtionem eò facilius fieri non posse. Sic enim videmus cuprum, tingi
 & flavescere, per calaminæ & tuthiæ spiritum: rursus idem albescere per ar-
 senici, auripigmenti, & aliorum quorundam spirituum. Unde commodè con-
 cludetur: si metalla (ex quibus generaliter glandes & globi conficiuntur) ac
 præcipuè plumbum natura sua spiritualem substantiam quæ sui generis sit, re-
 cipiant (ex qua veluti ex tam variis aquis mercurialibus fætidis, & lithife-
 ris, quæ componi solent adhibendo succum Aconiti, Napelli, Squillæ, Ta-
 xi, Apii risus, & similium simplicium, venenatarumque bestiarum, quæ pro-
 pter substantiæ suæ dissensionem substantiam nostram lædunt & corrumpunt)
 mixtiones venenatas inde confici, atque plagas reddi istiusmodi veneno ita
 complicatas, ut solo trajectu ac transmissu notas ejus veneni periculosissimas re-
 linquant, nisi maturè opportunum remedium adhibeatur. Nam experientia
 nos docet multas hodie reperiri mixtiones, adeo venenatas, & pestíferas, ut
 si in iis acies sagittæ temperetur, qua vulnus fiat, & sanguis profluat, quam-
 vis sagitta non adhærescat, sed velocissimè transmittatur; tamen venenum a-
 deo subtile esse & pestiferum, ut sensim à minoribus venis ad majores serpens,
 atque inde ad præcordia progrediens, confestim vulneratum interimat. &c.

D d

Rur-

Rurfus de eodem : *Verum ut ex hoc diverticulo in viam redeamus concludimus globulos infici veneno posse , non infundendo venenum in foramen aliquod datâ operâ factum , quemadmodum non nullis placere video: sed immergendis globulis , atque aliquoties extinguendis in illis aquis mercurialibus, & succis lethiferis : à quibus illorum substantia alterari & corrumpi potest , inficereque atque imbueri maligna illorum qualitate plagas (tanta illorum subtilitas est) quantumvis velociter ipsi globuli transmittantur. Quod vet ex iis liquet qui hanc in bestiis experientiam animadverterunt : quam rationibus aliquot confirmare instituimus in eo libro de antidotis , cujus paulò supra mentionem fecimus. Verumtamen ut concedamus globulum velociter per corpus permeantem tam celeriter venenum suum imprimere non posse : at certè tamen frequenter usu venit , ut in plaga satis diu globulus lateat , neque deprehendi à chirurgo possit.*

Venenum autem quod in illo globulo latet (qua dere dubitaturum neminem arbitramur) an non interea satis habet temporis ad partes læsas inficiendas ? Nam quo magis ex spiritali & subtili substantia compositum est (quemadmodum superius demonstravimus) eò celeriores sunt ac subtiliores ipsius effectus : vaporeque suo maligno , per venas, arterias , & nervos infuso , spiritus naturales , vitales & animales inficit : quos contrarietate & pugnancia quadam suffocat , per eosdem se permiscens : unde vita hominis extinguitur , quæ in virâ & idonea ipsorum actione consistit, Hæc eadem venena quò magis subtilia & communicabilia sunt , eò perniciosiora esse solent , quemadmodum ex viperarum , aliarumque venenatarum belluarum morfu licet animadvertere &c.

Hæc de modo quo glandes plumbeæ & cæteri globi venenis infici queunt, & quomodo illa per corpus humanum diffusa, vitales extinguant suffocentque spiritus, ubi tales globi in corpus quodpiam destinati fuerint , illudque pertransiverint, patet ex dicto auctore.

Pyrotechnicorum porro venenatorum globorum tum ex veterum, tum ex nostra sententia conficiendorum, hæc ratio esse poterit. Sume Aconitum Lycotomū quod Italis *Luparia*, Germanis *Wulff-vurtz* dicitur, & Napellum qui radicem retis instar habet, estque hic aliis speciebus multò venenatior. Expresse succum prelo aliquo; præcavendo diligenter ne nudis eum tangas manibus. Expressum effunde in pateram vitream, non admodum grandem, & capacem: eamque statue in sole mense Julio per diē integrum quousque sol lucet & urit: jam verò ubi occiderit, serva eam in cista aliqua cooperta, in loco calido posita, qui etiam omni odore alii aut ceparum, aliorumve acrium spirituum, vacuus sit; deperderet enim ille succus plurimum sui vigoris. Die sequenti orto sole expone rursus, & obverte soli pateram: postmodum fac idem quod fecisti antea, & continua idem opus per decursum mensis integri; habebisque materiā venenatam densatam spissatamque: unguenti in modum: Sed moneo, ut cum cistam in qua pateram asservare soles aperis, vel occludis, per horę semissem apertam manere sinas, nequid forsā vehemens ille venenatusque odor spiritus naribus attractus, & intrò receptus, sanitati tuæ afferat damni.

Sume præterea Rubetas tres vel quatuor, illas quæ in vepribus vivunt, ac veluti tuberculis dorsum exasperant; suntque prægrandes & variis depictæ resperæque coloribus, has vocant alii bufones: hæ nocentiores, tantoque erunt magis lethiferæ, quantò in opacioribus & frigidioribus vitam degerint sylvis & arundinetis; multum enim istæ venenis infames sunt. Habeas quoque vas quodpiam æneum infundibuli in modum, amplum satis, ut illas Rubetas capiat, & ut commodè omnes intrò stare possint: sitque desuper co-

oper.

opertum, & commissuræ vasis & operculi pyxidiatæ sint, supernèq; ansulam aptatam habeat operculum. Ad latus quoq; in hemisphærium concavum magnitudine semissis mali aurei abscedat protuberetq; illud vas, idq; eo modo, ut quasi præsepe quoddam, vel urceolus propendeat extrinsecus, & planum circuli hemisphærii horizonti parallelum sit: fiat etiam rimula quædam per exigua super urceolo, per quam lumen in interiora admittatur. Urceolum reple oleo Scorpionum, & Rubetas impone, atque operculo firmiter vas occlude. Tubulus infundibuli illius intret in phialam vitream; & hæc in catino aquâ frigidâ pleno situetur. Hisce rite peractis, pone in omnem circuitum vasis illius flagrantès carbonès, non tamen propè nimium, sed ad distantiam unius duorumvè palmorum; ut hoc modo lentè vas in caleſcat, & intrò callorem communicet non vehementem: quem ubi senserint Rubetæ, voment illicò, & lotium reddent, & sic de fastigati, & sudantes, ac propter insolitum & nunquam antehac expertum calorem sitibundi, ebibent oleum illud in urceolo contentum, ut sitim restinguant: tum postmodum evoment totum virus quod in se habuerint: hoc autem per tubum vasis defluet in phialam, canalem recipientem. Gradus caloris unus idemque qui erat à principio ad minimùm per horas quatuor continuetur, sitque immutabilis: tum necesse erit ut imperfectum opus ad sequentem diem relinquatur, expectandumque quoad ventus spiraverit; cui tergo obverso, & ad intervallum passuum aliquot à vase consistendo, hastâ satis longâ tolles operculum, inserto in ansulam operculi, cuspide hastæ, maneatque sic apertum vas illud per quatuor vel quinque horas: denique securè ad auferendum venenum in phiala contentum accedere poteris. Hoc postmodum, ut etiam & illo succo ex herbis expresso, materiam quam ad globos ignitos replendos adhibere soles, resperges largâ manu, atque globum onerabis.

His addere poteris succos expressos ex herbis sequentibus, lethiferis atque venenatis: Anemone, Bulbo agrestis, Cicuta, Herba impatientis, Hyosciamo, Malis insanis, Mandragora, Napello albo & cæruleo, Pede asferino, Pulsatilla, Ranunculo, Solano lethali, Squilla, Taxo, Apio risus, & aliis hisce similibus simplicibus.

Pulveres quoque isti eidem malo inservient: Mercurius sublimatus, Arsenicum album, Auripigmentum, Cinnabaris, Minium, Litargyrium: nec non etiam menstruum fæminarum, bilosarum & sterilium, cerebrum muris, cati, & ursi, spuma canis rabidi, & sanguis vespertilionis, oleum in quo multi aranei domestici extincti fuerint, Mercurius vivus, Diacrydium quoque, Colocynthis, Euforbium, Veratrum utrumque, Gravis thymelea, Cataputia, cortices Ezulæ, nux vomica, & plurima alia.

Pulverem quoque pyrium cuius fumus venenatus sit, hoc pacto conficere poteris: Rubetam in salenitri sepeli, ac per mensis dimidium sub fimo equino detineto, exime postmodum, & cum sulphure, carbonibusque compone, ut supra dictum. Vel etiam super candentibus prunis liqueſcat salnitri in vase aliquo, ad hoc opus commodo; injice postmodum plurimos araneos domesticos, ut illic emoriantur, virusque effundant; poteris etiam arsenico respergere salenitri, bonamque ei admiscere quantitatem & incorporare, ac more solito pulverem pyrium parare.

Nota I. Commodius forsan foret, si & succos illarum herbarum vel folia, & radices non benè ficas, sed paulò vietas, & marcidas; nec non & reliquas venenatas materias illi compositioni quam ad globos fumosos superius præscripsimus, immisceas; & juxta modum illic descriptum globos conficias.

ficias. Cortices etiam exteriores betullæ addere poteris: ista enim omnia densum spissumque generant fumum: & illarum herbarum radices, vel folia ubi paulò humida fuerint, idem præstant: & fumus ex illis prognatus, cum multum in se aquæ contineat, tantò minus ascendet versùs superiorem aëris regionem; sed humiliter à terra elevarus, per civitatem grassabitur; & in interiora etiam domorum ingredi poterit: eam quoque ob rem per opportunum ad tales ejiciendos globos tempus erit, cum cælum nebulis & caligine obductum est; cum pluit, vel ningit; nox quoque obscura & in tempesta, huic operi per quam commoda; quod illis temporibus vicina nobis aëris regio crassior, densiorque sit, & eam ob causam difficilis est ad penetrandum ascendendumque fumo venenato; quàm aliis, cum sol lucet, & sudum cælum est.

Nota 2. Istibus quoque quàm plurimis hujus generis globi instrui poterunt, ut tantò difficilior opprimi queant.

Nota 3. Diligenter animadvertendum, ne id quod in alterius destinatus damnum, in tuam propriam reflectatur perniciem: quapropter, extima globi superficies pulvere non venenato respergatur; & stuppa eodem etiam malo vacua ultimam in globo faciat crustam: aut si in saccum more globorum ignitorum indideris venenatam compositionem, tubum ferreum lentà onerabis materiâ.

Reliqua ingeniosus comminiscetur Pyrobolista: sed neque malum omne manu ductore, aut magistro opus habet: industrium quippe & solers est ex sua natura: ac tum vel maximè, cum generis sui promovendi opportuna sese offert occasio. Moneo tamen (quod & antea feci) ita hæc talia in hominum extirpationem esse adhibenda, ut & in hac misera quam vivimus vita, & in illa cujus adventum præstolamur, facti nos nostri non pæniteat unquam: non pænitebit verò si memores semper fuerimus, amorem proximi, Divini comitem esse amoris: & omnium actionum nostrarum Deum nos habere spectatorem, qui par pari reddere poterit.

CAPVT XII.

De Globis Fætidis.

Globis venenatis fætidis quodammodo subalternantur; liberius tamen licentiusque (dummodo hosti omnibus artibus nocere litum sit) isti adhiberi poterunt, quàm illi quos jam descripsimus: cum hisce mediantibus molestia tantum quædam, ob intolerabilem odoratum humano factorem, obsessis inferri soleat: nec nisi longo postmodum tempore infectio & corruptio aëris sequatur; cætera verò cum globis reliquis artificialibus Pyrotechnicis communia habent: parandorum verò ejusmodi globorum hæc methodus & ratio est. Sume picis nigræ ℥ 10, Picis liquidæ ℥ 6, Salisnitri ℥ 20, Sulphuris ℥ 8, Colophonix ℥ 4: indita vasi testaceo vel æneo liquefiant lento igni: injice postmodum carbonum ℥ 2, scobis ungularum equorum, mulorum &c. ℥ 6, Assæ fætidæ ℥ 3, Sagapei (quod Itali Saracenum putidum vocant) ℥ 1, Spathulæ fætidæ ℥ β: misceantur incorporenturque optimè: postmodum injecta stuppa lini vel canabis, absorbeat omnem materiam, & cum calida est, fiant globi lubitè magnitudinis: Reliqua peragantur juxta illa quæ superius de præparandis globis luculentibus, fumosis, venenatisque diximus.

CO.

COROLLARIUM.

Malo odore aërem in quo spiramus vehementer corrumpi; ex fætida corruptione lethalem, atque inevitabilem pestilentiam progredi, quis ignorat? Profectò obsessa civitas quæpiam ut omnium malorum & miseriarum quæcunque hominem affligere possunt, theatrum quoddam est; ita vel maxime pestilentiae malo, ex tabido odore putrefactorum, stercoreumque, obnoxia. Non hîc commemoro tot exempla obsessarum, civitatum, in quibus major propugnantium pars hoc malo potius, quàm oppugnantium telis per sæpe absumpta est. Lues porro illa partim ab internis, partim externis lethali- bus & contagiosis fætoribus, aërem purum corrumpentibus, introduci potest. Interni fætores sunt hominum ex fame, insomniis, assiduis vigiliis, aliisque incommodis, morbo affectorum venenati spiritus: tum & cadavera occisorum militum, & bestiarum, & stercorea quæ ex civitate in omnem circuitum clausa exportari, & ejici nequeunt, immundas & crassas, crudasque evomentia exhalationes, civitatis aërem angusto spatio interceptum & interclusum, inficiunt. Idem quoque & ab extra ab oppugnantibus effici potest; si nempe vel globos nostrates varios fumosos, venenatos, & fætid- os immiserint: vel si veterum machinis (quod nequaquam nostratibus modernis licitum est) cadavera occisorum militum, equorum, aliarumque bestiarum morticina semi-putrida, & tæbe horrida: item stercorea humana in doliis prægrandibus, & aliis vasis conclusa, fætoresque alios, & in nume- ra ejusdem farinæ, in miseros projecerint obsessos: quod etiam & à veteri- bus Romanis, aliisque eodem tempore bellicosis gentibus factitatum esse historiarum commentarii evincunt. Sed & post horum jam memoriam, i- dem in usu fuisse, ex chronicis civitatis Leodicensis constat, sic enim ibi scri- ptum est: *Leodicenses castrum de Argenteal fortiter impugnare cæperunt, jactis lapidibus magnis cum mangonalibus* (sic jam eo tempore vocabantur veterum Ballistæ) *& fuso metallo in vasculis terreis, ferroque candenti projectis, tandem ster- coribus etiam injectis.*

Ex hoc primum manifestè patet istis fætoribus civitatem summopere infici posse, aëremque corrumpi; aut saltem tantum molestiæ obses- sis afferri, ut ad deditionem celerius, faciliusque animos inclinare co- gantur.

Secundò, illud maximæ considerationis dignum opus (quod ubique in- clamare soleo) quòd machinis veterum tantæ mole, ut sunt equorum ho- minumque cadavera, & vasa omnis generis, igneis & candentibus, & lique- factis repleta materiis, immò etiam lapides non rotundi modò, sed sepul- chrales, & molares prægrandes projici poterant. Inter cætera ejus rei testi- monia hoc etiam addere lubet, quod apud Paulum Æmylium in historia obsidionis Ptolemaidis à Regibus Philippo Galliæ, & Henrico Angliæ, repe- ritur: *Saxorum molarium ictu quæ Tollenonibus* (Tollenones vocat Ballistas, ad similitudinem Tollenonum quos describit Vegetius lib. 4, cap. 21) *mit- tebantur, tecta domorum in urbe supernè perfingebantur, magna incolentium peste.* Et apud Silium lib. 1:

*Phocais effundit vastos Ballista molares
Atque eadem ingentis mutato pondere teli
Ferratam excutiens ornum media agmina rupit.*

Reperitur præterea in Hispanorum annalibus (teste Lipsio) de Pelagio cas- tissimo juvene, quem cum Rex Barbarus ad stuprum sollicitaret, atque ille blandienti pugnum impegisset, jussit eum fundâ machinali (hæc erat pro- priè

priè Ballista) trans Bethim mitti, scopulosis rupibus illidendum. Sed de his plura suo loco, ubi & figuras veterum machinarum, quas ex antiquitatum monumentis habemus, & nostris manibus sæpiusculè earum modellos confecimus (ad experiendos quamvis in minori proportionè earum tam mirabiles effectus, de quibus passim apud auctores) proponemus: nunc autem eam tantum ob rem illa memoravimus ex globorum fætidorum occasione, ut fætores in magna copia, & multò celerius commodiusque, etiam variæ figuræ vasa, tum venenatis, tum fumosis materiis repleta; nec non etiam ignes maximos, & moles, massasque Pyrotechnicas ingentes, (de quibus sequenti libro sermo nobis erit, & quæ ad defensionem tantum loci cujuscumque obsessi adhiberi nunc solent) ab oppugnatoribus quoque in propugnatores projici posse moneremus. Iudicet ista ille cui judicium & recta natura mentem largita est: si cum tot ac tantis, & nostris, & aliorum gravissimorum virorum succumbemus argumentis, libenter dabimus manus, & contrarium sentientium, subscribemus sententiæ. Sed quemadmodum ab hocce periculi per quam securi sumus, ita machinarum, quarundam veterum miserrabiles semper quoad vivere licebit, dolebimus vices.

CAPVT XIII.

De Globo quem Pyrotechnici Caput Mortuum vocant.

Fundatur ex ferro, aurichalco, cupro, aut alio quopiam metallo globus sphæricus ejus magnitudinis quæ tormenti orificio cui ille inservire debet, ex æquo congruat: sitque excavatus per diametrum altitudinis, eâ ratione ut excavationis, quæ formam cylindri vacui refert, longitudo sit ex 3, latitudo verò ex 2 ejusdem diametri. Fiant præterea in omnem circuitum innumeræ excavationes ictuum vulgarium in modum, quæ omnes mediam respiciant, & à fundis earum sint perexigui quidam canaliculi ad vacuum illud in medio producti. Isti onerabuntur pulvere minutissimè trito, ipsi verò canales vel tubi concavi, pulvere granulato, & glandibus plumbeis minutis, & desuper stuppâ vel papyro obturabuntur.

Cylinder porro inanis, vel pulvere trito, cui admixta sit pars una quarta carbonum, & aquâ ardenti vel oleo petrolei resperso; vel compositione ad Granatarum tubos adhiberi solitâ, replebitur: denique linteo pice liquidâ imbuto, totus cooperietur globus, secluso excavationis mediæ orificio. Ad explodendum ita in tormento locabitur, ut orificium excavationis mediæ absque ullo interpositio corpore immediatè pulverem tangat: reliqua ex figura sub Num. 156 manifesta sunt.

Nota. Poterit quoque ejusmodi globus & ligneus esse, sed in excavationes illas minores ictus tales imponendi sunt, qualis est ille sub lit. D in Figura Num. 151: necesse quoque erit ut circulis ferreis, ad superficiem claviculis ferreis affixis, probè firmetur, ne pulveris impetu, & dum ex machina exploditur, & dum singuli ictus exonerantur, disrumpatur, dissipeturque priusquam exuratur.

CAPVT XIV.

De Globo quem Famulum, vel Servum Pyrotechnici dicunt.

Globus hic cujus figuram sub Num. 157 cernis, ex eo quod stando opus suum peragat, famulus dici meruit. Ejus constructio simplex & fa-

facilis est admodum : sumitur nempe cylinder ligneus solidus , & cujus crassities tormenti vacuo respondet , altitudinem ad cuspidem habet 3 diametrorum suæ latitudinis , cuspis verò in coni vel pyramidis multangularis figuram acuminata , unam diametrum ejusdem crassitie possidet : excavatur postea terebrâ per medium altitudinis ita , ut ejus excavationis , seu inanis cylindri latitudinis diameter sit ex ; crassitie ; altitudo verò 3 diametrorum , ad basim nempe usque cuspidis producta. Superficies tota convexa innumeris laceffitur foraminibus , digitum unum duosvè latis , & omnibus in vacuum directis ; in hæc inseruntur ictus ferrei , similes iis quos ad superius descriptum globum , (si ille ligneus fuerit) sumendos præcepimus , instructi pulvere , glandibusque plumbeis. Excavatio media iisdem repleri poterit compositionibus , quas & præcedenti globo inservire volumus. Cuspis illa ferro muniatur , & admodum acuta sit , ut delapsus globus vel in terra , vel in ligno , vel alio quopiam objecto firmiter hæreat , sitque difficilis evulsu. Poterit præterea majoris firmitatis ergò circulis tribus ferreis , supernè ad orisum excavationis uno , ad basim cuspidis altero , atque tertio in medio affirmari ille cylinder , ut pulveris non pertimescat vires & impetum : reliqua globus hic omnia habet cum globo præcedenti communia.

CAPVT XV.

De Manipulo Pyrotechnico.

Per sæpè usu venit ut vel temporis angustiiis exclusi , vel aliis quibusdam difficultatibus (quorum in bello frequens & varia datur copia) impediti , artificialiores globos parare nequeamus : supplebit ergo aliorum vices manipulus noster , ex ictibus ferreis aut cupreis (illis similibus quales in fig: Num: 151 sub lit: F G & I depinximus duplicatis , triplicatisvè , etiam & simplicibus , pulvere granulato glandibusque instructis) colligatus , & firmissimè filis cupreis , vel ferreis vinctus , quo minus ictus pulveris impetum pertimescant , nec ab eo dissipentur ; sed unà firmiter cohærendo , ubi eò quò destinantur pervenerint , faciant quod sui muneris est. Camera accensoriæ replebuntur lentâ materiâ , quam ad ictus jam superius præscripsimus. Cæterum poterunt isti manipuli variæ magnitudinis construi , ut & tormentis , & mortariis , variæ calibræ inserviant : locabuntur verò in machinis nudi immediatè super pulverem ad ejiciendum paratum.

Vide fig: Num: 158 in qua ictus lit. A notatus est unus ex iis quales in manipulum sunt colligati , monstratque sui internam onerationem.

CAPVT XVI.

De Globis Pyrotechnicis qui clam & secretò in loco quopiam recondi possunt , ut destinato tempore suos faciant effectus.

Meminimus jam superius , ignes clandestinos (Germanis *heimlich* , vel *legfeuer*) à veteribus Germanæ militiæ cultoribus , pro operibus minus æquis , & illicitis quodammodo habitos , prohibitosque , ac quominus Pyrobolista eos construerent , lege cautum fuisse : nihilominus tamen eo ipso tempore cum illa lex recens adhuc , & in suo vigore

vigore erat, in usu eos fuisse, constat ex historiarum monumentis. Porro hoc nostro sæculo, quo & antiquæ inventiones penitus intereunt, & novæ veteribus ignotæ aut nullæ, aut perpaucæ in lucem prodeunt, isti quoque ignes jam ad interitum inclinant: & nisi eos scriptis ab hoc vindicarem, fieri posset, ut post plurium annorum decursum ne memoria quidem eorum ulla sit remansura. Utiles profectò quādamtenus (tametsi minus liciti & honesti existimabantur) eos esse experta est superior ætas: idem nunc quoque cur non liceat, vel non debeat esse? Ingenium duntaxat, & solers requiritur industria, ut tempori & loco accommodentur: tum etiam forma eorum, & construendi modus varius & multiplex erit, juxta varias ac multiplices circumstantias: aliter namque in domibus & conclavibus, horreis, granariis, & penariis; aliter in turribus ubi pulveres pyri asservari solent, & armamentariis, ad quæ liber patet aditus; aliter denique in curribus, cistis, doliis, & aliis hisce similibus, quæ in hostile fortalitium invehi possunt, recondi, & asservari debent: nec non omnes illæ locorum circumstantiæ peculiare quasi quosdam modos, & diversas formas requirunt ignium clandestinorum. Horum hîc in exemplum duntaxat unum modum, idque in globis triplicis figuræ ponimus. E quibus primus quidem qui sub Num: 259 lit: A notatus, habet formam globi ignei vulgaris: & in ejus omnem circuitum (ubi in plano aliquo positus fuerit) in formam helicis disponitur funis incendiarius, non communis quidem, verum ille qui dum ardet, à fumo & fœtore omni immunis est; cujus nos præparandi modum lib. 2, cap. 27, docuimus. Istius unum extremum in orificium globi insertum est, aliud verò accensum ad latus jacet. Longitudo funis ex temporis intervallo quo effectum suum globus præstare debet, desumitur: scietur autem id non difficulter, si nota sit quantitas funis quæ singulis horæ quadrantibus absumitur ab igni: ita ut si effectus globi post decursum duarum horarum, ab eo momento ut reconditus est, desideretur; ignis verò singulis horæ quadrantibus depascatur eam longitudinem funis, quam semipes mensurat; manifestum erit pro duabus horis quatuor pedes funis illius opus haberi.

Globus alter sub literâ B ligneus est (quanquam & ferreus vel æneus granatæ vulgaris in modum esse posset; sed tum concavum ejus pulvere granulato replendum esset, & non aliâ quāpiam mixturâ, qua de re inferius dicemus) ab imo fundi usque adverticem, & orificium, in cochleæ formam striatus, ita ut in illa stria funis incendiarius glutine agglutinatus, firmari atque recondi possit; ut est in altera figura sub litera C: estque hic multò melior priore, quia funis incendiarius quasi unum corpus est cum globo, & minore spatio opus habet ad sui locationem, si ambo æqualis fuerint magnitudinis.

Tertius denique globus sub lit. D etiam in modum globi vulgaris igniti formatus, & in ejus orificium bacillus teres insertus est, qui funem incendiarium requisitæ longitudinis in cochleæ formam circumvolutum habet, & agglutinatum ne revolvatur.

Onerantur globi omnes materiis vehementibus, & ignem maximum producentibus; qualem inter cæteras existimaverim fore illam quæ igni Græco excitando antiquitus adhibita fuisse creditur, ut ex verbis Scaligeri superius in descriptione ignitæ pluvie adductis patet. Vehemens porro omnino erit illa compositio tum propter ingredientias igneæ & calidissimæ substantiæ, compositionem illam constituentes; tum propter præparandi rationem: scimus enim fimum calidum validâ quadam in transformandis & digerendis

dis materiis, in suis sepultis visceribus, pollere virtute: est quippe naturali calori simillimus, nec spernendam retinet putrefactionis vim, mirabilium rerum parens: totque genera ex putrefactione animalium proveniunt, quot ea quæ putrescunt: quod si quis consideraverit, & mente perpenderit non minimum eliciet secretorum principium. Vehementior itaque ista compositio reliquis omnibus quæ miscentur & incorporantur simpliciter tantum, erit meo iudicio: excepto nihilominus pulvere pyrio, idque ita parato ut diu sit rufus in pilis; ex hoc enim (ut & superius dictum) vehementissimus evadit, & totus igneæ substantiæ, levis, atque volatilis.

Brechtelius quoque lib 2, cap 2, suæ Artill: hanc tradit compositionem: Sume 3 pulveris pyrii, Sulphuris 1; tere subtilissimè & incorpora utrumque: adde postea pusillum Colophoniz, & guttas aliquot Terebynthinæ, ac subige omnia cum oleo lini & aqua ardenti, globumque reple. Attamen censuerim retinendam illam compositionem ignis Græci: nam & satis vehemens est, ut ex naturis ingredientiarum quæ illam constituunt, pater; & ignis iste noster clandestinus persimilis suis operationibus est illi igni Græco; quemadmodum à fide dignis auctoribus traditum est: deesse tamen quædam poterunt ex illis materiis, quæ vel difficulter acquiruntur, vel caro pretio comparandæ sunt. Funium incendiariorum loco adhiberi quoque poterit stuppa Pyrotechnica, illa, quam ad hoc opus peculiarem describit Brechtelius Artill: part. 2, cap. 2, & nos ex eodem construendi ejus modum transtulimus in lib. 2 cap. 29.

CAPVT XVII.

De Globis ferreis candentibus.

Candentium globorum ferreorum usus in re bellica perverustus est; & priusquam tormenta nostratia moderna reperta fuissent, jam ferrum candens vehemens & validum telum erat: ejus rei testis est præter alios Diodorus Siculus, qui narrat *Tyrios immisisse in Alexandri Magni machinamenta massas magnas ferreas candentes*: & scriptor incertus apud Suidam, de eodem hunc in modum: *Liquida omnia & fusilia in hostes ex superiore loco ferventia mittebantur. Inter alia vero & ferri crustas quas multo igne candentes reddiderant in murum subeuntes parabant effundere.* Et Vitruvius de Massilitanis lib: 10, c: 22: *Etiam cum ager ad murum contra eos compararetur, & arboribus excisis, eoque collocatis, locus operibus exageraretur, ballistis vestes ferreas candentes in id mittendo totam munitionem coegerunt conflagrare.* Plura de eodè apud alios auctores videri poterunt, & nos jam alibi quorundam adduximus testimonia. Iam porro nunc post inventum nostri fulminei tormenti quanto in usu fuerint globi candentes, & quanta per sæpe intulerint damna mortalibus, illum duntaxat latet, qui nunquam arti bellicæ operam dedit, nec rerum in bellis gestarum evolvit commentarios: ubi præter alia plurima exempla non minoris momenti illud est quod Anno Christi 1598 Rhenobercæ ab Admiralio Arragoniæ obsessæ accidisse narrat *Emanuel van Meteren* historiæ Belgicæ lib: 20: ubi globus tormentarius ferreus (candens ille omnino erat, quamvis id non exprimat auctor) ab oppugnatoribus emissus in turrin in qua pulvis pyrius asservabatur, fracto muro unum laterculum crasso, incidit in vas pulvere plenum, & illico hoc incenso, alia omnia vasa (quorum numerus erat 150) ignem concipere; & tanta erat pulveris violentia, ut non modò turrin illam, verùm etiam magnam domorum murorumque civitatis partem, disjiceret, plurimosque civium & militum cum

E c

ipso

ipso etiam gubernatore civitatis, morte opprimeret, non nullos vehementer fauciatos ad arma tractanda, vel opificia exercenda inhabiles redderet. Eandem quoque historiam sic describit noster annalium scriptor Paulus Piafecijs Episcopus Præmiſſienſis: *inde progressus* (intelligit Admiralium Aragoniæ) *ad Rheni ripam oppidum Rhinberck Colonienſis Archiepiſcopi quod jam ante ab Hispanis occupatum Hollandi morante in Gallia Alberto Archiduce in ſuam poteſtatem aſſeruerant, & præſidio proprio munitum, eo uſque tenebant, oppugnavit. Et initio quidem obſeſſi ſatis animi ad reſiſtendum præſerebant, ſed cum fortuito* (peropportune & ex præmeditato conſilio id actū fuiſſe exiſtimaverim) *à tormenti jaculo ignis delatus in locum ubi reſoſitus erat pulvis nitratus incendium ingens excitaveſſet, quo præcipua turris concidit, & vicinam partem muri in ruinam traxit, ut facilis eſſet intro ingreſſus oppugnatoribus, paſſi incolumitatem ſibi, & impedimentorum abducendorum libertatem, deditionem fecerunt.* Sed & Diegus Uffanus Artilleriæ ſuæ tract. 2 dial. 12 meminit ejuſdem tragici ſpectaculi: additque aliud etiam horrendum exemplum navis Hollandicæ pulverem pyrium in obſeſſam civitatem Oſtendanam deferentis, globo tormentario incenſæ: ſed exiſtimat ille id accidiffe in utroque illo loco ex vehementi colluſione, ignemq; excuſſum ubi globus tormentarius lapidem, vel clavum ferreum, aut aliud quodpiam durum & conſtans offendiſſet objectum. Mea porro ſententia eſt, (ad quam & ſuperius citatus auctor *Emanuel van Meteren* propendere videtur) globum candentem in pulverem incidiſſe: neque enim dum globus unum laterculum muri, aut aſſerem navis perforaret, quamvis etiam ferrum offendiſſet, tam magnam ſcintillarum copiam quæ etiam in vaſa pulveris deferrentur, & quaquaverſum ſpargerentur, excutere poterat; ſed conſultò globos candentes in turrim illam atque navim, ubi oppugnatoribus ex tranſfugis, aut alio quopiam modo innotuiſſet, tam in turri illa pulverem aſſervari, quàm & navi eundem deferri, deſtinati fuerant: & omnino peculiare quaſi, & infallibilis effectus hoc inventum eſt Pyrotechnicum, cum ſeſe ejuſmodi offerunt occaſiones: neque alterius cujuſpiam generis globis (quibus ars noſtra abundat maximè) tam commodè incendium excitari poteſt, quàm globis candentibus: perfringunt enim omnia, & vehementer adurunt, ſi in materiam combuſtibilem inciderint: neque dum per aëra feruntur, & in objecta aliqua incidunt, deprehendi oculis poteſt quòd ignem deferant; ſed vulgarium globorum tormentariorum faciem habent.

Huc quoque revocari poteſt illud quod ſuperius ex Lipſio adduximus de globis igneis, qui ex tormentis ejaculari ſolent: fieri namque illud perquam commodè etiam globis candentibus potuiſſe (ut ille vult) non imus inficias: neque tanti nominis viro fides derogari debet: ſed neque etiam noſtri annalium ſcriptores, qui bellicoſiſſimi feliciffimique regis illius præclare geſta patrio idiomate conſcripſerunt, diſtinguunt globos candentes ab igneis, vel ignitis; ſed ſimpliciter tantum globos illos quibus incendium ligneorum munimentorum excitatum aſſerunt, noſtrâ vernaculâ linguâ vocant *Kule ogniffe*, quod in Latino idiomate ſonat globum igneum, vel ignitum: illud porro vocabulum (quamvis minùs propriè) etiam globis candentibus accommodari poteſt: nec non etiam apud Latinos igneus, ignitus, & candens, unius ſerè ſunt ſignificationis, & promiſcùè unum pro altero uſurpari ſolet.

Cæterum non nobis animus eſt nunc plura in medium aſſerre, quæ globorum candentium non exiguum in re bellica evincant commodum: fecerunt hoc jam ante nos alii; noſtri porro muneriſ eſt quomodo illi ex tormentis explodi ſoleant explicare.

Pri-

Primum itaque oneretur tormentum more solito, pulvere ad ejiciendum globum requisito: super pulverem verò mittatur in vacuum tormenti cylinder ligneus, qui exactè illi vacuo suâ crassitie, & circinatione congruat, altitudinem verò habeat diametro globi aut æqualem, aut paulò minorem: super hunc locari quoque poterit majoris securitatis ergò manipulus straminis, fæni, stuppæ, vel quod melius, nervorum variorum animalium in modum stuppæ laceratorum, quæ omnia aquâ respersa, & madida esse debent. Postmodum expurgandum est vacuum tormenti, & perticâ cui pellis ovina affixa est, everrenda omnia pulveris grana, si quæ forsan aliis non sociata in vacuo tormenti dispersa remanserint. Hoc facto dirige tormentum secundum artem in eum locum quem accensum cupis; stetque immotum, quoad globum ferreum perfectè rotundum & non impedire per tormenti vacuum currentem, candefactum, forcipibus ferreis ex igne non procul à tormento distante, extractum, mittas in tormentum: denique postquam senseris globum manipulum jam attigisse, illicò admove foculo tormenti fomitem incendiarium.

Sunt qui pyxides ex laminis ferreis, aut cupreis, quidam etiam testaceas in orificium tormenti inserant, & postmodum globos candefactos, quàm velocissimè iis inditos, pistillo tormentario, cupreâ laminâ ea parte qua globum tangit præmunito, ad pulverem usque protrudant; sed prior modus securior, & commodior est, ut meum fert judicium.

CAPVT XVIII.

De Grandine Pyrotechnica.

Grandinem Pyrotechnicam vocamus usitato omnibus Pyrotechnicis vocabulo, ad similitudinem grandinis naturalis; quæ ex humidis terræ ascendentibus vaporibus in frigido nata aëre, postmodum in terram magna in copia & dense admodum decidit. Paratur verò nostra vel ex silicibus fluvialibus, & lapillis rotundis, aut hisce proximis, ovi columbaei magnitudine, qualium maxima copia in fluminum ripis invenitur, vel ex glandibus plumbeis minutis; vel etiam ex crustis ferreis tesseras aut cubos referentibus, & variis ferri fragmentis.

Explodi solet ex tormentis bellicis cannæ brevioris, & parentis orificii, ut sunt veterum tormenta Petraria, moderna mortaria, & tormenta campestria.

Variè in vacuis illarum machinarum locari solet ad explodendum: vel enim in pyxidibus ligneis, quales sunt in Fig: Num: 160 sub lit: A & B, vel ex laminis ferreis, aut cupreis factis, ut ibidem lit: D & E monstrant, concluduntur: & pice durâ liquefactâ inania explentur, ut firmiter adinvicem singula fragmenta, lapilli, aut glandes cohereant.

Pyxididis longitudo sumatur 1; vel 2 diametrorum orificii tormenti cui inservire debet; fundus semidiametri habeat crassitiem; operculum 1/2; latera 1/2, idque in ligneis pyxidibus: nam ferrearum aut cuprearum longitudo tantum ligneis æquatur, cetera minimè.

Sunt qui onerato prius tormento vulgari modo, cylindrum ligneum in vacuum tormenti mittant; super hunc verò grandinem, globi ferrei tormentarii pondere infundant; denique manipulo straminis, aut fæni obturent, occludantque grandinem.

Quidam etiam loculos parant ex tela lineâ, & grandine onustos ad explodendum in tormento accommodant. Horum unam speciem, & pulchram

chram admodum, quia ordinatam, ræcemi formam præferentem, & facilem ad parandum, conspicis ibidem sub lit. G, & H. Orbis ligneus fundum loculo præbiturus cum bacillo tereti, in centro perpendiculariter infixus, est sub lit. F, ad hujus imum locus filio lineo religatur, & glandes plumbeæ, aut majores aliquantò globi plumbei, ut pote 2, 3, vel 4 unciarum, ordinatè unus alteri super imponuntur; de superque primùm ligatur ille locus, tum deinceps per omnem ejusdem superficiem retis in modum fila circumducuntur, in sulcis vel striis, quas globi extrorsum protuberantes inter se efficiunt, simata, atque recondita: denique impicatur optimè.

Est præterea non vulgaris modus parandæ grandinis, dum in globum colligitur, (qualis est sub lit. C) iste sequens.

Sume picis nigræ partes 4, Colophonix partem 1, Ceræ part : 1, Sulphuris partes 2, Terebynthinæ pusillum : liquecant lento igni : injice postmodum Calcis partes 8, Pulveris laterum partes 4, Scobis ferreæ partem 1 : misce omnia simul & incorpora : demum affunde lapillorum, vel glandium plumbearum tantum, quantum saterit, & fac dum materia calida est globos rotundos, qui tormentis, vel mortariis congruant.

Faciunt id alii cum gypso, vel alabastrite in pollinem redactò, qua de re statuarii consulendi : quidam etiam cum luto vel argilla ex qua lateres fiunt grandinem miscent, globosque effectos sub dio ponunt solis calore & vento siccandos.

Ufus grandinis præcipuus est in præliis & conflictibus campestribus; aut dum obfessores omnibus viribus fortalirium oppugnant, & vel per patentem portam, vel ruinam muri, aut valli irrumpunt, ascenduntque; tum eo vel maximè tempore, grandinæ onerantur tormenta & mortaria, atque in hostem propinquum densè conglobatum, exploduntur, horrendam editura stragem.

Pulveris quantitas ad explodendam grandinem æqualis est illi, quæ & communibus globis tormentariis adhiberi solet.

C A P V T XIX.

De variis globis ferreis catenatis, & hisce similibus aliis.

Proponimus hoc capite libri hujus ultimo icones usumque variorum globorum ferreorum catenatorum, aliorumque qui adhiberi solent in navalibus conflictibus ad demoliendas, abscindendas, frangendasque extantes navium partes; ut sunt mali majores quos acatia vocant, & minores, antennæ, vela epidromones seu vela misena, dolones, corbes seu speculæ, aplustra, mesuriæ, pedes propedesve, funes omnis generis, pismata, anchoræ, trochleæ, papiliones, perticæ sustentantes vexilla, gubernacula navium, remi in triremibus, scalmi, antliæ, pergule; cætera quis enumeret? & quædam sunt quorum nomina vix apud Latinos reperias. Milites quoque pugnantes, & nautæ circa vela funesque & trochleas occupati, iisdem maximè lædi, & proscindi poterunt.

Figure ejusmodi globorum sunt sub Num: 161, 162, 163, 164, 165, 166, 167, 168, & 169: schema verò, sub N°. 170, denotat pyxidem ligneam, in quam illæ quinque species globorum catenis affixorum imponuntur, & sic ad explodendum



Fig. N^o 152.



Fig. N^o 153.




Fig. N^o 154.




Fig. N^o 155.



Fig. N^o 156.



Fig. N^o 157.



Fig. N^o 158.



Fig. N^o 159.




Fig. N^o 160.



Fig. N^o 162.




Fig. N^o 163.




Fig. N^o 164.



Fig. N^o 165.



Fig. N^o 171.

Fig. N^o 172.




Fig. N^o 176.



Fig. N^o 173.




Fig. N^o 169.



Fig. N^o 174.



dendum intormentum mittuntur: nec non etiam globus ille rostratus sub Num. 161, habet suam propriam pyxidem cujus forma depicta est sub lit. A: tres verò reliqui absque ullis pyxidibus commodè nudi tantum in tormentis locari poterunt.

Inseruiet quoque isti omnes globi etiam in conflictibus campestribus, & assultibus variis hostilibus, atque eodem modo adhibebuntur necessitate exigente, ut grandinem adhibendam explodendamque superius præcepimus. Deniq; ultimi duo globi sub N°. 168, & 169 sunt etiam perquam utiles ad frangendos, scindendos, evellendos, evertendosque palos ligneos, fudes præacutas, vel tribulos ligneos, ericios sive echinos, cervulos, truncos ramosos, vepres, salicesque ad radicem valli: aut in vallo plantatas, septa viminea, corbes loricales, velamina militaria, aliaque ejusdem generis.

Modum usus horum in praxi, non est quod dicamus, cum hæc talia opere manuali, & inspectione oculari potius, quam præceptis & regulis, aut discursu utrumque longus ille fuerit, discantur.

Finis libri quarti.

Ec 3

AR-

ARTIS MAGNÆ ARTILLERIÆ PARTIS PRIMÆ

LIBER V.

De variis Machinis, Molibus, Massis, Missilibus, Armisque Pyrotechnicis, tam recreativis, quàm seriis
seu militaribus.



Collegimus hoc libello præcipuas aliquot artificiosas inventiones Pyrotechnicas, è quibus quædam Machinarum & Molium, quædam Massarum, quædam Missilium, Armorumque nominibus insigniri possunt, præter quasdam peculiare appellaciones, quas ex suis formis acquisiverunt. Machinæ quidem vocabulum non incongruè hisce omnibus operibus aptari posset: *est enim machina* (ut ab Asconio definitur) *ubi non tam materiæ, quàm artis atq; ingenii ratio ducitur*: & revera omnes nostræ artificiosæ Pyrotechnicæ moles, præter naturalium quarundam rerum, quas variè miscendo, componendo, & secundum artis regulas præparando, illis adhibemus, stupendas operationes, acri construentium ingenio vel maximè gloriantur: unde & architecti talium machinarum ingeniarii seu ingeniosi congruè vocantur à Latinis; Galli quoque appositè admodum Pyrotechnicos (*ingenieurs à feu*) ingeniarios igneos dicunt; sed hujus nominis deductio alterius loci requirit disquisitionem.

Cæterùm Machinæ & Machinamenti vox latissimè sonat: jamque passim fraudes, doli, astuciæ, cavillationes, insidiæ, fallaciæ, præstigia, in hoc nomen apud comicos aliosque venerunt, unde apud Ciceronem pro Dom: 17: *iisdem machinis sperant me restitutum posse labefactari, quibus antea stantem perculerunt*. & Brut: epist: 18: *omnes adhibeo machinas ad tenendum adolescentem*. Sed vel maximè, & propriè huc revocari possent Tormenta nostratia moderna bellica ignivoma; sub quo nomine comprehendo Canones, Colubrinæ, veterum Petriaræ, incameratas, atque incampanatas, & reliquas omnes cannæ longioris, aut tubi oblongi formæ, bombardas, (ut sic prisco vocabulo eas appellem) & alia manualia scloperæ; tum etiam Mortaria, & Petardæ machinarum nomen merentur, à similitudine videlicet virium & effectuum veterum machinarum: ut erant Arietes, Onagri, Ballistæ, Catapultæ, Scorpiones, quibus muri & alia claustra oppugnabantur, evertabantur, perfringebanturque, vel tela omnis generis projiciebantur: quam hæc talia Lipsius (idem quoque fecere & alii) non Machinarum sed generali Tormentorum vocabulo insigniverit: Machinarum verò nomen Testudinibus arietariis, Pluteis, Musculis, Turribus ambulatoriis, Sambucis, Tollenonibus, & scalis omnis generis artificiosis, aut aliis hisce similibus, super, vel sub quibus vel tormenta locabantur, & tuti ad oppugnandum fortalitium aliquod succedebant milites, vel scandebant in muros, indiderit. Fecit id ille sanè magno judicio propter distinctionem: quemadmodum & nos hoc loco sub machinarum nomine intelligimus tantum moles quasdam artificiosas quæ propriè constant ex ignibus artificialibus

libus recreativis, ut sunt Palatia, Arcus triumphales, & fabricæ variæ juxta Architecturæ civilis rationem constructæ, Castella, Turres, Columnæ, Pyramides, Obelisci, Colossi, Pariles, Sigilla, & statuæ variæ hominum, & animalium omnis generis figuræ; item Fontanæ, Rotæ ignitæ terrestres & aquaticæ, & cætera hujus generis plurima de quibus suo loco, quæ quidem machine nomen obtinent non respectu formæ; (quæ etiam diversa atq; infinita in machinis est) sed ratione effectuum, quibus aliis artificialibus machinis, vel æquatur, vel easdem superant. Tormenta porro canne longioris, Mortaria, atque Petardæ, quamvis sub generali Tormenti nomine omnia comprehendi possint; quia tamen unum machinamenti genus, ab altero formâ, effectû, virtute, & tractandi modo plurimum differt, & structuræ eorum atque usus ratio, amplissimâ opus habet ratiocinatione; ideo singulis singulos libros dabimus in parte secunda Artilleriæ nostræ. Quod verò illis etiam machinæ nomen omnino aptè congruere, affirmemus, & in sententia nostra immoti persistamus, fulcimur primum Sacri codicis auctoritate: sic enim Moyses in Deutoronomio cap. 20: *Si quæ autem ligna non sunt pomifera sed agrestia, & in cæteros apta usui, succide, & instrue machinas, donec capias civitatem quæ contra te dimicat.* Et Paralip. cap. 26 de Ozia Rege in eundem sensum clarè satis: *fecit in Hierusalem diversi generis machinas, quas in turribus collocavit, & angulis murorum, ut mitterent sagittas, & saxa grandia.* Tum postea addit nobis animum ad eandem appellationem Architectorum princeps, & diversarum machinarum inventor & faber Vitruvius, qui inter machinas quarum feriem & distinctiones unius ab altera cap I lib 10 recenset, Ballistas etiam à quibus nostratia moderna fulminea tormenta suam deducunt originem, connumerat, verba addo: *Machina est continens ex materia conjunctio, maximas ad onerum motus habens virtutes. Ea movetur ex arte circulatorum rotationibus, quam Græci κυκλικὴν μηχανήν appellant. Est autem unum genus scansorium quod Græcè ἀνέγκαννον dicitur: alterum spiritale, quod apud eos πνευματικὴν appellatur, tertium tractorium, id autem Græci βάνυσον vocant. Scansorium autem est cum machinæ ita fuerint collocatæ, ut ad altitudinem tignis statutis, & transversariis colligatis, sine periculo scandatur, ad apparatus spectationem. Spiritale est, cum spiritus expressionibus impulsus, & plagæ vocesque organicas exprimuntur. Tractorium verò, cum onera machinis pertrahuntur, aut ad altitudinem sublata collocantur. Scansoria ratio non arte, sed audacia gloriatur. Ea catenationibus, & transversariis, & plexis colligationibus, & erismatum fulcitur continetur. Quæ autem spiritus potestate assumit ingressus, elegantes artis subtilitatibus consequitur effectus. Tractoria autem majores, & magnificentia plenas habet ad utilitatem opportunitates, & in agendo cum prudentia summas virtutes. Ex his sunt alia quæ mechanicæ, alia quæ organicas moventur. Inter machinas & organa id videtur esse discrimen, quod machinæ pluribus operibus, aut vi majore coguntur effectus habere, uti ballistæ, torculariumque prela. Organa autem unius opere, prudenti tactu perficiunt quod propositum est, uti Scorpionis, seu anisocyclo-rum versationes. Ergo & organa, & machinarum ratio ad usum sunt necessariae sine quibus nulla res potest esse non impedita. Objicere verò quispiam posset, Tormenta nostratia, Mortaria, Petardas, atque manualia Sclopetæ omnis generis, organa potius esse dicenda quàm machinas, ex illa Vitruvii inter machinas & organa distinctione, quod plurima ex illis unius hominis operâ onerentur, tractenturque. Sed respondeo à potiori hanc denominationem esse sumendam: sunt enim plurima magnæ molis tormenta & mortaria, quæ nequaquam ab uno bombardario, aut pyrobolista onerari & dirigi possunt; sed plurimi ad hoc opus requiruntur ammanuenses: tum etiam tor*

homi-

homines & jumenta ad devehendum, movendum, & de loco in locum transportandum necessaria sunt: sed sclopeta manuarum dici quodammodo organa possent ad similitudinem veterum scorpionum, arcuum, & manuballistarum: Verumtamen si ista non sufficiunt, accipe eandem denominationem quam nos tormentis imposuimus, à celeberrimo jam ævi nostri auctore usurpatam, Eryco Puteano in libello quo describit tormentum bellicum trisphaerium inventum à Mich: Flor: Langreno: *Serò tandem, & auctori herclè curiositate Machinarum Machina* (notanda hæc) *Bombarda inventa est sumpto à sono nomine vim cæli magno naturæ prodigio exprimens.* &c. & paulo inferius ibid: *Hæc machinâ sic inventâ, Dani primum usi sunt &c: rursus ibid: Nunc autem quia secundum tertiumque globum machina gerit, facili negotio, exiguoque spatio, quæ post primum ictum statu cesserat, reduci potest, ignem concipere, & inopinato verberare vim ingruentem disturbare.* Immo minora etiam sclopeta machinæ nomine idem ibidem dignatus est: *Tormentum igitur hoc Bertoldi & varium, & pulchrum, & ad extremum terrorem comparatum est. Ut ignem ferret, & objecta feriret, è ferro communi omnium armorum materia. Scorteum fieri potuisse, usurpato metalli vice corio, miror ac stupeo. Potuit profecto, & gemino quidem beneficio, ut & pretium vile, & onus exiguum esset. Optimum verò, quod æneum est; tubi oblongi formâ, & unius oris, globum vi flammæ emittentis. Ligneo præterea solidoque quasi feretro suspensum, rotis etiam geminis libratum, moveri commodè, verti, vehique potest. Ut verò vim faciat, ante omnia pulvis è nitro, sulphure, carbone compositus, palâ sive cochleari concavo æreoque ingeritur, pistillo ligneo & oblongo cogitur. Globus succedit, interjecto sive stramine, sive feno, sive stuppâ, ferreus plerumque: nam & lapideus aliquando esse solet; in minoribus machinis (hæc ad rem nostram) plumbeus, Glandis, appellatione &c.*

Sed ad rem nostrumque institutum. Sub Machinarum nomine illis mobilibus superius enumeratis, comprehensis; Massis annumeramus Tubos varios Pyrotechnicos tam recreativos quàm serios, Cylindros, Truncos, Cuppas seu Dolia, Saccos, Corbes; adjicimus etiam Coronas, Serta, Circulos, Baculos, Calices, & alia hujus generis. Missilia vocabuntur Sagittæ, Ollæ & Phialæ ignitæ. Sed huc quoque revocari possent etiam globi omnis generis, quos superiori libro longo ordine enumeravimus, tam recreativi, quàm bellici; verum cum illi peculiari jam nomine globorum gaudeant, huc minime pertinent; tum etiam forma eorum ab hisce missilibus non parum differt: missilia porro dici merentur, quod manu aut machinis ad hoc idoneis mittantur quo lubet. Armorum denique Pyrotechnicorum artificiale nomen tribuimus Clypeis, Scutis, Semispathis, Gladiis, Perticis, Clavis, & Hastis.

Porro cum ista omnia partim recreativa, partim seria sint; ideo partiemur hunc librum in duas partes: quarum primam tribuemus recreativis; seriis alteram tam Machinis, quam Massis, Missilibus, Armisque dabimus, sitque jam.

P A R S

PARS LIBRI PRIMA

De Machinis & Molibus, Massis, Missilibus Armisque Pyrotechnicis artificialibus Recreativis.

CAPVT I.

De Clypeis & Scutis.

Species 1.

Sume duas tabulas pineas, aut tiliaceas benè siccas, politas, & runcinâ lævigatas, quarum crassities unius sit digiti aut paulò minor: effinge utramque in formam rotundam & orbicularem, resectâ omni angulorum superfluitate. Latitudinem in diametro habere poterunt 2, aut 3 pedum, quod constituentis reservatur arbitrio. Duc postmodum, ex centris utriusque orbis sumpto initio, æquales helicis lineas, continuando ad margines aut extremitates usque orbium, vel unius digiti latitudine, minùs: Volutæ helicis parallelæ sint, & earum intervallum tres quatuorvè digitos habeat. Excava jam in utroque orbe æqualis profunditatis & latitudinis canales cælo aliquo ad hoc opus idoneo, (horum figuras aliquot lib: 2 proposuimus) idque in formam hemicylindri vacui aut parallelepipedii. Latitudo canalium sit minima sex linearum; maxima verò unius digiti: sed ita dextrè illi canales sunt faciendi, ut ubi utrumque orbem in unum composueris, extrema canalium mutuo sibi congruant, & tubum inanem in spiram collectum referant: tum & id etiam observandum, ut illa helicis linea in utroque orbe ducta, per mediam latitudinem canalis transeat. Hunc postmodum replebis aut stuppa pyrotechnicâ in funiculum clementer admodum contortâ, aut compositione lentâ gummi aquâ respersâ, ut benè cohæreat, nec dum superior orbis inferiori horizontaliter in plano aliquo locato superimponitur, excidat è canali, laborque reddatur irritus. Tum compinge utrumque orbem clavis ligneis vel ferreis, & glutine conglutina majoris firmitatis ergò. Necessè est præterea ut super orbe alterutro ubi jam compacti fuerint, similem & æqualem atque illi è directo correspondentem quam antea in parte opposita duxisti, novam ducas lineam helicis, & hæc erit clypei pars exterior, in qua super illa linea terebrabis foraminula ad canalem usq; interiorē pertinentia, in quæ postmodum inferes tubulos ictuum ejusmodi quales in figura Num: 108 sub lit: B depinximus; hoc observato, ut ictuum capita distent ab invicem uno duobusve digitis; idque propter periculum, ne dum unus vi pulveris intrò reclusi rumpitur, vicinus ab eo aliquid damni patiatur: sunt eam etiam ob causam firmissimè ad orbis superficiem agglutinandi, & aut laminulis duabus tribusve ferreis, aut loris tenuibus per transversum convexam ictuum superficiem ambientibus, aut fibulis affirmandi. Item duæ anfræ loreæ, aut aliæ quæpiam ab oppositum orbis planum, quod tuum corpus respicere debet affigendæ, ut commodè clypeus tractari possit: Deniq; ictus illi omnes in superficie clypei papyro conglutinatâ tenui contegendi: in medio vero protuberet exereturque cum rotundo tumore illud tegumentum, ut umbonem, id est mediam clypei partem referat, & totus orbis verum

Ff

milita-

militarem mentiatur clypeum: color quoque ferreus aut æreus in totam superficiem induci potest. Ceterum nil amplius restat nisi ut terebrato foramine accensorio ad canalem, si extremitas canalis aliquantum à margine orbis distiterit, dum necessitas postulaverit incendatur intro conclusa materia: atque Pyrotechnicus gestans clypeum ad singulorum ictuum displosiones intrepidus consistat, nec priusquam omnes exurantur, abjiciat arma. Vide Fig. Numero 171.

Species 2.

Quicquid in superiori specie de orbium proportionem, formam, magnitudine, lineæ spiralis ductione, canalium excavatione, eorundem repletionem, orbium compactionem, conglutinationem, connectionem, ansarum affixionem, dictum est, ad hanc quoque revocetur: hoc duntaxat unicum cum superiori non habet commune ista species, quod hic ictuum loco rochetæ currentes, aut ictus ferrei perpendiculariter plano orbis insistentes super exteriori helices linea disponantur in omnem ejus circuitum; excavatis foraminibus rotundis ad canalem usque, ejus amplitudinis ut rochetarum aut ictuum circumferentia rotundationis postulat. Notandum præterea quod canalus paulò minoris latitudinis hinc esse possit, idque ex eo quod ignis per lineam helices cursum continuans, ac materiam in canali reconditam successivè absumens latiores & frequentiores habeat in foraminibus, è quibus ictus vel rochetæ excesserint, respirationes, quàm in superiori. Foramen accensorium à latere monstrat lit. A. Vide fig. Num. 172.

Species 3.

Figura quam sub Num. 173 vides expressam, scuti veteris formam refert. Componitur hoc etiam ut & superiores clypei ex duabus tabellis ligneis levibus: Porro canales non spiraliter in helices formam excavantur; sed in directum & normaliter juxta latitudinem scuti, ab una extremitate ad alteram oppositam, (vel potius unius digiti latitudine minus à marginis summo labro) ductis lineis rectis, & aliis transversis, directas & parallelas conjungentibus, alternis vicibus, superiorem nempe cum inferiori immediate adjacenti, ad easdem partes seu extremitates linearum; ita ut quasi una continua sit linea recta, & postmodum canales juxta ejus ductum facti, unum continuum referant canalem, qui in capite scuti sumens initium, in ejusdem infima extremitate desinat; sed ad alternas tantum partes ita, ut latitudo fert clypei, frangatur, sinueturque in cubitum vel anconem, vel etiam obliquè juxta incurvationem marginum scuti. Distantia directorum canalium sit ab invicem duorum vel trium digitorum, ut & superius dictum. Foramina in quæ Rochetæ currentes vel ictus ferrei immitti debent super illis canalibus ita sunt facienda ut non directè unum alteri juxta longitudinem scuti postponatur, sed interponatur in formam trianguli æquilateri, vel rhombi ex duobus triangulis æquilateris compositi, opere continuo: hoc enim modo longiori intervallo distabunt ab invicem Rochetæ, ictusvè ferrei. Cætera omnia scutum hoc habet communia cum superioribus. Incurvari quoque potest aliquo artificio secundum latitudinem, ut pateat magis producatique circa umbilicum, extremis angustioribus, & secti canalus aut imbricis fragmentum, segmentumvè repræsentet.

Spe

Species 4.

Est & altera species scuti, formâ oblongâ circulari vel ellipticâ, quam exponimus in Fig. Num. 174. Ejus constructio immediate præcedenti similis est in quibusdam; primùm autem in dispositione non Rochetarum quidem simplicium, vel ictuum; verùm pyxidum lignearum vel papyracearum, multis Rochetis currentibus repletarum, id est, in formam trianguli æquilateri, aut rhombi è duobus triangulis æquilateris compositi. Item canales juxta longitudinem, vel latitudinem scuti, aut etiam obliquè quopiam modo, per superficiem ductis lineis rectis, sunt inter se paralleli: transversales verò directos conjungentes, orthogonaliter vel obliquè etiam incurvandi, ut in proximè præcedenti specie dictum. Cæterùm potest canalis ille etiam in spiram effingi, quæ se conformet scuti figuræ secundum longitudinem, latitudinemque: & jam tum pyxides ita disponendæ erunt, ut in prima & secunda specie superius dispositi sunt ictus vel Rochetæ currentes: hoc nihilo secius observato, ut multò major distantia parallelarum helicis (etiam rectarum si canales recti fuerint) hinc loci sit, idque juxta magnitudinem pyxidum, quæ majori intervallo ab invicem distare debent, quàm Rochetæ vel ictus ferrei. Si pyxides ligneæ fuerint in fundis earum terebrabuntur foraminula, & tubuli ferrei vel ærei pulvere minutissimè trito, & molliter impacto repleti, inferentur uno extremo; alterum verò immittetur in foramina super canali terebrata, ut per hosce tubulos deferatur ignis in pyxides, & Rochetis currentibus suppositum pulverem accendat. Sin verò papyraceæ fuerint pyxides, absque fundis esse poterunt; sed tantùm excavabuntur foramina in orbe ejus amplitudinis ut pyxides comprehendant, complectanturque; profunditate duarum triumve linearum: & ad concavitatem interiorem excavationum agglutinabuntur pyxides: in medio porro excavationum fient tantùm foraminula ad canales pertingentia, & pulveris polline infertientur. Opercula pyxidum in conum acuminentur, idque si scuti superficies extima plana fuerit, & non contacta; verùm si in gibbum protuberaverit, (quod tegumentum ex papyro vel linteo præstare debet) plana esse poterunt. Reliqua quæ hinc desiderantur, supplebit perfecta superius descriptarum specierum intelligentia.

Species 5.

Ultima hæ scutorum species, cujus formam sub Num. 175 depinximus absque cognitione constructionis Rotarum ignitarum sufficienter absolvi nequit: quamobrem ad inferius dicenda consumatam ejus præparationem reservamus: Hic nihilominus tamen monemus formam illius scuti variè effingi posse, & ad placitum fabricantis infinitè mutari. Item tabulam solidam & simplicem esse: superficiem verò extimam vel planam, vel gibbosam, & protuberantem in medio umbonis in modum. Denique Rotam ignitam super clavo ferreo in medium scuti firmiter impacto & treti ut circumagi possit locari debere. Reliqua huc pertinentia ex sequentibus manifesta fient.

CAPVT II.

De Acinacibus igneis.

Ex tabellis duabus ligneis lævigatis & siccis efforma acinacem nostro vel Turcico similem, superne leviter pandum & acie simplici, ut id in fig: Num: 176 apparet. Acies utriusque tabellæ jungendæ simul; terga verò divaricanda latitudine duorum triumvè digitorum, ut vacuum internè constituatur, referens canalem, cujus transversa sectio triangulum sit isosceles. Discernatur totum illud vacuum juxta longitudinem acinacis tabellis aliquot triangularibus, ad latitudinis vacui orthographiam sese conformantibus; & ad earum margines tabellæ acinacem componentes firmiter agglutinentur, & veruculis ligneis, vel ferreis claviculis affigantur, ut unum firmum nec facile dissolubile fiat corpus: ad imum quoque acinacis manubrium congruens aptetur. Sed priusquàm illa discrimina facias, necesse est ut canalem quoque effingas internè in concursu acierum acinacis: desuper duntaxat lamellâ plumbeâ, vel etiam tenui ligneâ assulâ & conglutinatâ papyro materiam lentam ad semissis digiti profunditatem infusâ, vel funiculum ex stuppa Pyrotechnica contortum, contegendo; per rufis nihilominus ad singulas illas cellulas foraminulis, per quæ deferatur ignis ad rochetas currentes, stellas, scintillas, globos lucentes, & alia ejusdem generis, quibus cellulæ repleri debent. Tandem desuper tergum acinacis papyro conglutinatâ, & linteo contegatur, & totâ superficies colore ferreo coloretur. Possunt etiam externè ictus papyracei ad utrumque acinacis planum in quincuncem dispositi agglutinari, ut in figura videre est. Foramen accensorium in mucrone acinacis vel circiter faciendum.

CAPVT III.

De Semispathis igneis.

Forma semispathæ in fig: sub Num: 177 affinis est acinaci superius descripto: fitque è ligno levi & sicco. Acies ejus striatur fulcaturvè, ut in hemicylindraceum canalem abscedat: locantur postmodum in hoc Rochetæ octo vel decem-unciales, vel etiam majores paulò, (idque juxta crassitiem semispathæ, & canalis amplitudinem) lentâ materiâ onerata, quarum compositiones jam præcessere; sed & sequens non inepta ad idem opus erit: Sume Pulveris partes 5, Salisnitri partes 3, Carbonum partes 2, Sulphuris partem 1, tere, misce, & incorpora, & rochetas reple, usque ad summa orificiorū labra, absque orbe, & ictu ex pulvere granulato, ut in vulgaribus Rochetis fieri solet: atque sic non ligatas desuper, sed parentes, nec terebratas, unam alteri superimponendo, in canali illo agglutina, & desuper contege papyro. Ad utrumque semispathæ planum, & in tergo, ictus etiam papyracei agglutinandi, atque retinaculis quibusdā, vel ansulis affirmandi: atque canaliculi, ad singulos ictus à rochetis ducendi, & farinâ pulveris saturandi.

CA-

CAPVT IV.

De Gladiis igneis.

Frustra agi per plura (ut dicitur; cæteris tamen paribus) quod per pauciora præstari potest, huic capiti vel maximè congruit: Minimè enim multorum verborum explicatione figura gladii igniti sub N° 178 posita opus habet, cum præter formam nil dissimile & alienum à constructione superius descriptæ semispathæ gladius requirat. Itaq; non repetitis iis quæ jam superius dicta sunt, nec novis ad unam eandemque rem exprimendam explicandamque ex ærario oratorio depromptis verborum modulis; totam gladiatorum igneorum construendi rationē, ne transversum quidem unguem, ab eo modo quem superius in semispathis descripsimus discedere pronunciamus.

CAPVT V.

De Perticis igneis.

Perticæ igneæ decem aut duodecim pedum longitudine faciendæ sunt; crassitiem verò habeant per diametrum duorum ad summum digitorum. In una extremitate ad longitudinem duorum triumve pedum, tres aut quatuor oppositi excavandi canales: & rochetæ eodem modo paratæ ut in semispatharum descriptione jam diximus, in uno canali recondendæ; in reliquis verò ictus papyracei; terebratis foraminulis, ad singulos ictus, à rochetis progredientibus. Demum papyro totum artificium congregandum, ut plebeji fallantur oculi. Vide Figura 179.

CAPVT VI.

De Rotis igneis.

Species I.

Omnium specierum simplicissima est Rotarum ignearum species quæ in scuto sub Num: 175 depinximus. Paratur ex tabulis ligneis levibus tiliaceis videlicet, aut pineis, in formam octanguli ordinati dispositis, & unà benè compactis. In centro modiolus est cum suis radiis singula rotæ latera sustentantibus. Margines laterum eo modo ut superius de semispathis atque perticis diximus, excavantur, & in excavationibus agglutinantur, affirmanturque Rochetæ majores quæpiam, vel singulæ vel plures, ut longitudo laterum rotæ postulaverit: sed requiritur hîc ut Rochetæ terebratæ sint vulgarium instar in aëra scandentium Rochetarum, & materiâ competentem oneratæ: Supernè quoque ligandæ; relicto nihilominus tamen in singulis amplo satis foramine, per quod ubi jam tota intro reclusa conflagraverit materia, transiliat illico ignis ad alterius vicinæ cameram accensoriam, & sic deinceps unâ exustâ inflammetur altera jugi ordine ad usque novissimam: sed hæc firmiter supernè liganda, & quopiam artificio procurandum, ut ubi prima Rocheta accensa fuerit, flammâ ignis ex ejus camera accensoria erumpens huic non noceat quicquam: poterit quoque ultima hæc Rocheta etiam ictum ex pulvere granulato habere.

F f 3

Spe.

Species 2.

Hæc species artificiosior est paulò præcedente. Forma ejus circularis est. Canalis unus continuus per totam convexitatem marginis ducitur, & Rochetæ juxta præcedentia paratæ agglutinantur. Supernè ad planum ejus affiguntur in omnem circuitum ietus papyracei, canalesque pulveris farinâ referti, ad singulos à vicinis Rochetis educuntur. Reliqua monstrat figura Num. 180.

Species 3 & 4.

Forma rotæ istius æquatur illi in specie prima descriptæ, & constructio ambarum quasi una eademque est: hoc tamen hæc superat utramque præcedentem, quòd duplicem Rochetarum ordinem habeat, & duplicem absolvat cursum in partes contrarias; dextrorsum videlicet lævorsumque: non tamen uno ac eodem tempore peragit utrumque; sed completo uno, ubi primi inferioris ordinis exustæ fuerint Rochetæ, orditur alterum, igne per occultum canalem ad superiorem ordinem trajiciente. Quomodo autem superior ordo Rochetarum disponi debeat patet ex Fig. Num. 181.

Nota. Omnes istæ enumeratæ & descriptæ Rochetarum species sunt vel horizontales; vel perpendiculares: id est, dum ardendo gyrantur super axibus ferreis (isti quales esse debeant, monstrat Fig. Num. 182.) planum earum vel horizontis plano parallelum est, vel perpendiculare. Horizontalis Rotæ expressimus figuram in schemate Num. 204, sub lit. E; Perpendicularis verò ibid. sub lit. G. Illa tamen horizontalis quartam speciem rotarum ignearum constituere potest; quia aliis non parùm dissimilis est: nempe quòd planum ejus constratum sit Rochetis currentibus, vel scandentibus etiam, cum magna satis fuerit: estque ejus constructio similis constructioni clypei speciei secundæ, idque propter Rochetas plano insistentes, cætera verò cum rotis superius descriptis habet communia. Est præterea rota circularis ex qua peluis fontanæ igneæ efformata est, in Fig. sub Num. 202, sub lit. B, planum ejus sub lit. E; orthographia verò, & ratio quomodo circa tubum igneum gyroni debeat, apparet sub lit. F; sed de hoc plura alio loco.

Species 5.

Ad constructionem istius Rotæ necesse est ut primùm habeas patinam ligneam amplam satis, & marginibus directis non recurvis patentem: hujus formam exhibet figura Num. 183 sub lit. B: Item tabulam ligneam siccam, levem, delatam & quadratam, cujus singula latera duo tresvè pedes metiantur. Hanc efforma in octangularem ordinatam figuram, resectis angulorum quadrati superfluitatibus: & in singulorum laterum marginibus excava canales hemicylindræcos, juxta crassitiem tabulæ. Fac præterea in medio tabulæ foramen in quod globum aquaticum, aut alterum illi similem qualem in specie 3 globorum saltantium super planis horizontalibus, superius descripsimus, immittere possis ita, ut semissis ejus sub tabula in vacuo patinæ latitet; altera verò ejusdem plano superemineat. Affige postmodum clavis ferreis tabulam illam marginibus patinæ: globum in medium insere, & probe fibulis ferreis, aut alio quopiam modo affirma, ut difficulter à tabula separari queat: in canalibus Rochetas dicto modo præparatas agglutina, unam alteri jungendo, ut non interruptâ serie inflammentur singulæ, rotamque in gyrum vertant: singulis lateribus

ribus rotæ tres aut quatuor pyxides plano tabulæ perpendiculariter insistentes, & rochetis currentibus refertas addere poteris: ictus etiam in omnem circuitum rotæ super eodem plano dispones; nec simplici duntaxat; ordine: immò duplici aut multiplici etiam, ut tibi visum fuerit, & planum Rotæ patietur.

Canales hoc sequenti modo ducendi sunt: à foramine primùm accensorio Rochetæ quæ prima inter alias inflammari debet duc canalem occultum, excavando tabulam ad globum usque: quem etiam perfora ad materiam intrò reclusam: canalem illum reple pulvere minutissimè trito, & desuper diligenter contege. Rursum ad singulas pyxides à vicinis Rochetis duc quoque canales; & à singulis pyxidibus, ad singulos ictus alteros, quos omnes pulveris pollinè saturato.

Pyxides sic sunt præparandæ, & in tabula collocandæ, ut superius in descriptione scuri speciei quartæ diximus. Denique supernè & infernè, & in omnem circuitum globus, tabula, rochetæ, ictus, pyxides, & patina, quam optimè pice liquefactâ perfundenda; ut ubi rota in aquam projecta fuerit, nulla sit rimula per quam aqua vel ad canales, vel ad rochetas, aut pyxides, vel etiam vacuum interius patinæ ingredi valeat: ex quo opus totum irritum cederet: quod diligentia, & sedulitati committimus Pyrobolistæ.

Nota. Globus in medio rotæ consistens incendendus est primùm, & ubi jam benè flammam intro conclusa materia conceperit, leviter projicienda est in aquam tota moles. Vide ibid: fig: sub lit. A.

CAPVT VII.

De Clavis igneis.

Species 1 & 2.

Plurimas clavarum species, quas Pyrobolistæ comminiscuntur volentes lubentesque præterimus; cùm (ut jam aliquoties meminimus) non quisquillas, aut inanes paleas in horreolum nostrum converrendi sit nobis animus; verùm ponderosa, & selecta præcipuarum inventionum grana, omnis diligentia nostræ & laboris humeris inferendi. Itaque tres sequentes duntaxat apponimus species; è quibus duæ sub numeris 184. & 185, in omnibus similes sunt globis aquaticis septimæ, & notæ speciei superius à nobis descriptis; quo circa eò recurrendum est, & modus construendi inde petendus. Manubria tantùm globos sustinentia in eam formam torno elaborantur, ut figuræ monstrant; quamvis & alterius esse possint: compositionem quoque magis hîc convenientiorem illâ quæ globis aquaticis adhiberi solet, apponimus sequentem: Sume picis ss i, Sulphuris ziii j, Carbonum zj j, tere, misce, & incorpora, ac pinguedine aliquâ, aut ardenti aquâ resperge, denique in globos mitte: Sed & illa non omnino inutiliter hîc quoque adhiberi poterit compositio quam superius ad acinaces præscripsimus.

Species 3.

Faciat tornio clavam cum suo manubrio, extrinsecus ovum aliquod prægrande, aut sphæroidem referentem: intrinsecus verò aut concavam ad eandem formam quæ est convexitatis, (sed itamen ut, quaquaversum crassities

ties ligni sit ad minimum, quinq; digitorum,) aut foramen duntaxat in medio usque ad semissem altitudinis ex vertice productum, latumque tres aut quatuor digitos, habentem excavatum. Item terebrentur foramina in omnem ejus corporis circuitum trium vel quatuor digitorum latitudine; profunditate vero altitudini rochetarum currentium æquali; idque eo modo ut omnia in mediam excavationem dirigantur.

Rursus fiant perexigui canaliculi, à singulis excavationum fundis ad vacuum producti, pulveris polline saturati. Fac præterea pyxides ex papyro super cylindro crassitiæ paulò minorem vacuo excavationum habente, conglomerata, & conglutinata, ut illis foraminibus aptè congruant: fundos etiam papyraceos habere poterunt; sed in medio pertusos, ut igni patula sit ad accendendas Rochetas in tubis illis existentibus via: hos ubi in excavationibus reposeris, desuper etiam pileolis conicè fastigatis conteges; primum tamen orificia pyxidum orbibus papyraceis occludes, ut immobiles intus consistant rochetæ. Mediam excavationem seu alveum clavæ replere poteris illâ compositione quam superius ad præcedentium specierum clavas dedimus: sed & sequens non dissimilis virtutis est: Sume Salisnitri ss 1, Sulphuris ss β , Pulveris z iij, Carbonum z ij. Denique totam superficiem clavæ, etiam cum omnibus pyxidum pileolis extrorsum prominentibus pice vel glutine probè illine; colore etiam aliquo addito. Vide figura N° 186.

CAPVT VIII.

De Baculo igneo.

Baculus igneus rotæ aliquando igneæ vices supplere poterit, cum etiam & horizontaliter, & perpendiculariter super clavo gyrari soleat, quod commune cum rotis habet: structura autem ejus exigui admodum laboris & pretii est: onerantur nempe primum duæ rochetæ scandentes cujusunque magnitudinis compositione aptâ, ad summa usque orificiorum labra: terebranturque ad unam tertiam partem suæ altitudinis terebrâ congruenti. Elaboratur postmodum torno globulus ligneus solidus cum duobus axiculis per diametrum sibi oppositis, qui in orificia rochetarum in-eant, atque convenient. Sit quoque idem ille globus per diametrum, quæ rectam per medium axiculorum transeuntem orthogonaliter secat, perforatus: Item utrique rochetæ affigantur extrinsecus ad easdem partes ictus papyracei, ad intervallum duorum triumve digitorum ab orificiis earundem remoti, cum suis tubulis: Canalis etiam in parte ictibus opposita, per quem exiit rochetâ unâ, descendat ignis ad alterius cameram accensoriam, (quæ etiam pileolo papyraceo contegenda, in eum modum ut superius de rochetis super funibus currentibus dictum est) applicandus. In Fi. N° 187 sub lit: A est globulus ligneus cum axibus, in rochetarum orificia immisiss: B, C, sunt rochetæ compositione oneratæ, atque terebratæ: E, F, ictus papyracei: D canalis; reliqua schema ipsum docet.

CAPVT IX.

De Calice igneo.

Ex ligno aut metallo quoptam fusili, & laminis, fabricari facito calicem vulgari quo in mensa utimur similem, cujusunque formæ; sed illa tamen

men maxime ad hoc opus commoda videtur, quam in schemate Num: 188 conspicias. Fundus cum tota basi ad vacuum usque interius perforatus sit, & canalis aut ligneus aut metallicus insertus, sequenti oneratus compositione, quæ obscuram producit flammam: Sume Pulveris ℥iiij, Sulphuris ℥ij, Carbonum ℥j, Antimonii crudi ℥ij, Salis communis ℥j.

Aluum calicis Rochetis currentibus implebis, supposito primùm pūillo granulati cum trito permixti pulveris, ad ejiciendum inditas Rochetas. Has conteges orbe ligneo, tres aut quatuor lineas crasso, & ejus ambitus, qui exactè concavitate immediatè Rochetarum capitibus imminenti, ex æquo congruat: residuum denique vacui ad summa usque calicis labra pice liquefactâ circumfunde; maxime verò orbem illum ligneum Rochetis superincumbentem etiam linteo pice illito contegere poteris; ut & firmiter in calice hæreat, & nulla sit rimula per quam liquor desuper infusus in Rochetas descendat.

Multa ingeniosus Pyrobolista comminisci poterit, quæ ope istius calicis efficiet: præcipuè autem in sanitatem alicujus propinans alteri, tubulū prius sub fundo calicis latentem admoto fomite inflammari faciet, postmodum quàm celerrimè infusum in calicem liquorem exhauriet, & remoto illic à labiis calice, manuque super caput sublatâ, expectabit donec incensæ eruperint è calice Rochetæ: sed moneo, aut parum infundendum esse liquoris, ut uno duobusvè haustibus exhauriri possit; aut crebris laxarum helluationibus ad largiora Græco more ebibenda pocula, requiritur guttur; salutis enim agitur res. Præter hanc calicis formam nunc descriptam; vide etiam alias in Figura Numero 200, & 201.

CAPVT X.

De Tubis igneis.

Siquid adeo ad construendas machinas artificiales Pyrotechnicas, de quibus sequenti capite sermo nobis erit, necessarium est; tum revera tubi ignei primum sibi dari locum postulant: vix namque aliud quidquam præter hos inveniri potest quod aptum sit complere, fulcire, & totam portare molem, totque varios & in maxima copia effundere ignes; idque ordinatè, & per intervalla, ut artifici visum fuerit. Proponemus igitur egregias aliquot, & maxime nunc à Pyrotechnicis operibus adhiberi solitas; atque ut ordo postulat enumerabimus eas describemusque, jam verò sit

Species 1.

In fig: Num: 189 est forma tubi ex multis pyxidibus compositi in lubitam surgentis altitudinem: suntque omnes illæ pyxides ex una parte qua alterâ inferiorem contegunt, lingulatæ, ut alia in aliam inire, convenireque possint. Si ligneæ fuerint, commissuræ ita faciendæ ut non facile dignosci queant; nisi datâ quispiam operâ id rimari velit; sed solidum quasi cylindrum referant ubi simul junctæ fuerint: sin autem ex conglutinata papyro faciendæ sunt; (quod magis laudaverim, & propter firmitatem, & propter levitatem) cum omnes æqualis crassitie & amplitudinis interioris fuerint, propè fundos singularum pyxidum exterius agglutinabuntur aliæ pyxidiculæ altæ unum palmum, aut circiter; interna vero concavitatis eorum circumferentia, externum tuborum ambitum æquabit: suntque ita infra fundum demittendæ, ut ad altitudinem semissis palmi inferior in superiorem inire possit.

G g

Ad

Ad tales porro pyxides faciendas percommoda est illa machinula sub lit: H, atque cylindri duo sub lit: B & C. super quibus smegmate primùm illitis conglutinantur, & justâ crassitie atque altitudine confiunt pyxides; unam alteri superimponendo chartam, ab una parte glutine illitam, cylindrosque quorum axes singulis utrinque furcillis sustentantur, manubrio axi infixio, circumgyrando. Ponuntur postea in loco mediocriter calido, ut pedetentim siccescant lento calore; intenso enim contraherentur illicò, & rugas cogerent, aut rimas facerent, pandarenturque: eam quoque ob rem immediatè postquam ex cylindris detractæ fuerint, orbes lignei, fundos singulis præbituri, agglutinantur, & ut tenacius tubis adhæreant, veruculis etiam ligneis, aut claviculis ferreis ab extra impactis affirmantur. Tubi lignei fundis singularum pyxidum infixi eam habent rationem, & simili onerantur materiâ, Rochetæ quoque ita collocantur, ut superius de globis aquaticis speciei 4 diximus. Quomodo isti tubi machinis Pyrotechnicis accommodari debeant, monstrat simulachrum Fortunæ in fig: Num: 202; in majori quoque forma similis tubus expressus est ibidem sub litera A.

Species 2.

Præcessit jam tuborum species ex pluribus pyxidibus compositorum, qui sensim decurtantur, dum Rochetæ in inferiori tubo contentæ superiorem jam Rochetis vacuum tollunt, dejiciuntque; sequuntur species aliorum qui solidi sunt, & ejusdem semper manent altitudinis; ab extra duntaxat affixa quædam artificiosa opera non interrupto ordine usque ad imum tuborum, exuruntur, atque separantur: vel etiam intrò reclusi globi artificiales recreativi, aut alia his similia ejiciuntur in altum, & sic tubi exinaniuntur: hos itaque breviter enumerabo, & describam, ac primò quidem.

Tubus sub Numero 190 est ex ligno solido, duro, & sicco, ejus altitudinis, quæ necessaria est: crassities quoque ad lubitum, atque juxta judicium construendis sumi potest: terebratur magnâ aliquâ terebrâ per axem suæ altitudinis ita, ut foraminis latitudo sit ex una tertia, vel ad minimû quarta parte totius crassitie. Disperscitur postmodum tota altitudo tubi in partes aliquot, omnes inter se æquales, & Rochetis scandentibus cujuscunque magnitudinis illæ sumptæ fuerint, vel ex æquo correspondentes, vel paulò breviores. Rursus omnes illæ portiones retrahuntur in interiora: suprema quidem orthogonaliter & axi tubi parallelè; omnes verò reliquæ obliquè, supernè videlicet latiores sunt, idq; juxta crassitiem tubi manentem; infernè verò graciliores atque earum retractiones, (quas Germani *absatz* dicunt) supremæ portionis retractioni, & crassities crassitie æquales. Item in omnibus illis retractionibus super planis orbicularibus fiunt canales in omnem circuitum, in formam helicylindraceam, latitudine unius digiti, profunditate verò sex linearum circiter. Sic etiam ex singulis illis canalibus ducuntur minores canaliculi ad vacuum usque tubi, per quos excurrat ignis ad accendendas Rochetas in tubis papyraceis super planis illarum retractionum, & canali per medium transeunte in omnem circuitum positis, firmiterque agglutinatis, & funiculis revinctis, ut unâ cum Rochetis non a volent in aëra. Canaliū atque tuborum cum Rochetis, faciendorum collocandorumque ratio, ex illa globorum aquaticorum specie sub N° 83 huc est reassumenda; cætera adjectum monstrat diagramma, in quo A & B literis notantur tubi cum Rochetis; C canales, & minores canaliculi; D orificium vacui tubi.

Cana-

Canales minutissimè trito pulvere replebuntur, internum vero vacuum (ut & aliorum omnium sequentium tuborum) aliquâ compositione vel ad globos aquaticos, vel ad ignitos superius præscriptâ: hoc nihilominus diligenter observetur, ut post quinas aut senas libras infusæ materiæ in vacuum tubi, semper selibram granulati pulveris injicias ad efflandum omnem spurcitiam, & fuliginem, pendulas in orificio tubi, illudque obstruentes, atque liberum flammæ prorumpenti denegantes exitum. Fundus hujus tubi solidus erit, nempe vacuum tribus quatuorvè digitis brevius fiet ipso tubo, nec penitus totam altitudinem penetrabit.

Species 3.

Forma tubi sub Num. 191 discrepat non parum à præcedentis tubi forma; cylindrum quippe hic externè teretem refert; internè verò etiam cavum, ut & superior erat. Circumvolvitur illi filum spiratim per totam altitudinis convexitatem; & juxta hujus ductum in lubita distantia excavantur duos tresve digitos profunda foramina, quorum bases atque catheti in orthographia profunditatis, obliquè in axem ejusque parallelas incidunt; sed omnes inter se sunt æquidistantes. (vide in eadem fig: lit: B, & C.) In hisce foraminibus affirmantur aliquo artificio tubi papyracei cum fundis ligneis, continentes Rochetas currentes, vel scandentes etiam, idque juxta tubi magnitudinem, quod etiam in eodem schemate lit. A, & E monstrant: sed ducendi sunt prius canaliculi ex singulis foraminibus ad vacuum interius tubi, atque per tubos papyraceos ad pulverem Rochetis suppositum.

Species 4.

Parum novi habeo quod referam de tubo in fig. Num. 192 delineato: similis enim est præcedenti; nisi quod illic ex tubis papyraceis singulæ duntaxat erumpebant rochetæ; hîc verò in eandem formam dispositæ pyxides papyraceæ, cum fundis ligneis, & optimè ad superficiem tubi agglutinatæ, internèque clavis ferreis uncinatis, aut ligneis quibusdam fulcris sustentæ, plurimas rochetas currentes ejiciunt: directè nihilominus & parallelè cum axe lateribusque tubi affixæ sunt; cætera omnia habet hæc species cum præcedenti communia.

Species 5.

Ambitus cylindri in utroque capite dispescitur primùm in partes aliquot æquales, & lineæ ducuntur puncta conjungentes, atque multangulares ordinatas utrinque in circinationibus efformantes figuras, quarum anguli angulis, latera lateribus mutuo congruant: dolatur postea & runcinâ levigatur cylinder ille juxta oppositas bases, atque in prisma polyedrum efformatur: formam illius vide in fig. Num. 193.

Perforatur deinceps in morem aliorum tuborum, & singulæ hedræ plurimis laceffuntur foraminibus obliquè & ad angulos acutos in axim prismatis & plana hedrarum incidentibus, atque in vacuum usque productis. In hæc inferuntur vel ictus ferrei, vel rochetæ currentes, vel scandentes etiam si tubus prægrandis quispiam fuerit.

Super ejusmodi tubo fabricata est tota illa turris in medio castelli quinquangularis consistens, ut monstrat fig. Num. 204: sed & alia plurima tam recreativa quam seria excogitare poterit ingeniosus, quibus hanc tuborum speciem dextrè adhibebit: nos autem ad reliquas describendas properamus.

Species 6.

Hujus speciei tubos jam lib: 3 in specie Rochetarum scandentium tertia, & lib: 4 in specie globorum aquaticorum 12 sufficienter satis descripsimus: & quantumvis hîc vel maximè id fieri deberet ut nos facturos promiseramus ibidem; nihilominus tamen cum vix aliqua nisi forsan in magnitudine inter hos ac illos sit differentia; igitur illorum constructio inde petenda: Hoc tamen notatum volumus quòd omnium specierum tubi excepto tantum primo superius descripto, hac ratione internè onerari possint, quâ hic tubus sub Num: 194 oneratus est. Illic autem lit: A indicat, scintillas stellasque Pyrotechnicas, pulveri granulato immixtas; B globum recreativum ictibus Papyraceis aut ferreis repletum; C globum lucentem, vel aquaticum; D denique rursus alterum globum recreativum Rochetas currentes continentem: interstitia inter hos materia lenta occupat, pulvisque granulatus ad ejiciendum singulos globos.

Species 7.

Supervacanea profecto res est nova semper depromere verba ad singulas tuborum describendas species; cum unius duntaxat tubi constructione probè intellectâ, nullo planè negotio in aliorum cognitionem deveniri possit; tum ex figuris perquam clara sit res. Itaque de hac specie id duntaxat unicum appono, quòd ictus juxta lineæ spiralis arctioris cujuspiam ductum in formam rhombi ex duobus triangulis æquilateris compositi, aut in quincuncem in superficie tubi sint disponendi, & firmiter annectendi. Reliqua hanc speciem concernentia jam alibi dicta sunt. Vide figura Numero 195.


Species 8.


Cape cylindrum ligneum benè tornatum, aut saltem truncum aliquem ita dolatum & runcinâ levigatum, ut teres sit, & æquales utrinque bases habeat. Latitudo seu crassities ejus lubita sit: altitudo verò sextupla, vel decupla crassities. Striandus postmodum est in eam formam, qualem in fig. Num. 196 conspicias; quo autem id fiat artificio, jam expono.

Circulum ambientem basim divide in 6 partes, sumptâ semidiametro crassities: rursus quamlibet in 7 partes dispesce: illarum una exhibet latitudinem striæ seu partis prominulæ & protuberantis: sex verò latitudinem strigis, seu cavi ipsius, aut canalis, is autem fit hunc in modum.

Sume semissem latitudinis strigis pro semidiametro, & duc arcum ab uno peripheriæ basim amplectentis puncto ad aliud, dextra ac sinistra. Rursum transmissâ; pro latitudine striæ duc alterum similem arcum firmatâ unâ circini cuspide in ipsa peripheria; & deinceps continua cœprum opus, quoad sex arcus describas. Idem quoque in altera basi faciendum: tandem ductis in superficie cylindri ex punctis basium oppositis, strias & striges terminantibus rectis ad perpendicularum, excavabis sex canales eâ profunditate, ut arcus in basibus descripti docebunt. Terebratur præterea per axim ille cylinder, ita ut ejus vacui diameter sit ex $\frac{1}{2}$ vel $\frac{1}{3}$ latitudinis strigis.

Insuper para mortariola hoc sequenti modo: fac tornari cylindros, ligneos quorum latitudo seu crassities, & altitudo æquales sint latitudini strigis: ad alterutram basim fac retractionem altitudinis $\frac{1}{2}$, latitudini verò $\frac{1}{3}$: eandem quoque basim excava humili ac delumbata circinatione: atque ex imo ejus-





eiusdem excavationis profundius quoque in ligno fac cameram seu reconditorium pulveris, ad altitudinem $\frac{1}{2}$ & $\frac{1}{2}$; latitudinem vero $\frac{1}{2}$ strigis.

Ad hoc modo factos cylindros agglutina clavibusque affige firmiter tubos papyraceos in illis retractionibus: ex quarum etiam latitudine desument tubi suam crassitiem; sed altitudinem duplam latitudinis strigis habebunt. Hæc mortariola complectentur intus globulos recreativos etiam papyraceos, sed cum fundis ligneis, sic instructos ut supra docuimus; pulvis quoque ad eosdem ejiciendos reponetur in cameris mortariorum: denique circumvoluto in helicis latæ formam filo à summitate tubi ad calcem usque disponentur juxta ejusdem ductum in canalibus seu strigibus tubi, illa mortariola, & quam firmissimè affigentur ansis ferreis, in bases mortariorum striasque tubi ab utraque parte impactis; & in medio laminulis digitorum unum latis convexitatem tuborum prominentem ex strigibus ambientibus, annectentur: præterea etiam majoris firmitatis ergo basibus supponentur erismata seu fulcra lignea; aut clavi uncinati in tubum impacti. Sed priusquam mortaria cum globis tubo affigas, opus est ut foramina accensoria in eo terebres & postmodum mortariorum foculos iisdem dextrè opponas adjungasque: Cætera clara sunt ex figura: ubi litera A & B ostendunt mortaria, litera C, globum recreativum. Unicum tantum moneo, singula duntaxat mortariola in singulis canalibus esse locanda, nec unum alteri supponendum. De operatione vacui tubi nil dico, quod id jam toties reperierim.

COROLLARIUM I.

Possunt isti tubi ita quoque parari ut portatiles sint clavarum in morem; sed ad id manubiis opus habent: numerabunturque non tantum inter opera artificialia recreativa immo etiam & seria seu bellica, ubi extis quibusdam feralibus extrorsum introrsumque instructi fuerint, quod industriis operis relinquendum censui, sed & alio loco de hoc dabitur nobis dicendi occasio.

COROLLARIUM II.

Quamvis isti tubi 7 posteriores commodè satis compositionibus ad globos aquaticos atque ignitos superius descriptos ordinatis onerari possint, appono nihilominus peculiare, & propriè tubis igneis inservientes compositiones duas sequentes: 1. Pulveris ℥ 12, Salisnitri ℥ 8, Carbonum ℥ 4, Scobis ferreæ ℥ 2. 2. Pulveris ℥ 24, Salisnitri ℥ 10, Sulphuris ℥ 6, Carbonum ℥ 4, Colophoniz ℥ 2, Limaturæ ligni ℥ 8.

COROLLARIUM III.

Fecimus in præcedentibus sæpiusculè mentionem lineæ spiralis circa cylindrum describendæ, seu quomodo filum in superficie cylindri in formam cochleæ torqueri debeat: operæ igitur pretium erit fusiori stylo hujus rei exponere rationem; conducetque id plurimum non ad rectam tuborum nostrorum duntaxat constructionem, verum etiam ad alia plurima Architectonica, Mechanica Hydraulicaque opera: cum vero appositè fiat ad mentem nostram obtulerit sese locus Vitruvii lib. 10, cap. 11, in quo docet ille modum construendæ cochleæ magnam aquæ copiam extollentis, cujus inventio ante Vitruvii tempora Archimedi tribuitur; itaq; verba ejus accipe:

G g 3

Est

Est etiam cochleæ ratio quæ magnam vim haurit aquæ, sed non tam altè tollit quàm rota. Ejus autem ratio sic expeditur. Tignum sumitur, cujus tigni quanta fuerit pedum longitudo, tanta digitorum expeditur crassitudo: id ad circinum rotundatur. In capitibus circino dividuntur circinationes eorum retrantibus in partes quatuor, vel octantibus in partes octo ductis lineis: eæque lineæ ita collocentur, ut in plano posito tigno ad libellam, utriusque capitis lineæ inter se respondeant ad perpendicularum: ab his deinde à capite ad alterum caput lineæ perducantur convenientes, uti quàm magna erit pars octava circinationis tigni, tam magnis spatiis distent secundum latitudinem. Sic & in rotundatione & in longitudine, æqualia spatia fient. Ita quo loci describuntur lineæ quæ sunt in longitudine spectantes, faciendæ decussationes, & in decussationibus finita puncta. His ita emendate descriptis, sumitur saligna tenuis, aut de vitice secta regula, quæ uncta liquida pice, figitur in primo decussis puncto: deinde trajicitur obliq; ad insequentes longitudes & circuitiones decussum. Et ita ex ordine progrediens, singula puncta prætereundo, & circumvolvendo, collocatur in singulis decussationibus: & ita pervenit & figitur ad eam lineam, recedens à primo in octavum punctum, in qua prima pars ejus est fixa: Eo modo quantum progredietur oblique per spatium & per octo puncta, tantumdem in longitudine procedit ad octavum punctum. Eadem ratione, per omne spatium longitudinis & rotunditatis singulis decussationibus oblique fixæ regulæ, per octo crassitudinis divisiones involutos faciunt canales, & justam cochleæ naturalemque imitationem &c.

Hæc si paulo difficiliora cuipiam forsan visa fuerint, proderit non parum ad meliorem intelligentiam legisse etiam commentarios Philandri & Danielis Barbari in eundem locum.

Habet præterea & Marius Bettinus in *Ærario Philosophiæ Mathematicæ* tom: 1, pag: 48 & 49, alium quoque modum describendæ helicis sive spiralis lineæ circa cylindrum ex projectionibus opticis, cujus inventio Albertum Durerum agnoscit auctorem, ut quibusdam placet. Sed & tertiū modum ibidem ex Pappi lib: 8 coll. Mat. prop. 24 apponit Bettinus, idq; ad explicationem mentis Vitruvianæ in loco jam à nobis citato. Hunc nos breviter ex eodem illo auctore descripsimus, omittis quibusdam quæ ad ejus figuram pertinebant; quibusdam verò nostris additis.

Cylindri perimetro exponatur recta æqualis, & ex altero ejus termino erecta perpendiculari (longiore si laxiorem vis helicem, brevior si arctiorem) connectantur perpendicularis & basis alterius extremi puncta, linea obliqua seu hypotenusa, & factum erit triangulum in pagella vel papyro: cujus basi circumposita ad perimetrum cylindri, hypotenusa obliquo amplexu & continuato, notabit limitem in superficie cylindrica, quem pro spirali signabis, eritque facta prima spiralis. Iterum applicandum erit triangulum circa cylindrum pari modo pro secunda spirali.

Triangulum rectangulum basi sua ostendat progressum circulem extremi puncti, recte perpendicularis: latus vero perpendicularare indicat sua longitudine progressum quem fecit punctum, quod motum est ab imo ad summum eodem tempore, quo peracta est circularis peripheria.

Hæc admodum facilia, reliqua vero ex ipso auctore petenda: sed addo juxta hunc posteriorem modum aptam helicis lineam describi posse super tubo ultimæ speciei, si nimirum factum fuerit triangulum orthogonum cujus basis sit ex ambitu tubi, perpendicularis verò ex ejusdem altitudine desumpta; & postmodum puncta perpendicularis & extremitatis alterius basis, tertiâ obliquâ connectantur, & sic superficiæ tubi aptetur triangulum, ut altitudo ejus altitudini, basis vero circumferentiæ basis ejusdem congruat

gruat, tum tertia obliqua designabit spiram in superficie cylindri, juxta cujus postmodum ductum disponentur mortaria in strigibus, seu cavis tubi affirmabunturque juxta modum superius traditum.

Petere quoque præterea poteris ex eodem auctore etiam modum describendæ lineæ helicis seu spiralis in plano, quod te scire oportet ad ducendos canales in spiræ formam super clypeis scutisque Pyrotechnicis, ut jam dictum superius est.

CAPVT XI.

De variis Machinis Molibusque Pyrotechnicis recreativis, compositis ex Rochetis, Ictibus, Globis, Rotis, Clypeis, Clavis, Acinacibus, Gladiis, Perticis, Baculis, Tubis, aliisque hisce similibus.

Quicquid hætenus de ignibus artificialibus recreativis diximus, totum illud ad caput hoc revocari debet: omnis quippe modus & ratio construendorum supra recensitorum operum, fusè satis à nobis demonstrata, τὰς quædam sive ordinatio erat, quæ & materias aptas noscere, eligere, & præparare; & partes quasdam essentielles seu membra ex quibus ingentes componuntur machinæ, & illa omnia quæ ad ludicra opera Pyrotechnica attinent, fabricare docuit. Sequitur nunc pars altera hoc capite comprehensa quam Architecti à Græcis mutuato vocabulo διατέσις vocant: hæc autem ut à Vitruvio definitur *est rerum apta collocatio, elegansque in compositionibus effectus operis cum qualitate*: componitur verò ea ex partibus pluribus, è quibus cæteris omissis, quia non vulgarem Architecturæ requirunt notitiam (cujus tamen Pyrotechnicum omninò rudem esse non decet) duas nobis duntaxat ad tractandum selegimus. Thematisimum videlicet (Græcis θεματισμός) seu stationem, & decorem, qui est *emendatus operis aspectus, probatis rebus compositioni cum auctoritate*: is verò nascitur ex cogitatione & cura studii plena, quibus opera talia comminiscitur, & è solerti depromit ingenio, aliisque proponit Pyrotechnicus, quæ & tempori, & loco, & personarum quibus morem gerere vult qualitati, & auctoritati conformia sunt; & quod maximum, vel naturali observatione, vel usu & consuetudine hominum recepta, & comprobata; sed tamen artis regulis non contraria, nec factu impossibilia.

Item distributionem quæ οἰκονομία dicitur: hæc vero consistit in praxi ipsa manuali, & accurata membrorum omnium connexionione, ac judicio quid, quomodo; & quare in hoc vel alio loco poni debet. Tum etiam ad hoc refertur parca in operibus sumptus cum ratione temperatio, & dispensatio. Securitatis quoque & salutis, ac vitæ tam propriæ quàm aliorum non postrema cura habenda, quæ etiam ex eodem fonte promanat. De his itaque duabus partibus nostræ Pyrotechniæ dicenda nobis sunt quædam, ac primo quidem -

De Thematismo & decore observando in machinis Pyrotechnicis recreativis.

Ignes nostros artificiales recreativos quatuor potissimum temporibus invigilare veteres & moderni voluerunt. Primò in solemnibus inaugurationibus

bus, & coronationibus summorum Pontificum, Imperatorum, Regum, Principum, summorumque Præfectorum militarium & civilium, ac novorum magistratuum creationibus; testandæ publicæ lætitiæ ergò.

Secundò, post relatam de hostibus insignem aliquam terra vel mari victoriam, urbes oppugnationibus receptas, vel obsidione solutas, regna & provincias hostiles occupatas, ingentem hostium numerum cæsum captumque, classẽ profligatam, & alia plurima in bello feliciter præclarèque gesta, aut pacem publicam restitutam; cum Imperator aliquis & belli dux triumphans urbem quampiam ingreditur; (aut saltem eo etiam absente in suum honorem à suis civibus, aut amicis) in præmium virtutis & fortunæ, atque ad ostentandam publicam gratitudinem, inter complures præstitos honores, congratulationes, dona, spectacula ludosque publicos, erecta trophæa, & arcus triumphales, ac alia ejusdem generis quibus virtus ornari solet, ignes quoque festivi exhibentur.


His etiam & dies festi, & memoriæ beatorum vel anniversariæ, vel dum in numerum divorum referuntur (quod nunc *canonizationem* dicunt) annumerari poterunt: istis enim jure etiam merito festivi ignes debentur, qui de mundo, & iis quæ in mundo sunt, victoriam reportarunt, & insigne dum viverent pietatis, sanctitatis, continentiæ, Christianæ fortitudinis, cæterarumque virtutum specimen præbuerunt, & posteris ad imitandum reliquerunt.


Tertiò, in cænis nuptialibus.

Quartò, denique in conviviis, aliisque accubationibus epularibus amicorum, ut alibi dictum.

Quantum porro ad primum. Non ineptè fabricabuntur igneæ coronæ, stemmata tam Principis quàm gentis. Statua quædam majestate insignis, quæ aliæ multæ minores variarum gentium, quibus Princeps ille imperat, singulæ juxta suæ patriæ vestitiæ morem, adorantes, salutantesque genua submittant, & toto curventur corpore. Inserviet etiam inaugurationi Pontificis alicujus Maximi, mysticum illud ex sacris bibliis Josephi somnium de manipulis unum majorem medium adorantibus. Imperatoribus verò accommodari poterit vetus illa jam lapsa republica Romana consuetudo & ratio inaugurandi Imperatorem, de qua sic Nicephorus Gregoras lib. 3, hist. Rom. p. 25. *Theodorus post obitum patris totius populi suffragiis creatus est Imperator more à majoribus accepto clypeo insidens.* & lib. 4: *Michaelẽ Paleologum clypeo insidentem circa Magnesiã optimates Imperatorem appellant.* Iulius Capitolinus in Maximo & Balbino: *Inter hæc Gordianus Cæsar sublatus à militibus Imperator est appellatus.* Atque Ammianus Marcellus lib. 26 de Iuliano Imperatore inaugurato à Gallicanis militibus: *Impositus scuto pedestri & sublatus eminens, populo silente, Augustus renunciatus, jubebatur diadema proferre.* Eundem quoque morem creandi reges etiam Gallis quondam in usu fuisse patet ex Adone Viennensi in chronico ætate sexta, ubi *Sigebertus contra Chilpericum fratrem more gentis clypeo impositus rex constituitur.* Idem Gothi quoque observabant teste Aurelio Cassiodoro lib. 10, var. epist. 31: *indicamus parentes nostros Gothos inter procinctuales gladios more majorum scuto, (non scutorum ut corrigit Thomas Dempsterus) supposito, regalem nobis contulisse Deo præstante dignitatem.*

Valebit inquam ille mos in coronationibus Imperatorum vel Regum, si nempe effingantur statux ex ignibus artificialibus compositæ, Regale bajulantes simulachrum, aut clypeo impositum (quod militarem Regis innueret virtutem, propter quam vel regnum assecutus est, vel ut postmodum in eadem adipif-





q

adipiscenda elaboret commonetur) aut variis provinciarum civitatumque insignibus innixum suffultumque; quæ, voces & libera illarum gentium suffragia denotarent; dummodo statui illius Regni id congruat, qua in re iudicium construendis requiritur. Columna quoque quædam erigi poterit regali desuper contexta coronâ, cum epigraphe: *currenti*: id autem habet suum ortum ab illo veteri Polonorum instituto post mortem Præmissai sive Lesci ejus nominis primi, cum exoriretur nova de principatu contentio, cumque nullus appareret neque modus neque finis multis ambientibus, neque ququam eorum alium sibi præferri patiente, placuit rem fortunæ committere indictoque ad certam diem maculosorum equorum cursu, qui proximus ad metam pervenisset is dominus & princeps esset cunctæ Poloniæ. Quomodo autem Lescus quidam, procerum & competitorum unus, vafro consilio stratis clam in sabulo ferreis hexagonis sive stilis cæcis, aliorum equis cespitantibus & ad cursum impeditis, solus occultâ ac non nisi sibi nota semitâ ad metam primus pervenerit, principatumque obtinuerit, hujus loci non est dicere, consulat hac de re qui volet Martinum Cromerum lib. 2 de gestis Polonorum. Hoc tantum non inepte usurpari poterit, ad exprimendam fortunæ alicujus qui Dominio potitus est prosperitatem: si videlicet inter alios candidatos in imperio libero, unanimi omnium voce Rex proclamatus fuerit; quod dextrè accommodare rerum statui noverit Pyrobolista.

Admoneri etiam noviter creati Principes poterunt vicissitudinis rerum mundanarum, & omnium nostrarum prosperitatum incertitudinis, subitæque mutationis, per vulgarem illam Fortunæ rotam: quod etiam nuper in Coronatione Daniæ Regis Friderici hodie imperantis Hafniæ factitatum fuisse audio: & revera commodè id satis repræsentari poterit per rotas nostras igneas, de quibus jam superius dictum: & hæc inventio talibus actibus vel maxime congrua videtur: *circulus enim seu rota bonorum, & malorum est*, ut ajebat Pythagoras. Fortunæ, id est divinæ providentiæ circulus attribuitur, quia ut respondit olim Æsopus quærenti quid ageret Deus: *τὸ μὲν ὑψίλα ταπεινοί, τὸ δὲ ταπεινοί ὑψοί, Deprimit excelsa, & tollit humilia*. Et è sacris illud memorandum: *Hunc humiliat, & hunc exaltat: Deposuit potentes de sede, & exaltavit humiles*. Celeberrimum id: *κύκλος τὰ ἀθάνατα, id est: circulus sunt res mortalium*. Faciunt hæc vices ad tollendam satietatem. Nam ut ait Philosophus lib. 7. mor. Eudem: & 2 Rhetor: *μεταβολὴ πάντων γλυκὺ id est: vicissitudo rerum omnium jucunda*.

Habes quoque ad eandem rem & alteram Fortunæ effigiem globo insistentem, cum velo expanso, ventisque inflato, & fronte capillatam, in Figura Num: 203, ut videlicet commonefaciantur ii quos Divina manus ad eum honoris evexit gradum ut allis jura dicant, suam felicitatem majestatemque in ejus qui contulit esse arbitrio, ventorumque mutationibus simillimam, & maximè dubiam, nec æternum permanentem: utque fortunæ blandimentis vir magnus infascinari caveat; sed in omni statu æquabilitatem servet animi.

Illam quoque figuram quam in limine ipso hujus operis exhibuimus vanitatem quoque humanæ gloriæ repræsentat: quid enim homo cum sua tota majestate, dignitate, honore, aliud est nisi bulla? immo minus quidpiam quam bulla. Adhibebitur itaque illa etiam non inconvenienter ejusmodi actibus, Et forsitan habet hæc figura suam originem ex somnio Constantini Imperatoris, qui ante fortunæ suæ mutationem vidit in somniis puerum quendam ex sinu patris sui sphæras projicientem: ex quo infallibile imminens sibi malorum sumpsit præsagium.

H h

Duci

Duci præterea alicui in bellum proficiscenti, & cui noviter summam rerum in eo gerendarum superior contulit magistratus, sciet ingeniosus quomodo applicanda sit cerimonia illa Ducum Romanorum, qui (ut servius Grammaticus in l. 8 Æn: auctor est) postquam belli curam suscepissent, Sacrum Martis ingrediebantur, & illic primò ancilia commovebant, post hastam simulachri ipsius, dicebantque: *Mars vigilia*.

Sequitur SECUNDUM, tempus triumphantium post victoriam de hostibus reportatam, Imperatorum & Belli ducum. Quid porro ex re, aptèq; representari illo tempore possit, & quales ignes artificiales esse debeant; amplissimus profectò ad dicendum enumerandumque tali actui inservientium operum campus mihi se se offert, è quibus præcipua tantum quædam recensabo.

Licebit itaque Pyrotechnico omnia illa dextrè effingere. quæcunque triumphalis postulat solennitas, ut sunt Arcus, Pyramides, Columnæ, Obelisci, Trophæa, Statuæ, hostium spolia, gentium debellatarum insignia, catenati & revinctis in terga manibus duces captivi, squalidi & neglectâ comâ ac corpore macilento horridi milites: immo ipsarum civitatum expugatarum ad vivum expressæ imagines. Militares quoque formabit omnis generis coronas, ut olim erant aureæ triumphales; quernæ civicæ; pinnatæ murales; vallares castrenses; gramineæ obsidionales; rostratæ deniq; navales. Sed ut tota triumphalis olim Romanorum Imperatorum pompa Pyrotechnico innotescat, utque ille habeat unde suorum ignium ejusmodi tempori accommodatorum, depromat formas, & modulos; transcripsimus hîc ea quæ Ioannes Rosinus de Antiquitatibus Romanis atque Thomas Dempsterus in suis additionibus, ex auctoribus collegerunt. Primum itaque Rosinus lib. 10. cap. 29: *Ad ipsam pompam Triumphi quod attinet in genere, hæc fuit fere ejusmodi: Imperator, ut scribit Zonaras lib: 2. triumphali habitu ornatus, armillis sumptis, laurea redimitus & ramum dextra tenens populum convocabat, & militibus suis aliis communibus, aliis propriis laudibus oneratis, pecuniam & ornamenta dividebat; cum armillas aliis, aliis hastas puras, aliis coronas aureas, aliis argenteas, expressum viri nomen, & facinus ferens largiretur. Nam si quis primus murum ascenderat, muri: si castellum aliquod expugnarat, castelli speciem corona gerebat: si navali prælio vicerat, rostris corona exornabatur: si equestri, equestre aliquid præferabat. Qui autem civem in acie, aut in obsidione, aut in alio periculo conservasset, cum summam laudem assequeretur, tum quernam coronam accipiebat, cujus honos argenteis & aureis omnibus excellebat.*

Neque vero hæc dona singulis tantum virtutis causa dabantur, sed & cohortibus, & exercitibus universis: spoliis autem magna pars militibus distribuebatur. Quin etiam quidam universum populum donarunt, & sumptus in ludorum publicorum apparatus fecerunt, & si quid reliqui erat, in porticus, templa, aut alia ejusmodi opera publica consumpserunt. His rebus perfectis atque sacrificio facto, triumphans currum conscendebat, ita precatus.

DII, NUTU ET IMPERIO, QUORUM NATA ET AUCTA EST RES ROMANA, EANDEM PLACATI, PROPITIATIQUE SERVATE. Tum per portam triumphalem vehebatur. Præcedebant tubicines, canentes modos triumphales, aut quod etiam in Æmilii triumpho factum est, classicum. Post hos ducebantur boves mactandi in sacrificiis, vittis fertisque redimiti, & aliquando auratis cornibus. Illis succedebat speciosa ostentatio spoliis & manubiarum, quæ singulari arte composita, partim plaustris vehebantur, partim gestabantur ab adolescentibus ornatis. Ferebantur &

& tituli victarum gentium cum in agnibus devictarum urbium: ac fuerunt spo-
 liis interdum mixta animalia, antea non visa, aut mirabiles plantæ, ex locis
 captis asportatæ. Succedebant inde qui ex hostibus capti erant. Duces victi cate-
 nis, & post illos ante currum Imperatoris portabantur coronæ aureæ, si quæ ipsi
 ab urbibus & provinciis fuerant summi honoris causa, quod sæpè accidit, per le-
 gationes exhibitæ. Ac tum demum ipse Imperator curru sublimi, magnificè exor-
 nato, vehebatur fulgens veste triumphali, & redimitus coronâ laureâ, ramum-
 que lauri manu gestans. Vestis triumphalis erat purpura, auro intexto picta, de
 qua Plinius lib. 9. cap. 36. & lib. 8. c. 48. Tali autem veste extra hanc pompam,
 uti memini fas fuisse, docet historia Marii, in qua apud Plutarchum sic legitur:
 Peracto triumpho, induxit senatum Marius in Capitolium, atque incertum num
 prudens id, an fortunâ suâ elatus fecerit, insolentius ingressus Curiam est veste
 triumphali. Verum cito offensum animadvertens Senatum, surrexit, sumptaque
 rediit prætexta. Dionysius Halycarnasseus lib. 3. loquens de toga picta purpurea,
 qua Reges fuerint usi, indicat, quod Regibus exactis non licuerit ulli, etiam si con-
 sul esset, eam usurpare, sicut nec coronam regiam. Nam hæc sola inquit de ornatu
 regio consulibus adempta sunt, quod invidiosa viderentur, & libertati gravia.
 Post victoriam tantum ex Senatus consulto triumphantes ornantur auro, & ami-
 ciuntur togis pictis purpureis. De corona laurea Plin. lib. 15. cap. 30. Currum
 qui neque bellicarum, neque ludicarum quadrigarum sed turris rotundæ instar,
 teste Zonara, constructus erat, usitatè traxerunt equi: quos, cum albos junxisset
 in suo triumpho Camillus, vehementer populum offendit, propterea quod albæ qua-
 drigæ Deorum Regi & Patri sacre, ac peculiariter dicatæ habebantur. Quidam
 tamen cervos, quidam leones junxerunt. Sub curru, eo loco, cui Imperator inside-
 bat, suspensum fuit idolum Fascini, de quo Plinius lib. 28. cap. 4. sic: Deus Fa-
 scinus Imperatorum quoque, non solum infantum custos, currus triumphantium
 sub his pendens, defendit, medicus invidiæ, jubetque eosdem respicere. Quod au-
 tem Plinius dicit, moneri triumphantem à Fascino, ut respiciat, existimo illud esse
 Tertuliani in Apologetico: Hominem se esse etiam triumphans Imperator in illo
 sublimissimo curru admonetur. Suggestur enim à tergo: Respice post te, hominem
 momento te. Zonaras auctor est in ipso curru ministrum publicum advectum esse,
 qui pone coronam auream, gemmis distinctam sustinens, admoneret eum, ut re-
 spiceret: id est, ut reliquum vitæ spatium provideret, nec eo honore elatus super-
 biret. Appensum quoque fuisse currui tintinnabulum, & flagellum, quibus nota-
 tum fuerit, ipsum in eam calamitatem incidere posse, ut & flagris cæderetur, &
 capite damnetur. Nam, inquit, qui ob facinus supremo supplicio afficiebantur,
 tintinnabula gestare solebant, ne quis inter eundum contactu illorum piaculo se ob-
 stringeret. Testis est etiam Plinius lib. 33. cap. 7. triumphantium ora minio illini
 solita, & sic Camillum triumphasse: quod tamen posterioribus temporibus exolevit.
 Moris item fuisse, ut triumphans secum in curru haberet filiolos pueros, patet ex Li-
 vio lib. 45. cum de filiis Æmily loquitur. Quin etiam cognatorum, si aliquos ha-
 bebat, virgines & pueros in curru adsciscibat: natu vero grandiores in equis ju-
 galibus imponebat. Si autem plures erant, equis singularibus vecti ipsum prose-
 quebantur. Currum inde sequebatur equitum & peditum exercitus suo quisque or-
 dine. Ex his si qui peculiares coronas, aut alia dona ob egregium facinus ab Impe-
 ratore acceperant, ea præ se ferebant. Cæteri omnes laureati incedebant, cientes
 lætissima voce triumphum, & accincentes triumphalia carmina, quibus etiam jo-
 cos miscere licebat. Qui verò ad spectaculum confluxerant, ex urbe, & aliis Ita-
 liæ locis homines, omnes velut in publica eaque lætissima festivitate, cum lætissima
 aggratulatione, & applausu, pompam spectant, induti vestitu mundo & ut pluri-
 mum albo. Procedente etiam pompa in honorem deorum omnes ædes sacre fue-

runt apertæ, atque coronis & suffutibus repletæ. Sic igitur ad Capitolium ductus Imperator simul atque de foro, versus illud currum flectere cæpit, hostes ante currum ductos abduci mandavit in carcerem. Cic. Verrina 7. ubi vel detenti sunt perpetuò, vel illico securi percussi. Cum ventum fuit in Capitolium triumphans ita precatus est.

GRATIAS TIBI JUPITER OPTUME MAXUME, TIBIQUE JUNONI REGINÆ, ET CÆTERIS HUIUS CUSTODIBUS, HABITATORIBUSQUE ARCIS DII, LUBENS LÆTUSQUE AGO, RE ROMANA IN HANC DIEM ET HORAM PER MANUS QUOD VOLUISTI MEAS, SERVATA, BENE GESTAQUE, EAMDEM ET SERVATE, UT FACIATIS, FOVETE PROTEGITE PROPITIATI, SUPPLEX ORO.

Et immolatæ sunt cum maxima solemnitate hostiæ, seu victimæ, & dicata Iovi corona aurea, & aliquot pretiosæ manubiæ, clypei & alia monumenta ibi suspensa. Datum etiam in ipso Capitolio epulum sumptibus publicis, & aliquantum pecuniæ viritum plebi distributum, cætera relata in ærarium publicum. Quod si quis opima spolia fuisset consecutus, ea in templo Jovis Feretrii suspendebantur. Erant autem spolia Opima quæ dux hostium Duci à se immediatè interfecto detraxerat. Quorum uti Festus, & cum eo alii tradunt, tanta raritas fuit, ut intra annos paulo minus 530. tantum tria contingerint nomini Romano: una, quæ Romulus de Acronè: altera quæ Cossus Cornelius de Tolumnio: quæ Marcus Marcellus Jovi Feretrio de Vitidomato fixerunt. Marcus Varro ait, Opima etiam spolia esse, si manipularis miles detraxerit, dummodo Duci hostium detraxerit. Et paucis interjectis: sed etiam erectæ fuerunt triumphales columnæ, & statuæ, arcus triumphales, trophæa, atque alia monumenta. Quin & hoc usitatum fuisse ait Plinius lib. 35. cap. 2. Ut ædes ornamenta triumphalia circa limina acciperent. Sic enim scribit: Aliæ foris & circa limina animorum ingentium imagines erant, affixis hostium spoliis, quæ nec emptori restringere liceret: triumphabantque etiam dominis mutatis ipsæ domus: & erat hæc symulatio ingens exprobrantibus tectis quotidie imbellem dominum intrare in alienum triumphum. De columnis triumphalibus, & statuæ Plinius lib. 34. cap. 5. 6. 7. & Valerius Maximus lib. 2. cap. 5. De Arcubus triumphalibus ita scribit Georgius Fabricius in sua Roma, cap. 15: Arcus olim honoris virtutisque causa erecti sunt iis, qui externis gentibus domitis, singulares victorias patriæ pepererant. Ii primùm rudes & simplices fuerunt, cū præmia virtutis essent, non ambitionis lenocinia: sæculo insolentiore monumenta victoriarum, & triumphorum pompa in iis incisa. Erant aut latericii ut Romuli: aut ex rudi lapide quadrato, ut Camilli: aut ex marmore, ut Cæsaris in foro: Drusi cum trophæis in via Appiæ: Trajani in ejusdè foro: Gordiani in Viminali: Gratiani, item Theodosii, non longè à via triumphali: deinde etiam reliqui. Arcuum forma primum erat semicircularis, unde & nomen fornicis accepit: fornix enim Fabianus à Cicerone dicitur, qui à Victore arcus Fabianus nominatur. Postea quadrata, ita ut in medio ampla esset porta fornicata, & ex ejus utroque latere portæ minores additæ. Intra mediæ portæ fornicem Victoriæ alatæ pependerunt, quæ demissæ victori transeunti coronam imponent. In superiore arcus parte spatia sunt in quibus aliquot homines, vel qui tubis canerent, vel qui trophæa maxime insignia ostentarent, stetisse existimantur. Huc magnificentia Augusti temporibus vel paulò ante cæpit. Nam de Cæsaris arcu, Servius: de Drusi Suetonius: De Germanici & Neronis, Tacitus. Novitium hoc inventum ait Plinius, non quod arcus ante Cæsarem tempora non fuerint, sed quod tali ornatu non fuerint. Antiquissimi de quibus extra aliquid sunt tres: novitii autem Plinio, nobis veteres, quinque. Hactenus Fabricius.

Trophæa erant corpora trunca cum spoliis. Sic enim idem Fabricius de trophæis Marii scribit: Inter templa S. Eusebii, & S. Iuliani in Esquilino, moles latericia, in qua

qua bina trophæa ex marmore. Sunt autem trunca corpora cum spoliis, quorum alterum thorace squamoso indutum, cum ornamentis militaribus, & clypeis, ante se habens juvenem captivum, brachiis ad tergum revinctis, & undique alas Victoriæ. Alterum armis militaribus ornatum, inter quæ clypei inæqualiter rotundi, galea aperta cum cono & cristis clausa. In eodem inest forma chlamydis, & alia quædam quæ marmore detricto, & corrupto cognosci satis non possunt. Locus ille hodie Cimbricum vocatur, quia de Cimbris, à Cajo Mario trophæa illa sunt erecta. Hucusque Rosinus, sequuntur quædam ex annotationibus Thomæ Dempsteri ad idem caput Rosini de Triumphis.

Atque ut victoriæ aliquas notas spectaret populus, sanguine respergebantur (nempe currus) Luc. Seneca lib. I. de Clementia cap. ult. in fine: nullum ornamentum Principis fastigio dignius, quàm illa corona ob cives servatos, non hostilia arma detracta victis, non currus barbarorum sanguine cruenti, non parva bello spolia. &c.

Currum hunc ducebant quatuor equi albi &c. Servius Honoratus ad lib. 4. Æneid. vers. 543: propriè ovatio est minor triumphus, qui enim ovationem meretur, & uno equo utitur, & à plebejis, vel ab equitibus Romanis ducitur in Capitolium, & de ovibus sacrificat: unde & ovatio dicta, qui autem triumphat, albis equis utitur quatuor, & Senatu præeunte in Capitolio de tauris sacrificat. &c.

Equis vecti triumphantes, & quandiu stetit Respublica, ac erepta libertate mutari mores, & pro equis leones juncti. Plin. lib. 8. cap. 16. jugo subdidit eos, primusque ad currum junxit M. Antonius, & quidem civili bello, cum dimicatum esset in Pharsalicis campis. &c. Andreas Alciatus Emblem: 29.

Romani postquam eloqui, Cicerone perempto,
Perdiderat patriæ pestis acerba suæ,
Inscendit currus victor, junxitque leones,
Compulit & durum colla subire jugum,
Magnanimos cecisse suis Antonius armis
Ambage hac cupiens significare duces.

Pompejus Magnus elephantos primus currui junxit Romæ. Plinius lib. 8, cap. 2. Post hunc Cæsar Gallico triumpho Sueton. cap. 37. Alii videantur apud eundem auctorem, de quibus ex superioris ævi auctoribus collegit testimonia: nos vero tantum notabilia excerpimus.

Antonius Heliobagalus triumphavit tigribus, ut Bacchum reserret; leonibus ut Martem; denique canibus, ut exemplo careret. Elius Lamprid. in eo. Aurelianus Augustus ad hostium timiditatem exprimendam cervis vestabatur. F. Vopiscus in illo. Denique Nero, uno & portentoso exemplo, equas Hermaphroditas conjunxit, C. Plin. lib. 11. cap. 49. hæc quidem in Romano ritu; at insolentius multo Susacus Egypti princeps, devictos bello à se Reges currui, cui insidebat, subjungebat. Joseph. lib. 8. Judaicar. Antiquit. cap. 10.

Omnem triumphi Romani seriem facièmque Græcis verbis in hunc sensum describit Appianus Alexandrinus in Libycis, ubi de Scipionis triumpho verba facit: fertis redimiti omnes, præcinentibus rubis, currus spoliis onustos deducebant, ferebantur & ligneæ turres, captarum urbium simulachra præferentes, imagines deinde, & scripturæ eorum quæ gessissent, aurum deinceps, & argentum, partim rudibus massis, partim notis, aut hujusmodi impressum signis: coronæ præterea quas virtutis gratia urbes, aut socii, aut exercitus dedissent: candidi subinde boves, & elephantum illos sequebantur: post hos Carthaginenses, & Numidiæ principes bello capti: Imperatorem lictores præibant purpureis amicti vestibus: tum chythædorum ac tibiarum turba ad Hetruscæ similitudinem pompæ: hi succincti, coronisque aureis redimiti, suo quique ordine canentes, psallentesque prodibant: horum in medio, quispiam talari veste, fimbriis, atque armillis auro splendentibus

bus amictus, gestus varios edebat, hostibusque devictis insulsans risus undique ciebat, postea thuris & odorum copia imperatorem circumsteterat, quem curru deaurato, multifariamque notis resurgente candidi vehebant equi, auream capite gestantes coronam, lapidis ornata gemmisque: hic vestem succinctus purpuream, patrio more aureis intextam sideribus, altera manu eburneum sceptrum, altera laurum præferebat: vehebantur & cum eo pueri, virginesque, & ad habenas hinc inde cognati juvenes: demum qui exercitus in turmas aciesque divisus currum sequebantur, milites vero lauro coronati, laurum manu ferentes: quibus meritorum insignia adjuncta erant, qui primores hos quidem laudibus ferrent, hos salibus insectarentur, nonnullos infamia notarent. (Atque hi quidem) togis candidis, ut loquitur vetus scholiastes Iuvenalis ad vers. 45. sat. 10.

-- Hinc præcedentia longi

Agminis officia, & niveos ad fræna Quirites.

Togæ triumphantium pictæ & palmatæ erant. Pictæ dicebantur quod stellis aureis distinguerentur; palmatæ à palmæ imagine impressa. De picta veste Lucan: lib. 9. vers. 177.

-- Pictasque togas velamina summo

Ter conspecta Jovi

Martialis de Palmata lib. 7, epigr. 1. ad Loricam

I precor & magnos illæsa merere triumphos,
Palmatæque ducem, sed cito redde toga.

Ferebantur etiam præter imagines & nomina urbium, montium, fluviorumque, solidæ etiam figuræ Castellorum, civitatum, & turrium. Hæc autem erant vel argenteæ, vel aureæ, ferreæ, seu ex qualibet alia materia; sed præcipue ex ebore. Ovid. lib. 2 de Ponto eleg. 2.

Protinus argento veros imitantia muros

Barbara cum victis oppida lata visis.

Fluminaque & montes, & in altas proflua sylvas,

Armaque cum telis instrue juncta suis

Deque Trophæorum quod sol incenderat auro

Aurea Romani tecta fuisse fori

Et lib. 3. de Ponto Eleg. 4.

Oppida turritis cingantur eburnea muris

Claudianus lib. 3. de laudib. Stilich.

Ostentare suos prisco si more labores,

Et gentes cuperent vulgo monstrare subactas,

Certarent utroque pares à cardine laurus,

Hæc Alemannorum spoliis, Australibus illa

Ditior exuviis, illic flavente Sicambri

Cæsarie, nigris hinc Mauri crinibus irent:

Ipse albis veheretur equis, currumque sequutus

Laurigerum festo fremuisset carmine miles:

Hi famulos traherent reges, hi facta metallo

Oppida, vel montes, captivæque flumina ferrent.

Hinc Lybici fractis tugerent cornibus amnes,

Inde catenato gerneret Germania Rheno

Item imagines fluviorum subactorum locorum, catenis injectis præferebantur. Ovid. Eleg. 4 de Ponto.

Squalidus immittat fracta sub arundine crines

Rhenus, & infectus sanguine poterit aquas,

Poterit Pyrobosta fluvios vel montes acquisitos humana etiam forma effingere,

gere, Victoris pedibus colla subjicientes, & fluviis quidem varios pisces manibus offerentes; montes verò si fuerint metalliferi, mastas varias metallorum prægrandes bajulantes, aut ex vehiculis trusatilibus crustas metallicas effundentes: sed & plura excogitabit ingeniosus: nos verò pergimus in annotationibus notabiliorum.

Captivis triumphali pompa prælatis catenæ injiciebantur, & quidem collo, brachiis, manibus, cruribus. De collo inter alios Isidor. lib. 5. etymolog. c. 27. vincula à vinciendo, id est, arctando dicta, eo quod constringant atque retineant, vel quia vi ligant De hoc etiam Ovid. l. I. de arte 3.

Ibunt ante duces onerati colla catenis.

De manibus Seneca lib. de tranquill. cap. 10. *alligatique etiam sunt qui alligaverunt, nisi tu leviores in sinistra catenam putas*: Sinistra enim militis alligabatur ad dextram captivi, ne ille res novas tentare possit, & hic capulo paratam dexteram si usus ita posceret haberet.

Papin. Stat. lib. 12. Thebaid. v. 470.

*Me pietas me duxit amor deposcere sæva
Supplicia, & dextras juvat insertare catenis.*

De cruribus Tertullianus lib. ad Mart: *nihil crus sentit in nervo, cum animus in cælo est.* & Sidon. Apol. carm. 2. vers. 179.

Despiciens vastas tenuato in crure catenas.

In signum servitutis capti Duces tondebantur: de hoc Propert. lib. 4. eleg. 12.

*Testor majorum cineres tibi Roma colendos,
Sub quorum titulis Africa tonsa jacet.*

Et Ovidius lib. I. Amor. eleg. 14.

*Iam tibi captivos mittet Germania crines,
Culpa triumphatæ munere gentis eris.*

Tormenta etiam bellica vehebantur, Livio teste lib. 9. decad. 3. de triumpho Metelli. & lib. 6. decad. 4. de triumpho M. Fulvii.

Cives redempti aut recepti & focii civibus admixti sequebantur etiam currum triumphantis Valer. Max. testis lib. 5. c. 2. *& duo millia captivorum ab Hannibale venditorum, Titi Flaminii currum &c.* capita iis rasa erant, teste Livio lib. 4. Decad. 4.

Hæc de triumphis Romanorum ex auctorum testimoniis, è quibus non pauca ignibus artificialibus egregiè fanè inservire poterunt: sed quædam etiam de statu Martis, Bellonæ, Victoriæ, Nemesis, Palladis ex veterum monumentis apponere collibuit: quæ parili quoque modo triumphantibus à Pyrotechnicis erigi poterunt, quibusdam additis, detractis, aut mutatis, ut tempus, occasio, locus, personæ, aut sumptus postulaverint.

Martem veteres effingebant ardentem, nunc in curru nunc in equo, armatum cum hasta & flagello, interdum gallum ei appingebant, ob militum vigilantiam. Comites Martis in curru sedentis erant Terror, Pavor & Contentio, ut est apud Homer. Iliad. lib. 14. Virgilius aliter paulo Æneid. 8.

- - *tristesque ex æthere diræ
Et scissa gaudens vadit Discordia palla,
Quam cum sanguineo sequitur Bellona flagello.*

Et 2, Æneid.

- - *circumque atræ Formidinis ora,
Iraque Infidiæque, Dei comitatus aguntur*

Longe copiosiore assignat ei famulatum Papinius lib. 3. Thebaid. v. 425.

- - *comunt Furor, Iraque cristas,
Fræna ministrat equis Pavor aliger, ac vigil omni*

Fama

*Fama sono, varios rerum succincta tumultus,
Ante volat currum.*

Apud alios Fama Martis auriga.
Valer. Flac. lib. 3. Argonau.

*-- Terrorque Pavorque
Marris equi, sic contextis umbonibus hærent*

Claudianus lib. 1. in Ruffin.

*Fer galeam Bellona mihi, nexusque rotarum
Tende Pavor, frænet celeres Formido jugales.*

Denique idem de laudib. Stilichonis.

*-- currum patris Bellona cruentum
Ditibus exuviis tendentem ad sidera quercum
Præcedit, liſtorque Metus, cum fratre Pavor
Barbara ferratis innectunt colla catenis,
Formido ingentem vibrat succincta securim.*

BELLONA Martis soror fuiſſe ſcribitur à quibuſdam, à quibuſdam verò uxor, à quibuſdam denique & ſoror & uxor. Depingebatur coma ſparſa, armata face, ut apparet ex Silio Ital. lib. 5. Punicor.

*Ipsa facem quatiens, ac Flamen ſanguine multo
Sparsam comam medias acies Bellona pererrat.*

At & falcem una manu prætendebat, altera vero clypeum gerebat.

VICTORIÆ ſimulachrum fuit, virgo alata volans, coronam vel palmam proferens: per alas porro Victoriæ ſignificabatur dubia ac incerta ſors bellorum, vel quod hominum cum fortuna euntium non curſus eſt ſed volatus, vel denique quod celeriter aures hominum pervolet. In templis ejus ſimulachrum aliis ſuppoſitis ſtatuſ, earundemque manibus ſuſtentabatur,

Color ſimulachri purpureus, aut candidus erat: nam ut ille majeſtatem, ita hic pacem lætitiæque denotat.

Depingebatur olim etiam abſque alis globo inſidens. Contigit verò aliquando ut ſimulachro Victoriæ fulmen alas aduſſiſſet: & in hoc ſic quidam luſit Poëta.

*Dic mihi Roma alis cur ſtet Victoria lapſis,
Urbem ne valeat deſeruiſſe ſuam.*

Effingi poterit ſtatua erecta quædam victoriæ manu tenens, & ſignificabitur hunc qui victoriæ obtinuit ſtando & vigilando, non ociando aut ſedendo eam obtinuiſſe.

NEMESIS Dea erat ultrix facinorum impiorum, bonorumque præmiatrix, arbitra rerum, Regina cauſarum, dicebatur ab antiquis Theologis filia Juſtitix. Simulachrum ejus alatum erat, & ſub pedibus rotam habebat; quod citiſſimè diſcurrat. Etiam aliquando cum fræno effingebatur, & menſura cubiti. Valebit id eo tempore cum Princeps aliquis aut Dux belli retulerit victoriæ de rebellibus ſubditis, aut ſædiſfragis, & hoc modo præſentabitur vindicta perjurii Divina; & coercitio malitioſorum ut intra præſcriptam ſibi menſuram, terminosque à Deo ordinatos ſeſe contineant.

MINERVA, quæ & PALLAS, inventrix bellorum ſtatuitur à Cicero-
ne lib. 5. de natur. Deor. cap. 15.

Simulachrum Palladis dextra malum Punicum ſiniſtra galeam geſtabat, teſte Cælio: duo enim ſunt quæ tutantur Rempubicam; unio animorum, quæ per grana mali Punici ſignificatur; & promptitudo ad deſenſionem, quæ per galeam. Galea porro in manu non in capite, ſignificatur à bono & forti

forti Principe patriam magis quàm proprium caput protegi debere. Inde in hortis Mediceis ad pedes statuæ Scipionis pingitur orbis terrarum ejusdem galeâ contectus.

Eadem & Pacis Dea, & olea illi sacra fuit: unde fingit Ovidius lib. 6. Met. fab. 1. Minervam & Neptunum contendisse, uter de suo nomine Cecropiam nominaret: disceptantibus 12 diis, Neptunus ut vinceret, percussâ terrâ tridente equum produxit, Minerva oleam; hoc erat signum pacis, illud belli. Minervæ magis inventum placuit, atque ita vicit: significaturque pacem bello esse potiore. Inserviet id cum Princeps quispiam feliciter confecto bello, publicam subditis suis restituerit pacem.

Columba ramusculum olivæ ore præferens sacrum pacis symbolum est: quo etiam Innocentius x qui nunc Romanæ ecclesiæ præsidet, utitur: unde sumunt nonnulli augurium sub ejus Pontificatu redituram aliquando pacem & concordiam inter Principes Christianos; quod faxint superi.

Cæterum (ut ex occasione olivæ quædam de Pace referamus) apud Romanos antiquitus & simulachrum Pacis cum olea effingebatur, aliquando cum spicis, & cum lauro coronabatur; quin & cum rosa; non nunquam solo caduceo significabatur.

Huic amica Felicitas erat, cujus effigies ista: Fœmina in folio Regali sedens, dextra caduceum, sinistra cornu copię tenens: (Plinilib. 35:) cujusque enim Reipub. felicitas in concordia civium cum Principe, & ubertate soli, quod in pace colitur, consistit.

Ejusmodi statuis perbellè sanè condecorabit Pyrotechnicus aut arcus triumphales igneos, aut alias quaspiam structuras: aut etiam solas tantum super stylobatis collocabit, quemadmodum nos id expressimus in Figura Numero 205.

Post navalem victoriam à Præfecto classis aliquo obtentam, in aquis effingi poterit Neptunus triumphans equis vectus marinis, coronâ rostratâ tempora redimitus; sinistrâ tridentem vibrans: dextrâ verò tenens naviculam cum expansis velis, in cujus prora sedeat Honos specie sagati & paludati adolescentis, hastam læva, sceptrum dextra gerens, & coronâ laureâ coronatus: gubernaculum porro navis teneat Virtus, matronali specie; quamvis & virili olim pingebatur. Neptunum in ante & post, & alterutrinque circumdet numerosa Nimpharum, Nereidum que, & aliorum monstrorum marinorum caterva, tubas instantium, & una manu coronas porrigentium: plura suggeret ingenium.

Navalem triumphum primus apud Romanos egisse perhibetur C. Duilius; de hoc hunc in modum Val. Max. lib. 3. cap. 6. Cajus Duilius qui primus navalem triumphum ex Pænis retulit, quotiescunque epulaturus erat ad funalem cereum, præeunte tubicine & fidicine à cæna domum reverti solitus est, insignem rei bellicæ successum nocturna celebratione testando.

Cæterum sciendum Neptunum pro Deo maris ex eo habitum fuisse, quod primus navigandi artem invenisset, classemque instruxisset: cujus etiam Præfectus à Saturno factus esse perhibetur.

Sed priusquam triumphis finem faciamus placet addere ingeniosam, artificiosamque ignium festivorum fabricam in triumpho Christianissimi Regis Ludovici 13 post captam in Anno redemptæ salutis 1628 Rupel-

lam,, Parisiis celebrati, exhibitam à celebri Pyrotechnico Henrico Clarnero Norimbergensi, cujus etiam superius fecimus mentionem. De hoc sic nobis retulit Paulus Grodicius magni quondam nominis, & summæ eruditionis vir, Artilleriæ Regni Poloniæ supremus Magister: Effinxerat in medio Sequanæ rupem prægrandem præruptis scopulis asperam, & patentibus hinc inde hiatibus horridam: ad quam ingentibus catenis nudam religaverat virginem: in omnem ejus circuitam disposuerat Nimphas cursitantes, & accensas manibus faces præferentes, ac flebilia occinentes carmina. Post hæc aliquo temporis interjecto spatio, horrendum immanis bellua marina ex undis extulit caput, & vehementem eructans ore flammam, & scintillas spargens candentes, secundo versùs rupem ferebatur flumine, ut sibi destinatam deglutiret victimam. Dumque jam proxima rupi esset, illicò spectandum se in aëre præbuit egregius forma, & armis splendidus heros, igneo alatoque insidens equo, & velocissimo cursu delatus, hastam quam in belluam direxerat, summo impetu in ejusdem fixit corpore. Hinc innumeri erupere ignes artificiales, quibus & belluam, & equitem, & equum, & virginem, rupemque instruxerat artifex: duravitque ignis ille non interrupta ferè dum nova semper illa corpora effunderent opera, horarum aliquot spatio. In aëre plurimi spectabantur characteres igniti, Regium nomen, gloriosas & triumphales sententias referentes: nec non civitatis expugnata insignia, & nomen, hinc inde per aëra volitabant.

Huic porro inventioni occasionem dedit fabula Andromedæ, Cephæi Æthiopiæ regis, & Cassiopes filiæ, quæ ob matris superbiam, quod se Nereidas formâ superare gloriaretur, à Nimphis saxo religata, & ceto marino monstro exposita fuisse perhibetur: postea tamen à Perseo in patriam revertente occiso prius ceto liberata fuit, & eidem nupsit: de hac hunc in modum Propertius lib. 2.

Andromede monstribus, fuerat dedicata marinis

Hæc eadem Persei nobilis uxor erat.

Applicaverat verò ingeniosè satis celebris artifex hanc fabulam ad præclara Christianissimi Regis gesta in illa obsidione Rupellana exhibita, quem sub Perseieffigie intelligi volebat: Alatus Pegasus cui Perseus insidebat, virtutem regis bellicam, ingenii & celeritatis aliis præmunitam ostendebat: Andromeda religionis Catholicæ à Protestantibus Rupellæ oppressæ imago erat: Rupes civitatem ipsam Rupellanam, à rupe dictam expresserat: Denique cerus marinus à Perseo interfectus, atque Andromeda liberata, significabant religionem Catholicam, à contrariè sentientibus ad interitum destinatam, expugnatâ civitate in libertatem vindicatam, atque Protestantes sub jugum missos, religionemque quam profitebantur quasi mortis supplicio affectam.

Usus ejusdem fabulæ esse etiam poterit cum quispiam belli dux civitatem aut fortalitium aliquod ab hoste obsessum, & violenter oppugnatum, solverit obsidione, atque pristinam illi restituerit libertatem.

Poterit præterea capta quæpiam civitas formâ virginis aut matronæ (dummodo hic sexus ejus nomini congruat) repræsentari: atque ita in limine portæ ædificii cujuscumque ea collocari debet, ut accedentem, atque intrare ædificium illud volentem heroem aliquem saluter, claustraque omnia ad suum adventum patentia facta esse monstrer. Præstitum id fuisse nuper post captam à Duce Aurelianensi Grævelingam nobile Flandriæ maritimæ munimen

nimentum, accepimus ab iis qui hunc in modum fabricatos spectavere ignes.

Sed quis ingenio humano unquam sufficientes descripsit artis alicujus regulas? an non in dies nova depromuntur supplementa? & quæ majores nostros latere, nunc adeo vulgaria sunt, ut pudeat etiam quosdam, identidem ea repetere; sed recentia semper alia requiruntur, veteribus exclusis. Damus itaque reliqua aliorum cogitationibus: nunc autem de diebus nobilibusque festis, atque in iis ignibus artificialibus exhiberi solitis, dicenda sunt quædam.

Firmiter verò crediderim ignes nostros artificiales, quos recreativos & festivos appellamus, à veteri Romanorum ritu in celebrandis ludis quibusdam, in honorem suorum falsorum Deorum, diebusque festis adhibito, derivatos fuisse: hac de re paululò inferius auctorum testimonia adferemus, pompamque eorum explicabimus; nunc verò quædam sunt præmittenda.

Celeberrimi inter omnes alios fuere ludi quos Sæculares nominabant, de horum origine videatur Val. Max. lib. 2. c. 4. & alii. Sæculares dicti quod post 100 annos fierent, quia Sæculum in 100 annos extendi existimabant. Primus eos instituit & celebravit: P. Valerius Poplicola, qui primus Consul fuit post exactos Reges: ultimus Septimius Severus, cum filiis Antonino & Geta, Chilone & Vibone Consulibus: nam post hunc negat Zosimus institutos; quòd finis sæculi incidisset in consulatum Constantini Christiani Principis tertium, & Licinii. At Oros. l. 6. Eutr. l. 9. Zon. l. 2. Eus. l. 6. testantur Philippos patrem & filium (qui primi Christiani Imperes fuisse creduntur) milesimum ab urbe condita annum ingenti ludæorum apparatu Romæ celebrasse. Ad horum postmodum similitudinem primus instituit annum sæcularem Christianum (Jubilæum nunc vocamus) Bonifac. Pontifex Max. anno Virginei partus 1300, imperante Alberto Rom. Imp. teste Io. Villa lib. 8. Post hunc Clemens vi. Pont. rogatu populi Romani sæcularis jubilæi celebritatem ad quinquagesimum annum revocavit, egitque anno 1350. imperante Carolo iv Rom. Imp. Denique Xystus iv Pont. eandem festivitatem elapsis 25 annis singulis observari præcepit, ac ipsemet celebravit anno 1475. sub Frederico iii. Rom. Imp. Tandem hoc etiam an. 1650 præsidente Romanæ sedi Innocentio x. Imperante verò feliciter Ferdinando iii Rom. Imp. solemnia ejusdem peragunt Catholici. Qualibus porro cerimoniis nunc illi hanc festivitatem decorent, qui noscere cupit, legat nostrum annalium scriptorem Paulum Piascium Episcopum Præmissiensem, qui dum in annu 1625 sub Pontificatu Urbani vi i eadem festivitas incidisset, Romæ præsens erat, & sedulò omnia connotavit: sed & ab his qui nunc Româ redibunt, eadem expiscari poterunt; mutantur enim in dies singula: nos porro ad veterum Romanorum morem in celebrandis ludis Sæcularibus redeamus, ut aliqua ad rem nostram exinde haurire possimus. De illis itaque primum Rosinus lib. 5. cap. 21. ex Euf. & Eut: *Instantibus itaque ludis tota Italia præcones misstabantur convocatum ad ludos, qui nec spectari, nec spectandi iterum forent. Tum ætatis tempore paucis antequam spectacula edebantur, diebus, Quindecim viri sacris faciundis in Capitolio, & Palatino templo pro suggestu confidentes, piamina dividebant populo, quæ erant tæda, sulphur, & bitumen (notanda hæc) Nec tamen ad ea servis quoque accipienda jus ullum. Coibat autem populus, cum in quæ supra retulimus loca, tum præterea in Dianæ templum, quod erat in Aventino, & cui triticum, faba, hordeumque dari mos. Tum ad instar Cereris initiorum pervigilia fiebant. Ubi vero jam advenit festus dies, iriduam trinoctiumque sacris intenti, in ripa ipsa maxime Tiberis agitabant. Sacrificia vero Iovi,*

Iunoni, Apollini, Latonæ, Dianæ, prætereaque Parcis, & quas vocant Ilithyas, tum Cereri & Diti, & Proserpinæ suscipiebantur. Igitur secunda primæ noctis hora Princeps ipse tribus aris ad ripam fluminis extructis totidem agnos, & unâ Quindecimviri immolabant, & sanguine imbutis aris, cæsa victimarum corpora concremabant. Constructâ autem scenâ in theatri morem, lamina & ignes accendi, (hæc quoque) & hymni concini, ad hunc usum tum maximè compositi, & item spectacula edi solenniter solita, datâ celebrantibus hac mercede, tritico, fabâ, hordeo, quæ supra inter universum populum dividi ostendimus. Mane verò Capitolium ascendere, sacra ibi de more agitare, tum in theatrum convenire ad ludos in honorem Apollinis & Dianæ faciundos consueverunt. Sequenti die nobiles matronas, qua hora præcipitur ab oraculo convenire in Capitolium, supplicare Deo, frequentare lectisternia, canere hymnos ex ritu mos habebat. Tertiò denique die in templo Apollinis Palatini, ter novem pueri prætextati, totidemque virgines patrimi omnes matrimique Græca, Romanaque voce carmina & pæanas concinebant, quibus imperium suum & incolumitatem populi Diis immortalibus commendabant. &c.

De ludis decennialibus à Gallicano Imperatore celebratis sic habet Trebellius Pollio: Interfectis sane militibus apud Byzantium, Gallienus quasi magnum aliquid gessisset Romam cursu rapido convolvavit, convocatisque Patribus decennia celebravit novo genere ludorum, nova specie pomparû, exquisito genere voluptatum. Iam primùm interrogatos Patres, & equestrem ordinem, albatos milites & omni populo præeunte, servis etiam prope omnium, & mulieribus, cum cereis facibus, & lampadibus præcedentibus Capitoliam petiit. Processerunt etiam altrinsecus centeni albi boves, cornibus auro jugatis, & dorsalibus sericis discoloribus præfulgentes. Agnæ candentes ab utraque parte 200 processerunt, & 10 elephanti, qui tunc erant Romæ, 1200 gladiatores pompaliter ornati, cum auratis vestibus matronarum, mansuetæ feræ diverfi generis 200, ornatu quàm maximo affectæ. Carpentia cum mimis & omni genere histrionum: pugiles sacculis, non veritate pugillantes. Cyclopea etiam luserunt omnes apenarii, ita ut miranda quædam monstrarent. Omnes viæ ludis strepituque, & plausibus personabant. Ipse medius cum picta toga & tunica palmarum inter patres, ut diximus, omnibus sacerdotibus prætextatis, Capitolium petiit. Hastæ auratæ altrinsecus quingenæ, vexilla centena, & præterea quæ collegiorum erant dracones & signa templorum, omniumque legionum ibant. Ibant præterea gentes, simulatæ, ut Gothi, Sarmatæ, Persæ, ita ut non minus quàm ducenti singulis globis ducerentur.

De Bachi sacris quæ nocturna erant, plurima apud diversos auctores habentur; sed & D. Augustinus lib. 10. c. 13. de Civit. Dei narrat ea celebrata fuisse discurrentibus per plateas civitatis cum facibus accensis, & crateres vini plenos statuentibus (cæteras fileo turpitudines) non Romanis tantum sed & Græcis, aliisque gentibus, apud quos hi dies festi in honore erant: sed postmodum eos Romani exclusere, atque etiam legibus vetavere ne reducerentur in posterum. Similia quoque & de ludis Floralibus refert Alexander ab Alexandro lib. 6, Gen. dier. c. 8. Et Ovid. inter alia lib. 5, Fast.

Lumina restabant, quorum me causa latebat,

Cum sic errores abstulit illa meos.

Vel quia purpureis collucet floribus agri,

Lumina sunt nostros visa decere dies.

Vel quia nec flos est hebeti, nec flamma colore,

Atque oculos in se splendor uterque trahit.

vel

*Vel quia deliciis nocturna licentia nostris
Convenit, à vero tertia causa venit.*

Dianæ quoque sacra quæ idibus Augusti occurrebant, cum tædis faci-
busque accensis etiam peragebantur, testis Propert. lib. 2 eleg. 33.

*-- sed tibi me credere turba vetat,
Cum videt accensis devotam currere tædis
In nemus & Tyriæ lumina ferre deæ.*

Et Ovid. in Fast.

*Sæpe potens voti frontem redimita coronis
Fæmina lucentes portat ab urbe faces.*

Cerealium ludorum pompa facibus quoque accensis condecorabatur, id-
que in memoriam Cereris quæ sub noctem exorsa est laborem quærendæ fi-
liæ Proserpinæ raptæ à Dite Deo infernali. De hoc Lactantius Firmianus
lib. 1, cap. 21. *Quia facibus ex Etnæ vertice accensis Proserpinam Ceres quæ-
sisse dicitur, idcirco sacra ejus ardentium tædarum jactatione celebrantur.* Cum
istis facibus sulphure & lato oblitis currebant, ut observat Brodæus ver.
Schol. Et Juvenal. Sat. 2. ver. 90.

*Talia secreta coluerunt orgia teda
Cecropiam solidi Baptæ lassare Cocytum.*

Atque L. An. Senec. Agam. Act. 2. in Choro:

*Tibi votivam matres Grajæ
Lampada jactant.*

De eodem vide plura apud Stat. lib. 7. Theb. v. 412. & apud eundem lib. 12.
Theb. v. 132. Claud. lib. 2. & 3. Martian. lib. 2. de Nupt. Ovid. epist. 2. Phyllidis
ad Demoph. & Fast. 3. & alios.

Adhibebant præterea & Athenienses ad tria festa celebranda lampades,
Panathenæa, Vulcanalia, Promethea: & primus quidem lampadis in sa-
crificiis usus Vulcano tribuitur, quod is primus usum ignis reperisset, &
mortalibus ostendisset ut scribit Ister ad Suidam in voce λαμπάς.

Sed neque in Sacris duntaxat facium istarum usus erat, verum etiam in
omnium sacerdotum initiationibus, teste Heliod. lib. 9, p. 424. & Juvenal.
Sat. 15.

*Quis enim bonus, & face dignus
Arcana qualem Cereris vult esse sacerdos.*

Et Stat. l. 2. Thebaid. in fine.

*Tuque Actæa Ceres cursu cui semper anhelo
Votivam jaciti quassamus lampada mystæ.*

Missa facio Saturnalia, celebrari solita etiam luminibus accentis, ut est
apud Macr. Saturn. cap. 7. Sed ad hos festos ignes referri etiam possunt
Palilia sacra agrestium, in quibus vesperi sub noctem ignes ab iis excitaban-
tur ex stipulis, quos ter transliebant. De illis sic Ovid.

*Dum licet apposita veluti cratere camella
Lac niveum potes purpureamque sapam,
Moxque per ardentem stipulæ crepitantis acervos
Trajicias celeri strenua membra pede*

Hic mos ad nostra usque tempora manavit: nam passim in Polonia, Lithua-
nia, Russia aliisque adjacentibus provinciis sacrosanctè id observatur, ut in
Vigilia natalitii ortus D. Ioannis Baptistæ populus omnis utriusque sexus &
ætatis turmatim in publicis plateis urbium, aut planicie camporum, ubique

copiosis accensis ignibus pro choreis tripudiisque exercendis concurrere soleat. Idem & in Succia suis temporibus fieri solitum testatur Olaus Magnus lib. 15. c. 4. Hist. Gent. Sept.

Jam verò sufficiant hæc de ignibus festivis veterum, festis diebus noctibusque exhiberi solitis. Nunc autem cujusmodi illi esse debeant, cum veteres & verâ religione, & arte superemus: multa profecto dicenda forent; sed ne librum magis quàm libri caput scribere videamur, brevitati studentes, missa illa facimus: tum etiam usitatiores frequentioresvè longè nunc, præter eos quos jam superius exposuimus, nuptiales convivalesque sunt ignes nostri artificiales, ad quos describendos festinamus; quàm isti Sacri: sic enim præsens fert sæculum ut in iis quæ in Divinum honorem verti possent frugalissimi parcissimique simus; (absit ramen in his fucus & ficta pietas, Pharisaicaque ostentatio) in Venerem porro Bachumque, & vanam gloriam, profusissimi atque luxuriosissimi. Variarum nihilominus inventionum quæ Sacris ignibus aptè inservire poterunt, maximam suggerent copiam Sacri codices, in quibus morales, & mystici inexhausti planè thesauri. Itaque cum construendorum ignium artificialium Sacrorum aliqua sese obtulerit occasio, eò recurrendum, iique consulendi, quibus interpretandi Sacras literas, explicandique recondita in iis mysteria, quæ Divina majestas in aperto esse noluit, data potestas: nos autem in humanis tradendis vanitatibus indefessi pergitur: ac quid TERTIO ignium artificialiarum recreativorum nuptialium tempori maximè congruat exponimus.

Ignes in nuptiis apud Romanos pariter ac Græcos solemnes fuisse, plurimorum magni nominis auctorum extant monumenta: hinc etiam passim reperire est apud Poëtas: *tædæ vel faces jugales, faces legitimæ, tædæ geniales, & festæ.* Claud. lib. 2. in Ruffin.

*dilecta hic pignora certè
Hic domus, hoc proprium tædis genialibus omen*
Idem de 4. Hon. consul.

Cum tibi prodiderit festas nox pronuba tædas
Et in Epithal. Honorii & Mariæ:

*Tu festas Hymenææ faces, tu Gratia flores
Elige.*

Seneca Tragædus.

*Et tu qui facibus legitimis ades,
Noctem discutiens auspice dexterâ*

Et Ovid. lib. 1. Metam, Fab. 9. & alibi

*Conde tuas Hymenææ faces & ab ignibus atris
Aufer, habent alias mæsta sepulchra faces.*

Quid autem per hosce ignes veteres exprimere voluerint exponit Festus lib. 6. hunc in modum: *Facem in nuptiis in honorem Cereris præferebant, aquâque expurgabatur nova nupta, sive ut casta puraque ad virum veniret, sive ut ignem & aquam cum viro communicaret.* Lactantius Firmianus lib. 2, cap. 10. alias affert rationes: *duo illa principia (ignis videlicet & aqua) inveniuntur, quæ diversam & contrariam habent potestatem, calor & humor, quæ mirabiliter Deus ad sustentanda & gignenda omnia excogitavit.* Et paulò inferius. *Alterum enim quasi masculinum elementum est; alterum quasi femininum: alterum activum; alterum patibile: ideoque à veteribus institutum est ut sacramentis ignis & aquæ nuptiarum fœdera sanciantur, quod fœtus animantium calore, & humore corporentur, atque animentur ad vitam: cum enim constet omne animal ex anima & corpore, materia corporis in humore est, animæ verò in calore.*

Ma-

Materia facibus pinus erat. Ovid. lib. 2. Fastor.

Exoptat puros pinea tæda deos.

Has pueri quinque præferebant apud Romanos, teste Plutar. Prob. Rom. cap. 20: apud Græcos mater ipsa sponsæ, Euripid. in Phæniss. citante Dempstero. Neque verò de his plura nunc. Jam qualia opéra Pyrotechnica artificiosa in nuptiis exhiberi aptè possint videamus.

Nuptialis sollemnitas cum omnis lætitiæ, festivitatis, leporumque tempus ac theatrum quasi quoddam sit, in quo ea repræsentari possunt, quæ aliis temporibus minime conveniunt, nec absque piaculo usurpantur. Id eo amplissimam habet materiam, & innumeras planè inventiones ignium artificialium Pyrobolista quas dextrè huic tempori accommodabit. Statuæ tamen & figuræ variæ hominum animaliumque huic actui peculiæres & congruæ, primum sibi dari postulant locum, quibus diversæ fabricæ, ingentesque ædificiorum moles, arcus, palatia, fontes, & alia plurima Pyrotechnica opera, bellè exornantur. Inter has verò Junonis, Dianæ, Veneris, Cupidinis, & aliorum falsorum Deorum ac Dearum quos ethnica cæcitas nuptialibus feriis præesse voluit, effigies, quales olim à veteribus illis assignabantur, ex scriptis eorundem, fabulisque poeticis peti debent. Sed ut iis quibus talium librorum non superpetit copia succurreremus, utque Pyrotechnicum non instructum in his etiam aliò non remitteremus; quæ hinc & inde sparsa sunt collegimus, & huc transtulimus.

JUNO Jovis soror & uxor, præter varia nomina & titulos quos illi sui cultores imponebant Lucina quoque dicta fuit, quod lucem nascentibus dare crederetur, ex quo & Lucretia. Vel à juvando & luce, Juno Lucina: à quo parientes eam invocant. Vocabatur etiam & Juga Juno, vel quod juges sunt ejusdem jugi pares, unde & conjuges, ut Pompejo placet: vel ut Servius putat propter jugum quod imponebant matrimonio conjungendis.

Simulachri ejus figuram sic describit Rosinus lib. 2. cap. 6. ex Albe-
co: *Fæmina erat in throno sedens, sceptrum regium tenens in dextera, ejus caput nubes tenebant opertum supra diadema, quod capite gestabat, cui & Iris sociata erat, quæ ipsam per circuitum cingebat: nuntiamque Junonis Iridem populi appellabant. Ideo juxta illam Iridem ancillam paratam, ad obsequium dominæ figurabant. Pavones autem ante pedes ejus, à dextris & sinistris stabant, avesque Junonis specialiter vocabantur.*

DIANA Apollinis soror, Jovisque filia, eadem & Luna, & Lucina, aliisque plurimis gaudebat nominibus. Parturientibus præerat & venatoribus. Puerperæ statim post partum sacrum ei faciebant, & vestimenta consecrabant. Venatores cum facibus spicatis mense Augusto pompam ejus festi celebrabant unde Gratius in Cynegitico suo:

*Spicataeque faces sacrum ad nemorale Dianæ
Sistimus, & solito caruli velantur honore,
Ipsaque per flores medio in discrimine luci,
Stravère arma sacris.*

Pingebatur specie fæminea, sparsa coma, in manu arcum cum sagitta tenebat, luna crescens frontem ornat: cervos etiam cornutos in venatione insequi fingebatur.

Face:

Facetam de illa refert fabulam Cleobulus: Petiisse illam videlicet, a matre ut sibi tunicellam texeret, matrem respondisse: qui possum, cum nunc plena sis, nunc rursus media appareas? Homini certe fatuo qui ut luna mutatur nulla certa mensura est.

VENUS omnium voluptatum, deliciarum, & generationis Dea ab ethnicis credita est. E semine igneo, è cœlo delapso in mare, & è spumis eam genitam fuisse dicebant poëtæ; conjunctionem ignis ac humoris, quam haberet vim significantes, ut Varro ait.

Simulachrum ejus varium fuit, Aliquando enim effingebatur in forma puellæ in concha è mari exeuntis. Aliquando verò, habebat speciem mulieris manu concham tenentis ros floribusque variis coronatæ, pone quam Charites, & utrinque Cupido & Anteros. Curram ejus aliquando columbæ trahebant, propter illarum castitatem: aliquando cigni, vel quod amor nitore concilietur: aut quod hujus Deæ cultores extra sint candidi, & compti; intra autem quemadmodum cigni, nigri, vel mortis immemores, in ipso ejus limine cantunt.

Item sine ulla veste depicta: quod effrænata voluptas inanes & nudos d mittat.

Sculpserat Phidias Eleis effigiem Veneris, testudinem pede calcantis, ut refert Plutarch. in Præcept. connubialib. id porro notabat mulieres domi portas esse debere, atque silentii cultrices.

Jactus Veneris in lusu, optimus olim existimabantur, cum scilicet omnes tali in eandem faciem cadebant. Valebit id in Principis alicujus felicitatem exprimendam, qui per connubium, & per consanguinitatem incrementum sui Dominatus acquisivit; non Martis lusu, sed Veneris.

CUPIDO amorum & omnis luxus & lasciviæ Deus. De ejus effigie sic habet Servius apud Rosinum: Quia turpitudinis est stulta cupiditas, puer pingitur: item quia imperfectus est in amantibus sermo, sicut in puero.

Alatus autem ideo, quia nihil amantibus levius, nihil mutabilius invenitur. Sagittas vero id circo gestare dicitur, vel quia amorem & libidinem sequitur punctura pœnitentiæ & dolor, vel quia ipsæ incertæ velocesque sunt. Hinc pulchrè Boetius de consol. Philosoph.

*Omnis habet hoc voluptas
Stimulus agit fruentes
Apiumque par volantum
Ubi grata mella fudit,
Fugit, & nimis tenaci
Figit ista corda morfu.*

Potentiam amoris Philostratus expressit, cum ejus sinum plenum victoriarum effinxit. Plutarchus eum vocat Dictatorem, quod supremum erat olim Romæ officium; alii dulcem Tyrannum.

Pingebatur etiam Leoni insidens, quod omnia domare possit.

Philippus eum finxit surripuisse Jovi fulmen; Apollini pharetram; Mercurio alas & caduceum; Herculi clavam; Marti gladium; Bacho tyrsum; Neptuno tridentem: quo significatur amor nihil esse inexpugnabile. Valebunt ista, si dextræ à Pyrobolista effingantur, in nuptiis alicujus fortis & bellicosi viri, qui cum antea invictus fuisset, & celibem ducendo vitam nil præter matrem spirabat, meditabaturque, tandem aliquando sepositis armis, matrimonii sacris sese obstringendo, amoris unius mulieris succubuerit. Huic assuere poteris & illam de Hercule fabulam, qui dicitur ab Omphale ita fuisse dementatus, ejusque adeo amoribus infasciatus, ut indurus

durus muliebri habitu, opera quoque feminea faceret, & habitum suum amicæ eidem daret, immo vapularer etiam ab Omphale sandalio.

Pingebatur etiam amor forma Juvenis detecto capite, tunicâ viridi induti, in cujus fimbria scriptum: *Mors & vita*: hi enim sunt amoris termini. In fronte: *æstas & hyems*: amicitia scilicet constans in prosperis & adversis. Latus ad cor apertum, in quo scriptum: *longè & propè*: nulla enim locorum intercapedo aut distantia amicos separat.

GRATIÆ, quæ & Charites dicuntur à Græcis: quamvis matrimoniis olim non præessent, quia tamen Veneris sunt comites, hîc de illis pauca addere collibuit. Chorus itaque earum pingebatur sic: tres virgines utraque manu se tenebant ita, ut prima occipite tantum videretur: altera quæ erat in medio facie dextrâ: tertia totâ facie versûs spectatorem imaginis pateret. Seneca id explicat atque applicat lib. de Beneficiis. Quare inquit tres gratiæ & tres sorores sunt, & quare inter se manibus implexis: alii quidem videri volunt, primam esse quæ det beneficium, alteram quæ accipiat, tertiam quæ reddat: gratia quippe gratiam parit. Beneficium gratiarum actionem, & beneficii relationem provocat, fitque circulus à beneficio in beneficium. Ridentes autem pingebantur, quia & promerentium & dantium vultus hilares esse debent; multò magis accipientium. Virgines, quia beneficiorum memoria non debet senescere, & quia incorrupta debent esse sine spe lucri. Proinde nihil debet esse in beneficio quod accipientes obliget, solutis enim zonis Gratiæ incedunt. Pellucidis vestibus sunt, quia beneficia conspici volunt.

His etiam Bachum annumerare posses quem inter alios Deos sacris genialibus præesse volebant antiqui, ut patet ex sequentibus Papin. versibus lib. 1. fil. 2. sed de hoc, suo loco potius.

-- tibi, Phæbus, & Evan (Hoc erat nomen Bachi.)

Et de Menelaja volucer Tegeaticus umbra,
Serta ferunt.

FLORAM quoque & PRIAPUM nuptiales etiam veterum Deos adderem; sed pudor meus vetat: itaque horum aliunde historia petenda & statuarum forma quærenda. Flora tamen Nymphæ cujusdam floribus coronatæ, venustæ & lætæ specie pingebatur. Qui plura nosse cupit legat Pierii Valeriani Hieroglyphica, Andræ Alciati Emblemata, atque Alex. ab Alex. Gen. dies, ex quibus plurimos ingeniosarum inventionum ad ignes artificiales non nuptiales duntaxat, sed & triumphales, & alios, hauriet impetus. Superest verò ut de fontibus igneis pauca referamus, qui etiam hisce actibus inservire poterunt: quanquam & sequenti tempori quod descripturi sumus, absque piaculo adhibebit eos Pyrobolista.

Quæcunque ex Regulis Hydraulices fontium artificialium Architecti aquæ benefico effingere solent, varios formando tubos per quos aquæ expressæ vel vitrum, vel campanam, vel crucem, vel stellam, vel iridem, vel imbrem, vel alia quæpiam exprimant: novimus nos quoque modum eadem igne nostro repræsentandi; sed de hoc alio loco. Moles porro ipsæ quas nos hîc ex Italico *fontanas* dicimus, quamvis propriè aquis tantum fundendis convenient; nihilominus tamen & ad artificia nostra Pyrotechnica recondenda, & postmodum ignis ope ejaculanda, atque spectatoribus præsentanda, sunt perquam commodæ. Tum non ingrati forsan minus-

K k

que

que jucundi tales ignes futuri qui præter spem & expectationem omnem ex fontibus eruperit, è quibus aquæ tantum artificialiter, vulgò exprimi solent: neque interdiu dignosci poterit quod in hunc modum quæpiam machina fabricata, nostra opera contineat; sed veram mentietur fontanam: nam & aquas alicubi continere poterit, in peluibus videlicet, aut labro: immò & salientes etiam per fistulas plumbeas aut aëris vi, si machina exigua quædam mole fuerit, aut pondere decidentis aquæ in majoribus, exprimentur; ut tantò magis interdiu spectantium fallantur oculi, & pro hydraulica reputent machina.

In ejusmodi igitur molibus decorum observabit Pyrobolista si effingat statuas quæ maximè hydraulicis operibus congruunt: ut Neptunum equis marinis vectum, Arethusam nudam cubantem, imagines Nympharum Nereidumque nantium, navigantium, in piscibus ludentium: interquas Hellem insidentem arieti, Sirenem delphino, Europam tauro; Najadem nudam, Acteonis etiam & Orphei fabulam, aut Ionæ historiam, & innumera alia efformare poterit. Hæc talia porro quo modo ex arte confiant, inferius declarabimus. Fuerant quidem hic obiter quædam dicenda etiam de ignibus Genethliacis, quales nimirum & illi esse debeant, quidque tali actui ex re conveniat; sed ex præmissis facile ingeniosus & hos etiam comminiscetur, decoremque servabit: nunc autem quartum ac ultimum tempus ignium artificialium recreativorum videamus.

QUARTUM tempus quo ignes nostri adhibentur, obtinent convivia & epulæ levibus variisque de causis ab amicis sibi mutuo exhibitæ. Facile autem me etiam tacente conjiciet quilibet talium actuum Bacchum dominum esse, & tum vel maximè triumphos exercere. Erigemus igitur illi, ejusque amicis, comitibus, ac toti sodalitia statuas: quarum formas ex iisdem petemus fontibus è quibus & superius descriptarum petimus: Ac primo quidem ipse Bacchi recensēbimus historiam, ut sciat Pyrobolista reddere rationem cur illi hanc vel aliam tribuat figuram.

BACCHUS teste Diodoro lib. 5. antiqui: cap. 2 Jovis & Semeles filius in antro Nysæ quod intra Phæniciam Nilumque est, à Nymphis educatus, unde & Dionysius. Bacchus dictus vel à coronæ genere quæ Baccha dicebatur, vel à bacchando id est vociferando. Liber etiam Pater audit, vel à linguæ licentia, quod vino ebriis proprium est, vel quod animum curis liberet: & oblivioni reddat ærumnas. Unde Ovid.

*Cura fugit, multo diluiturque mero,
Tunc veniunt risus, tunc pauper cornua sumit,
Tunc dolor & curæ, rugaque frontis abit.*

Sed plurima ejus nomina comprehendit Anson. epig. 29. sequenti.


*Ogygia me Bacchum vocat.
Osyrim Ægyptus putat,
Mysæ Phanacen nominant.
Dionyson Indi existimant.
Romana Sacra Liberum.
Arabica gens Adoneum.
Lucaniacus Pantheum.*

Vini & vitium inventor esse perhibebatur hinc Tibullus lib. 2. eleg. 3:

*At tu Bacche tener jucundæ confitor uvæ.
Tu quoque devotos Bacche relinque lacus*

De

Fig. N^o. 200.



R

Fig. N^o 201.



De Bacchi simulachro hæc habet Macrobius lib. i. Saturnal: *Liberi Patri simulachra partim puerili ætate, partim juvenili fingeantur; præterea barbata specie, senili quoque. Coronabatur Pampineis, hedera, & ficulneis frondibus. Pampino quidem & ficu, ex memoria Nympharum Staphilæ, & Sycæ; hedera verò ex memoria Cissi pueri, qui fuerat in hanc plantam conversus. Efficitur est aliquando in curru pampineo, & triumphans, qui pantheris modò, modò tigribus, ac lyncibus trahebatur. Silenus pando asello propter assans Bacchus & Satyris thyrsos in ferulas vibrantibus, cæteroque bacchantium comitatu, tum præeunte, tum subsequente.*

Aliquando etiam depingebatur pectore nudo muliebri, capite cornuto, vitibusque coronato, tigridi inequitans, manu dextra racemum prætendebat, sinistra poculum. Albricus lib. de imag. Deor.

Nudus ideò pingebatur, ut ostenderetur vini natura, quæ secreta revelat.

Tigrides illi sacræ fuere: quod vino tortissima quæque domentur.

Fertur capta lyra Licurgum interemisisse: à vino enim leges opprimuntur.

Tyrus erat Bacchi hasta hedera obvoluta, quam exercitus ejus in India ad decipiendos rudes Indorum animos belloque inidoneos gestavit. Dempsterus.

Sacra ejus noctu fiebant cum facibus, ut & supra retulimus.

Comites Bacchi fuerunt *Sileni, Satyri, Bacchæ, quæ & Bassarides, Lenæ, Thyæ, Mimatones, Naiades, Tytiri, Nymphæ, & Fauni.*

Silenus educator Bachi senex calvus asello infidens pingebatur: quod ebrietas in turpissima stupidissimaque animalia transformet sapientes & fortes viros. De eo L. Ann. Seneca. Actu 2. in Choro Oepido.

*Te senior turpi sequitur Silenus asella,
Turgida pampineis redimitus tempora fertis,
Condita lascivi deducunt orgia mystæ.*

Et Ovid. lib. i. de Arte.

In caput aurito cecidit delapsus asello.

SILENORUM habitus in Romanis ludis, erant tunicæ ex omni florum genere confectæ.

Item SATYRORUM ex hircinis tergoribus campestris, setæque horrentes invertice.

FAUNUS Latinis, Græcis PAN, sylvestris Deus, Mercurii filius. Simulachrum ejus effingebatur caprinâ facie, rubro colore, hirtis cornibus, pectore sideribus radiante, infima sui parte hispida, & caprino pede: altero pede inturvum, de hoc Macrob. lib. i Saturn. cap. 22.

Sed cur ego plura de Bacho ejusque asseclis afferam? digitum duntaxat intendisse sufficiat; quærant illa alii quibus plus vacat: nos autem quibusdam ad decorem machinarum nostratum spectantibus monitis, additis, ad distributionem seu æconomiam earundem transibimus.

Monitum 1.

Ordinum Architectonicorum judiciosè usurpata ratio ingentè etiam machinis nostris Pyrotechnicis recreativis conciliat decorem; siue illæ fuerint palatia, siue arcus triumphales, siue pyramides, siue obelisci, siue turre, siue columnæ, siue columnarum partes, siue fontanæ siue quidpiâ aliud, quod sibi Architectura Civilis vendicat. Itaque præscribimus ut omnia hæc talia ordine aut Ionico, aut Corinthiaco, aut Romano, quem alii Italicum & Mixtum vocant, construantur. Doricus quidem ordo quod masculus, & virilis sit, arcubus triumphalibus, obeliscis, pyramidibus, aliisque operibus quæ in honorem fortium virorum post victorias de hostibus felici Marte relatæ triumphantium extruuntur, aptè convenire videtur: quia tamen lætissimus est dies ille triumphus, propter magnificentissimum jucundissimumque

que præmium honoris triumphalis, quod benè meritis consequitur, undè & opera triumphalia exquisitissimè elaborari, & omni ornamentorum genere decorari postulant; sed tamen cum majestate quadam: Ideo Romanus ad hoc vel maximè aptus erit: triumphalis enim est, atque gravitatem quandam auctoritatemque regalem cum decora venustate præferens: hinc & à Romanis olim maximè excultus, talibusque operibus plerumque adhibitus, quemadmodum ex arcubus Constantini atque L. Septimii Severi (ut Trajani, aliorumque Imperatorum Rom: arcus taceam, quorum 14 in urbe Roma enumerat Onuphrius Panvinus) qui etiam nunc majori ex parte integri Romæ visuntur, conjicere licet.

Corinthiacus atque Ionicus, Nuptialibus & Genethliacis operibus aptè congruent; sæminei enim & molles sunt: quorum prior assimilatur virgini cōptissimè; alter matronæ absq; fastu & luxuria decenter ornatæ. Idem ordines etiam iis machinis quæ ad Sacros ignes fundendos parabuntur, inservient; si tamen illa omnia opera interdum hominum oculis exposita fuerint.

Convivalia opera Corinthiacum etiam requirunt ordinem: luxus enim omnis & effusæ superfluitatis tempus illud est.

Fontanas tamen, ordines minus exculti minusque venusti decent, quales sunt Tuscanus ac Doricus Rustico permixti: incultum enim quidpiam & asperum hæc referre debent: sed & alijs delicatioribus ordinibus exornari, atque juxta eorum regulas elaborari poterunt, si temporibus illis quibus construuntur respondere debebunt, & nudæ fuerint, nec tegumentum ullum habuerint, quod conchas lapillosque varios aut mentiatur, aut ex veris constet.

Monitum 2.

Accessoria etiam ornamenta sive sculpta sine picta magno cum judicio nec promiscuè diversis operibus adhibenda: ut in inauguratoriis inauguratoria; triumphalibus triumphalia; nuptialibus atq; genethliacis, nuptialia atq; genethliaca; convivalibus denique convivalia affigantur. Itaque inauguratoriis convenient coronæ, sceptræ, mitræ ducales, insignia provinciæ & urbium, ac claves earundem, & alia quæ juxta cujuslibet inaugurati, & honoris gradu insigniti statum atque conditionem usurpanda sunt.

Item triumphalia opera quid requirant patebit ex ornamentis Columnæ Trajani Imp. quam illi ob singulares virtutes & præclare gesta, veluti perpetuum gratitudinis monumentum Senatus Romanus olim dedicaverat, hanc hunc in modum describit Georgius Fabricius Chemnicensis in sua Roma cap. 7. *Columna ipsa pario marmore incrustata, qua res gestæ Trajani, & præcipue bellum Dacicum est expressum. Cernere in ea est formas munitio- num, propugnaculorum, pontium, navium: item varia militum opera; lignantium, ædificantium, castra metantium, fossas agentium, equos adaquantium, trophæa ferentium; in triumpho euntium: item formas thoracum, galearum, clypeorum, scutorum, zonarum, lituorum, pugionum, pilorum, gladiatorum, pharetrarum, aliorumque armorum. Ab ea parte in qua inscriptio est, victoriæ sunt alatæ, cum duabus aquilis. &c.*

Arcus etiam triumphales qualibus olim insignirentur ornamentis exprimit Prudentius lib. 2. in Simmachum Præfectum urbis, his versibus:

*Frustra igitur currus summo miramur in arcu,
Quadrijuges stantesque duces in curribus altis,*

Fabri-

*Fabricios, Curios, hinc Drufos, inde Camillos,
Sub pedibusque ductum captivos poplite flexo,
Sub juga depreffos, manibusque in terga retortis*

His talibus addi possunt varii generis militaria ferta, seu coronæ, de quibus jam supra diximus: sed & istæ magno cum judicio adhibendæ in operibus triumphalibus. Nam post relatum de hoste campestem victoriam Laureæ conveniunt; Pinnatæ post urbis expugnationem; Rostratæ post partam navalem victoriam; Quernæ ob cives servatos; Gramineæ post solutam obsidionem; Oleagineæ ob pacem publicam restitutam. Affiget etiam Pyrotechnicus encarpus varios: (Itali *Girlandas* & *Festones* à festivitàte vocant) hi autem sunt ornamenta, seu florum frondiumque & fructuum implexus atque contextus coronario luxu, foliis flores & fructus intercurfantibus: ad triumphalia tamē opera encarpi laudantur in quibus flores parçè, fructus verò abundanter foliis ramisq; aut hederæ, aut lauri intertexti sunt. Soli quoque rami, frondes, & folia, hederæ, lauri, oleæ, pampini, hinc inde spargi aliisq; ornamentis, non frivole & vanè, sed cum judicio intermisceri poterunt.

Sacris operibus convenient Cherubini, palmæ, mala granata, cruces, stellæ, emblemata Sacra, & Divinum quiddam, ac mysticum redolentia, aut quæ ad vitam beatiorē invitent.

Nuptialium, Genethliarum atque Convivialium machinarum accessoria ornamenta sunt ferta ex rosis, liliis, violis, narcissis & aliis floribus: item fructus varii, ut sunt poma, pira, cerasa, uvæ varii generis, pruna, olivæ, mespilæ, dactili, racemi; mala citrea, aurea, punica, cotonea; melones, pepones, & sexcenta alia: quæ tamen omnia vel in encarpus cum foliis oleæ, aut pampini centorquebuntur, vel variis in locis ut infra dicetur aptè reponentur; immensum operibus allatura decorem. Nec etiam inde variarum avicularum effigies, & sigilla, frondibus, palmitibus, racemisque implicita, & venustè elaborata excludimus: tum & cornua copiæ, & spicæ, atque frugum manipuli: immò in connivalibus calices etiam, scyphi, phialæ, lagenæ, canthari, urnæ, dolia; patinæ ferculis, pateræ cupediis onustæ; orbes, & alia quorum in mensis usus est: nec non varii generis musicalia instrumenta, ut sunt citharæ, mandoræ, lyræ, violæ, tibiæ, fistulæ, & his similia alia pingi aut sculpi poterunt. In nuptialibus ex re etiam affigetur gentilitia stemmata tam sponi quàm sponsæ. Suntq; talia vel in Zophoro (si columnæ adfuerint) ponenda, vel scapis columnarum super frondibus aut funiculis pendula, obvolvenda; aut in alveis stylobatarum appendenda; aut deniq; hîc & illic decenter affigenda. De literis & characteribus igneis in aëre representandis, & nomen sponsi vel sponsæ aut quidpiam aliud ingeniosum referentibus. nil dico, quòd jam horum superius fecerim mentionem.

Fontanæ exornabuntur varii generis conchis, lapillis diversicoloribus, fragmentis rupium acuminatis & asperis, silicibus pellucidis, corallis utrisque, crustisque marmoreis: quæ omnia aut vera & naturalia, aut ficta erunt: item reptilibus, atque insectis varii generis, ut buffonibus, rubetis, serpentibus, lacertis, viperis, locustis, cicadis, scarabæis, papilionibus, muscis, formicis, gryllis, apibus, araneis, millepedis, cochleis, hirudinibus, cancris, cætera quis enumeret? Addi quoque poterunt flosculi, & herbæ aquatiles: nec non capita leonina, aut ursina diductis rictibus: habent etiam hîc locum & varia animalcula, ut erinacei, mustellæ, scivri, mures, glires, cuniculi, lepuseculi, lutræ: aves quoque amphibie, ut anseres, anates, ardeæ, ciconiæ, cygni, mergulæ, hirundines.

Monitum 3.

Omnium statuarum humanas species referentium, quæ ex antiquitatum monumentis petentur, ornatus effingatur quam maximè verustus, qualis olim erat Romanus: mirum enim in modum arident blandiunturque oculis nostris in reliquiis vetustarum structurarum atque nummis conspectæ statuæ togatæ, sagatæ, prætextatæ, trabeatæ, paludatæ, stolatæ, quorum vestimentorum formas & descriptiones reperiet studiosus apud Nonnium Marcellum, Justum Lipsium, Rosinum, Dempsterum, & alios verustiores.

Pellibus etiam exuviisque leonum, tigridum, pardorum, lyncium, pantherarum, luporum, urforum, & aliarum ferocium bestiarum, eadem statuæ indui poterunt, quod & apud antiquos heroes olim in usu fuisse constat.

Item arma omnis generis militaria quò magis horridam incultæ antiquitatis habuerint faciem, eò gratiora acceptioraque oculis hominum futura.

Itaque fundæ, fustibali, manuballistæ, cestrosphendones, fudes, lanceæ, sarissæ, veruta, gesa, spari, falces, flagella, pila, secures, catejæ, phalaricæ, malleoli, romphææ, acinaces, scuta, clypei, parma, loricæ, thoraces, dracones, aquilæ, manipuli, & alia vetusta Romanorum arma & insignia militaria: tum etiam & nostra paulo antiquiora sclopeta, arcus & pharetræ, vehementer exornabunt opera omnia nostra; statuas videlicet, trophæa, arcus triumphales, & alia quæpiam ejusdem generis. Denique ut paucis multa complectar curandum omnimodè, ut opera nostra non sint vulgaria, & sæpius jam usurpata; sed talia comminiscenda, fabricanda, atque eum in modum exornanda, quæ præter spem & expectationem oculis spectantium subjecta, animos eorum in admirationem sui atq; stuporem quandam rapiant: quæ enim modo ordinario fiunt, laudem sæpius, admirationem nunquam merentur, ut Serlius ait.

De Oeconomia seu Distributione operum artificialium in Machinis Pyrotechnicis recreativis, aliisque eodem spectantibus.

Præter omnem nostram opinionem in immensum excrevit explicatio præcedens Thematisimi, seu Decoris in Machinis Pyrotechnicis recreativis observandi: absolvemus igitur paulò compendiosius brevibus quibusdam comprehensam regulis hanc capitis hujus partem posteriorem, quæ de Oeconomia seu distributione operum Pyrotechnicorum in machinis recreativis pertractat, atque ipsam praxim includit manualement, sitque ex his-

I.

Qualemcunque formam Machinæ Pyrotechnicæ recreativæ mente conceperit Pyrotechnicus, oportet ut eandem suis idæis, quæ sunt Ichnographia, Orthographia, atque Sciographia, exprimere norit: ad hoc autem omnino requiritur graphidos peritia, (ut cum Vitrovio loquamur) quò facilius exemplaribus pictis quam velit operis speciem deformare valeat, iisque proponere, qui in machinas construendas sumptus collocant.

2.

Non sufficit formam futuræ fabricæ in charta delineasse, immò etiam requiritur, ut ex ligno, cera, gypso, aut papyro linteisvè conglutinis, modelum, quem proplastice & prototypum vocant, effingat; ut sic melius omnes

omnes errores, inconvenientiæ, atque deformitates appareant, priusquam ipsa exstructa sit machina.

3.

Cum jam approbatum fuerit specimen operis, necesse est ut illico sumptuum ineat rationes, proportionando ex parva modelli mensura, veras omnium corporum magnitudines: & de impensis ad eadem extruenda cum iis artificibus quibus ad tale opus necesse habet, de singulis conferendo, atque de pretio tam laboris quam omnium requisitorum conveniendo, pacificandoque. Hic porro omnem fidelitatem atq; parsimoniam in distribuenda aliena pecunia, observare debet: quod & facile præstabit, si ea non requirat, quæ difficulter haberi, aut non nisi magno parari possunt: item proprium non quærat commodum, nec in spem donorum ab artificibus recipiendorum, profuse ac liberaliter dispense ea, quorum postea si non in hac saltem in altera vita exacta reddenda erit ratio.

4.

Cum jam ad ipsam manualet operam ventum fuerit, quam diligentissime invigilet atque procuret ut sui ammannens omnes materias sedulo atque juxta artis regulas quas superius tradidimus, elaborent, & præparent: Rochetas, ictus, globos, tubos, & alia id genus probe construant, ut optatus deinceps atque cum honore architectantis conjunctus, sequatur effectus, nec impensæ vanæ sint.

5.

Juxta mensuræ proplastices proportionem faciant primum fabri tignarii, ex trabibus, tignis, longuriis, molem quæ totius futuræ fabricæ complectatur corpus & ambitum: sed intus inanem: colligando duntaxat, varioque complexu connectendo tigna cum erismis, capreolis, cantheriis, transversis porrectisque tigillis, ut firma consistat moles: sed id tantum intelligi debet de ingentibus machinis, ut sunt palatia, arcus triumphales, turres, castella, aut alia id genus opera: nam columnæ, stylobatæ, fontanæ, obelisci, pyramides, statuarum hominum variorumque animantium, peculiarem construendi modum requirunt: nihilominus tamen & hoc etiam quædam ex illis parari possunt; quemadmodum id figuræ draconis sub Num. 197. atque 198 monstrant: è quibus una prior basim refert cui tota inniti debet moles; altera verò formam totius corporis cum interiori etiam operum Pyrotechnicorum dispositione. Illum verò modum qui ingentibus machinis convenit, expressimus in figuris Orthographica atque Scenographica valli castelli, sub N° 204 ad litteram A. Turres etiam rotundæ aut polygoniæ, atq; columnæ & obelisci si exigui fuerint, super truncis tantum arborum teretibus, aut polyedris in modum tuborum elaboratis, quemadmodum capite superiori docuimus, extrui poterunt: (vide figuram turris Num. 204, cujus forma accedit ad formam tubi sub Num. 192) grandiores verò ex trabibus asseribusq; ligneis componentur & internè plures recipient tubos, aut alia quæpiam ignea opera. Item pilæ, antæ, parastatæ, stereobatæ, stylobatæ columnarum, pyramides, ex tabulis etiam ligneis compingentur; vel saltem ex tigillis super angulis basium perpendiculariter erectis, vel in unum punctum superne concurrentibus (quod pyramidi proprium est) formabuntur, aut parallelepipedæ, aut prismata polyedra, aut pyramides perforatas atque inanes referentia; & postmodum linteis cerâ vel glutino illitis, vel conglutinatâ papyro circumvestientur; intus verò, quod & superius dictum, unum pluresve tubos & Rochetas scandentes cum perticis in vacuis spatiis inter tubos atque latera corporis, locatas, complectentur.

6. Stra-

Statuæ hominum (etiam & bestiarum aliquando omnis generis,) duplici modo fiēt.

Primus est : Formabit sculptor ex ligno cum omnibus lineamentis & musculis corpora illa juxta mensuram & formam sibi à Pyrotechnico propositam; idque vel nuda, vel vestimentis cooperta : in hæc ubi primùm sme-gmate , aut cerâ illita fuerint , inducetur crusta unius duarumvè linearum crassitie , ex pulmento, aut pasta papyracea cum aqua glutinis subacta: siccescat postmodum lento calore : tum in duas æquales scindatur partes totum illud statuæ tegumentum ; per latus utrumque à summo capitis vertice ad plantas usque pedum crustam scalpro præacuto dividendo : atque hunc in modum facillè detrahetur cutis illa papyracea formam hominis aut alterius alicujus animantis referens. Inane porro illud intrinsecum completur aut unum aut plures tubos , qui prius juxta incurvationem & situm membrorum corporis sunt componendi, & firmissimè vinciendi, atque compaginandi , ut non pulveris dissipentur impetu : nec non etiam in solidam atque consistentem aliquam basim , quæ totum insitens fulciat, infigendi : denique illo tegumento papyraceo contegendi , & commissuræ conglutinandæ.

Sunt qui unicum tantum tubum per totam corporis altitudinem transeuntem, hoc modo factâ veste papyracea cooperiant , quemadmodum id spectare licet in simulachro Fortunæ sub N° 202. Alii autem etiam in brachiis, cruribus , manibus, pedibusque , aut rochetas currentes, aut ictus , aut tubos dextrè collocant , & unâ copulant , tubosque aut canales ignem deferentes adaptant: hic autem modus conspicitur in altero simulachro Bacchi sub N° 200: sed moneo ut & superius jam etiam attigi, ita omnia esse collocanda & disponenda , ut super solido fulcimento quiescant , nec etiam tantillum in aère pendeant : quapropter collum, brachia, lacerti, lumbi, crura, ferreis laminis, aut perticis, secundum angulos quos illa membra tum cum reliquo corpore, tum secum mutuo efficiunt, dum incurvantur, flectuntur, contrahuntur, aut porriguntur ad necessitatem, etiam incurvatis atque inflexis, suffulciuntur : immo totum etiam corpus si inclinet & procumbat, reclinet, vel in alterutrum latus propendat , simili etiam modo erismis quibusdam occultis sustentetur fulciaturque. Amplitudines verò angulorum quos illæ inflexiones corporis, membrorumque omnium efformant, desumentur duabus regulis in alterutris extremitatibus simul junctis, & axiculo per utramque trajecto, colligatis ita, ut modò in cubitum seu anconem , modò in acutum, modò in obtusum angulum divaricari, atque coarctari possint: estque tale instrumentum omnibus fabris lignariis sat commune & notum, habetq; similitudinem respectu formæ cum circino proportionum , quo etiam mediante idem opus commodè peragi poterit.

Modus alter sic habet : Secundum magnitudinem & formam corporis cujuscumque , ex plurimis tubis talibus qualis est ille sub Num: 189 papyraceis , mediam corporis crassitiem , nempe quæ comprehendit pectus , thoracem, mammæ , ventrem , dorsum , & alia inferiora, componunt & coagmentant : postmodum etiam collum, caput, brachia , crura , manus , pedes, & alia omnia membra ex iisdem minoribus paulò tubis efformant ; incurvando omnia ad lubitum super globis ligneis rotundis, materiâ lentâ onustis, & ita duobus in locis perforatis, ut inflexio membri alicujus postulaverit : in hæc postmodum foramina inferuntur fistulæ tuborum fundis apratæ , ut per illas trajiciat ignis in tuborum interiora. Hæc omnia ubi ritè fuerint peracta , con-

Fig. N^o. 202.





Fig. N.º 203.



100 X 100

contegitur tota moles veſtimento aliquo lineo, aut ſerico, vel etiam papyraceo, conſuto juxta mentem architectantis, conſtruentiſque machinam. Turbo porro illi qui caput machinæ conſtituit, aptatur larva papyracea: pedes quoque atque manus calceamentis & chirothecis vel papyraceis, vel etiam loreis velantur obducunturque: in capite rotundus ut plurimum ponitur globus, lentam continens materiam. Tales etiam aliquando globi ſi pluvia, aut ſalientium in morem in complures diſpartiti radios ignes exoptantur, perforantur ſupernè aliquoties, quod & in figura Num: 202 oſtendit globus cui ſimulachrum Fortunæ inſiſtit.

Monendus tamen hîc eſt Pyrotechnicus ut quàm diligentiffimè rubos illos ex quibus membra corporis componuntur, & infernè fulciat, & ſingulos ita ad invicem uniat, ut pulveris vi protruſi non difficulter ſeparentur, neque unus alterum nondum exuſtum ſecum avehat, totum enim opus cederet irritum.

7.

Animalia omnis generis ſuis pellibus veſtientur, ut tantò magis vera & naturalia videantur: ſed tamen illæ pelles in minutias ſcindendæ ſunt, & ſubtilibus filis ſingulæ particulæ connectendæ: ut dum incenſa ex interioribus erumpunt opera, nullum habeant obſtaculum, quod ea retardet, atq; reflecti cogat; ſed liberrimè evolent in aëra: idem quoque de papyraceis aut lineis, atq; ſericis tegumentis humanarum ſtatuarum intelligi debet: ſi videlicet fuerint quædam opera ita in corpore diſpoſita ut non tantum perpendiculariter, ſed etiam & obliquè quaquaverſum erumpant.

8.

Tegumenta piſcium aviumque in aquis natantium, globos aquaticos intus recipient.

9.

Tegumenta caſtellarum, palatiorum, arcuum, triumphalium, currium &c. ſi ex tabulis ligneis fuerint, primum iſſis corporibus tubis vari generis intus repletis; tum tabulæ lignæ extrinſecus plurimis iſtibus papyraceis aut ferreis contegentur; ductis in planis oppoſitis canalibus, atque eo modo illis iſtibus diſpoſitis, ut ſuperius in conſtructione clypeorum ſcutorumque docuimus, quod etiam & ex figuris Numero 200, 202, atque 204 ſub literis B & C, apparet.

10.

Inter alias ſit hæc quoq; generalis regula; ſuper qua omnis decôr artis quatenus practica eſt, & circa diſpoſitionem ignium verſatur, conſiſtit: ut nulla particula machinæ operibus igneis vacua ſit: itaq; omnes trabes, longurii, tigna; aſſeres, tabulæ, columnarum (ſi adfuerunt) capitella, paraſtatarum incumbæ, atque baſes, Balauſticę columnæ, coronices, zophori, epiſtylia, mutuli, dentriculi, antepagmenta, triglyphi, guttæ, encarpi: item acceſſoria ornamenta, ut coronę, fructus, frondes, folia, flores, animalcula varia, inſecta & reptilia, ſtemmata, arma omnis generis, & ut uno verbo proferam: quicquid corpus eſt, non ſit inane; ſed aut iſtibus, aut ſtellulis, aut ſcintillis, aut rochetis currentibus ſcandentibusque, aut mortariolis cum globulis oneratis, repleantur. Quomodo pelues, earundemq; baſes, nec non & gradus labri fontanę, iſtibus atq; rochetis infarciri debeant, conſpicitur in figuris ſub lit. C & D.

11.

Ictus ferrei quidam obliquè, quidam verò perpendiculariter ad horizontem collocabuntur: ſed eorum accenſoria oſcula modò ſurſum, modò deorſum, modò dextrorſum, modò lævorſum, & ſic quaquaverſum alternis

L I

vici-

vicibus invertentur, atque super canalibus disponentur. Observandum etiam ut ictus qui multiplices fuerint, id est unum, duos, tresve alios minores ictus continentes, perpendicularem ad horizontem habeant situm.

12.

Cum non omnibus placeant omnia, & quod unus amat, sæpà fastidit alter: neq; verò ab una tantum aliqua persona e spectatorum numero opera nostra probari debent; sed ut & pluribus etiam morem gerat Pyrotechnicus necesse habet; dummodo illa pluralitas earum sit virium, ut de operibus nostris iudicium ferre valeat: alias enim paucioribus iisque prudentioribus placuisse satius erit, quam insensati popelli aut laudabiles optare, aut vituperosas perhorrescere sententias. Itaque ictibus rochetas etiam currentes scandentesque, & alia Pyrotechnica opera intermiscerit, ut alternis vicibus, & per intervalla, modo hæc, modo illa evolent in aëra. Item si ita exrevidebitur, aut illius qui operam conduxit Pyrotechnici, & sumprus in machinæ fabricam expoluit, intercesserit mandatum, ut plura simul opera in conspectum veniant, aut ictus displodantur frequentiores in uno instanti; plura etiam habeat foramina accensoria in diversis machinæ partibus disposita, per quæ in opera intrò recondita ignem introducat quādocunque lubuerit. Sunt enim quidam quibus moris est in summo duntaxat apice machinæ unum ponere osculum accensorium, ut sic uno quasi continuo ductu tota conflagret moles: at in hoc locatoris arbitrium sequi oportet: artificiosior tamen hæc exustionis machinæ ratio; sed illa tutior, certiorque.

13.

Ignes variorum colorum laudantur etiam vehementer in hoc opere: si videlicet vel iridem, vel tartaream flammam aliquam, vel aquam, vel stellam, vel simile quidpiam repræsentare necessum fuerit. Reassumet igitur ad hæc talia Pyrotechnicus illas superiores regulas de construendis non vitiosè & decorè rochetis scandentibus, à nobis traditas. Item si fulgur, aut copiosum lumen aliquod subito evanescens exprimendum erit, præstabit id auxilio vel succini, vel colophoniz, vel gummi juniperini, vel picis duræ navalis, subtilissimè pulverifatorum.

14.

Si in fontibus igneis exprimere Pyrotechnicus voluerit, vel crucem, vel stellam vel pluviam, vel iridem seu arcum, aut quidpiam id genus aliud, faciet parari eum in modum tubos testaceos (nam omnis generis metalla colliquefcunt celerrimè eo igne qui ex nostris producitur materiis ut ut lentæ fuerint; propter admixtas quasdam portiones salisnitri & sulphuris; aliarumque vehementium & calidarum materiarum) qualibus & fontium artificia- lium magistri uti solent ad illas figuras repræsentandas: sintque illi infernè latiores, ut vel tuborum, vel globorum orificia probè contegant, & obtu- rent. Compositiones quàm lentissimæ sint, & quæ portiones materiarum coloratas flammæ generantium, & magnam scintillarum copiam producen- tium admixtas habeant: eadem quoque compositione & tubuli illi artificiosi testacei in varias formas efficti, onerentur ad satietatem.

15.

In canalibus ducendis ignibusq; conjungendis, omnis cura & labor impen- dendus: in hoc enim & decor artis cum artificis laude conjunctus, & sa-
lus

lus incolumitasque tam propria, quàm & aliorum vel juvantium vel spectantium, situata est: paucissimàs quippe vidisse mihi licuit moles, quæ optatum habuere effectum; sed persæpè in uno momento tota machina concipiens ignem, non uni brevioris vitæ, aut saltem horrendæ adustionis, artuumque mutilationis causa fuit. Occurret porro huic turpissimo periculosissimoque errori sedulus artifex, si primùm canales materiâ lentâ oneraverit, cujus bonitatis per frequens experimentum certus fuerit. Laudaverim tamen multò magis (quod & aliquoties jam praxis ipsa me docuit) funiculos ex stipula pyrotechnica, benè sicca & probè elaborata, contortos: attamen & hi, & compositiones lentæ, omninò in fistulis cupreis (nam lignæ facillimè transuruntur & crepant, plumbeæ minimò etiam calore liquantur, ferreæ autem ignescunt illico, unde ingens imminet periculum ne in materiam fabrilem sese insinuet ignis, quod totius molis sequeretur perniciēs: cupreæ autem fistulæ difficillimè incalescunt propter metalli densitatem, quod & alibi dictum) nervis animalium glutine imbutis, cui pusilla portio admixta sit aluminis plumosi, unius ad minimum lineæ crassitie, circumdatis, sunt recondendæ: & postmodum fistulæ vel in canalibus tabularum reponendæ, vel nudæ hîc & illic ab uno opere ad aliud ducendę collocandæque.

Commisuræ fistularum diligentissimè luto figlino, aut iisdem nervis cum glutine stipandæ, ut & firmiter advicem fistulæ cohæreant, & ignis liberum non habeat exitum: item æstuaria per quæ ignis spiritus relaxentur frequentia faciendâ: aleas enim aut suffocaretur in tubis, aut densatus dissolveret, rumperetque fistularum ferruminationes: sed eâ tamen cautione illa spiramenta sunt faciendâ, ut in liberum aerem & ad intervallum aliquod ab operibus aliis effletur flamma, & favilla ejiciatur: tum etiam, si illæ fistulæ in canalibus trabium aut tabularum reconditæ fuerint, aut saltem iisdem extrinsecus adhæserint, ut in ictus atque rochetas deferant ignem, cum frequentia habeat ignis spiramenta post singulos ictus exoneratos; nihilo minus tamen cum ad ejiciendam spurcitiem in tubis existentem ex fumo impurarum materiarum genitam, non illa sufficiant; faciendâ omnino colluviaria, seu patentiora foramina, per quæ & immundicia ejectionentur, & ignis respiret. Sed hæc etiam ita ordinandâ, ut nusquam gentium nudam materiam flamma ignis attingat; sed per fistulas alias metallicas omnia illa ferantur.

Cæterum intrinsecus & extrinsecus omnis fomes ignis quàm longissimè à machina removendus, ut infausti successus omnis tollatur occasio. Ducendarum denique fistularum atque canalium ab uno opere ad aliud rationem modumque non est quod doceam; cum & id nullis unquam regulis comprehendere queat, ob infinitam operum in dispositione variationem; & nullus dubito quin ille qui operi manum adhibuerit, ex monitis ita ea sit observaturus, ut nullum in hoc committat errorem; nec non etiam quadamtenus ex figuris quoque orthographicè & sciagraphicè à nobis ad unguem delineatis, perceptum iri à studioso ea speramus, quæ communicationis ignium postulat artificium.

16.

Ultimum est quod moneam: Inter laborandum observanda sobrietas, pietas, castitas, atque à maledictionibus & obscænis verbis cavendum quàm

L I 2

maxi-


maximè: quemadmodum enim in omnibus actionibus nostris nil absque Divino auxilio boni efficere possumus; ita potissimum in hoc opere igneo cum omni devotione, & animi pariter ac corporis castitate colendum, adorandum, implorandumque numen Divinum, ut opera manuum nostrarum prosperare dignetur, nosque ab omnibus servet periculis: singulis namque planè momentis mori nos eo tempore oportet: & quot violentiores paulò, non dico lapidis cum lapide aut ferro, aut unius metalli cum alio collisiones; sed ligni cum ligno, funis etiam cum fune, immò stipulæ cum stipula attritiones, tot quoque inevitabiles nostræ occurrunt perniciēs, lethumq; horrendum versatur in oculis.

Cætera quæ ad consummatam exstructionem ejusmodi operum pertinet, multa sibi vendicant fabri tignarii, ferrarii, ærarii, arcarii, claustrarii, torniones, bractearii, sculptores, plastæ, pictores, & alii artifices varii: qui tamen omnes ab imperio & nutu architectantis dependent Pyrotechnici, atque ad regulas sibi ab eodem præscriptas sese conformant, finguntque. Itaque sciet Pyrotechnicus quid singulis ad elaborandum assignabit; atque de operibus eorum judicium feret; nonnisi proba collocans in opere; vitiosa & minus diligenter conflata & elaborata reprobans, atque rejiciens: non enim error aliquis atq; inconvenientia in opere imputabitur illis artificibus; sed quemadmodum laus omnis & honor ex optato operum effectu, totiusq; molis venusta & concinna fabrica, sic & è contrariis vituperium atq; ignominia, non in alium præterquam in Pyrotechnicum redundabunt.


Jam porro omnibus recreativis operibus, de quibus huc usque sufficientissimè, & forsan ad nauseam etiam quorundam diximus, colophonè imposito, ad partem secundam libri hujus, quæ de militaribus & seriis pettractat, accedendum.

PARS


Fig. N^o 204.



A



B



C





Fig. N^o 205.





Fig. N^o 206.



W

PARS LIBRI SECUNDA

De Massis, Missilibus, Armisque Pyrotechnicis militaribus
& feriis.

CAPVT I.

De Ollis, Phialis, Lagenis, Vrnis, Congiis &c. igneis.

Inter opera repugnatoria Pyrotechnica de quibus hac secunda hujus libri parte dicendum nobis proposuimus, ollas igneas, phialas, lagenas, urnas, cantharos & cætera id genus vascula, vel testacea vel vitrea primo ponimus loco, quod cæteris quæ sequentur, simpliciora minusque artificiosa sint. Simul porro omnia uno comprehendimus capite, quod uno eodemque modo omnia præparari possint: sed tamen non omnibus modis omnia: nam persæpe quod unum recipit, id alteri minimè congruet, propter diversitatem figuræ & magnitudinis. Diversos autem implendi modos parandique talia vascula, hîc annotavimus:-

Modus 1.

Infunditur primùm in vasculum quodpiam calcis vivæ subtilissimè pulverisate, & cribro arctissimo succrete ea quantitas, ut vasculi unam tertiâ partem impleat: huic superaffunditur pulvis granulatus, ad summa usq; vasculi labra, & desuper papyraceo primùm arbutulo, aut ligneo epistomio, tum postea linteo impicato vel incerato occluditur orificium. Ad collum, aut auriculas vel ansas (si testaceum vas fuerit) alligantur funes incendiarii, eo modo ut in fig: sub N. 206 apparet. Sic paratum vas accensis primùm funiculis in utraq; extremitate projicitur in hostem de loco quopiam superiori, nempe ex vallo aut muro fortalitii; idque manu in propinquiorem; aut machinâ ad id idoneâ in remotiorem. (& hoc posteriori modo eadem vasa etiam ab oppugnantoribus, in obsessa fortalitia mitti poterunt.) Aliquando etiam in conflictibus navalibus cum cominus pugnatur, in navem hostilem, medios inter hostes destinantur: quam primùm enim tabularum navis, aut aliud quodpiam durum attigerint objectum in quod deciderint, rumpuntur illico, atque in innumeras dissiliunt partes, & materia intrò conclusa effunditur: tum funes in pulverem incidunt, & flamma ingens oritur non absque hostium damno: calx verò dissipata densum pulverem excitat, & nebulam visui humano infestam atque intolerabilem producit. Calcis aliquando vices obire poterit cinis ex robore aut fraxino; sed subtilissimè cribrandus est, ut difficultet atomi ejus deprehendi valeant.

Modus 2.

Parantur aliquando testacea aut vitrea vasa, cum collis oblongioribus quorum inane unius uncie habet latitudinem, suntque similia matellis, aut retortis vel phialis distillatoriiis: horum sinus replentur pulvere granulato cum portionibus quibusdam Mercurii sublimati, atque Boli Armeni. Aliquando pulveri immiscentur fragmenta ferri ad grandinem parata. Colla replentur materiâ quapiam lentâ: & sic incensa projiciuntur quò lubet.

Modus 3.

Si vacuum vasorum capax satis fuerit, & orificium amplum, trium videlicet quatuorve digitorum in latitudine, pulveri granulato immiscentur aliquot ictus ferrei duplicati, aut multiplicati, suo modo instructi, aut granatæ manuales, absq; suis tubulis, sed tantum simpliciter ad summa orificiorum labra pulvere repletæ, id autem utrumque monstrant eadem ollarum figuræ sub Num. 206. è quibus una sub lit. A granatas manuales recipit; altera sub lit. B ferreos ictus.

Modus 4.

Sunt qui eadem vasa compositionibus violentis, & vehementer atque pertinaciter absque ullo suffocationis remedio ardentibus, impleant. Istarum aliquot jam superius dedimus: valebunt enim illæ omnes quas ad pluviam ignitam parandam præscripsimus, maxime verò quæ ignem Græcum producunt: in talibus enim vasculis concludebatur omnino, sopiebaturque ignis ille, ut jam superius demonstravimus. Addimus nihilominus aliquot compositiones illis peculiares & proprias, quibus hujus ævi Pyrotechnici implere solent talia vascula, ex his prima est quam describit Fioravantus: Summe Vernicis quâ coria inaurantur lib. 10. Sulphuris vivi ℥ 6, Olei resinæ ℥ 2, Salisnitri ℥ β, Olibani ℥ 1, Caphuræ ℥ 6, Aquæ vitæ optimæ ℥ 14, misceantur optimè omnia ad lentum ignem, & fiet mixtura quâ imbutæ stuppæ & in ollas positæ, atque accensæ, ignem inextinguibilem reddunt, quocunque fuerint projectæ,

Alteram hæc describit Ufanus Tract. 3. suæ Artil. cap. 20. Sume Pulveris pyrii, Sulphuris, Salisnitri, Salis ammoniaci, singul. ana ℥ β. Camphoræ ℥ 2. Pulverisentur subtiliter omnia, atque arctiori quopiam cribro succernantur: adjiciatur quoque pugillus salis communis: tum indantur omnia vasi æneo, aut testaceo vitreato, & insuper affundatur vel olei olivæ, vel Petrolei, vel lini, vel nucum, vel liquaminis adipis tantum, ut pulmenti alicujus aut densæ confectiois omnis illa materia temperamentum habeat. Misceantur benè incorporenturque omnia, & experiatur utrum igne accensa vehementer ardeat, nec se facile suffocari patiatur: namq; si debilis esse animadvertatur, pulveris pyrii major quantitas adjicienda. Impleantur postmodum sic elaboratâ materiâ vel ollæ, vel quæpiam alia vasa testacea aut vitrea.

Poteris præterea & fragmenta materiæ liquefactæ, quam ad igneam pluviam superius præparare docuimus, stuppis Pyrotechnicis circumdata, aut ex sequenti compositione globulos nucis Italicæ magnitudine confectos, in vasculis recondere, & inania pulvere granulato, cum trito permixto, replere. Compositio autem ex his constat: Sume Salisnitri & Pulveris pyrii singul. ana ℥ 2, Sulphuris ℥ β, Colophonix ℥ iij, Camphoræ ℥ ij, Salis ammoniaci ℥ j: addantur omnia atque incorporentur, & cum oleo lini aut olivæ subigantur, fiantque globuli præscriptæ magnitudinis. Adurant vehementer isti globuli, ubi in ignem resoluti fuerint, adeo, ut si super tabulatum navis decendant, brevi transurant penitus tabulam, atque incendium afferant navi, neque conceptus semel ignis in ejusmodi globulis restingui ullatenus poterit; sed aquâ perfusus majus majusque sumet incrementum.

Vasa

Vasa omnia quemadmodum & superius diximus supernè linteis impicatis aut inceratis contegantur: ad colla, vel auriculas, vel ansulas (si adfuerint: immò adsint omninò; namque commodum id summopere) alligentur quàm optimè affirmenturque ne recidant funes incendiarii. Verùm si nec auriculas, nec ansas habuerint vasa, nec collum paulo longius, tum tota superficies extima glutine pyrotechnico aut pice tantùm liquidâ illini poterit, & sic in illam funes immergentur.

Monitum.

Ollas ejusmodi igneas & vasa varia igne repleta ad incendenda vel ædificia vel quidpiam aliud à veteribus olim usurpata fuisse patet ex illis quæ in descriptione Manualium granatarum, atque ignitæ pluvie, attulimus ex auctoribus. Umbræ nihilominus tamen quædam & ludicra erant illa veterum vasa cum nostratibus modernis comparata; idque ob defectum fulminei nostri pulveris, cujus beneficio & incendium vehemens excitare possumus, & plurimos hostium morte opprimere, si nempe vel granatæ vel ictus illo repleantur, & in talibus vasis recondantur, projicianturque in hostem ut superius diximus.

CAPVT II.

De Coronis & Sertis igneis quæ Germani *Pech & Sturmkrantzen* dicunt.

Qui vallarem, pinnatam, rostratamvè coronam ab Imperatore suo consequi vult (quæ gloriæ & præmiorum quæ sibi virtus vendicat, signa sunt) necesse omnino habet ut coronas nostras Pyrotechnicas prius experiatur: per has enim ad illas transeundum est: urunt quidem nostræ, & lethalibus pungunt aculeis; sed annon etiam rosas inter spinas & veprea quærimus? Nemo gloriam nisi per ardua & aspera acquisivit unquam: & viro militari id quoque quod patitur laudi datur; hæc verò etiam sola virtutis (si cætera desint) præmium est. Itaque nostrates coronæ quemcunque coronabunt, intolerabili quidem pondere caput ejus aggravabant: nihilominus tamen ornabunt decenter & bellè satis, si gloriam spectet, & omnes contemnat atque ferat patienter molestias. Ex quibus porro flosculis nectantur nostræ coronæ, sequentia facient palam.

Consue telam lineam vel canabinam densam & firmam in saccum oblongum, cujus latitudo sit quatuor aut sex unciarum; longitudo trium vel quatuor pedum. Hunc reple quapiam compositione ex illis quas ad globos incendiarios seu ignitos supra præscripsimus: sed & sequentes sertis peculiari-ter adhiberi solent.

1.

Sume Salisnitri ℥ 3, Sulphuris ℥ 1, Pulveris ℥ 2, Vitri pulverisati ℥ β.

2.

Pulveris ℥ 2, Salisnitri ℥ 3, Sulphuris ℥ 1, Carbonū ℥ β, Vitri pulverisati ℥ 4:

3.

Pulveris ℥ 2, Salisnitri ℥ 3, Colophonie ℥ β: terantur, incorporenturque benè omnia. Jam verò ubi saccum quapiam ex propositis compositionibus oneraveris, efforma eum in circulum helcii in modum, extremis simul

simul junctis, & probè filis consue: majoris quoque firmitatis ergo, ne inter ardendum ambustis filis, revertatur ad pristinam rectitudinem, inferatur in medium circulus ferreus ejus amplitudinis, cujus est internus ferti ambitus, & funiculis omnis superficies circumdetur, vinciaturque firmissimè; implexis contextisque inter se funiculis in quampiam formam ex illis, quales ad globos ignitos vinciendos superius præscripsimus, & in eorundem figuris expressimus. Inferantur postmodum ictus ferrei internè acuminati, & pulvere cum glandibus plumbeis instructi; vel illo modo dispositi quem in figura ferti sub Numero 207 conspicias; vel etiam illo quem altera sub Num. 208. monstrat.

Tertium porro fertum sub Numero 209. est tantum spiculis hamatis confixum, idque eum vel maximè in finem, ut nudis manibus ille super cujus caput humerosque deciderit tale fertum prehendere & dejicere illud nequeat; sed omnino comburi cogatur; & sic veram martirii referat coronam.

Aliquando etiam in ejusmodi ferta granatæ manuales unius duarumve librarum ferrei globi circumferentiam habentes, infiguntur: sed tubulos ferreos in sua orificia cochleatim insertos, & tres quatuorve digitos extra prominulos tales granatæ habebunt, ut firmiter fertis adhæreant, immo etiam eundem in finem ferreis filis annectentur. Talis autem ferti delineavimus figuram sub Numero 210.

Ufus fertorum coronarumque nostratium idem est, qui & ollarum aliorumque vasculorum fragilium superiori capite à nobis descriptorum: unicum tantum id addimus, quod accensoria foramina duo aut tria facienda sint, & sic in omnibus materiâ accensâ, procienda quò lubuerit.

CAPVT III.

De Circulis seu Sphæris igneis.

Ex præcedentibus probè intellectis quæ de fertis coronisque nostratibus retulimus, non difficulter Sphæras etiam ex pluribus constantes circulis fabricabis. Tantum videlicet præpara tria vel quatuor ferta ita ut jam dictum: nihilominus tamen hoc observato, ut unum altero, sumpto à majori initio, gradatim minus sit; idque eâ ratione, ut majoris primi interior ambitus, minoris sequentis exteriorem constituat ambitum: & rursus istius interior circumferentia, tertii exteriorem amplectatur circumferentiam: & sic deinceps, omnia ejus sint amplitudinis ut unum in alterum intret; & vicissim hoc ab illo comprehendatur. Insepe postmodum unum in alterum: duo quidem prima ad angulos rectos; alia verò istis minora, secum etiam mutuo ad angulos rectos; sed cum majoribus ad angulos semirectos: aut si plura etiam habueris ferta, dispone ita, ut ad angulos minores acutos sese ad verticem & internè, in punctis per diametrum oppositis, interfecerint: nec non etiam & per transversum vario ordine collocabis illa ferta seu circulos, & unà quàm optimè filis ferreis aut cupreis vincies: funiculi enim canabini facilè igni comburerentur, & sic totius massæ compages solveretur, dissipareturque.

Sed moneo ad talem sphæram fabricandam prægrandibus circulis opus haberi: talibus videlicet, quorum circumferentia plurium sit pedum: maximo quidem pedes 15 sufficient pro extimo ambitu; minores verò ab hoc com-



Fig. N° 207.



Fig. N° 208.



Fig. N° 209.




Fig. N° 212.




Fig. N° 210.

Fig. N° 211.





Fig. N° 213.

Fig. N° 214.





Fig. N° 215.



Fig. N° 216.




Fig. N° 217.




Fig. N° 218.



Fig. N° 223.

Fig. N° 222.

Fig. N° 221.

Fig. N° 224.

Fig. N° 226.

Fig. N° 229.

comprehensi, secundum illius crassitiem, suas nanciscuntur circumferentias. Necesse quoque est ut omnes pice liquefactâ undique perfundantur, & plura in singulis fiant accensoria foramina, ut pluribus in locis ignem concipiat massa, unde nullo artificio & suffocari poterit, & incredibile in hostibus quos inter delapsa fuerit, faciet damnum. Hujus quidem sphaerae figuram non depinximus, quia ex figuris fertorum, & descriptione nostra, clara res est. Illam porro quam conspicias sub Num: 211, aliter paulo praeparabis, idque ex mente Hanzeleri, ut sequitur.

Sume circulum ligneum, aut ferreum quod melius, qualibus victores dolia & cupas varias liquoribus excipiendis destinatas cingere solent: hunc circumline pice liquefactâ cum pulvere pyrio mixta: postmodum sume linteam ejus longitudinis cujus circuli est circumferentia, longitudinis vero 3 unciarum: isto contege circulum, & reple compositione constante ex pulveris pyrii ℞ 1, Sulphuris 3j, Salisnitri ℞ 3, & parum olei lini aut Petrolei respersâ: poterit etiam frustula quaedam sulphuris admixta habere. Consuito jam margines lintei, & filis ligato, atque stilo ferreo facito foramina: in qua stuppam Pyrotechnicam inserito: denique totam extimam circuli superficiem sulphure circumfundito & stuppâ contegito, exclusis tantum foraminibus in quibus haeret stuppâ Pyrotechnica. Hoc dicto modo praepara & alterum quoque, (immò plures etiam) æqualem & similem circulum, unumque alteri inditum filis ferreis probè vincito, ne separentur ab invicem ubi in hostem destinati, è loco quopiam alto in humum delapsi fuerint. Sed prius stuppæ in foraminibus accensoriis accendendæ sunt, expectandumque paululum quoad tota massa ignem probè concipiat.

CAPUT IV.

De Cylindris igneis.

Huc rursus illud revoco quod sæpè inclamare soleo: nos exemplo duntaxat ingeniosos esse in inveniendis variis operibus Pyrotechnicis. Plurima quidem hoc ævo apud nos (nam cum aliarum facultatum cultoribus nil habeo) suscitari inventa non inficior; quæ veteribus ignota fuisse dicimus: nihilominus tamen quantum mea interest, penitus eos ignorasse illa, fari vix audeam: & forsân hæc omnia, (paucis duntaxat exceptis quibus ars nostra gloriatur, & consistit) quæ nos nostra putamus, & novarum inventionum speciosis depingimus titulis, notissima majoribus nostris fuere; sed injuriâ temporum in altissimam abierant oblivionem, nec innotescere nobis poterant omnia; sed ex his quæ ex antiquitatum fragmentis habemus, si diligentem adhibemus operam, & curâ omni studio plenâ plura & altiora quædam perscrutamur, non difficulter illa comminiscimur in quibus tanquam à nobis primò adinventis superbientes, bacchamur arroganter, illosque optimi quondam pariter ac sapientissimi ævi cultores spernimus penitus. Ex hoc tamen laudem meremur, quod vel inventis aliorum plura addere ingeniosè sciamus; vel quod ea quæ in rē nostram esse animadvertimus, reassumamus iterum, & vetustatis carie repurgata, pristino restituamus nitore. Ab hac porro sententia, quam toties jam hoc opusculo pronunciaui, nullis me unquam validissimis in specie licet argumentis divelli patiar: quod videlicet absque fulminio pulvere nostro manca veterum opera dicam, & umbras eos duntaxat, non veras tot nobilium nostrarum inventionum idæas sociatas fuisse firmiter asseverem. Ex his jam quædam superius exposui, & cum nostris modernis librata, in quo à nostris superentur luculenter demonstravi.

M m

Sequen-

Sequentur plura adhuc ; & primò quidem hoc capite cylindros Pyrotechnicòs, pervetustum veterum inventum , auctorum testimoniis confirmabo : tum quid nostrates adderint edocebo.

Procedat verò inter alios Vegetius , & suum de cylindris afferat testimonium : sic autem ille lib. 4. cap. 8. ubi plurimas species pro defensione murorum , colligere & præparare docet : *Rotæ quoque de lignis viridibus ingentissimæ fabricantur ; vel intercisi ex validissimis arboribus cylindri (quas taleas vocant) ut sint volubiles lævigantur : quæ per pronum labentia subito impetu bellatores sternunt , equosque solent deterrere.* Succedat huic Ammianus Marcellinus, & ex lib. 31. recitet sequentia : *Nonnulli scalas vehendo, ascensusque innumeros ex omni latere parantes sub oneribus ipsis obruebantur, contrusis per pronum saxis, & columnarum fragmentis, & cylindris.*

Palam est igitur ex hisce duorum auctorum testimoniis, ut alios nunc missos faciam, habuisse veteres cylindros in usu ; sed ad obruendos pondere solum hostes in mœnia scandentes : & illi duntaxat tum temporis fauciabantur, aut scalæ & alia oppugnationum machinamenta dissipabantur, super quæ decidissent talia corpora : remotiores verò milites , & opera paulò longius dissita extra omnem periculi erant aleam. Artificiores igitur longè nunc sunt cylindri nostrates, nam & immani pondere illa in quæ delabuntur conquassant penitus, & longius etiam vel machinis vel militibus distantibus, certissimam atque inevitabilem afferunt cladem: dum pulveris vi medium excavati cylindri occupante, lapides, silices, ferri fragmenta & id genus alia, dextrorsum lævorsumque super pulverem cavo cylindro indita, & in utroque orificio firmissimè occlusa, dissipantur, & grandinis in morem disseminantur quaquaversum, quicquid offenderint oppressura. Sed majoris firmitatis ergò in capitibus & in medio, ubi pulveris reconditorium est, crassimis ferreis circulis affirmantur : & hæc est una cylindrorum nostratium species, cuius & figuram apponimus sub Num: 212, in qua litera A notatur orbis ligneus quo orificia cylindri obturantur.

Altera porro species huic proxima spectatur in figura Numero 213. Spiculis hamatis confixa ; ut & pondere, & feralibus intrò reconditis extis, & igne vehementi, (in quibus omnibus cum superiori convenit) denique etiam aculeis hostes assaultum molientes, & fortalitii cuiuspiam munimentum succedentes, perimantur. Habet quoque & hæc capita fortissimis cincta circulis.

Tertia item cylindrorum species in fig. Num. 214 expressa duabus superioribus multo artificiosior, atque perniciosior hostibus est : nam plurimis infarcitur manualibus granatis, icibusque multiplicibus, suo modo instructis ; & pulvere granulato inter hæc inania replentur. Componitur verò ille cylinder ex duobus hemicylindris ita excavatis ut inferior fig. sub A monstrat: utque simul juncti firmiter cohæreant, trajiciuntur per diametrum crassitie jam compositi cylindri duo cunei lignei, capitibus armillatis : & in armillas inferuntur axes, seu subscudes ligneæ, & sic obfirmantur ne effluant; sed totam massam adstringant jungantque fortiter. Tubi lignei in omnes illos cylindros super pulverem induntur illâ onerati compositione, quam ad tubos granatarum omnis generis superius præscripsimus.

Denique quartam etiam apponimus Cylindrorum nostratium speciem, quam & antiquis olim notam fuisse ex Salustii fragmento suspicari licet : hæc enim illic lego : *Saxaque ingentia, & axe vincitæ trabes, per pronum incitabantur, axibusque eminebant in modum eritii militaris veruta binum pedum.* Sed bone Deus quantum nos auxilio pulveris nostri hanc speciem

exco-

excoluimus? ut umbra planè sit vetus illa inventio collata cum hac nostre cuius figuram sub Num. 215 expono. Ut autem innotescat quid verustum, quid recens additum à nobis sit, constructionem ejus accipe; quam & Hanzelerus habet in sua Pyrotechnia. Sume cylindrum excavatum in eum modum ut tubi nostri recreativi excavari solent: ut nempe foraminis amplitudo sit trium quatuorvè digitorum. Hunc reple eadem compositione, quâ & tubos recreativos replendos præcepimus. Extima ejus superficies seclûsis basibus configatur prælongis acutisque cuspidibus, inter quas disponantur granatæ quæpiam grandiusculæ, suis tubulis in cylindros inditæ: sed tubuli ferrei sint, & in granatarum orificia cochleatim spirantium inferantur: nec non & illa pars tubi quæ in cylindrum mitti debet, habeat helices convexas circumvolutas cochleæ in modum, (vide fig. A.) ut tantò firmitus in cylindro hæreat granata: sintq; tubi illi ejus longitudinis, ut per crassitiem cylindri transeuntes, compositionem contingant. His ita paratis aptentur cylindro rotæ lignæ vulgares, quales currum esse solent, cum suis axibus, quorum crassities amplitudini orificiorum cylindri ad amussim congruat, ut in illa immitti queant: Sint quoque perforati per totam longitudinem, ut foraminum latitudo sit digiti unius: hæc repleantur illâ compositione, quâ granatarum tubi repleri solent. Denique perfundatur tota illa massa: (cui ob suam virtutem & constructionem artificialem, machine quoque nomen absque piaculo tribuere possis) pice liquefactâ, & sic in utraque axium extremitate accensa, mittatur per præceptum in hostes: majorem certe editura stragem quàm mille aliæ quibus olim veteres usi sunt: quomodo autem id fieri possit, parum etiam in nostris operibus versatus conjiciet: nobis verò in re adeo clara multa facere verba non vacat, sed ad alia describenda transeundum.

CAPVT V.

De Saccis igneis.

Saccos nostros in oppugnationibus assultibusque hostilibus usurpandi ratio eadem quæ & præcedentium cylindrorum; præparatio verò sequens est. Fac tignum aliquod prægrande & plures pedes longum, parallelepipedum in modum dolari: extremitas utraque in acutam fastigietur pyramidem: tum etiam propè easdē extremitates bis perforetur tignum ad angulos rectos, & in illa foramina inferantur vectes lignei ferreis cuspidibus præmuniti, quod totum in figura Numero 216 sub litera A. spectare licet. Super hoc tigno affigatur saccus ex linea aut canabina forti & densa tela confusus, grandis & amplus, ut magnam aliquam quantitatem compositionis igneis globis inservientis, capere valeat. Religatis porro ad tignum extremitatibus, & per superum orificium affundendo compositionem, atque vehementer contundendo, ut eam nanciscatur dūritiem quæ & globis igneis convenit, oneretur ad necessitatem, Fiant postmodum plurima foramina stilo ferreo præacuto: atque ictus tales quales & ad globos vulgò adhibentur, inferantur. Denique tota massa, pice liquefactâ perfundatur, & stuppis contegatur. Vide figuram Numero 217. Figura Sacci altera sub Numero 218 hoc tantum à præcedenti discrepat, quod ubique æqualis sit crassitie, absque illo tumore seu ventre in medio, qualem superior habuit, & cylindri in modum teres, nec axem per medium longitudinis transeuntem habeat ullum; sed in utraque extremitate tubos duntaxat

xat ligneos lentâ impletos materiâ, ad quæ extrema facci religantur. Reliqua omnia præcedens suggeret, & quædam ex figura clara sunt.

CAPVT IV.

Dè Cupis seu Doliis igneis.

Doliorum quoque ut & cylindrorum superius descriptorum quod sæ communis & vulgaris inter alia repugnatoria opera usus fuerit apud antiquos, Græcos pariter ac Romanos, aliasque illo tempore bellicosas gentes, ex his quæ hîc subnectimus deprehendi potest. Dionis Cassii de Tiberio in Dalmatia oppidum quoddam in alta rupe situm oppugnante, hæc primùm verba sunt lib. 56. *Dalmatarum alii lapides multos aut fundis emittebant; aut manu devolvebant; alii rotas, alii currus totos petris plenos; alii arcas sive dolia rotunda facta more gentis, & lapidibus referta demittebant.* Huic quidpiam simile Heron. cap. 1. *Columnas, Rotas, currus quadrirotos ponderibus onustos, vasa textilia, lapidibus aut terrâ madefactâ repleta, cuiusmodi sunt ea quæ ex tabulis figura circuli composita, vinum, oleum, & tales liquores suscipiunt:* Ammianus quoque in eundem sensum lib. 20. *Et vimineæ crates cum procederent, confidenter, essentque parietibus contiguæ; dolia desuper cadebant, molæ, & columnæ fragmenta, quorum nimis ponderibus obruebantur pugnatores.* Hîc rursus patet omnia illa ab auctoribus recensita oppugnatoria opera mole tantùm & pondere machinas hostiles, ipsosque oppressisse hostes: quorum omnium usus etiam nunc nobis licitus est: sed plura etiam in maiorem eorum à quibus salus nostra & omnia bona petuntur, addere perniciem pulvis suasit noster fulmineus. Itaque paramus nunc cupas prægrandes, in quarum medio vel vasculum pulvere plenum super axe, vel granatam ingentem collocamus, atque in omnem circuitum lapidibus aut fragmentis ferri stipamus & calce viva inter hæc inania replemus, firmissimisque circulis ferreis cingimus, ac denique tubos in pulverem ignem deferentes adaptamus, & sic in hostem vicinum ex vallo aut muro fortalii protrudimus.

Nemo porro fidem dabit quid hæc talia patrare norint, nisi oculariter illud conspexerit. Nulla profecto exitiosior pestis unquam inveniri potuit in eos qui munimentum aliquod vi oppugnant, & claustris perruptis irrumperere in illud gestiunt. Patuit ejusmodi cuparum horrendus effectus in oppugnatione civitatis S. Andreæ in Scotia ad annum Christi 1524: ubi una cupa pulvere, lapidibus, & fragmentis ferri instructa, per pronum demissa in oppugnatores, & pulveris vi disrupta plus quàm sexcentos milites assultum molientes sauciavit: è quorum numero 321. mortem etiam subierunt. Refert hanc historiam Hieronymus Ruscelli Italus in Præceptis militiæ modernæ.

Licitum quoque pari modo & oppugnatoribus in propugnatores tales cupas (etiam cylindros, & faggos) ejicere, si machinas ad id idoneas habuerint: haberent autem si veteres revocarent in usum ballistas: cujus etiam rei jam alibi fecimus meminimus; nec hîc plura de hoc.

Possunt aliquando etiam eadem cupæ in transitu quopiam angusto aut ante fortalitii portam in terram defodi: intus verò in pulvere recondetur instrumentum sclopetarium cum rota & unco flexili silicem igne fertilem mordicus prehendente, & filo ad virgulam quâ mota intensum elatarium lax-

laxetur, & rotam circumgyrandō, eliciat ignem, religato: sed filum industriè admodum per occultum subterraneum canalem quo lubuerit ducendum. Aut si id displiceat, ad certum temporis intervallum quo hostium adventus speratur inferendū frustum justę longitudinis funis incendiarii, aut stuppę Pyrotechnicę in funem contortę: sed unum extremum quod accensum erit, per canalem cupreum aut ferrum in superficiem terrę educendum, ut ignis non suffocetur. Sed ad necessitatem variasque circumstantias componet sese practicantis ingenium.

Suggesterat etiam aliquando obsessis modum necessitas non lapidibus tantum & ponderum mole machinamenta oppugnatoria hostium deturban- di, sed & igne etiam comburendi: itaque inter alia ad id idonea inventa cupas quoque seu dolia igneis replebant materiis, inque hostilia provolve- bant opera: testis hujus rei Cęsar. civil. lib. 2. de obsessis Massilitanis: *Ubi ex ea turri quę circum essent opera tueri se posse confisi sunt, musculum sexagin- ta pedes longum ex materia bipedali, quem a turri lateritia ad turrim hostium murumque producerent, facere instituerunt: cujus musculi hæc erat forma. Dux primū trabes in solo æquę longę, distantes inter se pedes quatuor collocantur: in- que eis columellę pedum in altitudinem quinque desiguntur. Has inter se capreo- lis molli fastigio conjungunt, ubi tigna quę musculi tegendi causā ponunt, collo- centur. Eō super tigna bipedalia injiciunt, eaque laminis clavisque religant: ad extremum musculi tectum trabesque extremas, quadratas regulas, quatuor pa- rentes digitos desigunt: quę lateres, qui super musculo struantur, contineant. Itā fastigiato atque ordinatim instructo ut trabes erant in capreolis collocatę, lateri- bus lutoque musculus, ut ab igni qui ex muro jaceretur tutus esset, contegitur. Supra lateres coria inducuntur, ne canalibus aqua immissa lateres diruere possit. Coria autem, ne rursus igni ac lapidibus corrumpantur, centonibus conteguntur. Hoc opus omne tectum vineis ad ipsam turrim perficiunt, subitoque in oppinanti- bus hostibus, machinatione navali, palangis subjectis ad turrim hostium admovent, ut ædificio jungatur. Quo malo perterriti subito oppidani, saxa quam maxima pos- sunt vestibus promonent, præcitataque muro in musculum devolvunt. Idem firmi- tas materię sustinet, & quidquid incidit fastigio musculi delabitur. Id ubi vident, mutant consilium. Cupas tādā ac pice refertas incendunt, easque de muro in mus- culum devolvunt. Involutę labuntur; delapsę ab lateribus longuriis furcisque ab opere remonentur. Interim sub musculo milites vestibus infima saxa turris hostium corvellunt. Compluribus jam lapidibus ex ea quę suberat turri subductis, repentina ruina pars ejus turris concidit.*

Placet inventum; sed effectus summè displicet. Alium revera vidissent miseri illi si pulverem nostrum notum habuissent, & cupas eo quo diximus modo instruxissent. Non crates vimineę, non centones, non coria, non lo- ricari bellatores; tam validos lapidum fragmentorumvè, vel etiam ictuum & granatarum, quę aliquando in cupis nostratibus concludi solent, & post- modum pulveris vi dissipantur, perferre valuissent inflicti. Non cupas, lon- guriis furcisque ab opere remove, sed relicto opere fuga salutis suę consu- lere necessum habuissent, priusquam ignis in pulverem delatus fuisset, & hic lethalia sparsisset semina.

Cuparum nostratium formas expressimus in fig. Num. 219, 220, atque 221. Sed hæc postrema duas simul super uno ferreo valido axe junctas cu- pas refert: quę quidem non lapidibus, sed granatis ictibusque & pulvere granulato repletę esse debent, & ferreis firmissimis cinctę circulis: nec non etiam stilis ferreis acutissimis confixę: idque eum vel maximè in finem, ut priusquam ignis per tubos delatus in pulverem incidat, & cupę dissili-

liant, ab audaculis non dissecentur, dissipenturque, eam etiam ob rem & axis ferreus firmissimus eas sustinet, & rotæ ferro etiam muniri postulant.

Poterunt præterea eadem cupæ si portatiles fuerint etiam in conflictibus navibus in hostiles naves projici, ollarum nostrarium instar.

Tubi diligentissime in iis designantur: in hoc enim totum consistit artificium, aleas autem totum opus inutile foret.

In figuris præterea illis duabus prioribus literæ A. vasculum pulveris plenum, & granatam designant. Reliqua ex figuris addisces.

CAPVT VII.

De Facibus Pyrotechnicis.

Faces hæc non alias intelligi volumus, nisi quæ ad incendenda hostilia opera vel cominus, vel eminus adhibentur, destinanturque. Talium hoc ævo exiguus aut planè nullus usus; apud veteres frequentissimus.

Fidem facit verbis inter alios Vitruvius lib. 2. cap. 19. *Divus Cæsar cum exercitum habuisset circa Alpes imperavissetque municipiis præstare commeatus, ibique esset castellum munitum, quod vocabatur Larignum, tunc qui in eo fuerunt, naturali munitione confisi, noluerunt imperio parere. Itaque imperator copias jussit ad-moveri. Erat autem ante castelli portam turris ex hac materia, alternis trabibus transversis (uti Pyra) inter se composita altè, ut possit de summo sudibus & lapidibus accedentes repellere: tunc verò cum animadversum est alia eos tela præter fudes non habere, neque posse longius à muro propter pondus jaculari, imperatum est fasciculos ex virgis alligatos, & faces ardentes ad eam munitionem accedentes mittere. Itaque celeriter milites congesserunt. Postquam flamma circa illam materiam virgas comprehendisset, ad cælos sublata, effecit opinionem uti videretur jam rota moles concidisse. Cum autem ea per se extincta esset, & requieta turrisque intacta apparuisset, admirans Cæsar, jussit extra telorum missionem eos circumvallari. Itaque timore coacti oppidani cum se dedidissent, quæsitum unde ea essent ligna quæ ab igni non læderentur: tunc ei demonstrarunt, eas arbores, quarum in his locis maximæ sunt copiæ, & ideo id castellum Larignum, item materies Larigna est appellata.*

Et Silius in pugna Cannensi:

*Ullum nec desit teli genus, hi sude pugnant,
Hi pinu flagrantem, hi pondere pili.*

Lucanus item in Pharsalica:

*-- inde sagittæ
Inde faces & saxa volant.*

Atque Virgilius:

Iamque faces & saxa volant, furor arma ministrat.

Lipsius materiam ex quibus faces veterum parabantur sequentibus verbis exprimit lib. 5. Poliorceticon: *Fuere faces communes illæ, è picea, larice, abiete & quibus in usum luminis domi etiam usi: etsi hæc credo paulò robustiores aut graviores. Has manu jaciebant, & destinabant in machinas propinquas: sed & iis pugnabant.*

Hæc

Hæc vetustissima. Sed recentiora paulo refert de facibus earumque effectu noster annalium scriptor Paulus Piasceius Episcopus Præmilliensis ad annum Christi 1580. ubi obsidionem expugnationemque civitatis Moschoviticæ dictæ Wielkoluki à Stephano Poloniarum Rege factam describit, idque his ut sequitur verbis: *Arx verò erat fossa profundiori circumdata, & loco muri ejus paries, ex immensa in latum & altum roborum mole compaginatus, quem vallum contiguum cespitico vertice exæquans, firmum & ad omnem machinationem impetum immobilem reddebat, ut nulla vi alia, nisi incendio labefactari potuisset &c.* tum quibusdam interjectis: *Zamoyscius Cancellarius cum legione sua in alteram fluminis ripam arcis adversam trajecerat, ibique aggeribus excitatis, machinas contra primaria arcis propugnacula bifariam erexit. Ab altera verò parte Rex fossas propè arcem duci, tormenta que contra hostiles munitiones dirigi fecit, & biduo in eo opere insumpto, prima Septembris tormenta vibrari cæpta, quatuor diebus mænia arcis quatiebant: sed irritò eventu, cum parietes terrâ repleti & vallo sustentati, ictus pilarum tormentorum non recipere, donec cuniculis actis, unum propugnaculum eversum, ignem ex copiosiore pulvere nitrato ibi asservato concepit, & summo nisu restinguentibus illud Moschis, alia parte subiectæ sub vesperum parieti faces sulphureæ, quæ multis horis latentes humiditate soli extinctæ credebantur, media nocte oborto validiori vento agitata exarserunt. Moxque flammis inde dilatatis tota arx quinta Septembris deflagavit. Mochos ex incendio erumpentes furor militaris excepit, vix tertia parte omnium qui ibi fuerant servata &c.*

Ista de facium usu & effectu sufficiant nunc: quomodo autem juxta artis nostræ Regulas parari debeant, si quando ad illas recurrere suadeat necessitas, sequentia notato. Sume partes 8 Sulphuris, partes 2 Colophonix, partes 4 Salisnitri, partem 1 Picis nigræ, partem β Ceræ, partem 1 Terebynthinæ: indita omnia vasi vitreato testaceo vel æneo, liquefiant super candentibus prunis: ubi vero liquefacta fuerint injicito lintea detrita benè lota & sicca, aut stuppam, & materiâ illâ imbuito: atque inde extractam dum calida est, circumvolvito hastili pedes aliquot longo, & filis ferreis aut cupreis vincito: sed necessum primò est ut hastili clavos aliquot ferreos infigas, ut tenaciter fax illa hastili adhæreat. Hoc modo præparata ubi semel ignem conceperit nullis ventis nec pluviâ extinguì poterit, immo in aquis & sub aquis pertinaciter ardebit, donec consumatur, nec nisi arenâ aut cinere superinjectis suffocabitur.

CAPVT VIII.

De Sagittis igneis.

Quod nos sagittas hîc igneas dicimus, id veteribus *Malleoli* erant. Sed cum facibus & manipulis quibusdam nonnulli ex auctoribus eas confundunt. Ut Nonius Marcellus: *Malleoli sunt manipuli spartei picæ contexti qui incensi aut in muros aut in testudines jaciuntur.* Et Festus: *Malleoli vocantur non solum parvi mallei, sed etiam ii qui ad incendium faciendum aptantur, videlicet ad similitudinem priorum.* Livius etiam: *alii stuppam picemque & malleolos ferentes tota collucentes flammis acie advenere.* Paulo clarius

rius formam Malleolorum describit Herodianus; sed nihilominus tamen facium nomine eos donat; sic enim de illis lib. 8. in obsidione Aquilejæ: *Sed & machinis admotis faces injiciebant, pariter pice & resinâ oblitæ, & in extremo sagittæ mucronem habentes, quæ cum accensæ deferrentur, infixæ & inhærentes machinis, faciliè eas comburebant.* Nemo porro melius atque luculentius earum formam, usum atque præparandi modum descripsit, quàm Ammianus lib. 23: verba ejus subjungimus: *Malleoli teligenus figuratur hac specie: Sagitta est cannea inter spiculam & arundinem multifido ferro coagmentata quæ in muliebris colli formam, quo nentur linea stamina, concavatur ventis subtiliter, & plurifariam patens, atque in alveo ipso ignem cum aliquo suscipit alimento & si emissâ lentius arcu in valido (ictu enim rapidiore extinguitur. Notandus hîc salisnitri pulverisque nostri defectus, quorum beneficio, validissimis etiam impetita ventis, & rapidissimo delata cursu missilia nostratia Pyrotechnica ubi semel apprehenderint ignem extinguere nequeunt, immo magis magisque vexatione ignescunt) si hæserit usquam tenaciter cremat, aquisque conspersa aciores excitat æstus incendiorum, nec remedio ullo quam superinjecto pulvere consopitur.* In eundem sensum quædam de Malleolis Vegetius lib. 4, cap. 18. *Malleoli velut sagittæ sunt, & ubi adhæserint (quia ardentes sunt) universa conflagrant.* Æneas vetustissimus scriptor in libello Poliorcetico cap. 32. ejusmodi tela nostro simpliciter sagittas igniferas dicit; id autem patet ex verbis ab ipso prolatis quæ Isaacus Casaubonus Latinitate donavit: *Adversus magnas inquit machinas super quibus multi armati admoventur, & ex quibus tela mittuntur, cum alia tum catapultæ & fundæ, atque etiam in tela arundinacea sagittæ igniferae.*

Hæc de veterum sagittis: nostrates verò quomodo confiant breviter exponam. Triplices hîc loci depinximus sagittas: sub Num: nempe 222, 223, & 224. Prioris talis structura est: Fac sacculum ovi anserini, aut cygnei magnitudine, oblongum vel rotundum, juxta quempiam modum ex illis quos ad consuendos saccos pro globis incendiariis delineavimus & descripsimus. Hunc reple compositione constante ex lib. 4 Salisnitri clarificati, Sulphuris 1, Pulveris triti 1, Camphoræ 2, Colophoniz 2. Aut hac quæ componitur ex 2. Pulveris, 2 Salisnitri, 1 Sulphuris, 2 Colophoniz. Adde & tertiam si placet æqualis cum præcedentibus duabus virtutis, quam intrant 8. Salisnitri, Pulveris 6. Sulphuris 4. Ubi jam repleveris sacculum, fac per diametrum foramen, in quod inferre sagittam vulgarem, quales ex arcubus aut manuballistis mittere solemus. Spiculum ferreum acutissimum promineat totum super sacculum: infernè verò immediate sub fundo sacculi trajice obliquè per sagittam cuneolum, aut clavos duos tresvè impinge, ut firmiter sagittæ sacculus adhæreat, neque versùs partem ejus pennatam dum & per aëra volat, & alicui objecto infligitur, recedat.

Circumdetur postmodum filis in eum modum implexis contextisque ut figurâ monstrat, aut alio quopiam ex illis qui globis incendiariis vinciendis inserviunt. Denique superficiem sacculi pice liquefactâ cum pulvere trito permixtâ illine: & duobus accensoriis foraminibus propè spiculum factis, atque incensâ materiâ, vel arcu vel manu ballistâ mitte quò lubuerit.

Ex reliquis duabus sagittis, una sub Num. 223 in apice concavum hemisphærium aptatum habet, inque illud granatam manualet, aut globulum incendiarium inditum.

Tertia denique ad verticem in auliscum quendam efformata est, qui aliquâ ex illis compositionibus superius traditis repletur. Plura de sagittarum stru-

structura reperiet studiosus apud Brechtelium part. 2. cap. 3. Pyrotechnicæ, Uffanum tractatu 3. cap. 23. Hanzeletum pag. 162 & 166. Fronspergerum part. 2. p. 109. Hieronymum Cataneum p. 30. Hieronymum Ruscelli. p. 48. & alios omnes passim Pyrotechnicos.

Manifestum porro est ex præcedentibus cui sint usui sagittæ nostræ igneæ. Sed hoc ævo vilescere quoddammodo cæperunt, minusque ad incendia excitanda idoneæ ab imperitis rerumque ignaris existimantur: aut etiam forsitan non se ulla in modernis obsidionibus obtulit occasio, ut tale opus earum virtuti committeretur. Narrat nihilominus Uffanus Artil. tract. 3, cap. 23, adhibitas eas fuisse ab Hispanis in obsidionibus, Yperarum & Ostendæ, idque cum optato effectu. Verùm si altiora repetere liceret innumera planè referre possem exempla, quibus evincerem non spernendam illarum efficaciam. Utque alios auctores non adducam in testimonium, sufficiet illud quod apud Martinum Cromerum de gestis Polonorum lib. 26. in obsidio Chotniciz à Rege Casimiro ad Annum Christi 1466 tacto, lego hunc in modum: *Nec multo nostri post (intelligit Polonos) sagittis ignem jaculati noctu oppidum incenderunt ita, ut quarta pars ejus cum frumento conflagraret.* Alia apud alios extant hujus rei documenta. Sed sicubi magis commodiusque adhiberentur quàm in præliis navalibus ejusmodi sagittæ, idque ad comburenda navium hostilium vela: maximè vero illæ ad id aptæ quæ spiculis armatæ sunt. Nil profectò pestilentius ad tale opus foret sagittis, nam defixæ in carbaso evelli nequaquam possent, & violentissimè eam adurerent: nec incendium aliter sedari posset, quàm deductis velis: quo tempore quantum pars adversa emolumenti ad assultum oppugnationemque caperet, judicent sapientes. Quid enim navis quæ remis non movetur absque velis aliud est medio in æquore posita, & ab hostibus impetita, quàm avis in aëre sine alis, homo sine manibus pedibusque, immò corpus sive anima. Possunt denique omnes illæ species sagittarum non incensæ in domos obsessi alicujus loci noctu jaculari, ut sic repentinus quasi, & ab obsessis minimè prævisus speratusque erumpat ignis, atque ædificia absumat. Sed ad tale præstandum opus requiritur, ut in sacculi accensoria foramina, aut in orificia reliquarum duarum inferatur pusillum spongiæ accensæ, nostro modo paratæ ut lib. 2. cap. 28. docuimus. Plura docebit usus atque necessitas.

CAPVT IX.

De Hastis igneis.

Hastæ nostrates majores quasi sagittæ sunt. Phalaricæ olim dicebantur & vel machinis vel manu jaciebantur in hostem. Dicit Vegetius de priori: *Quod si oppidani exire non audeant, majore Ballistâ malleolos vel phalaricas cum incendio destinant.* De posteriori inferius paulò afferemus testimonium. Descriptionem autem formæ, præparationis, atque effectus illarum, accipe ex auctoribus. Idem citatus auctor lib. 4. cap. 18 postquam Malleolum descripsisset: *Phalarica autem admodum hastæ, valido præfigitur ferro; inter tubum & hastile sulphure, resina, bitumine, stuppisque convolvitur, infuso oleo quod incendiarium vocant, quæ ballistæ impetu destinata, per rupto munimine ardens figitur ligno, turritamque machinam frequenter incendit.* Livius Decad. 3, lib. 1. Saguntinum telum Phalaricam propriè fuisse dicit: *Erat Saguntinis Phalarica missile telum, hastili oblongo, & cætera re-*

Na

reti

reti præterquam ad extremum unde ferrum extabat, ~~id~~ sicut in pilo quadratum stuppâ circumligabant, linebantque pice, ferrum autem tres in longum habebat pedes, ut cum armis transfigere corpus posset, sed id maximè etiam si adhæssisset in scuto, nec penetrasset in corpus, pavorem faciebat. Addit Lipsius in hunc Livii locum: Terribile telum si examinatis visu & ictu: hæc talia quid nisi præludia nostrorum fulminum? Silius quoque ex Livio de iisdem Phalaricis Saguntinorum.

*Armavit clausos, & portis arcuit hostem
Librari multâ consueta Phalarica dextra
Horrendum visu robur, celsisque nivosa
Pyrenes trabs lecta jugis: cui plurima cuspis,
Vix muris toleranda lues, sed cætera pingui
Uncta pice, atque atro circumlita sulphure fumat.
Fulmis hæc ritu summis è mænibus arcis
Incitæ, sulcatum tremula secatur aëra flamma.*

Lucanus lib. 1. Pharsal. versu. 195.

*Quid nunc vesani jaculis levibusque sagittis
Perditis, hæsueros nunquam vitalibus ictus
Hunc aut tortilibus vibrata phalarica nervis
Obruet, aut vasti muralia pondera saxi
Hunc aries ferro, ballistæque limine portæ
Submoveat, stat non fragilis pro Cæsare murus.*

Virgilius quoque horrenda de effectu istius teli refert lib. 9. Æneid.

*Non jaculo, neque enim jaculo vitam ille dedisset,
Sed magnum stridens contorta Phalarica venit
Fulminis acta modo, quam nec duo taurea terga
Nec duplici squamma lorica fidelis, & auro
Sustinuit, collapsa ruunt immania membra.*

In hunc porro locum Virgilii sic habet Servius, ubi & æthymon istius teli, & formam sufficienter explicat: de hoc telo legitur, quia est ingens torno factum habens ferrum cubitale, supra quod veluti quædam sphaera, cujus pondus etiam plumbo augetur, dicitur enim ignem habere adfixâ stuppâ circumdatum, & pice oblitum, incensumque aut vulnere hostem aut igne consumit: hoc autem telo pugnatur de turribus, quas phalas dici manifestum est, unde & in circo phalæ dicuntur divisiones inter Euripum & metas, quod ibi constructis ad tempus turribus, his telis pugna edi solebat, hinc Phalarica hasta, sicut alia muralis.

Tacito lib. 4. Hist. Ardens hasta dicitur: Crates vineasque parantibus ad actæ tormentis ardentes hastæ. Id nomen nos quoque retinemus: idque ex mente omnium nostrorum Pyrotechnicorum. Nam & Itali Dardi di fuoco ejusmodi arma dicunt, & Galli Lances & Piques à feu, & Germani. Fewer-picken, & Belgæ Vyer-spissen, & nos denique Ogniſtæ Wlocznie, vel Koppie appellare solemus.

Formam nostratium hastarum proponimus in figura Numero 225: constructio autem ex illis quæ de sagittis primæ speciei diximus, clara est. Hæc tantum unica differentia quod plurimos ferreos ictus, vulgari modo instructos, idque tales quales globis incendiariis conveniunt, recipiant: & hac etiam in parte veteres superant Phalaricas: aut vicissim forsan à Phalaricis superantur. Vix enim nunc nostras ita librare possumus, ex nostris fulmineis tormentis, quemadmodum veteres suas Phalaricas olim librabant ex Ballistis atque Catapultis, ut id ex superius adductis testimoniis auctorum patet manifestè. Sed habemus nos etiam nunc præter hastas, alia ad talia patrandam, qualia quondam licuere Phalaricis, jacula, ex tormentis nostratibus emit-

emittenda. Itaque nunc in assultibus duntaxat tam munimentorum, quàm & navium à militibus manibus præferuntur. Et revera horrenda summopere talia sunt arma si benè virtus eorum expendatur: tot namque armati sunt sclopetis milites quot ictus ferrei inditi: & unus miles talem hastam præferens, plurimorum sclopetariorum vices gerit: immò longe eosdem superat, nam & glandibus sclopetariis, & igne, & hastâ pugnat: & si noctu fiat hostilis assultus, copiosum lumen suis præbet, ut discussis nocturnis tenebris, detegantur hostium molimina.

CAPVT X.

De Tubis igneis.

Vnicam quidem tantùm tuborum igneorum militarium depinximus speciem sub Numero 226, quæ similis est illi recreativorum tuborum speciei sub Numero. 195. Sed nihil obstat quo minùs & illæ omnes recreativæ in bellicis usurpentur occasionibus, demptis duntaxat illis quæ ad festivos pertinent ignes, & illis additis quæ in hostium perniciem parare docuimus, granatis videlicet manualibus, ictibus, aliisque id genus: quemadmodum id & in apposita figura expressimus, ubi locò ictuum papyraceorum, firmiter affiximus extimæ tubi superficiem ictus nostros militares. Aliud item est in quo recreativi ab hisce militaribus discrepabunt: nempe quod semper portatiles isti sint faciendi, hastarum, superius descriptarum in morem. Cæterùm moneo ictus omnes sic esse disponendos ut in faciem hostium sint directi, atque exonerentur.

Epilogus.

Jam amice lector absolvimus pensum partis primæ nostræ Artilleriæ, ut nostra valuit infirmitas. Si ad te & omnes bonos hinc aliqua perveniat utilitas, non nos laboris, & impensæ operæ, collocatarumque horarum pœnitebit. Immò si grata acceptaque tibi hæc fore intellexerimus, ad sublimiora conscribenda erigemus animum: hæc enim præludia duntaxat sunt eorum, quæ publicæ utilitati dicare in animum induximus; si Divinum faverit numen. Fatemur plurima nos in hoc opusculo ad ignes tam festivos quàm & serios spectantia prætermisisse, non tam ignorata nobis, quàm contempta, aut dilata, quædam autem jam præoccupata: importunitati etiam festinantis typographi aliquid tribuendum. Porro si in re quapiam lapsi sumus, aut aliquid inconcinne diximus, ut id nos persæpè fecisse scimus, veniam postulamus, nec reformidamus argui; dummodo ab amicis & amicè id fiat: contumeliosa castigatio momis & invidis propria est bambalionibus. Horum nos perversa contemnere potius solemus iudicia, quàm deprecari. Sed an non magis etiam conducebat ad opinionem bonæ existimationis conservandam apud eos quibus benè noti sumus, silentium quàm audacia, idque in tali materia, quæ plurium facultatum involuit notitiam, ut difficile fuerit non in aliqua re piaculum commisisse; & malevolis (quorum mihi magna copia) in bonam bonorum semper inhiantium famam, vel minimam ad carpendum non dedisse occasionem. Sed nec hæc talia terrent nos, prudentes quippe amici, amicorum facient officium: cum bardis & hostibus paribus cer-

tare, est naturam eorum induere velle. Cæterum non me meorum fallit amor, hominem me, & omnibus obnoxium fallaciis erroribusq; non diffiteor. Sed & in omnibus humanis rebus nugæ multæ multa temeritas, multæ superstitiones, multæ ineptiæ, interquas & hæc nostræ, ut cum Scaligero loquamur, concludamusque.

Principio sine principio, Fini sine fine, Diei sine nocte, Opifici sine merce, Creatori sine dispendio, Scientiæ sine disciplina, Triumphatori sine bello, Perpetitati sine momentis.
Laus Honor & Gloria.

Excusatio.

Id unicum in votis habuimus amice lector ut primus hic ingenii nostri parvus quantum humana fert possibilitas perfectus, omnibusque numeris absolutus, lucem aspiceret, inque tuum veniret conspectum. Sed præter illa in quibus forsan ex communi omnibus mortalibus fragilitate hallucinati sumus, irrepsere quædam ablepsie, quæ vel nostram sanè sedulam diligentiam effugerunt, vel per operarum orthographiæ & accurationi nostræ non assuetarum ruditatem, aut incuriam: sed neque corrector omni culpâ vacat, cujus incumberebat muneri in nostra absentia hoc opusculum à typi mendis repurgare. Ut ut est, ignosce nobis, hominesque nos esse memento; atque notabiliora quædam sensum perturbantia, & remoram in legendo facientia, quæ nobis occurrunt, & quæ calamo non correximus, sic corrige.

Pag. 3. regul. 41. leg. 228. p. 4. r. 5. l. 277. p. 6. r. 15. col. 5. l. 61. p. 14. r. 43. l. 1. F. P. 15. r. 36. l. 253. p. 16. r. 18. l. 1728. p. 25. r. 21. l. 12. p. 51. r. 25. post Amsterodamensem, adde achaniem p. 54. r. 15. l. Stopum. p. 55. r. 10. l. earundem. p. 63. r. 15. l. sit. p. 75. r. 2. l. illa. p. 76. r. 24. l. vitreata. p. 77. r. 42. l. hic. p. 82. r. 34. l. vegetumque. p. 88. r. 9. l. humor. ibid. r. ult. l. repositi. p. 89. r. 2. l. contusi. p. 115. r. 3. l. quantitas. p. 116. r. 32. post qui, adde in. p. 119. r. 34. pro illi leg. sibi. p. 136. r. 7. l. recreativum. p. 144. r. 34. l. construendus est. p. 154. l. granatarum. ibid. r. 13. l. vincies. p. 152. r. 23. l. moneo. ibid. r. 25. l. tractorius. ib. r. 31. l. novæ. p. 154. r. 46. l. medicorum. p. 155. r. 19. l. Gabaz. p. 155. r. 42. l. imaginativa. p. 157. r. 44. l. mortariorum. p. 159. r. 19. l. invidia. ibid. r. 21. l. ignaros. p. 160. r. 28. l. calibrandis. p. 161. r. 10. l. iuventus. ibid. r. 23. l. quilibet. p. 165. r. 42. l. præparatam. p. 168. r. 16. l. nullum. p. 170. r. 43. l. accedentibus. ibid. 48. post ut, adde sc. p. 173. r. 18. l. difficilis. p. 178. r. 6. l. propius. ibid. r. 27. l. diameter. p. 184. r. 34. l. pulvere. p. 184. r. 38. l. Salinitri. p. 189. r. 13. l. inertemque. ibid. 24. l. iique. p. 192. r. 25. l. unâ. p. 198. r. 30. l. digessimus. p. 199. r. 15. l. incendenda. p. 204. r. 2. l. præpara. p. 208. r. 29. l. nubem. p. 211. r. 3. l. procedat, vel promineat. ibid. r. 22. l. insertâ. p. 216. r. 36. l. strige, & sic aliquoties peccatum. p. 230. r. 16. l. Rotarum. pag. 247. r. 2. l. massas. p. 173. r. 12. l. latitudinis pro longitudinis poster:

Reliqua menda cum occurrerint lector supplere poterit.

Figuræ quædam ad hoc opus pertinentes quod minus diligenter, & concinnè elaboratæ sint, chalcographum culpæ debes lector: nos enim in iis de-neandis perquam seduli fuimus. Speramus tamen nullam te in iis intelligendis habiturum difficultatem: descriptiones enim nostræ pauló tufiori stylo conceptæ lucem iis adferent. Notitia nihilominus terminorum artis nostræ, operumque Pyrotechnicorum ocularis inspectio, vel praxis manualis, lectioni conjungenda, ut fructus inde aliquis percipi queat.

ELEN-

ELENCHVS. LIBRORUM, CAPITUM,

Appendicum, & Corollariorum, hujus Partis Primæ,
Artilleriæ.

CAPITA LIBRI PRIMI

De Regula Calibræ.

I. De modo Arithmetico construendi Regulam Calibræ.	Pag. 2
II. De modo Geometrico construendi Regulam Calibræ.	6
III. De modo Mechanico construendi Regulam Calibræ.	8
Appendix. De modo quodam facillimo construendi Regulam Calibræ.	11
IV. De modo inveniendarum, transferendarumque in Regulam Calibræ, diametrorum globorum: quorum pondus integram libram non exæquat: datâ diametro globi I. &c.	12
V. De modo inveniendi &c. globi diametrum, ex diametro globi plures &c. pendente.	13
VI. De modo inveniendæ soliditatis cujuslibet globi in pollicibus cubicis, aut alia quapiam famosa mensura.	15
VII. De modo quo diameter incognitæ magnitudinis globi, in certa aliqua data mensura, ex diametro &c. I globi, ex eodem metallo facti, in numeris invenienda sit.	16
VIII. De instituyendo Regulæ Calibræ examine, ejusque præcipuo in re Pyrotechnicâ usu.	ibid.
IX. De mutua Metallorum, & Mineralium inter se ratione, seu quomodo ex pondere, vel magnitudine unius metallici corporis, alterius pondus, vel magnitudo invenienda sit. Nec non de annotandis in Regula Calibræ ex variis metallis & mineralibus factorum globorum diametris.	18
X. De Ponderibus, eorumque differentiis, & coæquationibus.	23
XI. De Instrumentis ponderatoriis.	32
XII. De Mensuris tam liquidorum quàm aridorum, veteribus & nostratibus ad pondera reductis.	38
XIII. De Mensuris intervallorum.	55

CAPITA LIBRI SECUNDI.

De Materiis & materialis in Pyrotechnia usurpari solitis.

I. De Origine Salisnitri, ejusque natura & operationibus.	61
II. De modo præparandi Salemnitri ex terra salnitrosa.	65
III. De Salenitri clarificando.	68
IV. De Salenitri reducendo in farinam.	69
V. De præparando salenitri ex flore murario.	ibid.
VI. De præparando Salprotrico ex salenitri.	ibid.
VII. De experimentis bonitatis salisnitri.	70
VIII. De modo purgandi salemnitri ab omni noxia materia: ut sunt Sal commune, Vitriolum, Alumen, & omnis pinguedo.	ibid.

Nn 3

IX. De

ELENCHUS.

<i>IX. De modo clarificandi Sulphur commune.</i>	71
<i>X. De Oleo simplici ex Salenitri præparando.</i>	ibid.
<i>XI. De Oleo ex sulphure præparando.</i>	72
<i>XII. De Oleo ex Sulphure & Salenitri simul mixtis præparando.</i>	ibid.
<i>XIII. De præparandis Carbonibus ad pulverem tormentarium, & alios usus in re Pyrotechnica.</i>	73
<i>XIV. De Pulvere pyrio conficiendo.</i>	ibid.
<i>XV. De Pulvere pyrio variis coloribus colorato.</i>	76
<i>XVI. De Pulvere muto.</i>	ibid.
<i>XVI. De experimentis Pulveris Pyrii.</i>	77
<i>XVIII. De Pulvere Pyrio vitiato confortando & reparando.</i>	78
<i>XIX. De ædificiis seu reconditoriis Pulveris Pyrii, plurimisque observationibus, quomodo nimirum pulvis construi, asservari, & ab omni tam ignis, quàm humidi periculo, aliisque accidentibus præcustodiri debeat, ut semper incorruptus, vegetusque maneat.</i>	79
<i>XX. De proprietatibus & Officiis in Pulvere Pyrio cujuslibet materiæ sigillatim sumptæ, ex quibus pulvis ille componitur, & præparatur.</i>	83
<i>XXI. De Auro fulminanti ex Basilica Chymica Osualdi Crolii</i>	84
<i>XXIII. De præparatione Florum Belzoi.</i>	85
<i>XXIII. De Camphoræ præparatione.</i>	86
<i>XXIV. De aqua ex Sale Ammoniaco.</i>	87
<i>XXV. De aqua quadam artificiosa innoxie super palma manus ardente.</i>	ibid.
<i>XXVI. De præparandis funibus incendiariis.</i>	ibid.
<i>XXVII. De præparandis funibus incendiariis, omnifumo & fætore in ardendo carentibus.</i>	88
<i>XXVIII. De præparandis spongiis Pyrotechnicis.</i>	ibid.
<i>XXIX. De præparandis stuppis Pyrotechnicis, ad ignes artificiales.</i>	89
<i>XXX. De Sapientiæ luto præparando.</i>	ibid.
<i>XXXI. De aliquot probatissimis antidotis contra ambustiones, pulvere pyrio, sulphure, ferro candenti, plumbo liquefacto, & alias, hisce similibus factas.</i>	90
<i>XXXII. De novo quodam instrumento ad mensurandum pulverem pyrium, salenitri, sulphur, & carbones. Nec non de cribro ad cribrandas dictas materias, aliisque instrumentis ad terendas & molliendas easdem spectantibus.</i>	91

CAPITA LIBRI TERTII.

De Rochetis.

<i>I. De Formis seu modellis tam ligneis quàm metallicis, ad construendas Rochetas parvas, & mediocres.</i>	92
<i>II. Formis seu modellis ad Rochetas majores construendas.</i>	94
<i>III. De Instrumentis variis ad formandas, constringendas, ligandas & onerandas Rochetas omnis generis.</i>	98
<i>IV. De Alligandis materiis, & compositionibus præparandis ad onerandas omnis generis Rochetas.</i>	102
<i>V. De Terebratione Rochetarum, & instrumentis eò spectantibus.</i>	107
<i>VI. De Rochetis in altum scandentibus, cum perticis.</i>	109
<i>VII. De Rochetis absque Perticis in altum scandentibus.</i>	114
<i>VIII. De Rochetis aquaticis, seu in aquis natando ardentibus.</i>	115
<i>IX. De Rochetis super funibus currentibus.</i>	116
<i>X. Variis Rochetarum vitiis, quomodo illa vitanda, & quid observandum ut rite construantur.</i>	117

CA-

ELENCHUS. CAPITA LIBRI QVARTI.

De Globis.

CAPITA PARTIS PRIMÆ.

De Globis Recreativis.

<i>I. De Globis Recreativis Aquaticis, seu in aqua natando ardentibus.</i>	122
<i>Corollarium I. De Globis aquaticis Odoriferis.</i>	127
<i>Corollarium II. De compositionibus ad globos aquaticos, seu in aquis & sub aquis arduentes onerandos.</i>	ibid.
<i>Corollarium III. De globorum aquaticorum iusto pondere determinando.</i>	130
<i>II. De Globis recreativis saltantibus super planis horizontalibus.</i>	135
<i>III. De Globis recreativis aëreis, ex mortariis ejiciendis.</i>	136
<i>Corollarium I. De Globis lucentibus, quales ignibus recreativis adhibere solemus.</i>	140
<i>Germanis Licht-kugel dictis.</i>	ibid.
<i>Corollarium II. De Stellis, & Scintillis igneis Pyrotechnicis, quas Germani Stern-veuer & Veuerputzen dicunt.</i>	ibid.
<i>Corollarium III. De modo ejiciendi globos recreativos ex mortariis, & de pulveris quantitate ad hoc opus necessaria, nec non de cameris pro pulvere hoc reponendo.</i>	141
<i>Corollarium IV. De ictibus ad ignes artificiales Recreativos.</i>	147

CAPITA PARTIS SECUNDÆ.

De Globis seriis, seu ad bellicos usus spectantibus.

<i>I. De Granatis manualibus.</i>	149
<i>Corollarium de projectione Granatarum Manualium.</i>	151
<i>II. De Granatis ex mortariis ejici solitis.</i>	158
<i>III. De Granatis quas cæcas vocant.</i>	165
<i>IV. De Granatis ex tormentis majoribus bellicis ejaculari solitis.</i>	166
<i>V. De Globis incendiariis, seu ignitis, quos Galli Boulets a feu, Itali Palle di fuoco, Germani Ernst & Feuer-kugelen, Belgæ Vyer-ballen, nos vero Ogni-ste-kule dicimus.</i>	171
<i>Corollarium I. De figuris variis globorum Pyrotechnicorum, quæ nam ex illis tam ad impetus à potentia movente recipiendos, quam ad cursum per aëra aptiores sunt.</i>	182
<i>Corollarium II. De ictibus variis Pyrotechnicis ad bellicos usus spectantibus.</i>	192
<i>Corollarium III. De variis Globorum ignitorum ligamentorum formis, eorumque nominibus.</i>	193
<i>VI. De Globo ligneo granatis manualibus onusto.</i>	194
<i>VII. De Globo ligneo multiplici.</i>	195
<i>VIII. De Pluvia ignea.</i>	166
<i>IX. De Globis lucentibus,</i>	203
<i>X. De Globis obcæcantibus, seu vehementem eructantibus fumum: quos Germani Dampf & Blend-kugelen vocant.</i>	205
<i>XI. De Globis venenatis.</i>	207
<i>XII. De Globis Fætidis.</i>	212
<i>XIII. De Globo quem Pyrotechnici Caput Mortuum vccant,</i>	214
<i>XIV. De Globo quem Famulum seu servum Pyrotechnici dicunt.</i>	ibid.
<i>XV. De Manipulo Pyrotechnico,</i>	215
<i>XVI. De Globis Pyrotechnicis qui clam & secretò in loco quopiam récondi possunt, ut destinato tempore suos faciant effectus.</i>	ibid.
<i>XVII. De Globis ferreis candentibus.</i>	217
<i>XVIII. De Grandine Pyrotechnica.</i>	219
<i>XIX. De Variis Globis ferreis catenatis, & hisce similibus aliis.</i>	220

CA.

ELENCHUS.

CAPITA LIBRI QVINTI.

De variis Machinis, Molibus, Massis, Missilibus, Armisque Pyrotechnicis, tam recreativis, quàm feriis & militaribus.

CAPITA PARTIS PRIMÆ.

De Machinis & Molibus, Massis, Missilibus, Armisque Pyrotechnicis artificialibus Recreativis.

I. De Clypeis & Scuris igneis.	Pag. 225,
II. De Acinacibus igneis.	228
III. De Semispathis igneis.	ibid.
IV. De Gladiis igneis.	229
V. De Perticis igneis.	ibid.
VI. De Rotis igneis.	ibid.
VII. De Clavis igneis.	231
VIII. De Baculo igneo.	232
IX. De Calice igneo.	ibid.
X. De Tubis igneis.	233
XI. De variis Machinis Molibusque Pyrotechnicis recreativis, compositis ex Rochetis, Idlibus, Globis, Rotis, Clypeis, Clavis, Acinacibus, Gladiis, Perticis, Baculis, Tubis, aliisque hisce similibus.	239

CAPITA PARTIS SECUNDÆ.

De Massis, Missilibus, Armisque Pyrotechnicis militaribus & feriis.

I. De Ollis, Phialis, Lagenis, Urnis, Congitis &c. igneis.	Pag. 269
II. De Coronis & Sertis igneis quæ Germani Pech & Sturm-kranzen dicunt.	271
III. De Circulis seu sphaeris igneis.	272
IV. De Cylindris igneis.	173
V. De Saccis igneis.	275
VI. De Cupis seu Doliis igneis.	276
VII. De Facibus Pyrotechnicis.	278
VIII. De Sagittis igneis.	179
IX. De Hastis igneis.	281
X. De Tubis igneis.	283

F I N I S.

